



BIBLIOTECA NAZ.
Vittorio Emanuele III

XVI

B


6

NAPOLI



C. IV. L. 2.





INSTITUTIONES
JURIS
ECCLESIASTICI,
MAXIME PRIVATI,
ORDINE DECRETALIU.

AUCTORE
JAC. ANT. ZALLINGER
AD TURRIM,

S. S. THEOLOGIÆ AC JURIS UTRIUSQUE
DOCTORE,
ET IN LYCEO CATHOLICO AUGUSTANO
AD S. SALVATOREM S. S. CANONUM
PROFESSORE PUBLICO
ORDINARIO.

LIBER IV. DECRETALIU.

CUM APPROBATIONE RRMI ORDINARIATUS.

AUGUSTÆ VINDELICORUM,
SUMPTIBUS MATTHÆI RIEGER P. M. FILIORUM.
MDCXCIII.



Impii homines hujus seculi de venerabili Sacramento Matrimonii - - multa ab Ecclesie Catholicæ sensu, & ab Apostolorum temporibus probata consuetudine aliena scripto & verbo asserunt, non sine magna Christi fidelium iactura.

***SS. Concilium Tridentinum Sess. XXIV.
Doctrin. de Sacramento Matrimonii.***





PRÆFATIO.

Doctrinam Catholicæ Ecclesiæ de Sacramento Matrimonii, sacrosque & saluberrimos Canones, quibus eadem conjugiorum tuetur honestatem, amplecterentur profecto homines lubentibus animis, maximoque commendarent opere Doctores, si & rationis humanæ infirmitatem, & sexcenta in re lubrica labendi, errandique pericula, unaque divinæ Justitiæ in vindicandis flagitiosis complexibus incredibilem severitatem expenderent, fideique cœlestis luce contuerentur. Ultus est Deus primorum jam temporum infausta conjugia, inter filios Dei inita, filiosque hominum, & pejorem parentibus sobolem diluvio suffocavit: ultus est execrandas civitatum libidines, atque in eas gehennam de cœlo misit: ultus est gentem adulteram, in qua sanguis sanguinem tetigit, & unusquisque ad uxorem proximi sui hinniebat. *Auferte* (dixit per Prophetam) *propagines ejus; quia non sunt Domini.* Hæc nempe sunt, *propter quæ venit ira Dei in filios diffidentiae.*

Posteaquam dein divinus Servator, ut humanæ opitularetur fragilitati, oneraque levaret conjugiorum, mysterii cœlestis significationem, gratiamque Sacramenti iisdem annexuit, dici non potest, quantum negotii Ecclesiæ Pastoribus fecerint profanæ Ethnicorum leges, & inveteratæ consuetudinum pravitates, donec integritati suæ restituerent Christianorum matrimonia, atque ad eam conformarent honestatem, quæ Sanctos decet. Clamabat Paulus: *Honorabile connubium in omnibus. Quæ conventio Christi ad Belial?* Clamabat Hieronymus: *Aliæ sunt leges Cæsarum, aliæ Christi; aliud Papinianus, aliud Paulus noster præcipit.* Clamabat Ambrosius: *Nemo sibi blandiatur de legibus hominum. - - Tolerabilior est, si lateat culpa, quam si culpæ usurpetur auctoritas. - - Lex humana non prohibet: sed divina prohibet.* Clamabant Summi Pontifices, Innocentius I. & Leo I., *ne separet homo, quod Deus junxit.*

Factum est divina favente gratia, ut legibus seculi prævalerent Ecclesiæ leges, & generales iique sanctissimi Canones de matrimoniis recte ineundis ubique haberentur in honore, & colerentur multis ætatibus; cum seculo sexto decimo novum & fidei divinæ, & Ecclesiasticæ disciplinæ indictum

dictum est bellum; quo religionis dogmata ad privatas cujusque opinionationes detorta, deformataque, & conjugiorum leges magnam partem abjectæ, & conculcatæ sunt; abscissa veluti radice sacrarum legum, nempe ratione veri, propriique Sacramenti fidelium matrimoniis detracta. Unde SS. Concilium Tridentinum Sess. XXIV. in Doctrina de Sacramento Matr.: *Cum Matrimonium, inquit, in Lege Evangelica veteribus connubiis per Christum gratia præstet; merito inter novæ legis Sacramenta annumerandum, sancti Patres nostri, Concilia, & universalis Ecclesiæ Traditio semper docuerunt: adversus quam impii homines hujus sæculi insanientes, non solum perperam de hoc venerabili Sacramento senserunt, sed de more suo prætextu Evangelii libertatem carnis introducentes, multa ab Ecclesiæ Catholicæ sensu, & ab Apostolorum temporibus probata consuetudine aliena scripto & verbo asserunt, non sine magna Christi fidelium jactura.* In hunc modum præfata sancta Synodus de Sacramento Matrimonii, ejusmodi & Canones fidei, & reformationis Decreta edidit, ut conjugiorum sanctitas firmitasque contra Novatorum errores, aliorumque pravorum usus in tuto collocata omnibus Catholicis visa sit.

At postremis hisce temporibus nova fidelium matrimoniis pericula imminuerunt ab hominibus temerariis, qui multa ab Ecclesiæ Catholicæ sensu, atque ab Apostolorum temporibus probata consuetudine aliena protulerunt in lucem, non Evangelii, quod Protestantes fecerant, sed rationis humanæ, quam jactitant, jurisque naturalis itidem ratione cogniti obtentu, quasi heri primum, aut nudius tertius puræ rationis lumen nescio quis Prometheus devexisset in terras. Atque hi quidem, etsi Sacramenti dignitatem non omnibus auferant Catholicorum conjugiiis; tamen eandem a contractu matrimonii penitus separari, scindique posse, atque ita separari & scindi posse asserunt, ut totum id, quod contractum efficit, indeque provenientia jura, tum contrahentium arbitrio, tum magistratuum politicorum legibus subjaceant. Nec verentur Protestantium invidere sortem, & palam conqueri, eos melioris, ac Catholicos, conditionis esse; cum variis ex causis scindant conjugiorum vincula, & excutiendi jugi libertatem præbeant; quod nefas haberetur apud Catholicos, & incassum tentaretur. Fingunt dein, aut certe stolide sibi persuadent, totius humani generis, cum de nuptiis tractant, causam se agere, atque optime mereri de re publica, & civitate, in qua degunt, si nuptiarum æstum

æstum incitent; unde fit, ut quam acerbè stomachari solent hominum sacrorum continentiam; tam cito, facileque veniam dent meretricibus, de partuum multitudine multo plus, quam honestate nuptiarum solliciti: neque enim multum interesse putant, quâ ratione civium numerus augeatur, fornicatione, adulterio, incestu, sacrilegio, an legitimo matrimonio. Nolim addere, quanta procacitate, bonorumque offensione de re matrimoniali differant cæci homines, vere *despumantes confusiones suas*. Hæc ob eam causam commemoravi, ut intelligeret unusquisque, quanta reverentia in re gravissima, eaque summe periculosa excipiendi sint, quantoque studio colendi sacri Canones, divino nempe Spiritu conditi, & totius mundi reverentia consecrati. De ordine ac methodo hujus libri dicere nihil attinet. Totus enim de sponsalibus agit & matrimoniis rite contrahendis; tum de effectibus ac juribus; de firmitate item, aut dissolutione eorumdum; quemadmodum Titulorum series fatis jam per se ordinata exhibet.



SERIES TITULORUM

LIBRI IV. DECRETALIIUM.

I. De Sponsalibus & Matrimonio.	-	<i>Pag. I</i>
II. De Desponsatione impuberum.	-	47
III. De clandestina Desponsatione.	-	50
IV. De Sponfa duorum.	- -	70
V. De Conditionibus apposis in Desponsatione, vel in aliis Contractibus.	- -	75
VI. Qui Clerici vel Voventes matrimonium contrahere possunt.	- -	95
VII. De eo, qui duxit in matrimonium, quam polluit per adulterium.	- -	102
VIII. De Conjugio Leprosorum.	-	104
IX. De Conjugio Servorum.	-	<i>ibid.</i>
X. De Natis ex libero ventre.	-	<i>ibid.</i>
XI. De Cognatione spirituali.	-	107
XII. De Cognatione legali.	- -	<i>ibid.</i>
XIII. De eo, qui cognovit consanguineam Uxoris suæ, vel Sponsæ.	- -	<i>ibid.</i>
XIV. De Consanguinitate & Affinitate.		<i>ibid.</i>
XV. De Frigidis & Maleficiatis, & Impotentia coeundi.	- - -	138
XVI. De Matrimonio contracto contra interdictum Ecclesiæ.	- - -	143
XVII. Qui sint Filii legitimi.	- -	158
XVIII. Qui Matrimonium accusare possunt, vel contra illud testificari.	- -	170
XIX. De Divortiis.	- - -	174
XX. De Donationibus inter virum & uxorem, & de Dote post divortium restituenda.		195
XXI. De secundis Nuptiis.	- -	203





TITULUS I.

DE SPONSALIBUS ET MATRIMONIIS.

ARGUMENTUM.

- I. Matrimonii notio ac finis. §. 1. II. Sponsalia de futuro. §. 9. III. Matrimoniis fidelium inest ratio Sacramenti, quæ separari non potest a contractu §. 15. IV. De impedimentis matrimonii, generatim. §. 23. V. In specie de impedimento erroris, vis, raptus, disparitatis cultus. §. 38.*

§. I.

SPONSALIA sunt via ad matrimonium, & ipsa tractatione passim præmitti a Scriptoribus solent. Sed quoniam via nec recte investigari, nec arripi potest, nisi præmonstrata, quantum necesse est, meta; videntur generales de Matrimonio notiones primo exponendæ. Jus omne matrimoniale nititur legibus *divinis*, naturalibus & positivis: legibus *Ecclesiasticis* ratione Sacramenti: legibus *Civilibus* ob jura maritorum, uxorum, prolium iisdem constituta (a).

(a) *S. Thomas contra Gentes l. 4. c. 78. de Sacramento matrimonii ita differit: Quando aliquid ad diversos fines ordinatur, indiget habere diversa dirigentia in finem: quia finis est proportionatus agenti. Generatio autem humana ad multa ordinatur, scilicet ad perpetuitatem speciei, & ad perpetuitatem alicujus boni politici, puta populi in aliqua civitate: ordinatur etiam ad perpetuitatem Ecclesiæ; quæ in fidelium collectione consistit. Unde oportet, quod hujusmodi generatio a diversis dirigatur.*

§. 2. I. *Natura*, eiusque auctor legitimam conjunctionem maris & feminae instituit tanquam unicum medium humani generis conservandi ac propagandi: pro mutuo item solatio ac subsidio conjugum; ex quo etiam concupiscentiae remedium provenit (b). In hos fines inditi sunt hominibus stimuli, bestiis communes (c), qui, nisi ratione & legibus regantur, facile eos obtecant, atque ad turpissima incitant flagitia; si praesertim ad depravationem naturae prava aliorum exempla, atque etiam nefariae & impiae doctrinae accedant; quae iustissima fuit Patrum Concilii Tridentini querela, pari jure ingeminanda hoc aëvo. Sess. XXIV. princ. Doctrina de Sacramento Matrimonii.

(b) *Gen. II. 18. seq. I. Corinth. VII. 2. seq. S. Thomas in IV. dist. 26. q. 2. a. 2. Et 3.*

(c) *L. I. §. 3. D. de J. Et J.*

§. 3. In lege Evangelica Christus matrimonium ad primævum statum, eumque indissolubilem reduxit, abrogato libello repudii; idemque signum esse voluit conjunctionis suae cum Ecclesia, addita veri, propriique Sacramenti gratia; ac proposito praeterea virginitatis, cœlibatus, & perpetuae castitatis consilio (d). Unde genuina theoriae & praxeos principia de matrimonio ex Ss. Concilio Trid. Sess. XXIV. petenda sunt, recepta in foro etiam politico Catholicorum. Haecenus dictum est de legibus *divinis*.

(d) *Matth. XIX. 5 usque ad v. 13. Marci X. 2. seq. Ephes. V. 31. I. Cor. VI. 16.*

§. 4. II. *Ecclesiasticae leges* de matrimoniis ab ipso Ecclesiae principio latae sunt variae, per quas non modo conservatum ac declaratum fuit ius divinum de iisdem recte contrahendis, ferendisque, sed praeterea

præterea honestati consultum, ut matrimonium esset *honorabile in omnibus*, & *thorus immaculatus* (e). Christus enim eo ipso, quod illud ad rationem & dignitatem Sacramenti elevarit, Ecclesiæ jurisdictioni idem subjecit, ratione vinculi potissimum, ob quod sacram significationem, atque indissolubilem nexum matrimonia acceperunt; uti docet Concil. Trid. l. c. princ. Præterea necesse omnino est, ut Ecclesia illum præcipue contractum, qui plurimis animæ periculis expositus est, inter fideles ad honestatis leges exigeret; cum is ad prolem non tantum generandam, sed etiam sancte educandam, adeoque ad amplificandam spiritualem civitatem Dei sit institutus, & ob id ad dignitatem Sacramenti elevatus.

(e) *Hebr. XIII. 4.*

§. 5. III. *Leges civiles* matrimoniis etiam infidelium, qui Ecclesiæ subiecti non sunt, provide-
runt: divinas dein, & Ecclesiasticas leges addita sanctione firmarunt: multa de juribus conjugum etiam fidelium, de statu & conditione prolium, de contubernio fervorum, de disparagiis sive matrimoniis inter personas disparis fortunæ, quoad civiles effectus ordinarunt.

§. 6. Per leges divinas, ecclesiasticas, civiles prohibentur in primis ea, quæ fini, aut honestati matrimonii repugnant: dein genuina ejusdem notio definitur. Ac I. gravissime interdictus est quivis libidinis actus, qui per se ad generationem prolis est ineptus, uti contingit in peccatis contra naturam. II. Interdictus est quivis concubitus inter personas diversi sexus, qui per naturam, vel leges *inhabiles* sunt ad validum inter se matrimonium contrahendum. Quo pertinent impedimenta *dirimentia* matrimonii.

III. Item interdictus concubitus inter personas diversi sexus, quæ, etsi habiles sint, & legitimo matrimonio copulari possent, tamen actu copulatæ nondum sunt; quod fit in vaga scortatione, fornicatione, stupro, concubinato. IV. Quæ personæ legitimo matrimonio copulatæ sunt, non possunt, eo durante ac permanente, aliam personam in matrimonium superinducere. V. Matrimonium autem inter fideles, postquam id carnali copula consummatum est, eo usque durat ac permanet, donec morte alterius conjugis solvatur. De delictis hic indicatis distincte agitur l. V. Decretal. Tit. 16. *de adulteriis & stupro*.

§. 7. Notio matrimonii ex legibus conflatur hæc: *Matrimonium est legitima conjunctio maris & femine, individuum vitæ consuetudinem continens, divinitus instituta in signum conjunctionis Christi cum Ecclesia, habens promissionem gratiæ ad uniendos simul conjugum animos, & prolem pie ac sancte educandam in fide christiana.* Sumitur matrimonium tum pro actuali conventionione, qua mas & femina mutuo sibi tradunt jus in corpora, ad actus ex se aptos ad generationem prolium, atque ad individuum vitæ societatem se obligant (f). Talis conventio proprie appellatur *Connubium*, aut *Nuptiæ*. Can. *Nec illud*. 8. XXX. q. 5. Tum pro statu permanente, nexu aut vinculo, quod per hanc conventionem inducitur. Unde *Conjugium*, aut *Consortium* nuncupatur. Præterea spectatur matrimonium ut *contractus* naturalis aut civilis, vel ut *Sacramentum*.

(f) I. Cor. VII. 4. Mulier sui corporis potestatem non habet, sed vir; similiter autem & vir sui corporis potestatem non habet, sed mulier. *In hac translatione juris ad actus conjugales, non in ipso juris usu, essentia matrimonii sita est. Nam utroque Jure recepta est regula: Nuptias non concubitus, sed consensus facit. l. 30. D. de R. J. Can. 5. XXVII. q. 2.*

§. 8.

§. 8. Proposita notione matrimonii, per *Sponsalia* (de futuro) intelligenda est *mutua promissio futuri matrimonii*, ita, ut mas et femina ad contrahendum matrimonium habiles, uterque matrimonium promittant, & alterius promissionem acceptent (g). *Sponsalia dicta sunt a spondendo. Nam moris fuit Veteribus, stipulari & spondere sibi uxores futuras.* l. 2. D. de Sponsalib. Hinc appellantur *Sponsalia de futuro*: ipsum autem matrimonium, antequam copula carnali consummetur, sive nuptiæ, *Sponsalia de præsentī*, sive matrimonium *ratum*: postea *consummatum*. Distinctio recte fit; quia sponsalia de futuro, sponsalia de præsentī, seu matrimonium ratum, & demum matrimonium consummatum effectu differunt. Sponsalia de futuro sunt actus *promissorius*, qui mutuo dissensu dissolvi potest, etsi juramento fuerit firmatus; quique conditionem in se continet: *si potero*: aut, *rebus sic stantibus* & notabiliter non mutatis. At Sponsalia de præsentī sunt actus *executivus*, quo jus ad actus conjugales jam translatus, traditumque est cum omni periculo & commodo. Idcirco censentur vinculum fortius, quam sponsalia de futuro; sic tamen, ut hæc ipsa sponsalia de præsentī, antequam matrimonium consummetur, solvi possint professione religiosa: at matrimonium consummatum inter fideles solvi non possit, nisi per mortem unius conjugis (h). Neque nova est re ipsa distinctio. Nam c. 1. de sponsa duor. S. Augustinus distinguit inter *fidem passionis*, & *fidem consensus*. Illa denotat sponsalia de futuro: hæc vero sponsalia de præsentī.

(g) L. 1. D. de Spons. Mentio & repromissio nuptiarum futurarum. can. Nostrates. 3. XXX. q. 5. ibi: Sponsalia sunt futurarum nuptiarum promissa, foedera quoque consensu eorum, qui hæc contrahunt &c. Qui repromittit, hoc est, promittenti vicissim promittit, eo ipso acceptare alterius promissum, adunque sponsalium

litium complere censetur; at qui factam promissionem acceptat, nec tamen repromittit, non tam vera sponsalia complet, quam spatium deliberandi sibi reservat. Est id pactum alterius generis, non sponsalitium; neque effectum habet sponsalibus proprium.

- (h) *Ad matrimonium consummatum pertinet dictum Christi Matth. XIX. 5. 6. Erunt duo in carne una. - - Quod ergo Deus conjunxit, homo non separet. Conf. Concil. Trid. can. 6. de Sacram. Matrim. Et c. 7. de convers. conjug. adde c. ult. de Sponsal. c. 2. Et ult. de Sponsa duorum.*

§. 9. Sponsalia de futuro, ac de præsentī continent rationem contractus, aut certe pacti in genere (i). Quæ ergo de pactis & contractibus generatim decisa sunt, ac expendi debent, huc pertinent. I. *Requisita voluntatis*, ac consensus. II. *Jus*, & libera facultas ineundi sponsalia. III. *Objectum*. IV. *Obligatio*, aliique effectus proprii sponsalium. Conf. dicta L. I. tit. 35. de Pactis.

- (i) *Matrimonium certe, quatenus pro actu, aut conventionē sumitur, passim adnumeratur contractibus. Si indissolubile est, Et inter duas tantum personas diversi sexus iniri potest, non sequitur, id pro contractu habendum non esse, sed multa in hoc contractu esse propria ex natura ipsius, Et legibus, quæ in aliis contractibus aliter se habent.*

§. 10. I. *Agendum de consensu*, qui in sponsalibus de futuro tendit ad futuras nuptias: in matrimonio exhibetur de præsentī, ita, ut ab illo tempore, quo consensus præstat, vir mulierem habere velit pro uxore, & mulier virum pro marito c. 9. Utroque casu is consensus debet esse 1. *personalis*, qui nulla humana auctoritate suppleri potest c. 26. in fin. De matrimonio id patet ex ratione Sacramenti; & quia fundatur in amore, & conjunctione animorum. 2. *Internus*, ut absit fictio, & interna voluntatis repugnantia,

pugnantia, qua quis obligari nolit. c. 26. de Spons. Pro foro externo, nisi quis fictionem probet, consensus verus & internus præsumitur ex verbis, & signis externis. l. 7. §. 2. D. de supell. legat. ibi: *Nemo existimandus est dixisse, quod non mente agitaverit.* 3. *Deliberatus*, & a compote rationis præstitus. A furioso, aut ebrio nec sponsalia, nec matrimonium valide contrahitur. c. 24. h. t. nec ab infantibus c. 25. in fin. 4. *Satis expressus* & externe declaratus; quod per signa fieri potest etiam a muto & surdo c. 23. In dubio, si verba aut signa obscura sunt (quod usuvenit aliquando in sponsalibus de futuro) ea secundum communem intelligentiam, & locorum consuetudines sunt accipienda c. 7. In sponsalibus de futuro ex singulari Juris dispositione liberi censentur loqui per os patris & matris; ita, ut ea valida sint, si parentes consensum exhibeant præsentem & tacente filio, aut filia. c. un. §. 2. in 6. Ab hoc casu differt is, quo sponsalia vel matrimonium contrahuntur per procuratorem, qui habeat speciale mandatum, determinatum ad certam personam, non revocatum eo tempore, quo procurator mandatum exequitur; qui exequi illud, saltem quoad matrimonium, per se ipsum debet. c. fin. de Procurat. in 6. adde Clem. un. de Renunt. & l. 4. 5. 6. D. de Spons. Consensui expresso opponitur præsumtus, qui non sufficit. Olim tamen, ante Decretum Concilii Tridentini de matrimoniis clandestinis, & nunc etiam in locis, ubi illud Decretum non viget, si quis post sponsalia de futuro sponsam carnaliter cognorat, præsumebatur consensum de præsentem in matrimonium præstitisse, & quidem præsumptione juris & de jure, contra quam non admittebatur probatio. c. 15. & 30. Similiter si post sponsalia conditionata secuta est copula carnalis inter sponsos, hi præsumebantur a conditione recessisse, & consensum

sensum de præsentī exhibuisse. c. 6. de conditionibus appof. Solus tamen nifus ad copulam, effectu non fecuto, haud fufficiebat. c. fin. de fponf. 5. *Liber ab errore* fubftantiali, ac gravi & injufto metu. De qua re dicendum infra eft, quando agetur de impedimentis (k).

(k) *In pactis & contrahibus confenfus voluntatis non femper eft abfolutus, fed aliquando alligatur ad certas conditiones, ad modos, ad diem &c. Quod idem obtinet in fponfalibus, uti declarabitur tit. 5. de conditionibus appofitis in defponfatione.*

§. II. II. *De jure & facultate contrahendi fponfalia vel matrimonium* decidendum eft: 1. Facultas incundi matrimonii cuivis competit, qui non prohibetur. Fieri enim poteft, ut quis prohibeatur lege naturali, ecclefiaftica, aut politica: & abfolute quidem prohibeatur relate ad quamvis perfonam, quacum conjungi vult: vel limitate ad certam perfonam, aliave adjuncta: præterea ut prohibeatur cum claufula irritante, vel fine ea; quia hoc in negotio fæpe locum habet. Effatum Pontificis c. 16. de Regul. *Multa prohibentur, quæ, fi facta fuerint, roboris obtinent firmitatem.* 2. Libera facultas matrimonii transferenda non eft ad neceffitatem juris, feu obligationem, præfertim propofito Evangelico confilio caftitatis & cælibatus. Conf. Jus Nat. Sociale §. 173. pag. 355. & dicta de Cælibatu L. III. tit. 3. Neceffitas matrimonii pro confervando humano genere univerfos afficit, non fingulos: eftque id jus affirmativum, quod multa pofcit corporis, animi & fortunæ adminicula, ut in ufum deduci queat. 3. Non obftante confilio Evangelico, matrimonium dicitur *favorabile*; quod quidem maxime pertinet ad matrimonium jam contrahitum, ne fine certa ratione diffolvatur; dein etiam ad contrahendum relate ad eos, qui in cælibatu degunt

gunt non sacro (Lib. III. §. 12. not.), & ob certos favores legibus concessos iis, qui nuptias contrahunt (l). 4. Usus istius juris, uti aliorum jurium, in statu adventitio Ecclesiæ & civitatis sæpe alligatus est consensui aliorum, & solemnitatibus tum substanti- libus, sine quibus contractus sponsalium vel matri- monii non valet, tum accidentalibus, quibus omissis actus fit malus, non item nullus; quod explicatur tit. 3. hujus libri *de clandestina desponsatione*. 5. Gra- vissima hoc loco quæstio est de consensu parentum in nuptias liberorum, separatim decidenda.

(l) *L. 22. D. de cond. & dem. ibi*: Quoties sub conditio- ne mulieri legatur: *si non nupserit*; & ejusdem fidei commissum sit, ut *Titio restituat, si nubat*; commode statuitur, etsi nupserit, legatum eam petere posse, & non esse cogendam, fideicommissum præstare. *L. 72. §. 5. ibid. Mavia, si nupserit, fundum, cum morietur, lego*; potest dici, etsi nupserit, eam sta- tim ad legatum admitti. *L. 100. ibid. Titia, si non nupserit, ducenta*; *si nupserit, centum legavit*; nu- pserit mulier; ducenta, non etiam centum relidua pe- tat. *Duo animadvertite*: 1. *Hic favor primis, non etiam secundis nuptiis indulgetur*; uti ostenditur tit. ult. hujus libri *de secundis nuptiis*. 2. *Neque is favor derogat consilio Evangelico*; nam si cui sub conditione nuptia- rum vel liberorum pro dote vel donatione propter nu- ptias aliquid relinquatur, vel legetur; & ejusmodi per- sona honorata monasterium ingrediatur; tamen relictum ei debetur. *Auth. Nisi rogati. C. ad Sct. Trebell. ex Nov. 123. c. 37. item c. 8. de Probat.*

§. 12. *De consensu parentum in nuptias libe- rorum* decidendum est: 1. Eum non requiri ad valo- rem matrimonii. Concil. Trid. Sess. XXIV. c. 1. de ref. matrim. eos anathemate damnat, qui falso affir- mant, matrimonia a filiis familias sine consensu paren- tum contracta, irrita esse, & parentes ea rata vel ir- rita facere posse (m). Sponsalia de futuro insciis pa-
A 5
rentibus

rentibus contracta, si iusta eorum præsumitur indignatio, certe illicita sunt. Nam 2. Liberi in negotio tam gravi tenentur exquirere consilium parentum, eorumque consensum petere; hunc enim honorem debent parentibus, præsertim quod ii contemni se putent, iusteque & graviter doleant, si prætereantur. 3. Parentes iustiores habere causas possunt, ut dissuadeant certas nuptias, quam ut certas invitis liberis obrudant. Priori casu citius contingit, ut liberi teneantur sequi consilium parentum, quam posteriore can. *de neptis*. 3. XXXI. q. 2. ibi: *Quorum enim unum corpus est, debet esse & animus*. Arg. c. 12. de Regular. ibi: *Quæ in ætate nubili noscitur constituta; tunc enim, quia liberum habet arbitrium, in electione propositi sequi parentum non cogitur voluntatem*. can. *præsens*. 4. XX. q. 3. ibi: quod enim quis non eligit, nec optat; profecto non diligit; quod autem non diligit, facile contemnit.

(m) *Leges Romanæ, quæ veteri rigore patriæ potestatis maxime nituntur, in Germania receptæ non sunt, uti patet ex R. J. an. 1548. §. 9. de Sac. Matrimonii.*

§. 13. III. *Objectum sponsalium de futuro*, in quod tendit consensus, sunt *futura nuptiæ*; si ergo inter sponfos nuptiæ irritæ, aut prohibitæ essent, sponsalia nulla sunt, quia non potest concipi obligatio ad actum illicitum, vel irritum. l. 15. & 16. D. de Spons. l. 60. §. 5. D. de ritu nuptiar. Exceptio est l. 10. §. 1. D. de his, qui notantur infamia. Ibi: *Quæ virum eluget, intra id tempus sponsam fuisse, non nocet*. Similis videtur casus sponsalium, quando quis impedimento impediens ad certum tempus restricto arcetur a nuptiis. In sponsalibus *de præsentis* consensus pro objecto habet actuale translationem mutui juris ad actus conjugales. In utroque genere sponsa-

sponsalium persona, sive determinatum individuum, quocum contrahuntur, pertinet ad substantiam actus & consensus; quia fundantur in mutuo amore, & conjunctione animorum; atque ad individuum vitæ societatem tendunt; quæ omnino *personalia* sunt. Hinc si qua persona per leges vel naturam inhabilis est ad ineundum matrimonium, actus sponsalitiæ vel matrimonialis censetur objecto destitui, ac de jure penitus nullus est.

§. 14. IV. *Effectus sponsalium de futuro præcipuus*, est obligatio contrahendi matrimonii, quando altera pars rationabiliter exigit. Ea obligatio, perinde ut in aliis contractibus, firmari potest addito juramento, arrha, aliisque pactis, de quibus agitur tit. 5. *de conditionibus appof. in desponsat.* Estque obligatio gravis pro foro interno, utpote in re gravi; quia sine gravi injuria, justoque mœrore pars altera repudiari ab altera non potest. Judex ecclesiasticus eum, qui promissum sine justa causa servare detrectat, etiam intentatis minis ad implendam obligationem adigit. c. 10. h. t. Cum tamen *coactiones difficiles soleant exitus frequenter habere* c. 17. eod.; provide utendum est gladio spirituali, si ob animi aversionem magna immineant scandala (n). Sponsalium *de præfenti* effectus est, ut inducant statum conjugis, qui per sese in complexione jurium & obligationum matrimonialium est situs. Alius sponsalium effectus consistit in *justitia publicæ honestatis*, vi cujus post sponsalia valida de futuro neuter sponsus alia sponsalia vel matrimonium valide contrahere potest cum alterius partis consanguineis in primo gradu lineæ rectæ vel obliquæ: post matrimonium autem ratum contrahere non potest cum prioris partis consanguineis usque ad quartum gradum; etsi prius matrimonium invalidum

validum fuisset, modo non ex defectu consensus. De hac iustitia publicæ honestatis agitur ad tit. *de consanguinitate & affinitate*.

(n) Dicunt 1. *A sponsalitia promissione impune licet recedere etiam invita parte altera, adhibendo formulam: conditione tua non utor.* l. 1. C. de Sponsal. l. 2. in f. C. de repudiis. Et l. 2. §. 2. D. de divortiis. R. His legibus usque ad nostra tempora adversari credebatur æquitas naturalis; certe adversatur æquitas canonica, quæ ante leges Romanas in Germania recepta fuit. Dicunt 2. *Matrimonia esse libera, non ex tristi sponsalium necessitate iniri debere.* R. primo debent esse libera nempe ea libertate, quæ in aliis etiam contractibus, gravibusque negotiis requiritur, in quibus id, quod initio est voluntatis, postea fit necessitatis. l. 5. C. de O. Et A. l. 17. §. 3. D. commodati. Libertati matrimoniorum satis provisum est per jus resiliendi utrique parti concessum, ex nova emergente, aut explorata causa, quæ ante cognita absterruisset a sponsalibus. Secundo. *Matrimonia libera esse debent; at etiam provide & secundum canones contrahi; providentia requirit præparationes variasque expensas ad nuptias: canones præscribunt publicas denuntiationes ante matrimonium. Neutrum fieri potest sine periculo damni, & honoris, si executio propositi inconstantia & mutabilitati hominum relinquatur.* Hinc c. 28 decidit Pontifex, quod mulieres, quæ veniunt ad valvas Ecclesiæ benedicendæ cum sponis, & ibi reclamantes affirmant, se nunquam in eorum matrimonium consensisse, audire (sponis legitime probantibus contrarium) non oportet.

§. 15. Dictum est de sponsalibus & matrimonio, tanquam *contractu*. Agendum nunc est *de ratione Sacramenti*; utroque enim modo spectari potest matrimonium §. 7. in fin. Sponsalia de futuro nec Sacramentum sunt, nec actus spiritualis aut sacer. Cum tamen via sint, & præparatio proxima ad matrimonium, ac præterea impedimentum publicæ honestatis, indeque lites de valore matrimonii postea iniri

initi sæpe producent; expedit sane, longoque & generali usu receptum est, ut de causis sponsalium, perinde ac matrimonii Ecclesia iudicet. Matrimonium indubitato Sacramentum est, nempe inter fideles, seu *baptizatos*. Cum enim Baptismus fundamentum & janua sit aliorum Sacramentorum; qui baptizati non sunt, aliud Sacramentum suscipere non possunt. Hinc matrimonia infidelium secundum leges naturæ inita appellantur *vera* quidem, seu *legitima*; at matrimonia fidelium *vera & rata*. c. 7. de divort. ibi: *Et si matrimonium verum inter infideles existat, non tamen est ratum: inter fideles autem verum & ratum existit; quia Sacramentum fidei, quod semel est admissum, nunquam amittitur, sed ratum efficit conjugii Sacramentum, ut ipsum in conjugibus illo durante perduret.* Sacramentum ergo fidei, id est, Baptismus effectum hunc habet in baptizatis, ut eorum *vera* matrimonia efficiat *rata*, & efficiat *Sacramenta*; qui effectus ex divina institutione, non humana pendet voluntate; uti ipsa significatio sacra matrimonii, qua repræsentat conjunctionem Christi cum Ecclesia, divinitus indita est, nec voluntate hominum detrahi aut mutari potest (o).

(o) *Tria hic adnotanda veniunt. 1. Matrimonia fidelium appellantur rata tum relate ad matrimonia legitima infidelium, tum etiam, quando carnali copula nondum consummata sunt, relate ad matrimonia consummata fidelium. 2. Matrimonia hæc consummata fidelium illam conjunctionem seu illud conjugium designant, quod inter Christum & Ecclesiam per incarnationis mysterium est contractum. At matrimonia fidelium rata, id est, non consummata significant caritatem, quæ consistit in spiritu inter Deum & animam justam; uti eleganter exponitur ab Innocentio III. c. 5. de Bigamis. Hinc non par firmitas & indissolubilitas est in matrimonio fidelium rato, & consummato. 3. Quia in conjunctione Christi cum Ecclesia est sponsa unica uni-*
ci,

ci, & sponsus unus unius (cit. c. 5.); hinc in Bigamis deest perfecta significatio Sacramenti, vel mysterii.

§. 16. Ex ratione Sacramenti duæ emergunt quæstiones. *Prima*, utrum ea separari possit a contractu, ita, ut a fidelibus iniri possit matrimonium tanquam contractus naturalis aut civilis, quin sit Sacramentum? *Secunda*, quid sentiendum sit de matrimonio fidelis cum infideli e. g. a christiano cum muliere hebræa inito. Hæc quæstio refertur ad impedimentum dirimens ex *disparitate cultus*; de quo agetur infra a §. 48. ubi opportune etiam examinantur matrimonia Catholicorum cum A catholicis contracta. De prima ergo quæstione animadvertite, Doctores catholicos, qui contractum matrimonii a ratione Sacramenti separari posse censuerunt, illud tamen affirmasse constanter, quod sine gravi peccato, ac contemptu Sacramenti ea separatio studio fieri non possit: & quod matrimonium inter fideles, etiam ut contractus, sit indissolubile. §. 3. Concil. Trid. princip. de Sacr. Matrim. & can. 7. ibid. Qui ministrum Sacramenti matrimonii presbyterum esse putant, matrimonia clandestina & sine ministro contracta olim valuisse in vim contractus, non Sacramenti, consequenter asserere coguntur.

§. 17. Propositio. *Quando inter fideles validum celebratur matrimonium, contractus a ratione Sacramenti separari non potest*: Prob. 1. Christus validum matrimonii contractum inter fideles initum, signum esse voluit conjunctionis suæ cum Ecclesia, & quidem signum practicum, ut Theologi dicunt, quod præter sacram significationem haberet annexam promissionem gratiæ; nihil autem præterea de forma, de ministro, de requisitis validi contractus definivit. Ecclesia item in Concilio Florentino §. 5. & 7. ac in Triden-

Tridentino can. 1. de Sacr. matr. simpliciter, & indefinite absque ulla exceptione docuit, matrimonium inter fideles esse vere ac proprie Sacramentum (p). Ergo jure divino ac publico, contractui matrimonii annexa est significatio sacra & promissio gratiæ sacramentalis. Quæ autem jure publico, ac divino præsertim, constituta sunt, privatorum arbitrio mutari non possunt (q), etsi ipsi gratiæ ab indigne suscipiente Sacramentum, possit poni obex.

(p) *Conf. Bellarmin. de Matrim. Sacr. l. 1. c. 7. & 8.*

(q) *Qui Baptismum vere petit, ac suscipit, intentione sua efficere non potest, ut is signum non sit mortis, ac resurrectionis Christi. Rom. VI. 3. 4. Postquam Deus in signum nunquam deinceps futuri diluvii elegit cælestem arcum in nubibus Gen. IX. 13., hæc significatio hominum voluntate mutari vel auferri non potest. Similiter privatorum arbitrio separari non possunt, quæ jure publico etiam humano sunt connexa. Non potest is, qui in minoribus constitutus matrimonium contrahit, dicere: Volo contrahere; sed nolo renuntiare beneficio. Nec aliquis ita dicere potest: Volo suscipere ordines majores; sed nolo obligari ad cælibatum: volo emere redditus beneficii; sed nolo emere officium spirituale, quod redditus annexos habet.*

§. 18. Prob. 2. Secundum Canones c. 7. de Divort. (§. 15.) matrimonia fidelium non tantum vera sunt & legitima, uti infidelium, sed *rata*, id est, jure approbata, confirmata, seu firma; ob hanc causam, quia ob Baptismum habent significationem sacram, & quia Sacramenta sunt, cit. c. 7. ibi: *quia Sacramentum fidei - - ratum efficit conjugii Sacramentum.* Præterea matrimonia etiam clandestina, inter solos sponsores nulla Presbyteri adhibita benedictione, secundum Concilium Trid. c. 1. de ref. matrim. antequam irritarentur a Concilio, fuerunt *vera & rata*. Ergo secundum Canones fuere itidem Sacramenta;

ex

ex quo ipso infertur, ministrum hujus Sacramenti non esse presbyterum.

§. 19. Contra conclusionem objiciunt 1. Nulla est ratio, cur a contractu matrimonii separari non possit qualitas Sacramenti; sane in veteri lege matrimonia etiam in populo fidei non erant Sacramenta. R. n. a. Ratio indicata est §. 17. quia in nova lege matrimonia fidelium habent significationem sacram, & promissionem gratiæ jure publico ac divino annexam, quæ a privatis mutari non possunt. Sunt hæc *signa ad placitum*, non humanum, sed divinum. Dicant adversarii, cur matrimonium suscipi non possit, ut Sacramentum, quin sit contractus; ac dein dicatur, cur iniri non possit, ut contractus, quin sit Sacramentum. Ratio prioris est, quia a voluntate contrahentium pendet: ratio posterioris; quia pendet a voluntate Dei.

§. 20. Objic. 2. Ad Sacramenta perficienda requiritur intentio tum in ministro, qui ea administrat, tum in suscipiente adulto; quod patet ex Concil. Florent. in Decreto Unionis §. 5. & ex Concil. Trid. Sess. VII. can. 11. de Sacr. in genere. At talis intentio sæpissime deest in contrahendis matrimoniis; etsi ipsi contrahentes dicantur ministri ejus Sacramenti. Nam 1. eam intentionem non habent Protestantes, qui matrimonium non habent in numero Sacramentorum. 2. Neque ii Catholici, qui, etsi velint matrimonium contrahere, tamen contraria intentione non volunt, ut id Sacramentum sit, sed merus contractus; quæ intentio sane haberi potest. R. d. a. Ad perficienda Sacramenta requiritur intentio explicita & distincta, n. intentio saltem implicita & generalis, qua quis facere vult, quod Deus instituit: quod alii faciunt fideles, validum matrimonium contrahentes. c. Talis intentio etiam

etiam in Protestantibus præsto est, qui non concubinatum, sed matrimonium secundum Dei ordinationem inire volunt; quod etiam ipsi, non pro Sacramento quidem secundum catholicam doctrinam, sed tamen pro ritu sacro habent, cui sacra inest significatio. Error privatus, quo matrimonium in numero Sacramentorum esse negant, tam parum obest Sacramento, quam parum indissolubilitati matrimonii officit error, quo illud ex causa adulterii solvi posse opinantur, modo conditionem solubilitatis in pactum non deducant. Exemplum istiusmodi intentionis implicitæ ex legibus videtur afferendum istiusmodi. Qui servum instituit heredem, *et si sine libertate*, tamen habebit eundem heredem, simulque efficiet liberum. §. 2. Inst. Qui, & ex quibus caus. manumitt. non poss. In iis, qui a contractu matrimonii rationem Sacramenti positive excludunt, duæ habentur intentiones pugnantes, inter quas ea prævalet, quæ est efficax, seu appetitiue major, ut Theologi docent de Sacramentis in genere; haud secus ac contingit in eo, qui peccatum efficaciter vult ut delectabile vel utile; etsi expresse diceret, se nolle offensam Dei.

§. 21. Objic. 3. In Baptismo præter voluntatem abluendi, necessaria est intentio faciendi ritum ut sacram, aut faciendi, quod facit Ecclesia: ergo pariter in matrimonio præter voluntatem id contrahendi, necessaria est intentio faciendi ritum sacram. R. 1. Christus non quamvis abluentionem pro Baptismo instituit, ac pro signo mortis & resurrectionis suæ esse voluit, sed sacram, qualis sit in Ecclesia: ergo concipi potest, quomodo ablutio profana aut indifferens per intentionem determinari, ut sacra, debeat. At vero quivis validus contractus matrimonii inter fideles initus sacram significationem ex Christi institutione habet; ne-

Zallinger L. IV. Decretal. B que

que etiam in eo implicita illa & generalis intentio deficit, ut declaratum est §. præc.

§. 22. Objic. 4. Auctores sat multi ac graves docent, ministrum matrimonii esse sacerdotem, non ipsos contrahentes: ergo qui sine sacerdote valide contrahunt, matrimonii contractum celebrant; Sacramentum non perficiunt. R. tr. a. Est tamen ea sententia ante Melchiorum Canum vix cognita. Adversarii sic ajunt: Minister matrimonii est sacerdos; non ipsi contrahentes: ergo contractus separari potest a Sacramento. E contrario nos sic disserimus: Contractus matrimonii separari non potest a ratione Sacramenti: ergo minister non est sacerdos, sed contrahentes. Cum utrinque ex eo, quod certum penitus ac definitum non est, inferatur incertum; nec conveniat inter litigantes, utrum utro certius sit: nihil hac argumentandi forma confici utrinque potest; sed argumenta opinionum ponderanda sunt.

§. 23. Exposita notione matrimonii, quatenus contractus & Sacramentum est, de ejusdem *Impedimentis* maxime agitur in Jure sacro. Ex his enim legitima pendent matrimonia, id est, legibus divinis, ecclesiasticis, civilibus consentanea. Præfigenda est recepta distinctio impedimentorum, quorum alia nuncupantur *impedientia*, quæ matrimonium certis personis, aut temporibus reddunt illicitum, sic tamen, ut contractum sit habendum pro valido. §. II. n. I. Alia *dirimentia*, quæ matrimonium non modo illicitum, sed etiam invalidum ac nullum efficiunt (r).

(r) *Impedimenta impedientia jure hodierno comprehenduntur his versiculis:*

Sacratum tempus, Vetitum, Sponsalia, Votum
Impediunt fieri, permittunt facta teneri.

De

De tempore sacro, quo generaliter interdictæ sunt solemnitates nuptiarum, ac de Vetito, seu interdicto speciali, ecclesiastica auctoritate imposito quibusdam personis contrahere volentibus, agitur tit. 16. de Matrimonio contracto contra interdictum Ecclesiæ. De Sponsalibus, quæ impediunt matrimonium, tractatur tit. 4. de Sponsa duorum: De Voto, quatenus nuptias impedit, tit. 6. Qui Clerici vel voventes matrimonium contrahere possunt.

Impedimenta dirimentia:

Error, Conditio, Votum, Cognatio, Crimen, Cultus disparitas, Vis, Ordo, Ligamen, Honestas; Si sis affinis, si forte coire nequibis, Si Parochi, & duplicis desit præsentia testis; Si mulier sit rapta, loco nec reddita tuto. Hæc facienda vetant connubia, facta retractant.

§. 24. Impedimenta dirimentia, quæ sunt momenti maximi, reduci possunt ad classes tres. I. Si in ipsam conventionem, qua matrimonii contractus initur, aut in reverentiam Sacramenti vitium incidit, quo matrimonium per leges dirimitur. In conventionem incidere potest error circa personam, vis injusta & gravis; quo etiam pertinet raptus sponsæ, vel sponsi, matrimonii contrahendi causa. Ob reverentiam Sacramenti matrimonium dirimit *disparitas cultus*. II. Cor. VI. 14. seq. De hisce impedimentis dirimentibus infra agetur hoc titulo, cum alius specialis non extet. Conventioni præterea obsunt 1. unicus qualitatis error, nempe *conditio servilis*. Tit. 9. de conjugio *Servorum*. 2. Omissio solemnitatis substantialis. Tit. 3. de clandestina desponsatione. 3. Conditiones contractui appositæ, quæ naturæ matrimonii repugnant. Tit. 5. de Conditionibus apposis in desponsatione.

§. 25. II. Alia impedimenta dirimentia proveniunt ex qualitate personæ, quæ eam absolute inhabilem nunc reddit ad omne matrimonium. Ea quali-

tas vel est *naturalis*, ceu defectus pubertatis tam naturalis, quam legalis. tit. 2. *De desponsatione impuberum*: Impotentia ad actus conjugales. Tit. 15. *De frigidis & maleficiatis, & impotentia coeundi*. Quamvis hæc impotentia, si est respectiva, ad sequentem classem referri possit. Aut est qualitas *ex statu adventitio* proveniens, qui matrimonium dirimit; uti est status conjugalis prior, & adhuc perdurans; quod est impedimentum ligaminis Tit. 4. *de Sponsa duorum*, aut status clericalis sacer, vel status religiosus Tit. 6. *Qui Clerici vel voventes matrimonium contrahere possunt*.

§. 26. III. Denique nonnulla sunt impedimenta dirimentia, quæ personas non absolute inhabiles reddunt ad ineundum matrimonium, sed relate ad quasdam alias personas; ceu 1. cognatio spiritualis. Tit. 11. *de cognatione spirituali*. 2. cognatio legalis. Tit. 12. *de cognatione legali*. 3. Cognatio naturalis intra certos gradus. 4. Affinitas item ex copula licita vel illicita proveniens: Tit. 13. *De eo, qui cognovit consanguineam uxoris suæ, vel sponsæ*. Tit. 14. *de Consanguinitate & Affinitate*. 5. Justitia publicæ honestatis ex sponsalibus & matrimonio rato proveniens (§. 14.), cum per modum affinitatis sit constituta, ad impedimentum affinitatis referenda est. 6. Aliquando personæ, quæ contrahere volunt, delicto inhabiles se effecerunt, quo minus valide contrahant inter se; quod appellatur *impedimentum criminis*. Tit. 7. *De eo, qui duxit, quam polluit per adulterium*. Ceterum impedimenta hæc omnia, undelibet profecta sint, per modum *inhabilitatis* absolutæ aut respectivæ, censentur constituta.

§. 27. De Impedimentis dirimentibus hætenus enumeratis. variæ agitantur disputationes. I. Quænam eorum ex jure naturali, & divino, quæ ex jure mere humano proveniant? In his mutatio, aut dispensatio locum habet, non item in illis. II. Quæ humana potestas, ecclesiastica, an politica, an utraque, jure proprio gaudeat constituendi impedimenta dirimentia matrimonii. Cum jure ferendi leges impedimentorum per se connexum est jus, eas leges mutandi, abrogandi, in iis dispensandi. Atque hæ sunt quæstiones Juris Ecclesiastici publici. III. Utrum impedimentis dirimentibus apud Catholicos receptis, pariter obligentur Acatholici? IV. Utrumne exorto dubio de impedimento dirimente matrimonium contrahi, aut in eo perdurari possit? Sed hæc est quæstio, Theologiæ moralis propria; in qua fit distinctio inter dubium facti & juris. In *dubio facti* matrimonia jam contracta Ecclesia non quidem statim dissolvi permittit, sed tamen pro certis non probat, uti patet ex c. 44. de Sent. excomm. Aliter sentiendum est *de dubio juris*, quando sententiæ juris probabilis accedit stylus curiæ, & praxis Ecclesiæ.

§. 28. I. *Jure naturali, aut certe divino* positivo matrimonium dirimit 1. Error circa personam. 2. Admodum probabiliter vis injusta & gravis. 3. Conditiones contractui appositæ, quæ repugnant substantiæ matrimonii, quatenus ex divina institutione est. 4. Impotentia antecedens & perpetua. 5. Ligamen. Concil. Trid. Can. 2. & 7. de Sacr. Matr. 6. Primus consanguinitatis gradus lineæ rectæ (s). Reliqua omnia Jure Ecclesiastico scripto aut consuetudinario sunt introducta vel confirmata & assumpta, ex legibus nempe divinis V. T. aut politicis aut moribus cultarum gentium.

(s) *Idem videtur dicendum de quovis ulteriore gradu lineæ rectæ. Conf. Jus Nat. Sociale §. 179. ubi etiam de primo gradu lineæ obliquæ disserui.*

§. 29. II. Quæstio Juris Ecclesiastici publici *de jure statuendi impedimenta dirimentia* matrimonium examinata a me fuit in Jur. Eccl. Publ. C. X. §. 394. ubi binas posui decisiones: 1. Penes Ecclesiam est, jure proprio & intrinseco statuere impedimenta matrimonium dirimentia. 2. Penes potestatem politicam est, statuere quæcunque impedimenta matrimonii pro subditis infidelibus, quorum conjugis inesse non potest ratio Sacramenti: pro fidelibus item subditis impedimenta quæcunque relate ad effectus civiles; non autem relate ad vinculum matrimonii sine accedente auctoritate, vel approbatione Ecclesiæ. Ratio petitur tum ex vi Sacramenti matrimoniis fidelium inhærentis (t), tum ex perpetua traditione, qua constat, Ecclesiam semper auctoritatem suam, approbationem, & jurisdictionem exercuisse in approbandis vel rejiciendis matrimoniis etiam contra politicas leges. Patet hoc ex Concil. Trid. c. 1. de ref. matr. circa matrimonia clandestina, aut contracta sine consensu parentum; quæ declarantur pro ratis & veris, *quamdium Ecclesia irrita non fecit*. Jus igitur statuendi impedimenta irritantia *privative* Ecclesia sibi vindicat. Idem patet ex Can. *Quædam lex*. 20. XXXV. q. 2. & 3. Patet denique ex recepta & antiquissima praxi in foro ecclesiastico recepta, qua matrimonia, quæ a legibus politicis habentur incesta & irrita, non solvuntur, si ante Baptismum fuere contracta; quo tempore contrahentes, etsi subjecti fuerint foro politico, non tamen subjecti erant legibus Ecclesiæ; quia nimirum leges politicæ non censebantur attingere ipsum vinculum matrimonii sine auctoritate Ecclesiæ. Patet hoc ex Concil. Agathensi an. 506. Can. 61. apud Gratian.

tian. Can. de incestis. 8. XXXV. q. 2. & 3. Ex Concil. Epaonenſi an. 517. Can. 30. Ex Concil. Aurelianenſi an. 538. Can. 10. ibi: *De incestis conjunctionibus ita, quæ sunt statuta, servantur, ut hiſ, qui aut modo ad Baptiſmum veniunt, aut quibus Patrum ſtatuta ſacerdotali prædicatione in notitiam antea non venerunt, ita pro novitate converſionis ac fidei ſuæ credidimus conſulendum, ut contracta hucusque hujusmodi conjugia non ſolvantur, ſed in futurum &c.* Hac eadem praxi & ſententia nititur decifio Decretalium c. 8. de Divort. de paganis, qui uxores in ſecundo, vel tertio, vel ulteriore gradu ſibi conjunctas acceperant. Ibi: *Cum in præmiſſis gradibus a paganis quoad eos matrimonium licite ſit contractum, qui conſtitutionibus Canonicis non ardeantur - - in favorem præſertim chriſtianæ religionis & fidei - - fideles hujusmodi matrimonialiter copulati libere poſſunt & licite remanere conjuncti; cum per Sacramentum Baptiſmi non ſolvantur conjugia, ſed crimina dimittantur.* Similis decifio extat c. ult. de Divortiis.

(t) Inſtar principii illud habendum eſt: Sacramenti ratio in eo ſita eſt, ut res externa, ſeu ſignum viſibile ex Chriſti inſtitutione & ſignificet, & efficiat gratiam internam, ſeu inviſibilem. Hanc gratiam matrimonium ſignificat, & efficit, ratione vinculi, ſeu conjunctionis, quam inter conjuges producit, id eſt, ratione contractus validi. Igitur matrimonium ratione vinculi, ſeu contractus validi ſignificationem Sacramenti a Chriſto accepit. proindeque ratione vinculi ſeu contractus validi juridiſtioni eccleſiaſticæ a Chriſto ſubjectum fuit, quoad ea, quæ ipſo jure divino non determinata, ſed pro temporum ratione determinanda Eccleſiæ relicta ſunt.

§. 30. Quæ contra hoc jus Eccleſiæ in favorem politicæ poteſtatis, vel potius aſſentationis cauſa, atque odio eccleſiaſticæ poteſtatis ſolent objici, vix nova ſunt (u), ſi ſophiſmata excipias, quibus rem de

se planam & expeditam nonnulli implicare atque obscurare nituntur. Ac primo, quod alias faciunt, opiniones quasdam Auctorum, etsi a plurimis rejiciantur, consiliis suis accommodatas, tanquam certas arripiunt, & extra controversiam positas; quibus dein suas conclusunculas audacter inædificant. Sic pro certo habent hoc loco, contractum a Sacramento, in matrimoniis fidelium quoque separari posse. Dein materiam hujus Sacramenti esse contractum *civilem* docent, politicæ potestati & dispositioni subiectum: huic contractui civili Christum addidisse dignitatem Sacramenti, nihil imminuta politica potestate; quia, ut ajunt, Evangelium non abolet politiam, neque Christus de Principum potestate quidquam detraxit. Principes, inquiunt, de quovis contractu boni publici causa possunt statuere, contrahentes inhabilitare, præscribere solemnitates, quibus prætermiſſis contractus nullus sit. Ergo, inferunt, idem de contractu matrimonii existimari debet. Ad hæc jam concise & presse respondendum est.

(u) *Pleraque erudite, solideque confutata sunt ab Henrico Canisio Noviomago. Jdo & Ss. Canonum Professore in Academia Ingolstadiensi, in Opusculo: quod inscribitur: Refutatio trium tractatum nuper editorum a quodam JC. Heidelbergensi, sub Marfilii de Padua, & Guilhelmi Occami nomine. Ingolstad. a. 1600.*

§. 31. Dicunt 1. Contractus civilis est materia Sacramenti: quivis autem contractus civilis præscriptis a politica potestate solemnitatibus, aut qualitatibus personarum contrahentium, validus aut invalidus effici potest. Ergo etiam contractus matrimonii validus aut invalidus effici potest politica potestate; in quo ipso consistit jus statuendi impedimenta matrimonium dirimentia, R. n. M. aut d. Contractus civilis est materia Sacramenti, quatenus Ecclesia eum contractum

tractum pro efficiendo matrimonii vinculo, ac Sacramento approbat, ratumque habet, c. independenter ab Ecclesiæ approbatione, n.

§. 32. Dicunt 2. Alii contractus civiles, ut pro validis aut nullis habeantur, non pendent ab approbatione & auctoritate Ecclesiæ: ergo neque contractus civilis in Sacramento matrimonii. R. d. a. Alii contractus mere temporales, iidemque iusti, ab Ecclesiæ approbatione non pendent, c. a. contractus, qui ratione vinculi seu interni valoris est spiritualis, & ratione Sacramenti Ecclesiæ jurisdictioni subiectus, ab Ecclesiæ approbatione non pendet, n. a & c.

§. 33. Dicunt 3. Si Christus contractum *civilem* pro materia Sacramenti instituit, Ecclesia nihil potest in eo mutare, neque circa eum jurisdictionem exercere: at vero Christus contractum civilem pro materia Sacramenti instituit. Ergo. R. d. M. Si Christus contractum civilem pro materia Sacramenti ita instituit, ut quivis contractus matrimonii potestate politica ordinatus, simul esset Sacramentum; tunc certe Ecclesia nihil potest mutare, c. M. Si Christus contractum civilem non aliter instituit pro materia Sacramenti, nisi quatenus is approbatione & auctoritate Ecclesiæ esset idoneus efficiendo matrimonii vinculo, n. M. & sic d. m. n. C. Nego, quod Christus matrimonium sic elevarit ad Sacramentum, ut quivis contractus civilis, politica potestate ordinatus, mox signum esset rei sacræ, & Sacramentum. Quem enim contractum civilem a Christo sic designatum dicent? 1. Non *contractum Judæorum*, in quo & jus repudii & impedimenta nuptiarum Levit. XVIII. continebantur; atqui libellus repudii a Christo rescissus est, & Ecclesia in quibusdam impedimentis, quæ in Levitico exprimuntur,

muntur, dispensare potest, & alia nova impedimenta constituere. Concil. Trid. Can. 3. de Sac. Matrimon. 2. *Non contractum Romanorum*, 3. *nec contractum Barbarorum*; cum multis uterque fuerit superstitionibus scdatus, sæpe iniquus, perpetuo variabilis, & paulo post per religionem christianam abrogandus.

§. 34. Dicunt 4. Si contractus civilis non est materia Sacramenti, explicari omnino nequit, quæ sit istius Sacramenti materia, quæ forma? R. Contractus matrimonii dicitur *mere naturalis*, qui spectato consensu & habilitate personarum contrahentium nihil continet neque positivum, neque negativum, nisi quod immediate ex jure naturali aut divino ad validum matrimonium requiritur; atque is spectatur in infidelibus, qui Ecclesiæ legibus non obligantur. Contractus *civilis* appellatur, qui præter requisita contractus naturalis ad valorem requirit solemnitates, aut positivas vel negativas personarum qualitates non naturalibus, sed *civilibus* legibus præscriptas. Ac talis contractus, etsi naturalia requisita positiva continere debeat, non est *mere naturalis*. Christus pro materia matrimonii neque naturalem, neque civilem contractum instituit *hoc sensu*, ut quivis contractus vel *mere naturalis*, vel civilis illico haberi *debeat* pro signo rei sacræ, & pro Sacramento. Nam Ecclesiæ suæ potestatem dedit, præscribendi tum solemnitates, tum determinandi qualitates personarum, quibus neglectis matrimonii vinculum non coalesceret, consequenter nec signum conjunctionis suæ cum Ecclesia existeret. Nec sane potuit Christus matrimonii materiam, cum id pro tota Ecclesia sit institutum, legibus civilibus tam difformibus, variabilibus, sæpe iniquis & superstitionis determinandam relinquere. Dicendum ergo restat: *Materia matrimonii* ex Christi institutione est is contractus, quo

quo ex approbatione Ecclesiæ matrimonii vinculum coalescit, atque is contractus situs est tum in traditione juris ad actus conjugales mutuo facta inter personas habiles; circa hoc enim *jus* tamquam *materiam* contractus versatur: tum in mutua acceptione ejus juris secundum Ecclesiæ leges expressa, tamquam *forma*. Nam cujusvis contractus forma, sive is sit consensualis, realis, verbalis, aut literalis, censetur esse id, quo contractus in suo genere perficitur; ac continet etiam solemnitates externas, si ad perfectionem actus, tamquam necessariae, legibus præscriptæ sint (x).

(x) *Materia & forma in iis Sacramentis maxime conspicua est, in quibus verbum accedit ad elementum, indeque fit Sacramentum. Eugenius IV. in Decreto pro Armenis catholicam de Sacramentis doctrinam exponens, primo generatim, Sacramenta novæ legis tribus perfici ait, rebus tamquam materia, verbis tamquam forma, & persona ministri conferentis Sacramentum cum intentione faciendi, quod facit Ecclesia. Dein explicat speciatim materiam & formam Baptismi, Confirmationis, Eucharistiæ, Ordinis, extremæ Unctionis. De Sacramento pœnitentiæ tradit in hunc modum: Quatum Sacramentum est pœnitentia, cujus QUASI MATERIA sunt actus pœnitentis. - Forma hujus Sacramenti sunt verba absolutionis. At de Sacramento matrimonii nec materiam, nec quasi materiam, nec formam, nec ministrum a contrahentibus diversum exprimit, sed ita docet: „Septimum est Sacramentum „Matrimonii, quod est signum conjunctionis Christi „& Ecclesiæ, secundum Apostolum dicentem: Sa- „cramentum hoc magnum est; ego autem dico, in Christo „& Ecclesia. Causa efficiens matrimonii, regulariter „est mutuus consensus per verba de præsentis ex- „pressus.“ Plura non addit Pontifex huc pertinentia; sed mox ad triplex matrimonii bonum explicandum progreditur, nempe bonum prolis, fidei, & Sacramenti, de quo infra dicam tit. de Conditionibus appos. in desponsatione. Ob hanc igitur causam, cum in matrimo- nio non æque appareat elementum ac verbum, uti in aliis Sacramentis, neque in Conciliis aut Pontificum Decretis materia & forma singillatim exprimitur, conti- git,*

git, ut Theologi in diversissimas hæc in re abirent sententias. Conf. Melch. Canus l. 8. de Locis Theol. c. 5. Tournelius de Sacr. Matr. Q. III. Ludov. Habert. T. VII. Theol. Dogmat. & Mor. Analogia non ex Physica, quod veteres Scholastici de materia & forma reliquorum Sacramentorum fecerunt, sed potius ex Jurisprudencia petenda est, quæ de materia & forma pactorum & contractuum differit. Sed hodierni Novatores, quando de materia matrimonii in favorem civilium Magistratuum disputant, rem totam nimis ruditer & crasse sibi proponunt aliisque. Contractum civilem tanquam materiam Sacramenti sumunt, quæ instar ceræ aut luti solo Principum arbitrio componi, ac fingi possit; cui dein voluntate contrahentium ratio Sacramenti tanquam forma superveniret. aut, si nollent, non superveniret, perinde uti ceræ signum imprimi potest, non item debet. At enim quando personæ habiles legitime contrahunt, unus peragitur, isque indivisibilis actus, quem Christus illius mysterii signum esse voluit, quo sibi Ecclesiam desponsavit.

§. 35. Dicunt 4. Christus Evangelio suo non derogavit potestati politicæ: ergo matrimonium, etsi rationem Sacramenti acceperit, eidem potestati etiam quoad valorem & vinculum subiacet nunc, uti antea, cum Sacramentum non esset. R. I. d. a. Christus non derogavit politicæ potestati iis in rebus, & negotiis, quæ a Christo ejusque Evangelio intra sphaeram rerum & negotiorum civilium relicta sunt, c. a. Iis etiam in rebus & negotiis, quæ a Christo & Evangelio qualitatem, & naturam sacram, & spiritualem acceperunt, n. a. & c. Leges civiles inter servos non matrimonium, ejusque jura agnoscebant, sed contubernium dominorum potestati subjectum. At quia teste Apostolo quoad divinam religionem nulla est inter servos & liberos distinctio, Ecclesia inter servos vera matrimonia habere locum docuit, quæ, etsi invitis Dominis essent inita, solvi non possent. C. I. de Conjugio Servorum. Nihil tamen per hoc aliis Dominorum juribus detractum

tractum est. Huc etiam pertinet C. 1. h. t. Cum lege civili Saxonibus & Francis non liceret matrimonium contrahere cum alienigena (quod de Saxonibus testatur Adamus Bremenensis l. 1. Hist. Eccl. c. 5.); Synodus tamen Triburiensis matrimonium inter virum Francum, & mulierem de Saxonia validum declaravit in ratione vinculi & Sacramenti, salvis effectibus, qui a civilibus legibus pendebant. R. 2. Si Christus Evangelio suo non derogavit politicæ potestati: tamen Evangelium etiam politicis Magistratibus & Principibus promulgatum est; qui iidem Ecclesiæ & legibus Ecclesiæ, si Christiani sint, actu subjacent. Æque certum est, quod Christus rem omnem sacramentariam non politicis magistratibus, sed Præsulibus Ecclesiæ subjecerit. R. 3. Falsitatem ejus asserti: *Christus non derogavit politicæ potestati*, in sensu a Novatoribus intento enucleate ostendi in libro Isagogico §. 187. & tribus sequentibus. Quando res vel actus qualitatem sacram & spiritualem induit, per se fit juris divini, & ecclesiastici, neque tunc speciali derogatione opus est. Arg. §. 7. Inst. de rerum divisione.

§. 36. Cum jure statuendi impedimenta matrimonium dirimentia, connexum est *jus eadem mutandi aut imminuendi* generaliter, quod a Concilio Lateranensi circa gradus consanguinitatis & affinitatis, & a Tridentino circa impedimentum publicæ honestatis & cognationis spiritualis factum est: jus iidem in iisdem iusta ex causa *dispensandi*. Decidendum est: I. Quando Ecclesiæ tribuitur jus statuendi impedimenta matrimonium dirimentia, nomine Ecclesiæ non veniunt singuli Episcopi, sed Concilia generalia, Summus Pontifex, & inveterata consuetudo, quæ vim legis habet, C. 1. de cognat. spir. Nam post disciplinam Ecclesiæ jam generaliter constitutam, in causa Sacramentorum præci-

præcipue, ad conservandam uniformitatem hoc negotium juste annumeratur causis majoribus. II. Inferiores Prælati aut Synodi in generalibus Ecclesiæ legibus dispensare non possunt; de qua re Conf. I. I. Decret. §. 190. & seq. & §. 518. & seq. Exceptiones sunt: nisi dispensatio per ipsos Canones Episcopo concedatur (y); aut Papa det facultatem, uti constat de facultatibus quinquennalibus Episcoporum Germaniæ; aut denique indubitata & inveterata consuetudo tale jus dispensandi quibusdam Episcopus vindicet (z). III. Ex tali consuetudine Episcopi dispensant in impedimentis mere impedientibus, nisi provenerint ex votis perpetuæ castitatis, aut ingrediendæ religionis, Summo Pontifici reservatis, vel ex Sponsalibus cum altero initis, quæ hoc invito sine injuria relaxari nequeunt. IV. Quando non agitur de matrimonio contrahendo inter impeditos impedimento dirimente, sed jam contracto cum ejusmodi impedimento, tunc, ut docet Cabassutius in Theor. & Praxi Jur. Can. cum aliis l. 3. c. 27. n. 3. & 7. dispensationis potestas est penes Ordinarios, concurrentibus simul sex conditionibus sequentibus. 1. *Ut jam fuerit contractum matrimonium.* 2. *Ut contractum fuerit ignoranter quoad impedimentum.* 3. *Ut sit consummatum.* 4. *Ut impedimentum sit occultum.* 5. *Ut partes sint adeo inopes, ut non possint ire vel mittere ad Papam vel Legatum.* 6. *Ut si fieret separatio, scandalum verisimiliter oriretur.* Si vero aliqua absit ex præfatis circumstantiis, & personæ sint pauperes, aut rudes ac rusticæ, officium erit Ordinarii, prosequi hanc dispensationem in forma pauperum ad Sedem Apostolicam, ut plane gratis, ac sine compositione obtineatur. V. Alium dispensationis Episcopalis casum memorat, non approbat Benedictus XIV. de Syn. Diœces. l. 7. c. 31. n. 2. quando agitur de matrimonio non contracto, sed proxime contra-

contrahendo, five quando tales urgent rerum circumstantiæ, ut nec Summus Pontifex consuli, nec matrimonii contractus, ad quem omnia sunt disposita, differri possit sine scandalo, & paratorum ad nuptias infamia. Tum, putant nonnulli Auctores, Episcopum dispensare posse *ex præsumta* voluntate Summi Pontificis. At enim præsumptio ex urgente causa five Epiikia licitum facere potest, quod per se licitum non est, non autem confert jurisdictionem, quæ & necessaria est ad actum, & quæ pro casu urgentis necessitatis non fulcitur vi legitimæ consuetudinis. Conf. dicta l. 1. Decr. §. 185. n. II. de Epiikia. l. III. §. 177. de consensu *præsumto*. Aliud est, si pro casu necessitatis jurisdictio tribuitur ipso jure. Exemplum extat in Concil. Trid. Sess. XIV. c. 7. de casuum reservatione; ibi: *Ut nulla sit reservatio in articulo mortis: atque ideo omnes sacerdotes quoslibet pœnitentes a quibusvis peccatis & censuris absolvere possunt.* Aliud exemplum suppeditat Rituale Angustanum Tit. 38. de Sacr. Matr. n. 19. ibi: *Quodsi vel a Confessario vel a Parocho ita sero inter contrahentes deprehendatur impedimentum occultum dirimens ab Episcopo dispensabile, ut ante diem nuptiarum non possit obtineri dispensatio, ad evitandam omnem confusionem, delegamus omnibus Confessariis & Parochis potestatem in tali casu dispensandi in foro interno ad valorem matrimonii, & ad effectum licite reddendi vel petendi debitum; dummodo statim requiratur dispensatio per litteras ab Ordinario in ordine ad alios effectus matrimonii validi.*

(y) *Exempla complura hujusmodi concessionis extant in Concilio Trid. & in causa Matrimonii Sess. XXIV. c. 1. de ref. Matr. circa prævias denuntiationes lege præscriptas. Ibi: Nisi Ordinarius ipse expedire judicaverit, ut prædictæ denuntiationes remittantur: quod illius prudentiæ & judicio sancta Synodus relinquit.*

linquit. *De dispensandi jure in impedimentis dirimentibus multa agitata sunt, scriptaque occasione Punctationis Emsensis. Conf. dissertatio inscripta: Expositio cum Bonoso Reschambio. Cap III.*

- (2) *Natalis Alexander Theol. Dogmat & Moral. de Matr. l. 2. art. 13. Reg. 12. ait: Si dubitet, aut merito dubitare debeat Episcopus, an dispensationes a suis decessoribus concessæ, sint ex privilegio reali & perpetuo, an ex privilegio personali, dispensare non potest, nisi & ipse dispensandi privilegium a Summo Pontifice obtineat. In re enim Sacramenta spectante, non licet minus probabilem, ac minus tutam opinionem sequi, relicta probabiliore, atque tutiore.*

§. 37. III. Inter quæstiones de impedimentis dirimentibus §. 27. propositas, tertia erat hæc, utrum iisdem etiam ligentur Protestantes in locis, ubi vi pacis Westphalicæ tolerantur? De qua re I. distingui oportet *inter forum externum*, in quo matrimonia secundum principia & consuetudines cujusvis sectæ inita habentur pro validis, & liberi legitimi: & *inter forum internum, ac canonicum*, quod spectatur pro casu, quo A catholici conjugati, qui cum impedimento contraxerunt, aut pars alterutra ad sinum veræ Ecclesiæ revertuntur, aut quo ipsi causas suas matrimoniales ad forum catholicum deferunt; quod sæpe factum est ab ipsis Principibus Protestantibus. II. In foro canonico liberi Catholicorum habentur legitimi, si matrimonium inter affectos impedimento dirimente initum fuit bona fide, saltem partis unius, quando de solemnitatibus ab Ecclesia catholica præscriptis in ipso contractu nihil ab ipsis prætermisum fuit. Ob hanc clausulam valde dubium est, utrum hic favor æque pertineat ad A catholicos, qui bona etiam fide, id est, cum ignorantia impedimenti matrimonium cum impedimento dirimente ineunt. III. His præno-

prænotatis decidendum: Impedimentis matrimonii ab Ecclesia catholica statutis ligantur etiam A catholici. Prob. 1. A catholici per defectionem ab unitate Ecclesiæ pro foro interno & canonico non liberantur a jurisdictione, & legibus Ecclesiæ: imo cum subjectio erga hierarchicam Ecclesiæ potestatem sit juris divini, nulla contra eam præscriptio, nulla consuetudo, nullum privati, publicive pacti genus habere locum pro foro interno potest. Si ea *suspensa* dicitur, aut quiescere cogitur necessitate temporum; totum id ad forum externum spectat. Prob. 2. Dici non potest, quod ipsa Ecclesia leges impedimentorum relate ad A catholicos revocarit, aut eorum matrimonia contra leges inita pro validis habeat in foro suo. Nam contrarium patet *primo*, quia Episcopis catholicis singulariter conceditur potestas (quæ continetur inter facultates quinquennales), dispensandi cum A catholicis reversis, in contractis matrimoniis, etiam in secundo gradu. *Secundo*. Constat plurimis exemplis, matrimonia A catholicorum ob interveniens impedimentum, declarata fuisse invalida tum ab Episcopis, tum etiam a Summis Pontificibus (aa). *Tertio* Benedictus XIV. Tom. III. Bullar. Constit. 2. quæ incipit: *Singulari Nobis*. recenset matrimonium Judæi cum muliere hæretica initum, adeoque cum impedimento dirimente, quod vocatur *disparitas cultus*; ac decidit, Judæo baptizato & muliere ad fidem Ecclesiæ reversa debuisse revalidari matrimonium; quippe quod antea non valuisset; quia mulier hæretica tenebatur lege (bb).

(aa) *Exempla toti Germaniæ nota, & a Scriptoribus etiam Protestantibus commemorata circa matrimonia illustrissimorum A catholicorum recenset Zech de Matrimonio §. 302.*

(bb) *Contraria A catholicorum consuetudo obijci non potest pro foro interno & canonico. Nam vis consuetudinis non nititur factis agentium contra leges, sed consensu sal-*
Zallinger L. IV. Decretal. C *tem*

tem legali ; qui deest in hac re ; quia Romanus Pontifex A catholicos legibus impedimentorum ligatos censet. Dein cum Catholici cum A catholicis mixti , atque in una communitate degant , dicendum esset , consuetudine sublatas esse leges pro una parte communitatis , pro altera ejusdem communitatis parte non esse sublatas ; quod abhorrere videtur a ratione juris , nisi singularia adsint argumenta , qualia de matrimoniis in Hollandia contractis suppeditavit declaratio Benedicti XIV. edita 4 Nov. 1741. ex qua colligitur , Catholicos & A catholicos una etiam in civitate degentes duas veluti communitates constituere.

§. 38. A generali impedimentorum doctrina descenditur ad particularia impedimenta *Erroris* , *Vis* , & *Raptus* ; quæ in ipso actu sponsalium de futuro aut præsentis intervenire possunt , eaque reddunt nulla : ad impedimentum item *disparis cultus* , quod refertur ad rationem Sacramenti. De *Errore* decidendum est : I. Error aliquis sponsalia & matrimonium reddere potest irritum , adeoque est impedimentum dirimens & jure quidem naturali. Nam utrinque requiritur consensus , sine quo non fit conventio. At nullus est consensus errantis : & errantis nulla voluntas est. l. 8. & 9. C. de juris & facti ignorantia. Dein Nuptias non concubitus , sed consensus facit l. 30. D. de R. J. At vero non consentiunt , qui errant. Quid enim tam contrarium consensui , quam error ? l. 15. D. de juris. Hoc jam præstabilito , quærendum est , qualis error sit impedimentum dirimens sponsalium vel matrimonii. Nam error contingere potest in *persona* , si quis duo individua nota habet , & *intentionem* contrahendi affigit uni , re ipsa autem ex errore contrahit cum alio : in *qualitate* , si quis unum individuum notum habet , quocum & *vult* contrahere , & re ipsa contrahit ; sic tamen , ut ex errore putet , in eo inesse qualitatem e. g. opes , nobilitatem , quæ non inest.

§. 39. Decidendum est II. Error in persona reddit nulla & irrita sponsalia ac matrimonium, & jure quidem naturali. Nam individuum personæ ingreditur substantiam consensus, & contractus. §. 13. Error autem circa substantiam jure naturali irritum reddit omnem contractum; quod per se ex Jurisprudentia naturali evidens est.

§. 40. III. Error in qualitate sponsalia & matrimonium non reddit irrita, nisi 1. sit qualitas conditionis servilis a contrahente ignorata, de qua agitur Tit. *De conjugio Servorum*; aut nisi 2. certæ qualitati expresse alligetur intentio contrahentis, ita, ut nisi hæc qualitas positiva aut negativa in subiecto insit, positive nolit aliquis contrahere, vel actu suo obligari. Sed in matrimoniis contrahendis id nec præsumitur, neque facile permittitur; quia in matrimonio utraque pars contrahens absolute dicere censetur: *Accipio te in meam, & in meum*. Sola dispositio habitualis, ob quam contrahentes perfectio jam negotio sæpe in ejusmodi gemitus erumpunt: *Si scivissim, non contraxissem*; contractum non reddit irritum; quia in contractibus non id spectatur, quid factururus quis fuisset in certa hypotheli, sed quid actu fecerit (cc). Si per qualitates designatur certum individuum personæ cognitæ, error qualitatis dicitur redundare in substantiam, efficitque errorem personæ, Exemplum ejusmodi qualitatum extat Gen. XXIV. 14. Obvium illud est, si quis contrahere velit cum primogenita, eique substituatur secundogenita; modo constat, utramque reipsa existere.

(c.) *Alia est quæstio de obligatione manifestandi certas qualitates, vel defectum earundem, si pars altera circa eas versari in errore cernitur; uti si sponsus reputaret sponfam nobilem, divitem, virginem, cum tamen non*

sit : tenetur sponsa vel patefacere hos defectus, vel abstinere a contractu, si possit præsumere futuram sponsi gravem indignationem. Si error in sponsalibus de futuro ex dolo alterius provenit, is deprehensus justam præbet resiliendi causam. Ceterum ut pateat, datas notiones erroris circa personam & qualitatem recte conceptas esse, eadem exemplis celebrium casuum sunt declarandæ.

§. 41. Summæ Tabienæ Parte II. Impedimento I.
 n. 4. narratur hæc species : „Quid esset dicendum ad
 „casum, qui contigit Mutinæ tempore, quo hæc scri-
 „bebam Bononiæ, scilicet an. 1513. de quo fui in-
 „terrogatus; videlicet erat quidam habens duas filias,
 „quarum prima non erat multum sana, neque pul-
 „chra: secunda vero erat pulchra & sana. Quidam ve-
 „ro juvenis videns hanc secundam dixit patri, quod
 „illam acciperet in uxorem. Pater respondit, quod
 „non erat consuetudo, ut secunda prius nuptui tra-
 „datur ante primam; & quod, si volebat primam, quæ
 „æque bona erat, sibi eam traderet. Iste juvenis, qui
 „nunquam viderat primam, misit quemdam amicum
 „suum, ut videret eam; cui amico ostenderunt se-
 „cundam, dicentes, eam esse primam. Ille vero ami-
 „cus retulit illi juveni, quod esset pulchra, & fortis,
 „& bona pro eo. Venit igitur iste juvenis ad do-
 „mum istarum, & præsentaverunt sibi primam, cum
 „qua contraxit per verba de præsentati, credens, quod
 „esset illa, quæ fuerat ostensa amico suo. Cognita
 „autem deceptione voluit dimittere eam, allegando,
 „quod fuisset error personæ. Respondi, quod matri-
 „monium teneret, & non fuit error personæ, sed
 „qualitatis.“ Hanc decisionem passim sequuntur
 Auctores; quia intentio contrahendi non poterat a
 juvene alligari ad primam, quæ expresse ipsi negata
 fuerat a patre earum filiarum. Cum ergo & intentio
 contrahendi, & executio contractus respexerint idem
 indi-

individuum, error in persona non contigit. *Dices* : Intentio contrahendi tendebat in illam, quæ fuerat ostensa amico, & executio contractus facta est cum alia. R. d. hoc est, habens intentionem contrahendi cum prima, putavit, hanc eandem fuisse ostensam amico; & hoc in facto, seu qualitate erravit. c. ipsa intentio unice ad eam fuit alligata, quæ amico ostensa fuerat n. Non poterat is intentionem habere contrahendi cum secunda; quia hanc pater jam negarat; & ipse amico mandarat, ut primam viseret, & primam ab amico visam credidit: semper ergo intentio contrahendi in primam tendebat, quacum postea re ipsa contraxit. Quid? si effigiem primogenitæ petiisset, & pater imaginem misisset secundogenitæ; etiamne tunc in persona erratum fuisse dicemus? Aliter decidendum esset, si de illa, quacum re ipsa contraxit, nullam animo informasset ideam, nisi ex eo, quod fuerit ostensa amico.

§. 42. Navarrus Consiliorum L. IV. Consil. 49. narrat istiusmodi factum. Quidam A. homo plebejus toties, tamque asseveranter confirmavit Domino B. octogenario seni ex illustrissima familia, se esse nobilem, primogenitum, & divitem (cum tamen nihil horum in eo reperiretur), ut ei nuptui daret suam neptem, penitissime jam, & dolosissime persuasam, ipsum alto sanguine esse cretum. Celebrato matrimonio, priusquam consummaretur, detecta est fraus, & ex causa erroris de valore ejusdem interrogatum. Respondit Navarrus, valuisse matrimonium, spectato solo errore circa nobilitatem. At spectata primogenitura, cum hæc redundet in personam, probabiliter non valuisse. Addit: Et si matrimonium valuerit, adesse causas, quia consummatum nondum erat, ut Pontifex dispensatione illud dirimat. Sed istuc ad hunc

locum non pertinet. Videtur absolute dicendum, matrimonium valuisse: quia prima idea hujus sponsi ex ejus præsentia, ac notis in sensus cadentibus orta est: nulla aliorum fratrum, inter quos primogenitum se jactabat, aderat cognitio; sed tam intentio contrahendi, quam executio contractus in idem tendebat individuum. Erratum ergo in qualitatibus fuit: in persona, aut individuo personæ erratum non fuit. Sane error personæ id involvit, ut, qui errat, duplicis individui cognitionem habeat, in quorum alterum tendat intentio contrahendi, in alterum executio contractus.

§. 43. Alius est Caramuelis casus narrante Gobat in Alphabeto matrimoniali de impedimento erroris. Homo Germanus dives, sed non nobilis Romæ incidit in quandam meretriculam, quæ nobilis & castæ virginis speciem sumserat, dicens, se esse filiam comitis a Libenstein: fugisse parentum tyrannidem, velle nubere. Norat homo Germanus Comitem, sciebat, eum habere filiam, quæ austeritatem parentum pertæsa ad Monialium asceterium confugerat. Credit, hanc esse, & in uxorem ducit. Revertitur in patriam, opinione sua jam pene Comes factus. At ibi reperit, Comitis filiam adhuc apud Moniales hærere, & hanc esse vaferrimam meretricem. Igitur matrimonium esse nullum, vociferatur, ac pro nullo declarari petit. Caramuel matrimonium habuit pro invalido, dissentientibus aliis. Caramuelis decisionem sequor; nam prædicatum, in quo error contigit, fuit hæc nota individualis: *esse filiam Comitis a Libenstein*: norat sponsus Comitem: norat ejus filiam asperitatem parentum fugisse. Ex hisce notis ideam certi individui concepit, eique intentionem contrahendi affixit; sed contractum executus est cum alio individuo. Erravit ergo

Vergo in persona. *Dices.* Intentio contrahendi tendebat in personam præsentem, quam ex visu, familiaritate, aliisque notis singularibus designavit: & cum hac ipsa contraxit postea: ergo circa qualitates personæ præsentis, non in persona ipsa erravit. R. n. a. Hoc enim semper posset objici; & sic nullus omnino error matrimonium dirimeret; quod est contra I. decisionem §. 38. Aperte autem in hunc casum notio erroris circa personam ibidem allata incidit. Dixi, me *decisionem* Caramuelis sequi: rationem enim, quam attulit, non sequor. Putat enim, nullum esse matrimonium etiam ob errorem qualitatis, si qualitas e. g. opulentia, nobilitas, assumitur tanquam unica ratio matrimonii ineundi, & tanquam purum medium obtinendi præfixum finem commodæ sustentationis, affinitatis cum familia nobili &c. Unde aliqui Doctores statuunt regulam: Qualitas redundat in substantiam matrimonii, ejusque defectus contractum reddit irritum tunc, quando ea spectatur tanquam unicus finis matrimonii cum certa persona contrahendi. Verum ejusmodi propositiones indeterminatæ sæpe fallunt. Nam 1. alius est finis ipsius *operis*, status assumpti, vel contractus initi e. g. venditionis, ut quis dato pretio rem faciat suam: alius est *finis operantis*, aut causæ *impulsivæ*, per quam ad finem operis intendendum aliquis impellitur, e. g. ut quis emat equos, quia eos, quos domi habet, interiisse, ex nuntio vero aut falso comperit. Ejusmodi causæ impulsivæ in eodem genere contractus, aut status admodum variabiles sunt, nec attenduntur in contractibus, nisi consensus iisdem expresse alligetur, aut dolus partis alterius intercesserit. Tales causæ impulsivæ in matrimonio sæpe sunt, ut, qui officio publico aut privato distentus est, negotia domestica, & rem familiarem uxori relinquat: ut affinis fiat familiæ nobili, aut per uxorem officium,

mercaturam &c. obtineat: ut provideat liberis ex priorâ matrimonia genitis: ut puellam, quam ducit, a vita abducat luxuriosa, uti indicatur c. 20. h. t. In his, si proposito, & expectationi eventus non respondeat, aut qualitas in uxore spectata non insit, nemo matrimonium nullitatis arguet, modo finis proximus & intrinsecus ipsius matrimonii, quem contrahens ob varias causas impulsivas minime excludit, imo primario intendere censetur, non deficiat (dd).

(dd) Conser *Principia generalia in Jure Nat. privato exposita* § 27 pag. 68. & § 56. pag. 113. *Exemplum causæ impulsivæ, cujus defectus actum non fecit irritum, extat c. 14. de convers. conjug. Similis casus recensetur a Gratiano pr. caus. XXIX. & q. 1. ib.*

§. 44. Superest casus Basilii Pontii l. IV. de Matr. c. 21. referente Gobat loc. cit. Dorothea sæpius palam professâ, se quidvis potius perpeffuram, imo sibi ipsi allaturam mortem, quam ut nuberet certo viro, si Judæorum sanguine infectus esset; nupsit tamen illi, mentito, se progenitum e stemmate, nunquam tali macula sædato. At postquam deprehendit Dorothea, esse sibi impositum, rem eo deduxit, patrone Basilio Pontio, ut matrimonium fuerit a legitimo judice pronuntiatum nullum, approbantibus Theologis, & Jurisperitis Salmanticensibus, Complutensibus, & aliis. Error in hac specie solius qualitatis fuit; at sufficienter coram Judice probari potuit, sponsam hinc qualitati negativæ alligasse intentionem suam, nec in ipso contractu ab ea conditione recessisse. §. 40. n. 2. Similis decisio, & ex simili ratione a S. Congregatione Concilii facta est in una Eustadiensi matrimonii 9 Febr. 1732. Tom. V. Thesauri Resolutionum S. Congr. Concilii pag. 257. 272. 336. (ee).

(ee) De impedimento erroris exemplum afferri solet ex Gen. XXIX. de Patriarcha Jacobo, Lia & Rachele. Sed videtur tum error non in contractu matrimonii, sed ejus usu contigisse: „nam dixit (Jacob) ad Laban: da mihi uxorem meam; quia jam tempus impletum est, ut ingrediar ad illam; qui vocatis multis amicorum turbis fecit nuptias.“ Ex quibus patet, consensum de presenti inter Jacob & Rachelem jam intercessisse. Sed Laban vespere Liam filiam introduxit ad eum. Erratum ergo fuit in usu, non in contractu matrimonii, excusante Jacobum ignorantia. Aliæ Doctorum distinctiones de dolo vel errore, qui dat causam contractui, de errore vel dolo antecedente, concomitante, subsequente in presenti casu rem non expediunt.

§. 45. Alterum impedimentum dirimens sponsalia & matrimonium est vis ac metus. Est enim alia quæstio de jure & facultate sponsalia contrahendi cum, vel sine consensu parentum, tutorum, magistratus. §. 11. & 12. alia de plena libertate seu immunitate a vi & coactione; quæ libertas sine dubio cuivis competere debet, tum ut simpliciter contrahat, vel non contrahat, tum ut contrahat cum certa persona. De quo memorabilis extat sanctio S. Concilii Trid. Sess. XXIV. c. 9. de ref. matr. Disputant autem, utrum sponsalia & matrimonium metu inita jure naturali, an positivo tantum sint irrita? Ac matrimonium vi extortum, jure saltem *positivo* humano nullum esse, concedunt omnes. De sponsalibus id negant non pauci; sic, ut probato metu ea rescindi possint, ac debeant a Judice, non tamen ante rescissionem nulla sint. Hinc emergere potest *dubium juris* de impedimento dirimente, quando de contrahendo matrimonio agitur. Quid enim? si priora sponsalia vi inita fuerunt valida, adeoque impedimentum publicæ honestatis produxerint; poteritne pars altera post eorum rescissionem matrimonium contrahere cum prioris sponsi consanguineo in primo gradu?

§. 27. n. IV. Hoc dubium cessat, si sponsalia vi inita ipso jure invalida esse, constet.

§. 46. Decidendum est: I. Cum de vi illata agitur, distingui maxime oportet inter vim & vim, nempe levem, aut gravem: juste vel injuste illatam c. 6. & 15. h. t. II. Sponsalia æque ac matrimonium vi gravi & injusta, contracta jure naturali sunt irrita. Prob. primo ex generalibus principiis *de His, quæ vi, metusve causa fiunt*. Lib. I. Decret. §. 573. Secundo quia sponsalia ac matrimonium maxime fundantur in conjunctione animorum, cui nihil tam repugnat, quam violentia. c. 14. 15. 28. h. t. Hinc multi Auctores, qui alios actus metu gestos natura valere putant, tamen sponsalia, matrimonium, vota, professionem religiosam, si vi metuque fiant, ipso naturali jure esse irrita contendunt. Illi autem, qui matrimonium vi extortum, esse nullum fatentur, sponsalia tamen pari vi contracta valere asserunt, pugnantia loquuntur. Sponsalia enim si valeant, obligationem continent matrimonii contrahendi, atque in ipsum contractum influunt, ut proinde ipsam matrimonium vi & metu contraheretur, id est, invalide. Quomodo autem obligatio concipi potest ad matrimonium invalide contrahendum? III. Metus in sponsalibus & matrimonio interveniens purgatur spontaneo consensu superveniente c. 6. h. t. aut in matrimonio spontanea cohabitatione c. 21. & 28. h. t. c. 4. qui matrim. accusare possunt (ff).

(ff) Dicunt 1. *Vis & metus non tollunt voluntarium, ac consensum liberum. Ergo jure naturæ valent actus metu gesti. R. d. a. Non tollunt voluntarium simpliciter. c. a. (hoc enim ipsi indicant sacri Canones c. 5. de His, quæ vi.). Non tollunt voluntarium ad sponsalia & matrimonium requisitum, & consensum jure nixum, n. a. c. 14. h. t. ibi: Cum locum non habeat consensus, ubi metus*

metus & coactio interfuit, necesse est, ut, ubi assensus cujusque requiritur, coactionis materia repellatur. Matrimonium autem solo consensu contrahitur: & ubi de ipso quaeritur, plena securitate debet ille gaudere, cujus est animus indagandus, ne per timorem dicat, sibi placere, quod odit, & sequatur exitus, qui de invitis solet nuptiis provenire. *Consensus iure nixus dicitur, qui inter consentientes mutuum jus & obligationem continet. Id non fit in his, quæ vi metuque fiunt. Nam metum inferens naturalem obligationem habet, alterum servandi immunem ab omni gravamine; ergo jus adversus eum non habet: metum passus naturali jure libertatis & immunitatis ab injuria gaudet: ergo nulla obligatione alteri devincitur. Dicunt 2. Saltem valebunt sponsalia tali casu, si firmentur juramento. R. n. Id deciditur c. 2. de eo, qui duxit &c. Ratio est, quia juramentum sequitur naturam actus, cui adjectum fuit. c. 25. de Jurej. Conf. Lib. II. Decret. §. 308. seq.*

§. 47. *Impedimentum Raptus* ad hunc ipsum locum referri debet; quia contra vim ad tuendam matrimonii libertatem introductum est. Agitur enim de raptu, qui matrimonii contrahendi, non alia ex causa fit e. g. libidinis exercendæ, de quo agitur in Jure criminali. Dein quaestio est *de raptu violentiæ*; nam Auctores quidam Galli, qui consensum parentum in nuptias filiorum, aut filiarum familias, tanquam necessarium ad matrimonii valorem exigunt, eo omisso consensu fingunt raptum *subornationis aut seductionis*, etsi contrahentes toto animo consentiant. conf. §. 12. de raptu autem violentiæ utimur jure Concilii Trident. Sess. XXIV. c. 6. de ref. matr. quod decernit, *inter raptorem, & raptam, quamdiu ipsa in potestate raptoris manserit, nullum posse consistere matrimonium*; statutis etiam aliis pœnis, & excommunicatione in raptorem, ac omnes illi consilium, auxilium & favorem præbentes. Si rapta in loco tuto, extra potestatem raptoris constituta in ejus ma-

trimo-

trimonium consentiat, potest illud contrahi contra l. un. §. 1. C. de raptu Virgin. vel viduar. Sapientissimæ Concilii decisioni videtur facem prætulisse *c. cum locum*. 14. h. t. Quod de viro rapiente feminam decretum est, videtur pertinere etiam ad feminam rapientem virum; quia correlativa sunt, atque eadem in viro, si non major, matrimonii libertas requiritur, ac in femina: dissentit tamen Sanchez de Matr. l. 7. Disp. 12. n. 24. seq. & Disp. 13. n. 16.

§. 48. Ad rationem Sacramenti, quod in matrimoniis fidelium perficitur, referri debet *impedimentum disparis cultus*; nam matrimonium non modo in officium naturæ, & civitatis, id est, ad conservandam societatem naturalem aut civilem, sed etiam in officium Ecclesiæ, ejusque conservationem institutum est, ut conjuges sanctificarentur, prolesque susciperent, ac pie educarent. Huic fini maxime obstat disparitas cultus seu religionis in conjugibus; quæ duplex est 1. inter fidelem, & infidelem, id est, inter partes, quarum altera est baptizata, altera non baptizata. 2. Inter partes, quarum una est Catholica, altera Christiana quidem, seu baptizata, non tamen catholica. Utroque casu disparitas cultus est vel *antecedens* ipsum matrimonii contractum: vel *superveniens*, uti si una pars infidelium conjugum convertitur ad fidem christianam, aut inter conjuges A catholicos una revertitur ad Ecclesiam catholicam, aut inter conjuges catholicos una deficit ab Ecclesia catholica, & labitur in hæresin.

§. 49. Decidendum est: I. Disparitas cultus *antecedens* inter fidelem & infidelem est impedimentum dirimens matrimonium, non jure naturali aut divino, sed Ecclesiastico, eoque consuetudinario, etfi

etsi pars infidelis jam sit catechumena, aut etsi una pars putet, se baptizatam, & tamen vere non sit (gg). Si pars Acatolica matrimonio jungatur cum infideli e. g. cum Judæo; quod Protestantes alicubi permittunt, matrimonium pariter nullum erit. Casum recenset Benedictus XIV. Bullar. Tom. III. N. II. de Hebræo, qui e secta Protestantium uxorem duxerat. Hebræo baptizato, & muliere ad catholicam fidem reversa renovari inter eos debuit matrimonium. § 37.

(gg) *Eruditissime de hoc impedimento differit Benedictus XIV. in cit. constit. add. Zech de impedimentis dirim.* §. 323.

§. 50. II. De disparitate cultus *superveniente* in matrimoniis infidelium, si nempe una pars convertitur ad fidem christianam, & baptizatur, decidendum est: II. Prius matrimonium per baptismum non dirimitur; *cum per Sacramentum Baptismi non solvantur conjugia, sed crimina dimittantur. c. gaudemus. 8. de divortiis.* III. Si pars infidelis fidei cohabitare velit pacifica & sine contumelia Creatoris, id est, sine blasphemia divini Nominis, sine despectu christianæ Religionis, & sine periculo subversionis conjugis fidelis, hic *potest* eam ad consortium admittere; utrum autem *teneatur*, Episcopus pro varietate circumstantiarum decidet; uti resolvit Clericatus de Sacramento Matrimonii Decif. XI. n. 30. seq. IV. Si autem pars infidelis nolit fidei cohabitare pacifice & sine contumelia Creatoris, parti fidei jure divino competit privilegium transeundi ad novas nuptias in Domino, id est, cum alia parte christiana. I. Cor. VII. 15. eoque novo conjugio solvetur prius cum infideli contractum, c. *quanto. 7. de Divortiis.* Bened. XIV. de Syn. Dioces. l. 6. c. 4. n. 3. Clericat. loc. cit. V. Integrum autem non est, conjugii

jugi converso transire ad alia vota, priusquam infidelis interpellatus, aut absolute recusaverit cum eo cohabitare, aut animum sibi esse ostenderit, cum illo quidem cohabitandi, sed non sine Creatoris contumelia; formulam interpellationis refert Clericus l. c. n. 24. Si pars infidelis longe abest, aut studiose latitat, multi Auctores facultate Episcopi novas nuptias fidei concedi posse docent, ib. n. 25. Alii dispensatione Apostolica opus esse contendunt; quæ certe necessaria haud videtur, si pars infidelis post conversionem alterius ipsa aufugerit, aut a fidei fieri divortium, ac libellum repudii dari postulet; quod uxores hebrææ facere solent; quia alias apud suos non admittuntur ad novas nuptias; quia voluntas (non cohabitandi) non tantum verbis, sed etiam factis declarari potest. l. 5. D. ratam rem haberi. VI. Notandum autem, quando pars infidelis hebræa a fidei divortium fieri, aut libellum repudii dari postulat, id a fidei nullo modo fieri debere; cum omne tale divortium aut repudium Christi lege sublatum sit. Matth. XIX. (hh).

(hh) *Conf. Constit. Benedicti XIV. de abusu libelli repudii Bullar. Tom. II. Constit. 38. De dispensatione autem Pontificia conf. Ejusdem constitutio: In Suprema. Bullar. Tom. I. Num. 117. Casus, quo uterque conjux infidelis convertitur ad fidem tempore eodem, disparitatem cultus non inducit. De valore autem matrimonii ante Baptismum contracti judicatur secundum leges naturales ac divinas. Conf. §. 29. Si autem una contrahentium pars fidelis jam est, ea tenetur impedimentis ecclesiasticis; idque satis est, ut matrimonium reddatur nullum, etsi altera pars infidelis iisdem non obligetur.*

§. 51. Superest alter casus de disparitate cultus minus proprie tali. §. 48. Ac I. Matrimonium catholici cum muliere hæretica, aut vicissim, validum quidem est, si nullum aliud subest impedimen-

mentum; at per se graviter illicitum ob periculum subversionis, dissensionum, pravae aut neglectae educationis prolium. Horum malorum justus metus, certa experientia teste, longe superat spem commodi ex ejusmodi conjugiiis proventuri, praesertim temporalis tantum, cui longissime praefenda est causa Religionis, & salutis tum conjugis catholicae, tum prolium (ii). II. Si diversitas religionis superveniat matrimonio jam contracto; illud minime solvitur, sed aliquando causa divortii ad tempus certum vel incertum emergit. Concil. Trid. Sess. XXIV. Can. 5. & 8. de Sac. Matr.

(ii) *Conf. Can. cave. 15. & seq. XXVIII. q. 1. c. 14. de Haeret. in 6. Constitutio: Matrimonia. Tom. 1. Bullar. Bened. XIV. N. 34. ubi dolet Pontifex, eos esse inter catholicos, qui infano amore turpiter dementati, ab hisce detestabilibus connubiis, quae S. Mater Ecclesia perpetuo damnavit, atque interdixit, ex animo non abhorrent. De eodem argumento idem Pontifex agit l. 6. c. 5. de Synod. Dioces.*

TITULUS II.

DE DESPONSATIONE IMPUBERUM.

ARGUMENTUM.

- I. *Aetas requisita ad sponsalia & matrimonium. §. 52.*
 II. *Præsumptiones juris de infantibus & impuberibus, §. 53.* III. *& eorum matrimonium. §. 56.*

§. 52. Jure naturali ac divino certa ætas ad sponsalia, & matrimonium non præscribitur, modo uterque contrahens pleno rationis usu, ac discretionem polleat ad præstandum consensum in sponsalia vel matrimonium: quodsi per ætatem in alterutra vel utraque parte nondum adsit puber-

pubertas naturalis, id est, potentia ad actum conjugalem generationi prolis aptum; is censetur defectus temporalis, qui matrimonium non reddit irritum.

§. 53. Jure canonico fit I. distinctio inter *infantes*, seu minores septennio, & *impuberes* natura vel lege: nam II. Pubertas alia est *legalis*, quæ in masculis incipit post completum annum XIV. ætatis: in feminis post completum annum XII.; ante hunc terminum censentur impuberes lege (a): alia *naturalis*, quæ non pendet ex termino legali, sed ex potentia ad copulam conjugalem. Si hæc potentia prævertit annum XIV. in masculis, vel annum XII. in feminis, malitia vel prudentia dicitur supplere ætatem. III. Eodem Jure circa ætatem præsumitur *primo*: Ante septennium non adest plenus usus rationis & sufficiens discretio ad sponsalia vel matrimonium. *Secundo* ante pubertatem legalem non præsumitur naturalis, sed cum sit facti, probari debet: post pubertatem legalem aut præsumitur naturalis, aut ejus defectus habetur pro temporali, qui, ut dictum est, differt ab impotentia perpetua. IV. Distingui oportet inter quæstionem *juris* de ætate aut pubertate ad valorem sponsalium, aut matrimonii requisita: & quæstionem *utilitatis* de nuptiis non maturandis ætate immatura more veterum Germanorum, de quo Tacitus de Moribus German. & Cæsar. l. 6. de Bello gallico agit.

(a) C. 2. & 3. h. t. Princip. Inst. quibus mod. tutela finitur. Merill. Observ. l. 1. c. 14. & 22. Fit etiam in *Jare* mentio de pubertate plena, quæ in masculis finitur anno XVIII. in puellis anno XIV. §. 4. Inst. de Adopt. l. 4. §. 1. D. de alimentis leg.

§. 54. His præmissis decidendum est: I. Sponsalia aut matrimonium non valent, nisi pars
utra-

utraque septennium jam compleverit, nec ex iis impedimentum publicæ honestatis producitur, neque etiam spectatur, an prudentia non suppleverit ætatem. c. 4. & 5. 13. X. & c. 1. h. t. in 6. Satis est ad nullitatem, si vel una pars septennio minor sit. c. 13. & c. 1. in 6. Quia talia sponsalia *defectu consensu* nulla censentur. Jure etiam veteri impedimentum publicæ honestatis non producere. cit. c. 1. in 6.

§. 55. II. Si sponsalia de futuro intra pubertatis annos contrahantur, id est, a masculis ante 14 an. a femellis ante 12. an., potest pars impubes, pubertatem adepta resilire. c. 7. & 8. De hoc jure resiliendi adnota *primo*: Hoc jus resiliendi competit, etsi sponsalia fuerint jurata; quia favore teneræ ætatis & ob onera status matrimonialis lege publica concessum est. *Secundo* ante impletam pubertatem non competit. Hinc expectanda est pubertas legalis; nec ante eam nova fieri sponsalia possunt. cit. c. 7. & 8. *Tertio* nec competit ei, qui jam pubes cum impubere contraxit. c. 7., nisi ex alio capite e. g. vis & metus. c. 9. & 11. *Quarto* nec datur, si commixtio carnalis ante pubertatem legalem intervenierit, malitia supplente ætatem. c. 8. in fin. *Quinto* etsi pars pubes facta resiliat, manet tamen impedimentum publicæ honestatis. c. 5. X. & c. 1. §. 1. in 6. *Sexto* cessat jus resiliendi, si impubes post XIV. annum ætatis suæ, vel circa finem XIV. anni consentit in nuptias promissas. c. 10. *Septimo* sola adveniente pubertate non cessat jus resiliendi, sed novo post eam præstito consensu; quem si jurato diffiteretur pubes factus, etiam postea resilire, & ad alias transire nuptias permittitur. Qui casus satis clare deciditur c. 10. h. t.

§. 56. III. De Matrimonio inter impuberes, aut puberem & impuberem contracto decidendum est: Non valet matrimonium, si in utroque aut alterutro contrahentium deest pubertas tam naturalis, quam legalis. c. ult. h. t. Censentur tamen sic contrahentes de præsentī, ex interpretatione juris iniisse sponsalia de futuro (b). Nullitas vero talis matrimonii est juris mere ecclesiastici; locumque dat dispensationi Pontificiæ (c). Ex contrario sensu inferres: Valet matrimonium, si in utroque contrahentium adsit pubertas aut legalis aut naturalis; alterutra enim sufficit.

(b) C. ult. X. & c. un. §. i. h. t. in 6. Saltem si probari non possit, contrahentes sic fuisse affectos, ut aut matrimonium contrahere, aut nihil agere voluerint. Hoc enim casu locum haberet dictum c. 23. de offic. delegati: Quod voluerunt, non potuerunt; quod potuerunt, non voluerunt.

(c) Conf. Bullar. Bened. XIV. Tom. II. Epistola Decretal. Magnæ Nobis. ad Poloniæ Primate, Archiepiscopos, & Episcopos data. 29. Jun. 1748.

TITULUS III.

DE CLANDESTINA DESPONSATIONE.

ARGUMENTUM.

I. Notio clandestinæ desponsationis §. 57. II. Jus antiquum & commune de eadem §. 58. III. Jus novum Concilii Tridentini §. 60. IV. Denuntiationes matrimonii §. 72. V. Matrimonia occulta, ad Morgenaticam, inæqualia §. 73.

§. 57. *Desponsatio* refertur tum ad sponsalia de futuro, tum ad matrimonium. *Clandestinum* opponitur tum ei, quod publicum

cum est, non occultum: tum quod *solemne* est, sive ritus externos *lege* vel *canone* præscriptos continet. Est enim in sponsalibus & matrimonio alia solemnitas civilis & politica: alia canonica; & matrimonium, aut dicitur *civile*, *politicum*, & relate ad ritus profanos *solemne*, in quo concurrunt solemnitates a Jure civili requisitæ, uti pacta dotalia, solemnitas traductio sponsæ in domum sponsi, consensus parentum &c. (a) aut *canonicum*, seu relate ad civile, *non solemne*, in quo adhibentur ea tantum, quæ a S. Canonibus præscribuntur; suntque duplicis generis secundum hodiernam disciplinam; nam aliud per Canones requiritur ad *valorem* matrimonii, ceu præsentia proprii Parochi & duo tresve testes, iis in locis, ubi Decretum Concilii Tridentini (Sess. XXIV. c. I. de ref. matrim.) viget, præter habilitatem personarum, & generalia requisita consensus: aliud præscribitur ad *licentiam*, ceu præviæ denuntiationes, benedictio sacerdotalis. Id, quod ad valorem contractus matrimonialis præscribitur, appellatur *solemnitas substantialis*; cum potius *forma actus* vocanda esset: quod vero requiritur ad licentiam, solemnitas *accidentalis*. Primo agendum est de sponsalibus, an ne & quatenus clandestina valeant, aut quandam solemnitatem poscant jure ecclesiastico. Dein substantialis solemnitas ad matrimonium per Canones præscripta videtur exponenda. Hac cognita de iis, quæ accidentalia vocantur, etsi per se graviter præcepta sint, facilius feretur judicium.

(a) *Leges & consuetudines civiles pro locorum & temporum varietate admodum variæ sunt, uti patet ex iis, quæ Gratianus affert caus. XXX. q. 5. ubi canon primus, qui Evaresto Papæ tribuitur, spurius est, & disciplinam seculi IX., quo Isidorus merces suas protulit, videtur exhibere. In Jure sacro valor contractus sponsalitii & matrimonialis maxime examinatur.*

§. 58. Ad sponsalia de futuro nulla per Canones præscribitur necessaria solemnitas. Valent jure communi etiam occulta & clandestina, atque impedimentum publicæ honestatis producunt, modo nihil defit eorum, quæ de habilitate personarum, ac consensu generatim præscripta sunt.

§. 59. De solemnitate substantiali, seu *forma* ad valorem matrimonii præscripta decidendum est 1. Jure ecclesiastico communi matrimonia clandestina, id est, nulla adhibita Ecclesiæ benedictione, nullis testibus præsentibus inter personas habiles contracta, erant valida (b). 2. Erant tamen gravissime prohibita (c). 3. Si post clandestinam desponsationem altera contrahentium pars eam negavit, altera affirmavit, pars affirmans habuit onus probandi. c. 1. h. t. quia facta & delicta non præsumuntur. Atqui desponsatio erat factum: clandestina factum erat illicitum. 4. Si contrahentes matrimonia sua clandestine inita postmodum voluerunt publicare, ea ab Ecclesia recipi debuerunt, & comprobari, *tanquam a principio in Ecclesiæ conspectu contracta*. c. 2. ibi: *Nisi rationabilis causa præpediat* e. g. suspicio impedimenti. 5. Ad detegenda contrahentium impedimenta postmodum in Concilio Lateran. IV. decretum est: *Ut, cum matrimonia fuerint contrahenda, in Ecclesiis per Presbyteros publice proponantur, competenti termino præfinito, ut intra illum, qui voluerit, & valuerit, legitimum impedimentum opponat; & ipsi Presbyteri nihilominus investigent, utrum aliquod impedimentum obsistat*. c. 3. De hac matrimonii contrahendi denuntiatione agetur infra. 6. Veteres Canonistæ, cum matrimonia clandestina haberent pro validis, qualia fuerunt reipsa, sed contra formam Canonum inita, hanc adhibuerunt distinctionem, ut matrimo-

nia

nia inita secundum formam Canonum appellarent *legitima & rata*, clandestina vero *rata* duntaxat, sed *non legitima*. Testis est Gratianus in fin. quæst. 1. caus. XXVIII. Hodierno stilo nomine matrimonii legitimi, & non rati intelligimus matrimonium infidelium (§. 15.).

(b) *Concil. Trid. Sess. XXIV. c. 1. de ref. Matr. Can. 1. XXX. q. 5. Pseudo-Evaristus ait: Aliter legitimum non fit conjugium, nisi ab his, qui super ipsam feminam dominationem habere videntur - uxor petatur - & suo tempore sacerdotaliter, ut mos est, cum precibus & oblationibus a sacerdote benedicatur. Omissis his solemnitatibus matrimonium negatur legitimum esse, eo nempe sensu, quem n. 6. hic exposui. Additur in cit. can. Ita peracta legitima scitote esse conjugia: aliter vero præsumta, non conjugia, sed adulteria, vel contubernia, vel stupra, aut fornicationes. Duris hisce verbis emplastrum præbent sequentia: Nisi propria voluntas suffragaverit, & vota succurrerint legitima. Dixi: Jure communi olim valuisse clandestina matrimonia; dubitatum enim fuit in Concilio Trid., cum de iis ageretur, utrum non per se irrita jam fuerint, jure nempe speciali consuetudinis, teste Benedicto XIV. de Syn. l. 7. c. 27. Certe Flaminius Cephalius, quem iterato laudavi L. III. Tit. 3 in Vindictis Cælibatus c. XII. ait: „Hoc impedimentum dirimens clandestinitatis in Hungaria aut „coævum est ipsi regno, aut certe quatuor & amplius „seculis Concilio Tridentino antèrius.“*

(c) *Concil. Trid. l. c. Sancta Dei Ecclesia ex justissimis causis illa semper detestata est. Antiquissimas auctoritates recenset Benedictus XIV. loco superius cit.*

§. 60. In Concilio Trid. c. 1. de ref. matr. clandestina matrimonia lege generali non tantum prohibita, sed etiam irritata fuere. Ibi: *Cum sancta Synodus animadvertat, prohibitiones illas propter hominum inobedientiam jam non prodesse: & gravia peccata perpendat, quæ ex iisdem clandestinis conju-*

giis ortum habent: præsertim vero eorum, qui in statu damnationis permanent, dum, priore uxore, cum qua clam contraxerant, relicta, cum alia palam contrahunt, & cum ea in perpetuo adulterio vivunt; cui malo, cum ab Ecclesia, quæ de occultis non iudicat, succurri non possit, nisi efficacius aliquod remedium adhibeatur: Idcirco &c. Præscribuntur dein publicæ denuntiationes. Sequitur Decretum irritans, & ad clandestina matrimonia inhabilitans, hisce conceptum verbis: Qui aliter, quam præsentem Parochum, vel alio Sacerdote de ipsius Parochi, seu Ordinarii licentia, & duobus vel tribus testibus matrimonium contrahere attentabunt; eos sancta Synodus ad sic contrahendum omnino inhabiles reddit, & huiusmodi contractus irritos, & nullos esse decernit, prout eos præsentem Decreto irritos facit, & annullat. - - Decernit insuper, ut huiusmodi Decretum in unaquaque parochia suum robur post triginta dies habere incipiat a die primæ publicationis in eadem parochia factæ numerandos. Pro decisione casuum obvenientium plura adnotanda sunt.

§. 61. I. *Expenditur natura legis de matrimoniis clandestinis.* Hæc lex est irritans, seu inhabilitans ad clandestine contrahendum, adeoque efficit impedimentum matrimonii dirimens in locis & casibus, ubi obligat. Irritatio major est quidam gradus prohibitionis (d), sive, ut Concilium loquitur, *efficacius remedium*; cum simplices prohibitiones propter hominum inobedientiam non jam sufficerent. Natura legis irritantis est, ut nec ignorantia, aut particularis necessitas actum irritatum efficiat validum. In eo enim genere legum locum non habet Epikia (e). Irritatio matrimonii clandestini facta est per formam, contractui matrimoniali præscriptam: actus

actus autem sine sua forma omni jure nullus est. Forma præscripta sita est in his, ut consensui de præsentibus inter personas habiles præstito *simul* adsit proprius Parochus & duo, tresve testes. Si non omnes simul atque una adsint, nihil agitur. Imo Concilium l. c. *insuper parochum vel alium sacerdotem, qui cum minore testium numero: & testes, qui sine paracho vel sacerdote hujusmodi contractui interfuerint, nec non ipsos contrahentes graviter arbitrio Ordinarii puniri præcipit.* Fit autem in Decreto mentio parochi unius tantum, non duorum, etsi contrahentes ex diversis parochiis, ac fortassis etiam diocesisibus sint. Nec ad valorem interest, sponsine, an sponsæ parochus præsto sit. Utrovis enim casu matrimonium coram proprio paracho reipsa initum censetur; quia in actibus individuis jus & privilegium unius contrahentium communicatur cum altero (f). Hinc si in loco, ubi matrimonium initur, una pars non tenetur Decreto Tridentini, quia ibi promulgatum non est, valebit matrimonium clandestinum etiam relate ad partem alteram.

(d) *Conf. Jus Nat. priv. §. 59. pag. 123.*

(e) *Lib. I. de Constit. §. 185. n. II. Si concubinaris ante mortem velit contrahere matrimonium ad proles legitimandas, & parochus absit, nihil agi poterit. Alius est casus, si parochus ob persecutiones absit longiori tempore, vel tuto adiri non posset.*

(f) *L. Si communem. 10. D. quemadmodum servitutes amitt. ibi: Si communem fundum ego & pupillus haberemus, licet uterque non uteretur, tamen propter pupillum & ego viam retineo. Quia in Belgio fæderato communitas Acatholicorum hac lege non comprehenditur, valet clandestinum matrimonium inter partem acatholicam, & catholicam, etsi hæc seorsim eidem legi subjaceat. Item si sponsus sit vagus, sponsa non vaga, valide matrimonium contrahitur coram paracho loci,*

loci, ubi sponsus tum versatur. Similiter valide contrahitur in parochia sponsæ assistente paracho sponsi, aut vicissim; vel in parochia aliena assistente proprio paracho sponsi, sponsæve, aliove sacerdote de parochi licentia. Sic enim habetur id, quod a Concilio præscribitur. Fagnan. c. 2. h. t. n. 36.

§. 62. II. *Specialis promulgatio* Decreti Tridentini: *Ut in unaquaque parochia suum robur post triginta dies habere incipiat, a die primæ publicationis in eadem parochia factæ numerandos, ob eam causam fuit requisita, ne Protestantes, qui multas jam tum parochias invaserant, tenuerantque, eodem decreto comprehenderentur, nulla emolumenti spe, non levi majoris perturbationis periculo (g). Ut autem irrita fiant clandestina matrimonia, satis non est, ut ab Episcopo per Decretum Tridentino simile tacito Concilii nomine decernantur irrita. Conf. §. 36. & Benedict. XIV. de Syn. l. 7. c. 68. n. 5. Ad probandam ejus Decreti promulgationem jam olim factam, sufficere ejusdem observantiam & usum, sæpius declaratum fuit a S. Congregatione Concilii. Ex his inferes: Primo. Cum de matrimonio clandestino quæstio vertitur, spectari in primis debet locus, in quo id initum fuit; quia id decretum in plurimis locis, regnis, provinciis, parochiis fuit promulgatum, adeoque vim habet, in aliis non fuit promulgatum, in quibus proin clandestina matrimonia veteri lege prohibita quidem, non tamen irrita sunt. Generale principium est, quod contractus tum ab incolis, tum advenis, peregrinis & vagis celebrari debeant secundum formam & consuetudinem receptam in loco, ubi ineuntur (h). Secundo. Siqua in urbe e. g. Augustana vel Ratisbonensi sint parochiæ, in quibus illud Decretum promulgatum fuit, aliæ parochiæ, in quibus non fuit promulgatum; eoquod anno*

1563.

1563. quo Decretum est positum, aut anno 1564. quo Synodus est confirmata, jam fuerint in manibus Lutheranorum; Decretum in prioribus parochiis obligabit, in posterioribus non item. *Tertio.* Valent clandestina matrimonia in locis inita, in quibus Decretum Concilii aut nunquam publicatum omnino, aut nunquam in usum deductum fuit: in locis etiam, in quibus nullus omnino habetur parochus catholicus, aut metu persecutionum latitat tum ipse, tum ejus Ordinarius, qui alium Sacerdotem delegare possit, aut denique, si tutus ad eum non habetur accessus (i). Aliud est, si in casu tantum particulari parochus deficit; uti animadverti §. præc.

(g) *Pallavicin. Hist. Concil. Trid. l. 22. c. 4. n. 26. Benedictus XIV. cum matrimonia clandestina in Belgio federato inita inter A catholicos, vel inter partem Catholicam & A catholicam pro validis declarasset, non obstante publicatione Decreti Tridentini ibidem facta, in alia dein Constitutione Tom. III. N. II. §. 17. ait: Ex verissimis argumentis, conjecturisque probatum est Concilium Tridentinum, cum novum illud dirimens impedimentum constituit, Decretum suum ad ea matrimonia non extendisse, quæ disceptationi (de Hollandis) a Nobis solutæ occasionem dedere.*

(h) *Si uterque contrahentium spectent ad parochiam, in qua Decretum Concilii non fuit promulgatum, & peregrinantes clandestine contrahant in loco, in quo fuit promulgatum, in quo tamen ipsi nec domicilium, nec quasi domicilium ante contractum nati sunt, non valet matrimonium. Idem dicendum est de casu, si sponsa spectet ad parochiam, in qua Decretum non fuit publicatum, & sponsus ad parochiam, in qua fuit publicatum, atque in hac sponsi parochia clandestinum matrimonium ineatur.*

(i) *Modo duo saltem tresve testes ex præscripto Concilii ad matrimonii contractum adhibeantur. Conf. Theol. Mor. Franc. Ant. Zaccariæ T. III. de matr. n. 778. seq.*

§. 63. De A catholicorum matrimoniis præter ea, quæ §. 37. fuerunt decisa, singulatim quæritur, utrum clandestine inita valeant. Distingui oportet casus diversos. I. Certum est, Decretum Concilii in Hollandia, Zelandia, Frisia, & aliis locis confœderatis an. 1565 & 1566. tempore Margaritæ Parmensis, jussu Philippi II. Hispaniarum regis, cui adhuc suberant provinciæ illæ, promulgatum fuisse; sed alia est quæstio, utrum idem Decretum iisdem locis satis receptum, atque in usum deductum fuerit. Nam Benedictus XIV. post multas disceptationes de valore eorum matrimoniorum sub prædecessore Clemente XII. agitata, variasque editas S. Congregationis decisiones in casibus particularibus, demum 4. Nov. 1741. declaravit, matrimonia in fœderatis locis Hollandiæ inter A catholicos, vel unam partem Catholicam, alteram A catholicam, non servata forma Tridentini, antea contracta & posthac contrahenda pro validis esse habenda, *dummodo aliud non obstiterit canonicum impedimentum*. Idem intelligi voluit Pontifex de casu, quo uterque contrahens pertineret ad militias Ordinum fœderati Belgii, addictas muniendis arcibus conterminis, vulgo dictis *de Barriera*. Extendit denique declarationem ad matrimonia, quæ contrahuntur in civitate trajectenſi ad Mosam. Ad principia autem juris communis referri voluit casum, quo ii, qui in fœderatis provinciis domicilium habent, matrimonium contrahere velint in regionibus Catholicis, aut, qui in regionibus Catholicis domicilium habent, matrimonium contrahere velint in fœderatis provinciis. Conf. notas §. præc.

§. 64. Alius est casus de matrimoniis A catholicorum, mixtisve inter Catholicam & A catholicam partem, si ea contrahuntur in locis, in quibus Decretum

cretum Concilii non tantum publicatum, sed etiam in usum deductum fuit; hæc enim matrimonia, non servata Concilii forma, inita pro foro canonico censentur nulla; modo iis in locis parochus catholicus adiri possit. Casus extat in Thesaurο Resolut. S. Congregationis Concilii Tom. V. pag. 147. in una Wormatiensi Matrimonii an. 1731. Nec vero Declaratio pro Hollandis edita statim ad matrimonia aliorum locorum tuto applicari potest; quia decisiones causarum particularium, etsi a Summo Principe promanarint, jus commune non faciunt. Celebris etiam hoc seculo fuit causa Comitis de Lippe Acatholici, qui matrimonium cum muliere pariter Acatholica contractum non præsentante parochο Catholico, sed juxta ritum & praxin Protestantium, tanquam nullum declarari petiit, & voti compos factus est. Declarationem S. Congregationis super ea nullitate exhibet P. Böckh h. t. §. II. n. 35. & P. Apollonius Holzmänn h. t. n. 209. in Jure Canonico practico. De casu autem, quo in locis Acatholicis, in quibus nunquam publicato Concilii Decreto matrimonia clandestina jure nostro, sine dubio valida censentur pro utroque foro, alia relate ad Protestantes mota est quæstio, utrum legitima habenda sint, si solemnitas, quæ ab ipsis vocatur, ecclesiastica omittatur. De qua re extat dissertatio Cl. Schloer, his verbis inscripta: *Vindiciæ legitimorum natalium liberorum e matrimoniis S. R. J. Principum, Comitumve, Augustanæ Confessioni addictorum, solo mutuo consensu matrimoniali, neglecta omni solemnitate ecclesiastica, contractis, natorum.*

§. 65. III. *Dispiciendum est, quis nomine parochi proprii veniat, qui matrimoniis assistere, vel assistentiam alteri sacerdoti dare queat.* Sess. XXIV. c. 1. de ref. matr. *Sancta Synodus - - statuit, benedictionem*

Benedictionem a proprio parochio fieri; neque a quoquam, nisi ab ipso parochio, vel ab Ordinario licentiam ad prædictam benedictionem faciendam, alii sacerdoti concedi posse; quacunque consuetudine etiam immemorabili, quæ potius corruptela dicenda est, vel privilegio, non obstante. Quod si quis parochus, vel alius sacerdos, sive regularis, sive secularis sit, etiam si id sibi ex privilegio vel immemorabili consuetudine licere contendat, alterius parochiæ sponso sine illorum parochi licentia matrimonio conjungere, aut benedicere ausus fuerit: ipso jure tamdiu suspensus maneat; quamdiu ab Ordinario ejus parochi, qui matrimonio interesse debebat, seu a quo benedictio suscipienda erat, absolvatur. Nomine Parochi, vel Ordinarii, qui matrimonio assistere, vel assistendi licentiam alteri sacerdoti dare possunt, veniunt Papa, & Nuntius Apostolicus pro sua provincia, Episcopus, ejus Vicarius generalis, Capitulum Sede vacante, & Vicarius Capitularis, Abbas, & Archipresbyter, si isti habent parochias suæ dignitati unitas quoad spiritualia & temporalia, uti decidit Clericatus de Matr. Decis. XXXV. n. 10. E contrario Parochi & Ordinarii nomine non intelliguntur Vicarius foraneus, nec Metropolitæ extra suam dioccesin, nisi in casu actualis visitationis, aut legitimæ appellationis in causa matrimonii contrahendi. Religiosi, qui familiaribus suis Sacramenta administrare ex privilegio possunt, non idcirco jus assistendi eorum matrimoniis habent. Nec Capellanus in Hospitali censetur parochus, etsi ibi degentibus Sacramenta administrare, & mortuos sepelire possit.

§. 66. Parochus sponsi vel sponsæ fit *proprius* ex domicilio vel quasi domicilio sponsi aut sponsæ, & relate ad vagos ex hospitio, sive loco, aut parochia, ad quam tanquam hospites deveniunt; cum vagi re-
ipfa

ipsa nec domicilium, nec quasi domicilium habeant. De Vagis Concilium Trid. Sess. XXIV. c. 7. de reform. *Parochis præcipit, ne illorum matrimoniis intersint, nisi prius diligentem inquisitionem fecerint, & re ad Ordinarium delata, ab eo licentiam id faciendi obtinuerint.* Notiones de domicilio & quasi domicilio, modisque id obtinendi, petendæ sunt ex Lib. I. Decret. §. 148. seq. Ambigi solet, quanta requiratur temporis & habitationis mora ad acquirendum quasi domicilium (k). Dein quasi domicilium acquiritur & *facto* seu adventu in loco quodam, & *animo*, sive intentione ibi per majorem anni partem commorandi; quod primo die, quo ad locum quispiam pervenit, intelligi potest. Auctores tamen pro contrahendo quasi domicilio ad effectum contrahendi matrimonii requirunt *præviā* habitationem tantam, ut eo in loco cogniti sint sponsi; quod sic intelligo, nisi notitiam ipsorum aliunde habeat parochus, vel ad hunc finem, ut etiam denuntiationes matrimonii eo in loco fieri, ac licite contrahi matrimonium possit. Quid enim? si denuntiationes priori habitationis loco factæ jam sint? Qui vero ex loco, ubi Decretum Concilii observandum est, egrediuntur, animo clandestine contrahendi, seseque transferunt in alium locum, in quo illud Decretum non viget, quin isthic domicilium vel quasi domicilium acquirant; non modo illicite, sed etiam invalide contrahunt, ex declaratione Urbani VIII. ad Ferdinandum Archiepiscopum Coloniensem data 14. Augusti an. 1627. De Vagis nunquam dici potest, quod egrediantur e suo domicilio.

(k) Qui ex Parochia sua, & domicilio exeunt, ne ibi matrimonium impediatur, & loco alio, quo se transferunt, tamdiu morantur, ut censeantur acquisivisse quasi domicilium, valide contrahunt non ob fraudem, sed ob favorem quasi domicili; ac tum maxime quaritur, quanto sit opus tempore, ut illud obtinuisse censeantur.

Casus

Casus ejusmodi refert Fagnanus in C. Significavit. §. de Parochiis. n. 36. seq. Post acquisitum quasi domicilium, initumque jam matrimonium subsequens eodem in loco habitatio per aliquod temporis spatium sane administriculum præbet comprobandi quasi domicilii; sed in declarationibus S. Congregationis a Fagnano relatis nulla fit mentio de habitatione subsequente.

§. 67. Ex generali doctrina de paracho proprio ratione domicilii vel quasi decidendum videtur: 1. Parochus *Originis* ad contrahendum matrimonium proprius non est, si quis alio transtulit domicilium, aut patriam deseruit. Qui sui juris non sunt, sed patriæ potestati subiecti, quamdiu revocari possunt in patriam, non videntur domicilium originis amittere, etsi animo nunquam redeundi abiissent. 2. Principes & nobiles in ordine ad matrimonium contrahendum domicilium non habent in omnibus locis sibi subiectis, sed ubi veram sedem & habitationem constituerunt. 3. Qui rei familiaris aut rusticationis causa ruri degunt aliquanto tempore, non ob id valide matrimonium præsentente paracho rurali contrahent. 4. Qui perpetuo, vel ad certum tempus, quod acquirendo quasi domicilio sufficit, detinetur in carcere, proprium parochum habet eum, in cujus parœcia situs est carcer. Arg. l. *Filii. 22. §. 3. D. ad Municipalem.* Ibi: *Relegatus in eo loco, in quem relegatus est, interim necessarium habet domicilium.* Aliter sentiendum de eo, qui aliquamdiu custoditur in carcere, donec Judex sententiam proferat; talis enim nihil magis in dies expetit, quam ut soluto carcere suas ædes reviset. 5. De Militibus eorumque proprio paracho varias resolutiones S. Congregationis recenset V. C. Zaccaria in *Theol. Mor. de Matr. n. 750. & seq.* Videntur milites, dum in expeditione sunt, æquiparari vagis.

§. 68. IV. *Munus parochi* matrimonio assistentis situm non est in actu quodam Ordinis, aut exercitio propriæ jurisdictionis, sed in præsentia ipsius tanquam testis specialiter authorizati, ut de inito contractu testimonium det Ecclesiæ. Satis ergo est, modo verificetur hoc, *coram paracho* initum esse matrimonium; sive eo præsentem & intelligente, consensum de præsentem inter contrahentes intercessisse. Nam, ut dicitur l. *Coram Titio*. 209. D. de V. S. *Coram Titio aliquid facere jussus, non videtur præsentem eo fecisse, nisi is intelligat; itaque si furiosus aut insans sit, aut dormiat, non videtur coram eo fecisse. Scire autem, non etiam velle id debet: nam & invito eo recte fit, quod jussum est.* Adde l. *Non multum*. 14. D. de consensu & Auct. Tutor. Ibi: *Non multum interest, abfuerit tutor, cum negotium contraheretur, an præsens ignoraverit, quale esset, quod contraheretur.* Hinc Clericatus Decis. 35. de Sacr. Matrimonii n. 5. putat, validum non esse matrimonium initum coram paracho non intelligente sponforum idioma, nisi per interpretem illud sibi declarantem; si nempe ex omnibus signis & adjunctis de voluntate & actu contrahentium tam certus non sit, ac si matrimonium contraheretur a mutis.

§. 69. Ex his deduces primo, valide contrahi coram paracho etiam non rogato ad assistendum, inducto per dolum, vi compulsio, invito & contradicente, aut affectante ignorantiam, uti si terga vertat, vel aures obturet, cum a partibus consensum præstari animadvertit. Arg. c. 3. §. 1. h. t. ibi: *Cum illi non expertes scientiæ, vel saltem affectatores ignorantie videantur.* Deduces secundo. Uti parochus esse potest, quin actu sacerdos sit; sic coram eo valide contrahitur matrimonium, vel ab eo, ejusve Ordinario,

rio, etsi presbyteri non sint, recte deputatur alius presbyter. In hoc enim deputato presbyteratum exigit Concilium; in parcho, ejusve Ordinario non exigit. Ex eadem ratione valide contrahitur coram parcho, irregularitate vel censuris irretito, vel cui ab Ordinario expresse vetitum est, ne matrimonio assistat; modo ab officio depositus non sit: imo etiam coram parcho putativo, quando concurrit error communis & titulus coloratus. Arg. 1. *Barbarius*. 3. D. de officio Præt. Opus tamen est, ut titulus coloratus ab Ordinario sit collatus. Talem non habet intrusus; qui proin cum effectu juris non assisteret matrimonio.

§. 70. V. *Licentia assistendi* matrimonio, si parochus ejusve Ordinarius assistere non possit aut non velit, nemini dari potest, nisi presbytero, id est, promoti ad presbyteratus Ordinem, qualiscunque de cetero sit. Modus eam licentiam concedendi præscriptus non est; adeoque non refert, utrum scripto, an viva voce, intra parochiam, vel extra eam detur; neque enim hæc deputatio est actus jurisdictionis contentiosæ, qui in territorio expediri debet. Cum autem ea licentia ad valorem actus necessaria sit, passim observant, non sufficere ratihabitionem postea supervenientem, vel licentiam præsumtam, quæ nihil operatur. Conf. Lib. III. Decret. §. 177. Aliter sentiendum de consensu *tacito* Parochi vel Ordinarii; uti si Parochus videat, alium Sacerdotem se accingere ad assistendum matrimonio, quem, cum facile posset, non impediatur; tum enim censetur tacite consentire, vel dare licentiam. Presbyter, qui licentiam assistendi obtinuit, eam alteri dare non potest; quia delegatus ad actum specialem subdelegare non potest, nisi sit delegatus a Summo Principe, vel ad universitatem causarum saltem in certo genere; unde Vicarius

rius parochi recte subdelegat ad casum tantum particularem. Data assistendi licentia expirat tum revocatione Parochi, ejusve Superioris, modo revocatio ante actum gestum innotescat, tum etiam morte concedentis; quia potestas delegata ad unum actum specialem re integra cessat morte delegantis. Hinc Capellanus vel Vicarius ad juvandum Parochum adscitus, hoc mortuo, non videtur posse assistere matrimoniis; quia facultas, quæ pendet a voluntate concedentis, extinguatur istius morte; & quia mortuo Parocho parochia transit ad regimen alterius. Si mors Parochi ignoretur, valide assistit ab eo delegatus; quia communis error & ignorantia sustinet valorem eorum, quæ a delegato geruntur. Lugo Resp. Mor. l. 1. dist. 35. Krimmer h. t. n. 677.

§. 71. VI. *De testium præsentia* recole dicta de præsentia parochi §. 68. Necesse est, ut sint duo vel tres (c. 40. de R. J. in 6. ibi: *Pluralis locutio duorum numero contenta est.*) simul cum Parocho præsentes §. 61. Singularisabilitas aut qualitas testium nulla præscripta est hoc loco, ut in aliis causis, nisi quæ jure naturæ poscitur, ut nempe intelligant, & animadvertant, quid inter contrahentes agatur, adeoque rationis compotes sint, quocunque modo intervenerint actui (1). Hinc ex Decreto Tridentini de testibus matrimonii, expuncta sunt verba: *Fide digni*, ne innumerabilium conjugiorum efficacia redderetur ambigua. Pallav. Hist. Concil. Trid. l. 22. c. 4. n. 12.

(1) *Clericatus decis. 35. n. 27. de Sacr. Matrim. valide ait contrahi matrimonium inter Catholicos coram paracho græco schismatico, Et more Schismaticorum præsentibus duntaxat Musicis canentibus in honorem matrimonii, more suo, non autem testibus speciatim rogatis. Quia parochus etiam schismaticus, donec officio suosuerit pri-*
Zallinger L. IV. Decretal. E vatus,

vatus, valide assistit. Musici vero, modo advertant ad contrahendum, sunt testes sufficientes, qui de consensu a contrahentibus præstato testimonium ferre possunt.

§. 72. Hactenus de solemnitate substantiali matrimonii, sive ad ejus valorem requisita actum est. *Accidentalis*, quæ ordinarie ad matrimonii licentiam præscripta est, tum in benedictione sacerdotali, tum maxime in præviis denuntiationibus consistit. Fuit enim hæc Ecclesiæ semper provida cura, ut Sacramentum matrimonii, *Magnum* ab Apostolo nuncupatum, publice & palam a fidelibus celebretur. Præviæ denuntiationes, quæ *Banna* olim dicta sunt c. 27. de spons. & matr. usu particularium diœcesium primo invaluerunt; dein a Concilio Lateran. IV. c. fin. h. t. & a Concilio Trid. Sess. XXIV. c. 1. de ref. matr. lege generali præscriptæ fuerunt his verbis: *Ut inposterum, antequam matrimonium contrahatur, ter a proprio contrahentium parochio tribus continuis diebus festivis in Ecclesia inter Missarum solemnias publice denuntietur, inter quos matrimonium sit contrahendum.* Generatim ergo matrimonia sine præviis denuntiationibus interdicta sunt. Sane si parochialis sacerdos tales conjunctiones prohibere contemserit, aut quilibet etiam regularis, qui eis præsumserit interesse, per triennium ab officio suspendatur, gravius puniendus, si culpæ qualitas postulaverit. Sed his, qui taliter præsumserint etiam in gradu concessio copulari, condigna pœnitentia injungatur. c. fin. §. 2. h. t. (m). Si periculum in mora est, uti si a moribundo ad legitimandas proles contrahatur matrimonium, parochus Epiikia utitur, & absque denuntiationibus assistit, prævio tamen juramento sponzorum, quod nullius impedimenti sibi conscius sint. Extra hunc casum solus Ordinarius dispensandi in hac generali lege facultatem nactus est a Concilio Trid. l. c. *Nisi Ordinarius ipse expedire*

expedire judicaverit, ut prædictæ denuntiationes remittantur: quod illius prudentiæ & judicio sancta Synodus relinquit (n). Finis denuntiationum est, ut detegantur impedimenta; de quibus nihilominus ipsi parochi speciatim inquirere tenentur. c. fin. pr. h. t. Oborta impedimenti verisimili suspicione matrimonium interdicitur, donec causa cognoscatur. In cognitione autem causæ Judex Ecclesiasticus magnam adhibere solertiam, cautionemque debet. cit. c. fin. & c. 27. de Sponsal. & Matr.

(m) *Alia est præterea pœna contrahentium denuntiationibus culpabiliter omiſſis, quod proles ex tali matrimonio suscepta, si matrimonium reipsa nullum fuit, non habeatur legitima, etsi parentes bonam fidem & ignorantiam impedimenti allegent. c. 3. §. 1. h. t.*

(n) *Iusta dispensationis causa est probabilis suspicio, ne matrimonium tot præmissis denuntiationibus impediatur; ac tum præcipit sancta Synodus: ut vel una tantum denuntiatio fiat, vel saltem parochi & duobus vel tribus testibus præsentibus matrimonium celebretur; deinde ante illius consummationem denuntiationes in Ecclesia fiant, ut, si aliqua subſint impedimenta, facilius detegantur. Aliam dispensandi circa denuntiationes causam justam refert Benedictus XIV. T. I. Bullar. N. 35. in Constit. Satis Vobis. §. 6. ibi: A sacro nostræ Pœnitentiariæ tribunali eo potissimum casu fit potestas, ita celebrandi (sine denuntiationibus) matrimonium, quo vir & femina in figura matrimonii publice degentes, & de quibus nulla viget criminis suspicio, in occulto tamen concubinato perseverent: facile enim quisque conjiciet, quam absconum esset, eos, a statu damnationis per gratiam Sacramenti revocandos, ad publice contrahendum matrimonium præviis denuntiationibus compelli.*

§. 73. Expōſita ſolemnitate per Canones præſcripta explicandum eſt, quæ ſint matrimonia *occulta*, ſive matrimonia *conſcientiæ*; quæ dein matrimonia ad *morgematicam*; quæ *diſparagia*, ſive matrimonia

monia inæqualia. Hæc enim tria, etsi aliquando concurrant, tamen sæpe distincta & segregata sunt. Matrimonia *Occulta* a Benedicto XIV. in Const. *Satis Vobis*. T. I. Bullar. n. 35. sic describuntur: *In more positum est, ea celebrari nullis præviis factis denuntiationibus, coram solo parochio vel alio sacerdote de ejus licentia, adhibita præsentia tantum duorum testium apposite a contrahentibus advocatorum, quorum fides nemini illorum est suspecta; remque peragi extra Ecclesiam, quandoque etiam intra illam januis tamen occlusis, vel eo temporis momento, quo semota alterius cujusvis præsentia, scientia initi matrimonii, præter parochi, contrahentium, testiumque personas, alios penitus effugiat.* Expedita hac notione occulti matrimonii, ejusque periculis & incommodis (o) Papa 1. monet Episcopos, ne faciles sint in eo concedendo, atque ut petita dispensatione super publicatione inquirant, an petentes sint sui juris, liberi, filii familias, Clerici beneficiati: neve extraneum sacerdotem delegant, qui mutuo consensui præsideat. 2. Data dispensatione sacerdos, qui matrimonio assistit, Episcopo documentum det initi matrimonii, temporis, loci, testium; atque hic liber matrimoniorum sic contractuum obsignatus sigillo, retineatur in Cancellaria Episcopali. 3. Nata proles quam citissime baptizetur; & quia nomina horum infantium baptizatorum non exponuntur parochio, patres eorum denuntient Episcopis tempus nativitatis, baptismi, nomina. Hæc omnia in libro baptizatorum ex occultis matrimoniis describantur, qui tenebitur sub sigillo in eadem Cancellaria. 4. Siquis hæc facere negligat, publicetur occultum matrimonium. 5. Episcopus iis, qui occulte fieri matrimonium postulant, hæc exponat, & observanda enuntiet, præcipue circa baptismum infantium, & nomina, ortum &c. 6. Fides,

6. Fides, quæ habetur libris in parœcia existentibus relate ad matrimonia & baptismum, in quovis tribunali eadem habeatur hisce libris existentibus in Cancellaria episcopali.

(o) *E. g. Fieri potest, ut aliquis priore uxore, quacum clam contraxerat, relicta, cum alia spe futuri matrimonii decepta, & in turpem secum vivendi licentiam abducta palam contrahere promittat: vel ut quis novum contrahere secretum matrimonium audeat post aliud secreto itidem contractum, & nondum prioris conjugis morte solutum: ut filii familias contra patris iuste dissentientis voluntatem sic contrahant: ut constituti in minoribus, qui pensiones vel beneficia ecclesiastica habent, ista post contractum clam matrimonium retineant. Fit etiam, ut proles ex tali matrimonio susceptæ nec pie nec liberaliter educantur, imo ut ipsi parentes earum vitæ insidiantur. Generale incommodum est, ut inito tali matrimonio vir seorsim a muliere degat, contempto divino præcepto: Adhærebit uxori suæ; vel ut servata vitæ consuetudine necessario scandalum oriatur.*

§. 74. *Matrimonium ad Morgenaticam* vocatur, in quo ex pacto nec femina titulos marito proprios, nec liberi dignitatem, & jura successionis in bona patris participant, sed contenti esse jubentur portione ad suam sustentationem necessaria. Ejusmodi matrimonia fere ineuntur cum femina inferioris conditionis, & sæpe occulte; unde confundi solent cum disparagiis, seu matrimoniis inæqualibus, & cum matrimoniis occultis, seu conscientiarum. Sed neutra conditio videtur per se involvi in matrimoniis ad Morgenaticam; quia hæc quidem etiam inter personas paris conditionis iniri possunt saltem cum Principis consensu, quo antecederet derogetur publicis legibus de juribus & successionibus liberorum. In disparagiis liberi excluduntur a certis juribus non ex pacto, sed ex legibus jure particulari publico, & Germanico potissimum constitutis (p).

- (p) *De matrimonio ad Morgenaticam cum femina inferioris conditionis inito confer l. 2. feudor. tit. 29. De disparagiis ex principiis Juris Germanici differitur Tom. 6. Thesaur. Jur Ecclci. n. XVI. Feminae inferioris conditionis sine dote & nuptiali solemnitate ductæ, quæ in familiam mariti non transibant, neque jurium ejus & bonorum participes fiebant, dictæ olim sunt concubinæ; quo proini nomine non peller, vel uxor clandestine ducta semper intelligi debet. Gen. XXV. 6. can. 4. & 5. dist. 34*

TITULUS IV.

DE SPONSA DUORUM.

ARGUMENTUM.

- I. *Concursus plurium sponsalium de futuro, & de præsentis quatuor continet diversos casus, qui deciduntur. §. 75. seqq.*

§. 75. **H**æc Rubrica ex nigro, seu capitulis ei subjectis explicanda est de sponsalibus de futuro, de præsentis, & matrimonio; quando stante vi priorum concurrunt alia sponsalia de futuro, de præsentis, vel aliud matrimonium copula consummatum. Talis concursus fit quatuor casibus. I. Si post sponsalia de futuro contrahuntur alia de futuro cum persona tertia. II. Si post sponsalia de futuro alterutra pars sponsalia de præsentis cum tertia persona contrahit. III. Si post sponsalia de præsentis ineuntur alia de præsentis; nec interest, utrum vel utra sint consummata. Hic est casus Polygamia, & exhibet impedimentum *Ligaminis*. IV. Si post sponsalia de præsentis aut matrimonium consummatum, eo nondum soluto, ineuntur sponsalia de futuro in eventum, quo illud per mortem alterius conjugis solvendum sit. Hi casus æque referuntur ad sponsum, & ad sponsam,

sponsam, ad maritum & uxorem. Ipsa Rubrica *de Sponsa duorum*, pariter intelligenda est *de Sponso duarum*, argumento a correlativis ducto, quando par utrinque est ratio, ceu in impedimento raptus, vis & metus, & impedimento ligaminis; quemadmodum mox patebit. E contrario quæ in odium viduarum intra annum luctus nubentium statuta sunt, ea sane ad viduos applicari nequeunt ob speciales rationes feminis proprias.

§. 76. Casus I. *Post sponsalia de futuro alia sponsalia de futuro non valent.* c. 22. X. & c. 1. in 6. de sponsal. & matr. Non enim, quod uni promissum est, & uni tantum promitti potest, uti fit in contrahendo matrimonio, alteri contra jus prioris valide promitti potest. Valet hoc loco regula 54. in 6. *Qui prior est tempore, potior est jure.* Cum decisione hujus casus connectuntur sequentia. *Primo.* Posteriora sponsalia nulla sunt, etsi iis accesserit juramentum, copula carnalis, imprægnatio sponsæ. Hi enim modi, si tollerent priorem obligationem sponsalitiæ, per se allicerent ad flagitia: dein juramentum non est vinculum iniquitatis. c. 22. de spons. & matrim. *Secundo.* Nova sponsalia partis unius sunt tacita renuntiatio priorum, & alteri parti jus resiliendi præbent. *Tertio.* Si hæc pars innocens resiliat, aut ingrediatur religionem, obeatve mortem, non videntur posteriora convalescere, quæ initio fuerunt invalida. Aliud est, utrum pars nocens, quæ contra fidem priorum posteriora iniit sponsalia, in judicio allegare sinatur dolum suum, id est, turpitudinem, qua personam tertiam ignorantem, quid prius actum sit, promisso suo deceptit.

§. 77. Casus II. *Post sponsalia de futuro valent sponsalia de præsentis seu matrimonium cum persona*
E 4
tertia.

tertia initum. c. 1. h. t. Si aliquis alicui mulieri fidem fecerit passionis, non debet aliam ducere: si aliam duxerit, pœnitentiam debet agere de fide mentita: maneat tamen cum illa, quam duxit. Non enim rescindi tantum debet Sacramentum. Hæc ratio indicat id, quod vulgo ajunt, sponsalia de præsentī esse vinculum fortius, quam priora de futuro (a). Adde ad hanc decisionem: *Primo* valent sponsalia de præsentī, etsi priora de futuro fuerint jurata. c. 31. de spons. & matr. *Secundo.* Pars innocens sic repudiata multo majus acquirit jus resiliendi, ac priore casu. *Tertio* Quid? si posterius hoc matrimonium morte dissolvatur, anne pars innocens jus suum, per matrimonium quodammodo suspensum requirere, & partem infidelem ad implenda priora sponsalia compellere poterit? Non video, quid obstet. Nam quod c. 22. de sponsal. per tale matrimonium prima fides dicatur irrita fieri, nil aliud denotat, quam quod violata fuerit, & durante matrimonio impleri non possit. *Tertio.* Quia post sponsalia de futuro alia de futuro nulla sunt: de præsentī valida; patet, matrimonium tali casu contrahi, nullis præcedentibus sponsalibus validis; adeoque sponsalia de futuro ad matrimonium non esse absolute necessaria.

(a) *De fide passionis, & fide consensus conf. §. 8. Decisio a principiis juris naturalis non abhorret; quia non idem est obiectum in sponsalibus de futuro, & de præsentī. Neque enim in sponsalibus de futuro transfertur jus ad actus conjugales, quemadmodum in sponsalibus de præsentī. Etsi igitur post factum promissum de matrimonio in posterum contrahendo, ac jure illo transferendo fides data implenda sit jure naturali, nec licitum sit, aliud inire matrimonium; non tamen istuc, si ineatur, irritum erit; cum sic transferatur jus, quod ante non abdicatum, nec in quamque personam translatum, etiam tum in potestate erat transferentis.*

§. 78. Casus III. *Post sponsalia de præsenti non valent alia de præsenti, ab alterutro conjugē cum tertia persona inita.* Est hoc impedimentum ligaminis, alterum matrimonium jure divino dirimens (b). Inferes: *Primo. Polygamia* in Lege nova nemini a Deo concessa est. De veteri etiam lege Innocentius III. in c. *gaudemus*. 8. de Divortiis ait: *Nec ulli unquam licuit insimul plures uxores habere, nisi cui fuit divina revelatione concessum* (c). Referatur autem polygamia, quæ jure divino vetita est, tum ad *polygyniam*, tum multo magis ad *polyandriam*; sed distingui eadem debet a *bigamia*, seu successiva iteratione matrimonii. *Secundo* decisio valet etiam pro casu, quo priora sponsalia de præsenti nullo juramento firmata, & posteriora etiam copula carnali consummata fuerunt. c. 31. De sponsal. & matr. c. 2. 3. fin. h. t. *Tertio.* Posteriora sponsalia de præsenti nulla sunt, etsi contracta fuerint bona fide, ex falsa persuasionē contrahentis de morte prioris conjugis; nec convalescunt per hoc solum, quod prior conjux postmodum decedat per reg. 18. in 6. *non firmatur tractu temporis, quod de jure ab initio non subsistit.* *Quarto.* Quid juris sit pro decidendo casu, quo de morte prioris conjugis non constat, & pars altera ad novas transire nuptias cogitat, explicatur Tit. *de secundis nuptiis*. Si autem pendente quæstione facti de matrimonio jam contracto & adhuc perdurante una pars ad nova vota transire velit, id interdicitur ab Ecclesia. Si eadem non obstante hoc interdicto ad nova vota transeat, conjugēs separantur, donec causa finiatur. c. 4. h. t. Pars autem, quæ manente priore matrimonio novum contrahit mala fide, incurrit in pœnas criminales, de quibus agitur l. V. Decretal. Tit. *de adulteriis, & stupro.* *Quinto.* Si Gentiles polygami convertantur

ad fidem christianam, dimissis ceteris eam retinere debent conjugem, quam primam ante alias duxerant, etsi eandem postea repudiarint; nisi hæc parti conversæ renueret cohabitare, aut non vellet certe absque contumelia Creatoris, vel ut eam pertrahat ad mortale peccatum. c. 8. de Divortiis. Hæc autem de infidelibus conversis decisio locum habet tum, quando constat, eos verum inter se & stabile conjugium, & non potius vagum concubitus habuisse. Si enim de vero conjugio iuste dubitaretur, respondit Urbanus VIII., ut Missionarii circa matrimonia Indorum Neophytorum sequerentur opiniones pro conditione locorum ac hominum barbaris favorabiliores (d).

(b) *Concil. Trid. Sess. XXIV. can. 2. de Sacr. Matr. ibi*: Siquis dixerit, licere Christianis, plures simul habere uxores, & hoc nulla lege divina esse prohibitum, anathema sit. *Sic definiuit Concilium contra Lutherum, ejusque affectas, qui Philippo Landgravio Hassiæ alterum conjugium vivente priore uxore permiserunt. Consultationem Lutheranorum refert Bossuet Hist. des Variations des Eglises Protestantes liv. 6.*

(c) *Ante diluvium Deus pluralitatem uxorum non videtur concessisse; sufficebat enim tum longæva hominum vita ad propagandum hominum genus. Notatur in Scripturis Lamech, qui primus, eâ mundi ætate duas uxores accepit. Genes. IV. 19. De quo S. Hieronymus Ep. 9. nunc 79. ad Salvinam ait: Primus Lamech maledictus, & sanguinarius, & de Cain stirpe descendens, unam coltam divisit in duas. At plantarum digamizæ protinus diluvii pœna subvertit. Conf. ejusdem S. Patris adversus Jovinianum l. 1. c. 8. & Tertullian. de Exhort. Castit. c. 5. ubi Lamech polygamus adulterii reus arguitur. Epochæ primæ concessionis a Deo factæ in hac re repetenda est ab Abraham, ob electi populi propagationem, & aliquorum mysteriorum significationem; quæ concessio ad Abrahæ posteros extensa fuit. Etsi autem de concessione plurium uxorum Abrahamo, & posteris facta nihil expresse com-*
mino-

memorent Scripturæ, tamen præcellens eorum virorum sanctitas id nobis persuadet; cum præsertim eam ob causam minime notentur, aut reprehendantur in divinis Literis.

(d) Nicol. del Techo Hist. Paraquar. l. 10. c. 15.

§. 79. Casus IV. *Post sponsalia de præsentī, ac stante matrimonio, sponsalia de futuro ab uno conjugum inita cum tertia persona in eventum mortis alterius conjugis non valent. Deest enimabilitas in conjugē futurum matrimonium promittente; ac tales actus secundum præsentis temporis jus æstimantur; quemadmodum titulo sequente exponetur de sponsalibus inter impeditos impedimento dirimente initis sub conditione: Si Papa dispensaverit; quæ impleta etiam conditione vim non habent sine novo consensu.*

TITULUS V.

DE CONDITIONIBUS APPOSITIS IN DESPONSATIONE VEL IN ALIIS CONTRACTIBUS.

ARGUMENTUM.

I. Notio & differentia conditionum. §. 80. II. Jus apponendi conditiones in contractibus. §. 82. III. Conditiones appositæ in sponsalibus de futuro. §. 85. IV. Conditiones turpes. §. 88. V. Conditio: Si Papa dispensaverit, appositæ ab impeditis. §. 89. VI. Conditiones appositæ sponsalibus de præsentī. §. 93. VII. Demonstratio & causa adjectæ in desponsatione. §. 99.

§. 80. **C**onsensus in sponsalia de futuro, aut de præsentī præstari potest tum simpliciter & absolute, tum sub multiplici modificatione, adjectis variis conditionibus, pactis seu modis, addito tempore seu die, a quo obligatio incipiat,

cipiat, vel *ad quem* pertingat; ad quem casum pertinet *conditio resolutive*, qua id agitur, ut facta desponsatio, ejusve obligatio certo vel incerto die, eveniente aut non eveniente quodam casu resolvatur, & cesset. Adhiberi ad consensum possunt præterea certæ demonstrationes rei vel personæ, certæ item causæ, ob quas datur consensus. Hæc pertinent ad *formam internam* actus, ac generales de iis notiones L. I. Decret. Tit. 35. de Pactis §. 542. propositæ ad desponsationes applicandæ sunt. De forma & solemnitate *externa* actum est supra tit. 3. de *clandestina desponsatione*.

§. 81. Confusionem idearum parit abusus vocum, vaga earum significatio, & inconstantia loquendi. Omnes enim modificationes & qualitates, sub quibus consensus præstatur, *conditionis* nomine exprimuntur. Conditionis autem vox vagum habet significatum (*a*); & si ad modificationes consensus refertur, multiplex est: alia *proprie* dicta, quæ obligationem *suspendit* usque ad futurum & incertum eventum: & *improprie dicta*, ceu conditio de præsentī, de præterito, necessaria vel intrinseca, impossibilis: alia *resolutive*. Confunditur dein conditio cum pactis seu modis actui vel contractui adjectis. Multum tamen inter conditionem proprie dictam, & pactum seu modum actui adjectum interest. Conditio proprie talis negotium, & obligationem actus suspendit usque ad futurum & incertum eventum: modus seu pactum supponit negotium jam perfectum, & obligationem absolutam, sic, ut alterutra vel utraque contrahentium pars certum onus vel gravamen suscipiat, aut impositum habeat; idque duplici modo, vel ut onere non præstito ipse actus & contractus rescindi possit, debeatve, sive omnino pro rescisso

refciffo habendus fit : vel fine tali claufula irritante aut commifforia ; quæ in dubio non præfumat. c. 5. h. t. Utrum autem modificatio adjecta haberi debeat pro conditione proprie tali, qua negotium, ejusque obligatio fufpenderit ad futurum eventum, & quo deficiente negotium per fe corrui: an vero pro modo adjecto, qui obligationem fupponit perfectam, & conjunctam cum actione ad modum implendum, colligi debet ex iis, quæ inter partes acta funt (b). Conditiones latiffime fumtæ quatenus etiam pacta adjecta comprehendunt, sæpe funt turpes, five repugnantes legibus, aliquando etiam repugnant ipfi fubftantiæ contractus fponfalitii vel nuptialis. Hoc cafu contractus eft nullus, & irritus. Subftantiæ matrimonii repugnat id, quod repugnat bono prolis, bono fidei conjugalis, bono Sacramenti (c).

(a) *Conditio aliquando fumitur pro optione, vel electione* l. 8. §. 12. *D. de inofficiofo Testam. ibi: Siquis irritum dicit testamentum, vel ruptum & iuofficiofum: conditio ei deferri debet, utrum prius movere velit. De additione in diem alius meliorem offerre conditionem dicitur. In contractibus alienativis non femper dominium, fed conditio ufucapiendi transfertur. Nominatur etiam conditio fervilis & libera.*

(b) *Elegans exemplum extat l. cum ab eo. 41. D. de contrah. emtione. ibi: Cum ab eo, qui fundum alii obligatum habebat, quidam fic emtum rogaffet, ut effet is fibi emtus, fi eum liberaffet, dummodo ante calendas Julias liberaret; quæfitum fuit, an utiliter agere poffit ex emto; refpondit (Julianus Ictus), videamus, quid inter ementem & vendentem actum fit. Nam fi id actum eft, ut omni modo intra calendas Julias venditor fundum liberaret, ex emto erit actio, ut liberet: nec fub conditione emtio facta intelligetur: veluti fi hoc modo emtor interrogaverit: erit mihi fundus emtus, ita, ut eum intra calendas Julias liberet, vel ita, ut eum intra calendas a Titio redimas. Si vero fub conditione facta emtio eft, non pote-*

poterit agi, ut conditio impleatur. *Nota: in contractibus nominatis, seu emtione venditione, ad implendum modum, seu pactum in continenti adjectum agitur actione ipsi contractui propria; secus præscriptis verbis.*

- (c) *Eugenius IV. in Decreto Unionis Armenorum sic ait: Septimum est Sacramentum Matrimonii, quod est signum conjunctionis Christi & Ecclesiæ, secundum Apostolum dicentem: Sacramentum hoc magnum est: ego autem dico, in Christo & in Ecclesia. Causa efficiens matrimonii, regulariter est mutuus consensus, per verba de præsentī expressus. Assignatur autem triplex bonum matrimonii. Primum est proles suscipienda & educanda ad cultum Dei. Secundum est fides, quam unus conjugum alteri servare debet. Tertium est indivisibilitas Matrimonii, propter hoc, quod significat indivisibilem conjunctionem Christi, & Ecclesiæ. Quamvis autem ex causa fornicationis liceat tori separationem facere, non tamen aliud matrimonium contrahere fas est: cum matrimonii vinculum legitime contracti perpetuum sit.*

§. 82. Decisio I. Cuivis actui & dispositioni, quæ a libero consensu pendet, adjici possunt conditiones & modi seu pacta. Patet hoc ex libertate naturali, vi cujus quisque rei & juris sui moderator & arbiter est, quamdiu nil obstat in contrarium. Si eidem actui vel dispositioni plures adjiciuntur conditiones vel modi, dispiciendum est, utrum adjecti sint conjunctim & copulative; quo casu omnibus parendum est, aut eventus omnium expectandus: an *disjunctim*; ac tum cuilibet obtemperare satis est. Id locum habet in legibus, ultimis voluntatibus, actibus & contractibus privatorum, adeoque regulariter in sponsalibus de futuro, & de præsentī. 1. *Si heredi.* 5. D. de Condit. institut.

§. 83. Ab hac generali decisione excipe I. Actus legitimos, id est, qui certam & absolutam for-

formam habent a legibus. Hi enim, fi ab agentibus recipiunt diem, vel conditionem, in totum vitiuntur per temporis vel conditionis adjectionem. I. *Actus legitimi.* 77. D. de R. J. (d). II. Excipe, fi conditio vel modus repugnat juri privatorum jam quaesito; uti fi quis id, quod pure & absolute debetur, praestare non velit, nisi sub conditione & modo. III. Excipe, fi conditio & modus principio & in continenti actui adjectus ejus naturae & substantiae repugnat. I. *Si tibi.* 17. D. de Pactis. I. *Per servum.* 14. §. I. D. de usu & habitat. De his maxime conditionibus & modis, qui repugnant substantiae desponsationis, eamque reddunt nullam, tractari solet hoc titulo.

(d) *Utrum contractui matrimonii adjici possit conditio de futuro, dicam infra §. 93. Certe alia Sacramenta administrari non possunt cum adjectione diei, ex quo effectum habere incipiant, vel conditionis suspensiva. Ex gravi causa ob reverentiam Sacramenti adjici potest conditio de praesenti, vel praeterito. e. g. Si non es baptizatus. c. 2. de Baptismo. In dubio qualitas actui adjecta potius pro modo & obligatione adjecta, quam conditione suspensiva habenda est; quia in dubio standum est pro valore actus; uti si Episcopus furtive accedentes, vel excommunicatos se nolle ordinare declaret; aut sacerdos se velle absolvere poenitentem dicat, si iniique ablata restituat, aut peccandi occasionem devitet. Arg. l. Muto. 6. §. 1. D. de Tutelis. ibi: Sub conditione a Praesidibus provinciarum non posse dari tutorem placet: & si datus sit, nullius esse momenti dationem: & ita Pomponius ait. Hanc autem adjectionem, quam Praesides provinciarum faciunt: Tutorem do, si satisdederit, non conditionem in se habere, sed admonitionem, non aliter ei tutelam committi, quam si satisdederit, hoc est, non aliter ei gerere permittendum, quam si rem salvam fore caverit.*

§. 84. Decisio II. Si conditionibus quibusque aut modis adjectis reipsa affigitur consensus contrahentium sponsalia de futuro aut de presenti, nec ab iis conditionibus vel pactis postea recedatur, sponsalia quæcunque, earum conditionum vel modorum defectu sunt nulla; quia reipsa deficit voluntas & consensus, qui nulla auctoritate humana suppleri potest. Id manifestum est, si conditio suspensiva, aut etiam modus sponsalibus de futuro adjicitur c. 2. h. t. Matrimonium quoque defectu qualitatis nullum est, si ei consensus affigitur tanquam conditioni de presenti. Conf. §. 44. Si in contractu matrimonii assensus affigitur iis conditionibus & modis, quorum defectus durante matrimonio primum intelligi potest, ii degenerant in conditionem resolutivam, quæ matrimonium inde a principio reddit nullum e. g. contraho tecum, quamdiu in fide & honestate permanferis, id est, quamdiu adulterium non commiseris: contraho, si mecum in patriam redeas.

§. 85. Præmissis binis decisionibus, quæ ad sponsalia de futuro & de presenti æque pertinent, seorsim agendum est de conditionibus, quæ adjiciuntur sponsalibus de futuro. *Conditio proprie talis, id est, honesta de futuro contingente, adjici potest sponsalibus de futuro.* §. 82. Effectus est: 1. ut suspendatur obligatio usque ad eventum conditionis: 2. ut ante eum eventum non producat impedimentum publicæ honestatis (e): 3. ut oriatur tamen obligatio conditionis eventum expectandi (f): 4. ut jure veteri, & nunc etiam in illis locis, ubi non obstat Decretum Concilii Tridentini de clandestinis nuptiis, sponsi post sponsalia conditionata exercentes copulam carnalem, a conditione recessisse, & matrimonium consummasse censeantur præsumptione tam forti,

forti, ut non admittatur probatio in contrarium. c. 6. h. t. 5. Ut fi conditio impleatur, fponfalia fiant abfoluta, & producant impedimentum publicæ honeftatis; obligatio autem abfoluta retrotrahatur ad initium actus gefti: fi conditio deficiat, fponfalia penitus corruant, & nullum pariant effectum. c. 3. h. t. (g).

(e) C. un. §. 1. de fponf. & matr. in 6. Qui poft fponfalia conditionata cum Titia, ante eventum conditionis, de præfenti contrahit cum fopore Titia, valide contrahit.

(f) P. Holzmann in Jure Can. Præft. h. t. ponit hanc fpeciem: Quirinus promifit matrimonium Sempronix fub conditione, fi pater confenferit; & paulo poft fimiliter promifit matrimonium Sebalde fub conditione, fi officium quoddam obtinuerit. Contigit, ut conditio pofterioribus fponfalibus adjefta prius impleteretur, quam adjefta prioribus. Quæritur, utram Quirinus teneatur ducere in uxorem? Refpondet cum aliis ibi cit. primam, nempe Semproniam; nifi fponfalia cum hac inita antea fuerint legitime diffoluta, aut conditio defecerit. Ratio petitur ex regula juris 21. in 6. ibi: Quod femel placuit, amplius difplicere non poteft. Et fi enim conditio de futuro nil ponat in efle, uti vulgo dicitur; tamen producit obligationem expectandi eventum conditionis, & alteri parti confert fpem debitum iri. § 4. Inft. de V. O. Præterea eveniente conditione obligatio abfoluta retrotrahitur ad initium actus gefti. Exemplum elegans & argumentum pro hac decifione peti poteft ex l. Potior. 11. §. 1. D. Qui potiores in pignore. Ubi proponitur hæc fpecies: Si fub conditione ftipulatione facta, hypotheca data fit; qua pendente alius credidit pure, & accepit eandem hypothecam; tunc deinde prioris ftipulationis exiftat conditio; quæritur, quis potior cenfendus, feu præferendus fit in hypotheca? R. is, qui fub conditione eandem prius accepit, ibi: Cum enim femel conditio extitit, perinde habetur, ac fi illo tempore, quo ftipulatio interpofta eft, fine conditione facta effet.

(g) *Hi effectus conditionis suspensivæ fere etiam locum habent in aliis actibus conditionatis. Diciturque hæc una conditio proprie talis, quæ in futurum, eumque incertum & possibilem eventum conjicitur. §. 4. Inst. de V. O. l. 37. l. 39. D. de rebus creditis. De hac una conditione verum est, ante ejus existentiam nec cedit, nec venit dies. l. 213. D. de V. S. Triplex autem statuitur ejusmodi conditio de futuro, potestativa, seu collata in arbitrium ejus, cui fit promissio, casualis, & mixta. l. un. §. 7. C. de caducis tollendis. Potestativa maxime concipi potest tum affirmative: si negotia mea curaveris; tum negative, si non emigraveris. Conditio relicta in arbitrio ejus, qui promittit, vel disponit, nihil operatur; e. g. dabo, si voluero. cit. l. 11. pr. D. qui potiores in pign. Agitur autem hic de conditione honesta: de turpi mox infra. Dein agitur de futuro possibili. Quæ enim casu extraordinario, aut ex sola gratia Principis aliquando fiunt, non censentur huc pertinere, uti explicabitur inde a §. 89.*

§. 86. Præter conditiones proprie dictas adjici sponsalibus possunt improprie, seu 1. *conditiones de præsentī, vel de præterito*, quæ vim actus non suspendunt, sed eum mox validum reddunt, aut nullum, etsi contrahentes ignorent, utrum extent vel non. Necesse tamen est, ut, qui ejusmodi conditionibus assensum affigit, eas in contractu exprimat; secus nil operantur mente retentæ. §. 40. & §. 43. 2. Adjici possunt, etsi necesse haud sit, *conditiones necessariæ & intrinsecæ ex natura rei, vel dispositione juris* e. g. nisi religionem ingrediar. Ejusmodi conditiones actum non faciunt conditionatum, etsi exprimantur. l. 9. §. 1. D. de novationib. 3. Adjici potest *dies*, a quo incipiant efficaciter obligare sponsalia, vel quo finiatur obligatio, si interim non fuerit contractum matrimonium. 4. *Modus*, inducens obligationem ad subeundum aliquod gravamen honestum. §. 82. 5. *Arrha*, reversura ad dantem post dissoluta ex legitimis causis sponsalia, vel post contractum.

tractum matrimonium (nifi aliud jus arrhæ confuetudo induxerit), amittenda autem a dante, vel in duplum reftituenda ab accipiente, fi absque legitima caufa refilierit. l. 3. & 5. C. de fponfal. & arrhis. 6. *Pœna* conventionalis fponfalibus jure communi adjici non potest. Nam cit. l. 5. C. de fponfal. excluditur pæctio de reftituendo ultra quadruplum eo, quod arrhæ nomine datum est; excluditur item omnis pœna conventionalis. Huic decifioni inhæret Pontifex c. *Gemma*. 29. de fponf. quo loco non allegatur defectus ætatis inter fponfos, sed hæc ratio: *Cum libera matrimonia effe debeant; & ideo talis ftipulatio propter pœnæ interpositionem fit merito improbanda.* Hæc ratio petita est ex Jure civili cit. l. 5. C. de fponfal. l. *Titia*. 143. D. de V. O. l. 2. C. de inutilib. ftipul. Contraria confuetudo probanda est pro singularibus locis. Ea certe non probatur ex Nov. Leonis 18. quia eæ Novellæ nunquam receptæ fuerunt in Occidente.

§. 87. Conditiones impossibiles *natura aut factò*, adjectæ fponfalibus de futuro diffensum potius, animumque a matrimonio abhorrentem, quam promissionem futuri matrimonii indicant, adeoque nulla reddunt fponfalia. l. 31. D. de A. & O. §. 11. Inst. de inut. ftipulat. *Impossibiles jure*, id est, quæ repugnant legibus vel moribus, eadem sunt, quæ dicuntur *turpes*. l. 15. D. de condit. instit. De his in aliis actibus examinari solet, utrum turpitudine verfetur ex parte utriusque contrahentis, vel solius dantis, seu promittentis, vel ex parte accipientis. In fponfalibus autem & matrimonio illud primo difpicendum est, utrum turpitudine repugnet substantiæ fponfalium vel matrimonii; quia non omnis conditio turpis continuo substantiæ eorum repugnat: nec

vicissim, quod substantiæ repugnat, per se turpe est. Siqui sponsalia contraherent expresse sub obligatione levi, non ob id turpiter agerent, sed nec vera sponsalia inirent, verum aliam promissionem arbitrariam. In pactis turpibus illa videtur necessaria distinctio, vi cuius alia turpia sunt *ex primario objecto conventionis*, e. g. dabo centum, si cajum occideris; alia *ex conditione vel modo adjecto*, ut si quis alteri promittenti repromittat matrimonium adjecta conditione vel modo, ut patrem occidat hereditatis capiendæ causa, vel ut pars altera in flagitium consentiat. Quo casu contractus sponsalitiis per se objectum habet, sed ob additum pactum fit turpis.

§. 88. *Sponsalia de futuro, quibus conditio, aut modus turpis adjectus est, non producant obligationem, antequam impletur conditio, aut modus turpis; quia sine eo nulla facta est promissio. Nec producant obligationem, implendi conditionem vel modum turpem; quia ad id, quod turpe est, id est, legibus vetitum, nulla concipi potest orta obligatio. Ex his inferes: Sponsalia de futuro sub conditione vel modo turpi non producant obligationem, etiam impleta conditione vel modo turpi; quia non firmatur tractu temporis, quod de jure ab initio non subsistit. c. 18. de R. J. in 6. & l. 29. D. eod. Qui pactum turpe referunt ad contractum innominatum: Facio, ut facias; turpitudinem per hoc non abstergunt, quæ contractum vitiat. Rationes naturales hujus nullitatis expendi in Jur. Nat. priv. §. 57. Eadem aperte assumuntur in utroque Jure. l. 123. D. de V. O. ibi: Si flagitii faciendi vel facti causa concepta sit stipulatio, ab initio non valet. c. fin. de Pactis. ibi: Juxta legitimas sanctiones pactum turpe vel rei turpis, aut impossibilis de jure vel de facto nullam obligationem inducit (h).*

(h) Pro

(h) Pro foro quidem interno penitus nulla & irrita cenſeo ſponſalia non aliter, niſi conditione vel paſſo turpi inita. At in foro externo nemo permittitur allegare turpitudinem ſuam; ac ſi de flagitio conſlet, Judicis eſt diſpicere, quanam pars alteram ſeduxerit, indeque conformare ſententiam juri unius & culpæ alterius conſentaneam.

§. 89. Sponſalia de futuro ſub conditione: Si parentes conſenſerint, eveniente hac conditione valent, & abſolutam continent obligationem, quin novus poſtea requiratur conſenſus; id quod fatentur omnes; cur ergo, inquires, non etiam valeant ſponſalia ſub conditione: Si Papa diſpenſaverit; conditione impleta, hoc eſt, diſpenſatione in impedimento dirimente juſte petita, honeſte data, legitime obtenta? Pro valore ejusmodi ſponſalium pugnat P. Anaſtetus cum aliis: plurimi repugnant; ac repugnat ipſa praxis tribunalium Romæ, & deciſionum Rotæ. Eminentiffimus Card. de Luca Tom. 3. diſcurſu 7. de matrim. hanc ponit ſpeciem facti: Titius & Mævia quarto affinitatis gradu conjuncti contrahunt inter ſe ſponſalia de futuro ſub reſervatione ſeu conditione apoſtolicæ diſpenſationis, quæ poſtea fuit obtenta. At cum Titius, quantumcunque cupe- ret matrimonium promiſſum inire, carcere detineretur, Mævia reſiliens a dictis ſponſalibus contrahit matrimonium cum Cajo memorati Titii filio, quem is ex priore matrimonio ſuſceperat, idque conſumat. Sed non diu poſt orta eſt dubitatio de poſtremi hujus matrimonii valore; de quo conſultus idem Eminent. reſpondit: Si cum Titio ſola ſponſalia de futuro ſub dicta conditione: Si Papa diſpenſaverit, fuerint celebrata, eaque poſt obtentam diſpenſationem non fuerint novo conſenſu roborata, aut per ipſum matrimonium ratum cum Titio ad effectum

perducta, valere matrimonium cum Cajo Titii filio. Cum enim ex facti specie de aliis impedimentis non constet, dicti matrimonii valori solum obstare posset impedimentum publicæ honestatis resultans ex prioribus sponfalibus a Mævia contractis cum Titio patre Caji. At ex illis sponfalibus nullum oriebatur impedimentum publicæ honestatis; quia jure novo Concilii Trid. Sess. XXIV. de Sacr. Matr. c. 3. de ref. decisum est, ex sponfalibus quacunque ratione invalidis non oriri prædictum impedimentum. Atqui sponfalia inter Titium & Mæviam inita sub ea conditione, *si Papa dispensaverit*, erant penitus invalida, ita quidem, ut non solum ante obtentam dispensationem non fuerint absoluta, nec impedimentum publicæ honestatis produxerint, sed ut nullam penitus obligationem aut alium quemcumque induxerint effectum (uti tamen alia sponfalia conditionata sub honesta & possibili conditione pariunt obligationem juxta omnes), neque per adventum conditionis evaserint absoluta vel ullo modo obligantia, nisi novus ac liber accesserit simultaneus consensus contrahentium. Hanc sententiam negativam sæpius secuta est S. Congregatio Concilii; uti habetur Tomo 6. Thesauri Resolutionum in una Januensi die 12. Dec. 1733. De eadem praxi Tribunalium Rom. testatur Riccius in praxi matrimoniali decis. 248.

§. 90. Prob. sententia. Ex actu gesto inter personas jure perpetuo inhabiles nulla oritur obligatio, neque absoluta, ut patet, neque conditionata, quæ eveniente dicta conditione transeat in absolutam; quia impleta conditio, nempe dispensatio re ipsa obtenta, hanc tantummodo vim habet, ut personæ ex tempore obtentæ & cognitæ dispensationis fiant habiles ad valida sponfalia contrahenda, non ut firme-
tur

tur actus ante obtentam dispensationem inter personas perpetuo jure inhabiles gestus. Sane aliud est, habilem facere ad actus deinceps gerendos post obtentam habilitatem: & aliud firmare actum tempore inhabili gestum; quemadmodum hæc differunt: leges condere pro actibus futuris, & eas extendere ad actus præteritos adhuc pendentes: dare nobilitatem, ut deinceps pro nobili gerere se quis possit: & fingere, cum 100 annis vel per quatuor generationes retro fuisse nobilem. Quæ vero sit mens dispensantis Pontificis, patet ex ipsa praxi Tribunalium Romanorum.

§. 91. *Dicunt*: Conditio de futuro, si impletur, retrahitur ad tempus actus gesti: ergo etiam hæc conditio: *Si Papa dispensaverit*. R. d. a. si est conditio extrinseca, & si conditionate contrahentes de se habiles sunt tempore actus conditionate gesti c. a. si conditio est talis, quæ contrahentes supponit inhabiles, & primum habiles efficere debet, n. vel subd. quando is, qui habilitatem vel dispensationem concedit, hoc animo est, ut velit habilitatem retrahi c. secus n. a. Exemplum, quo legislator tali animo est, extat l. 62. D. de heredib. instit. ibi: *In tempus capiendæ hereditatis institui heredem posse, benevolentia est, veluti Lucius Titius, cum capere poterit, heres esto: idem & in legato*. Hæc institutio in diem, de quo incertum est, an & quando sit extiturus, æquipollet conditioni proprie tali. Est autem hæc benevolentia sive dispensatio juris, proindeque exceptio, quæ firmat regulam in contrarium. Regula generalis est hæc: Ut institutus sit capax tempore testamenti conditi, mortis testatoris & aditionis hereditatis. l. 491. §. 1. ib. & tot. tit. D. *De Regula Catoniana*.

§. 92. *Dicunt* 2. Dispositio facta tempore inhabili subsistere potest, quando confertur in tempus habile; estque hoc Brocardici instar apud Jurisconsultos. Ergo R. d. a. In casibus, in quibus id jura expresse statuunt, uti l. 62. supra cit. & c. 7. de sepulturis; aut si illa inhabilitas non afficiat ipsas personas, sed supposita ipsarum habilitate aliud impedimentum extrinsecum c. secus n. a. quando tempore actus gesti deest habilitas personarum, seu ipsa facultas & potestas disponendi, ea regula non valet; uti patet sequentibus exemplis.

I. Vivente Prælatō, etsi ejus vita desperata sit, vel eodem nondum sepulturæ tradito non tantum illicitus, sed etiam invalidus est tractatus collegialis de futuro successore can. 7. dist. 79. & c. 36. de electione.

II. Durante conjugio invalida sunt sponsalia de futuro ab alterutra parte in casum mortis alterius inita c. fin. de eo, qui duxit. arg. can. 39. VII. q. 1. & c. 2. de concess. præb.

III. Citatio ad faciendam novam electionem, si emissā est ante mortem Prælati, etsi in diem, & casum mortis, ipso jure irrita est; & ideo non constringit citatum; quia prodiit a non habentibus citandi potestatem: quare perinde est, ac si aliquis nondum constitutus Judex citet quempiam ad diem, in quo jurisdictione præditus erit; invalida est hæc citatio; quia facta a non habente potestatem. In his initium spectatur, & præsentis temporis jus, ejus nimirum temporis, quo actus gestus est; locumque habet regula juris 29. in Digestis: *Quod initio vitiosum est, non potest tractu temporis convalescere.*

IV.

IV. Exemplum ex jure civili & fundamentum univerfæ hujus doctriinæ præbet Paulus lctus l. 26. D. de ftipulationibus fervorum: ubi docet, primo fervum hereditarium, id eft, qui ad hereditatem nondum aditam, fed jacentem pertinet, inutiliter ufumfructum ftipulari; quia ufusfructus, cum fit fervitus perfonalis, fine perſona eſſe non poteſt: ſervus autem in ſe perſonam non habet: & hereditate jacente ex perſona domini ftipulari non poteſt. Dein addit lctus: Ne ſub conditione quidem (hereditatis additæ) ſervus utiliter ufumfructum ftipulari poteſt: *Quia ex præſenti vires accipit ftipulatio, quamvis petitio ex ea (conditione) ſuſpenſa ſit.*

V. Maximus eſt favor ultimarum voluntatum; & tamen teſtamentum filiiſfamilias, etſi ſui juris factus deceſſerit, aut teſtamentum ſervi, etſi poſtea libertatem obtinuerit, nullum eſt; nempe ex defectu præſentis habilitatis. tot. tit. Inſt. quibus non eſt permiſſ. facere teſt. item l. 8. & l. 19. D. qui teſtament. fac. poſſunt. Univerſe huc pertinet cit. regula Cato-niana lib. 34. D. tit. 7. quæ ſic habet: *Quodſi teſtamenti facti tempore deceſſiſſet teſtator, inutile foret: id legatum (vel ea inſtitutio) quandocunque deceſſerit, non valet.*

VI. L. 137. §. 6. D. de V. O. ibi: „Cum quis „ſub hac conditione ſtipulatus ſit: *Si rem ſacram aut „religioſam Titius vendiderit, vel forum aut baſili- „cam & hujusmodi res*, quæ publicis uſibus in per- „petuum relicta ſint, ubi omnino conditio jure im- „pleri non poteſt, vel id facere ei non liceat: nul- „lius momenti fore ſtipulationem, proinde ac ſi ea „conditio, quæ natura impoſſibilis eſt, inſerta eſſet. „Nec ad rem pertinet, quod jus mutari poteſt, & id,

F 5

„quod

„quod nunc impossibile est, postea possibile fieri :
 „non enim secundum futuri temporis jus, sed secun-
 „dum præsentis æstimari debet stipulatio.“ Nempe
 ea, quæ publicis legibus constituta sunt, etsi gratia
 vel auctoritate Principis mutari possint, non sinuntur
 pactis privatorum subjici, nec talia censentur esse in
 commercio, uti Ulpianus l. 39. §. ult. D. de legat. 1.
 ait, ibi: *Sed & prædia Cæsaris, quæ in formam
 patrimonii redacta sub procuratore patrimonii sunt,
 si legentur; nec æstimatio eorum debet præstari; quo-
 niam commercium eorum, nisi jussu Principis, non sit;
 cum distrahi non solent.* Nec dici potest, valida sal-
 tem censenda sponsalia sub conditione: *Si Papa dispen-
 saverit*, in casu, quo Pontifex frequenter dispensare
 solet, ceu in quarto consanguinitatis vel affinitatis
 gradu. Nam respondeo, quod Pontifex ex mera gra-
 tia facit, relaxando jus commune, semper per se est
 impossibile, & extra commercium privatorum. Dein
solitum dici non potest, quod etsi respectu omnium
 cum dispensatione contrahentium sæpe fiat; tamen
 relate ad omnes matrimonium cum vel sine dispensa-
 tione contrahentes valde rarum est, & quovis casu
 extraordinarium, & abhorrens a jure communi; ne-
 que *solitum* dici potest, quod sine exigentia justæ
 causæ non fit, neque licite fieri potest.

VII. Istiusmodi conditiones: *Si liber homo ser-
 vus factus fuerit, aut res religiosa cæperit esse profa-
 na*, tanquam tristes, inciviles & mali ominis habentur
 a legibus. l. 34. §. 2. D. de contrah. emtione.
 Ibi: *Neque enim fas est, ejusmodi casus expectare.*
 Hinc pro nullis habentur tales contractus l. 83. §. 5.
 D. de V. O. Eodem titulo l. 35. §. 1. nulla di-
 cuntur sponsalia cum sorore adoptiva inita, etsi dis-
 soluta per emancipationem legali cognatione conju-
 gium

gium poffibile fieri poffit ; quia ut Paulus Ictus ibi ait : *Statim contra bonos mores fit.*

§. 93. Transeundum eft ad conditiones fponfalibus de præfenti & matrimonio adjectas. Difputant inprimis Doctores Recentiores, utrum conditio fufpenfiva de futuro adjici matrimonio poffit. Qui poffe id fieri affirmant, id probant ex natura contractus. §. 82. Qui negant, naturam contractus matrimonialis, qui confenfum de præfenti requirit, & rationem Sacramenti tanquam actus legitimi allegant. §. 83. Pontifex c. 3. h. t. ait, quod hujusmodi confenfus (præftitus fub conditione, *fi pater confenferit*) non fit de præfenti habendus ; licet per verba de præfenti evidentius exprimatur, qui in alieno arbitrio non habito, fed habendo confiftit. Verum defensores matrimonii conditionati ajunt, hujusmodi confenfum non effe de præfenti absoluto, fed de præfenti conditionato. Replicant alii : *Conditio nihil ponit in effe* ; & qui affenfum fufpendit ad futurum & incertum eventum, in præfenti non confentit. Hinc Veteres rejecta conditione de futuro matrimonium absolute initum fuiffe præfumebant (i). Certum eft, admodum rara effe matrimonia conditionata, nec fine fumma neceffitate, & cautione permitti poffe.

(i) Hic videtur effe fensus c. 1. h. t. quod ex Concilio Africano dicitur profectum, fed in Conciliis Africanis fruftra quæritur. Videtur ergo in Decretales fluxiffe ex Decreto Gratiani can. 7. & 8. XXVII. q. 2. in quem locum Berardus commentatur his verbis : „*Statim ac quis de præfenti confentit, & matrimonium revera contrahit, jam certum eft, eum nolle actum fufpendere, ac propterea nolle matrimonio conditionem adjicere. Itaque res hæc difputationem nullam aut controversiam pati poterat ; & vix digna erat, quæ inter Philofophos, Theologosve duodecimi, aut decimi tertii feculi fcholarum pulverem agigaret.*“ Sed confer Fagnanum ad c. 3. h. t. n. 23. & ad c. 5. eod.

§. 94. Conditiones de præfenti aut de præterito, aliive modi contractui matrimoniali adjici non solent, nec id permittendum est ob gravissima incommoda. Siquis ejusmodi conditionibus, aliisve pactis consensum se affixisse asserat, id plenissime probare debet. §. 44. & 84. *Aliæ conditiones* (modo substantiæ conjugii non repugnent) *appositæ in matrimonio, si turpes aut impossibiles fuerint, debent propter ejus favorem pro non adjectis haberi.* c. fin. h. t.

§. 95. Conditiones, quæ matrimonii substantiæ repugnant (§. 81. in fin.), exemplis declarantur c. fin. h. t. Bono prolis repugnat conditio: *Si generationem prolis evites.* Bono fidei conjugalis obest conditio: *Si pro quæstu adulterandam de tradas.* Bono Sacramenti contraria est conditio: *Donec inveniam aliam honore vel facultatibus digniorem.* Animadvertite *Primo.* Non sunt hæ conditiones proprie dictæ, sed potius pacta & modi contractui additi. §. 81. *Secundo.* Conditio ultimo loco expressa exhibet conditionem *resolutivam* §. 84. *Tertio.* Dicuntur hæ conditiones repugnare *substantiæ matrimonii*; quia omne commercium extra legitimum conjugium, jure divino turpe est, & illicitum. §. 6. *Quarto.* Ut ejusmodi conditiones irritum reddant matrimonium, necesse est, ut in continenti, in ipso nempe contrahendi actu adjiciantur, consensu iis affixo; postea adjectæ matrimonium non vitiant, sed ipsæ vitiantur. Arg. l. *Per servum.* 14. §. 1. D. de usu & habit. *Quinto.* Casus ejusmodi conditionum, quæ c. fin. enumerantur, *exempla* sunt, quibus regula declaratur, non quibus arctatur. Aliæ conditiones prioribus quoad rem similes concipi possunt, per quas matrimonia vitiantur; uti ex sequentibus patebit.

§. 96. Si matrimonium ineatur inter duos, qui pravam habent errorem substantiæ matrimonii repugnantem, ut inter Græcos, qui censent, conjugii vinculum dissolvi per alterius conjugis adulterium, prava hæc opinio non officit validitati matrimonii. Ita resolvit S. Congregatio Concilii die 15. Januar. 1724. Benedict. XIV. de Synodo lib. 13. c. 22. §. 4. nov. Edit. conf. §. 20. Verum si hæc opinio deducatur in pactum, tanquam conditio in actu ineundi matrimonii; tunc matrimonium nullum est; uti semper accidit, cum matrimonio est apposita conditio substantiæ matrimonii repugnans. c. fin. h. t. Ob hanc causam matrimonia Calvinistarum, uti in Transylvania contrahunt, a S. Congregatione Concilii, pro nullis declarata sunt (k).

(k) *Secundum formulam, qua Calvinistæ utuntur, minister matrimonio assistens sponsum interrogat: Accipisne illam in uxorem? respondet ille: Accipio. Eadem verba ministro interroganti repetit sponsa. Tum minister iterum ad sponsum: Personam, quam manu tenes, amas, & accipis eam in perpetuam uxorem, nec in ulla illius ærumna deferres, quoad usque in sua honestate & puritate permanferit? Tantundem dicit sponsa. Porro illud, quoadusque in sua honestate & puritate permanferit, in sensu Calvinistarum denotat, virum accipere sponsam in uxorem, quoadusque adulterium non contraxerit, eoque commisso vinculum conjugii solvi. Celebrant igitur matrimonia cum conditione opposita eorum perpetuitati; quod substantiæ repugnat. Neque obstat huic decisioni, quod prius dicat uterque sponsus, accipio hunc in conjugem; ac deinde ad novam interrogationem uterque conditionem subdat; quia & prior & secunda interrogatio pro uno, eodemque actu habetur.*

§. 97. Secundum hæc principia a S. Congregatione Concilii resolutus fuit casus alter die 8. Junii 1724. Vir & femina convenerunt celebrare matrimonium

monium coram Ecclesia, ut illud nequaquam consummare deberent, sed post quinque dies mulier monasterium ingrederetur, & post probationis annum profiteretur: interim vero omni juri renuntiabat, quod in mariti personam ex matrimonio sibi acquirere potuisset; consenseratque, ut, si ab his pactis defecisset, matrimonium nullum, irritumque declararetur. Ita conventum inter illos, pactaque hæc scriptis consignata sunt, ac significata testibus & parcho, coram quibus ineundæ erant nuptiæ. Hoc matrimonium nullum esse declaravit S. Congregatio Concilii ex c. fin. h. t. conf. Bened. XIV. de Syn. l. 13. c. 52. §. 10. nov. Edit. (1).

(1) *Hæc exscripsi ex Epitome Doctr. Mor. & Canon. desumptæ ex operibus Bened. XIV. v. Matrimonium. Quia nova ejus operis editione desituor.*

§. 98. Utrum voluntas mutua sponzorum in pactum deducta non utendi matrimonio, istuc irritum reddat, puto, decisum non esse, nisi promissioni mutuæ accedat clausula, ut, siqua pars a promisso recedat, matrimonium pro irritato habeatur. Talis enim contractus aperte fit sub conditione resolutive. De Matrimonio B. Virginis Mariæ & S. Joseph passim sic differunt Doctores, ut censeant illud *absolute* fuisse contractum, translata inutua potestate corporum, sic tamen, ut pars utraque animum habuerit ab omni carnali commixtione abstinendi, & verosimiliter de hoc animo fuerit divinitus edocta. can. *sufficiat*. 2. & ibi Gratianus. & can. seq. XXVII. q. 2.

§. 99. *Demonstrationes* etiam & *causæ* aliquando adhibentur in contrahendis sponsalibus de futuro, aut, quod rarius fit, de præsentī. Illæ serviunt designandæ personæ; ac tum redundare possunt in substantiam

stantiam matrimonii. §. 40. *Causæ differunt a modis, fere uti apud Philosophos causa moralis & finalis. l. 52. D. de Condi&it. indeb. Ejusmodi autem causæ impulsivæ, nisi exprimantur, in contractibus attendi non solent. §. 43.*

TITULUS VI.

QUI CLERICI VEL VOVENTES MATRIMONIUM
CONTRAHERE POSSUNT.

ARGUMENTUM.

- I. *Exponitur diversitas Clericorum & Voventium. §. 100.*
- II. *Dein casus quadruplex: Si præcedant Ordines, & sequantur sponsalia de futuro, aut de præfenti. §. 101.*
- III. *Si præcedant sponsalia, & sequantur Ordines. §. 102.*
- IV. *Si præcedat votum, & sequantur sponsalia. §. 103.*
- V. *Si præcedant sponsalia, & sequatur votum. §. 104.*

§. 100. **S**unt Clerici Ordinum *minorum*, & *majorum*: Voventes alii, qui voto *simplici* cælibatus seu non nubendi, aut virginitalis, & castitalis perpetuæ, aut suscipiendi Ordines Clericales (a), alii, qui voto *solemni* castitalis tenentur. Definitum est autem 1. *illud solum votum debere dici solumne, quantum ad contrahendum matrimonium dirimendum, quod solemnizatum fuerit per susceptionem sacri Ordinis, aut per professionem expressam vel tacitam factam alicui de religionibus per Sedem Apostolicam approbatis.* 2. *Quod voti vis irritum reddendi matrimonium postea contracti, seu solemnitas ex solo Constitutione Ecclesiæ sit inventa. c. un. de Voto & vot. red. in 6.* Quatuor sunt casus, quibus Ordo Clericalis minor vel major, dein votum simplex aut

aut solemne referri potest ad sponsalia de futuro aut de præsentī *licite* aut *valide* contrahenda. De aliis effectibus Ordinum relate ad matrimonium, & de matrimonio relate ad vota religionis actum est L. III. tit. 3. de *Clericis conjugatis*; & Tit. 32. de *conversione conjugatorum*, remissive.

(a) *Hæc ipsa vota non nihil differunt inter se; uti docet Theologia moralis, & ipsa verborum vis indicat.*

§. 101. Casus I. Si præcedant Ordines, & post eos fiant sponsalia de futuro aut præsentī. Post Ordines minores valide contrahi potest matrimonium, & ex causa etiam licite; proindeque etiam sponsalia de futuro. Nihil enim obstat. De effectu matrimonii post Ordines minores contracti actum est L. 3. §. 9. de *Clericis conjugatis*. 2. Post Ordines majores contractum matrimonium invalidum est ob annexum votum solemne castitatis. c. 1. h. t. c. un. de voto in 6. Concil. Trid. can. 9. de Sac. Matr. Impedimentum hoc dirimens est juris ecclesiastici, uti ipsa solemnitas voti sacris Ordinibus annexi, quod privatorum arbitrio excludi non potest. Qui statum libere suscipit, hoc ipso se adstringit ad obligationes statui annexas. Coactus vi injusta & gravi ad sacrum Ordinem suscipiendum, vi probata ab obligatione ejus voti liber declaratur, interdicta functione Ordinis suscepti (b). Extra hunc casum dispensatio in jure communi per Concilium Tridentinum confirmato ad solum pertinet Romanum Pontificem.

(b) *Exemplum referunt Ephemerides Moguntinæ ad an. 1786. fasciculo XI. pag. 927. Causa votum continentie annectendi sacris Ordinibus indicata est L. III. §. 15. Matrimonium post SS. Ordines contractum etiam apud Græcos per se irritum censetur. Dum enim Ecclesia Orientalis votum continentie non admisisse dicitur, c. 6. de Clericis conj., id eo sensu intelligendum est, quod matri-*

matrimonio ANTE Ordinem sacrum contracto post eum susceptum uti promotos sinerent. De effectu matrimonii post sacros Ordines attentati conf. Lib. III. §. 10. & C. 1. & 2. h. t.

§. 102. Casus II. Si præcedant sponsalia, & sequantur Ordines. 1. Post sponsalia de futuro aut de præsentis illicite suscipiuntur quicunque Ordines, nisi suscipiens velit religionem ingredi; quod facere potest invita Sponsa, ante consummatum matrimonium, vel post illud, si uxor consentiat, & votum continentiae emittat. conf. L. I. Decret. §. 457. & seq. 2. Ordo etiam sacer non dirimit matrimonium prius contractum, etsi per carnis copulam non fuerit consummatum; cum nec jure divino, nec per sacros reperiamus Canones hoc statutum. Extray. un. Joan. XXII. de voto (c). Addit Pontifex: *Auctoritate Apostolica districtius inhibentes, ne quisquam durante matrimonio nondum etiam consummato, aliquem de sacris Ordinibus præsumat suscipere, nisi prout sacris Canonibus noverit convenire; uti mox antea dictum est. Qui non obstante hoc interdicto post matrimonium etiam ratum tantum, Ordinem majorem suscipit, non potest soluto matrimonio in Ordine sic suscepto ministrare, nec ad superiores Ordines provehi, nec ad aliquod beneficium, vel officium ecclesiasticum promoveri. Ibid. nisi religionem ingreditur, & in ea profiteatur; quo casu Diæcesanus super præmissis, & singulis præmissorum cum eo dispensare valeat, nisi sit aliud Canonicum, quod obsistat. Ad ingressum hujusmodi sic ordinatum, si matrimonium consummatum non fuerit, per Diæcesanum instanter moneri præcipimus, & induci. Quodsi forsan noluerit adimplere, ipsum, si sponsa ejus insisterit, per censuram ecclesiasticam compellendum decernimus, contractum matrimonium consummari.*

Zallinger L. IV. Decretal.

G

(c) Ma-

(c) *Māior ergo vis est professionis religiosæ, quam SS. Ordinum; per ipsam enim, uti mox dicetur, dissolvitur matrimonium ratum, non item per hos. Hi duo casus vulgo sic exprimuntur: Ordo sacer dirimit matrimonium contrahendum, non item contractum, licet ratum tantum.*

§. 103. Casus III. *Si votum præcedat: sponsalia sequantur.* 1. *Votum simplex religionis, castitatis, sacrorum Ordinum, non nubendi, sponsalia de futuro postea inita reddit illicita & irrita, etsi juramento fuerint confirmata, aut fornicatio accesserit (d): sponsalia autem de præsentī seu matrimonium contrahendum impedit, contractum non dirimit; id est, matrimonium post ejusmodi votum simplex contractum, sit illicitum; non autem irritum. c. 3. & 6. h. t. c. uh. de Voto. in 6. (e). Exceptionem de matrimonio post votum etiam simplex nulliter contracto mox indicabo.* 2. *Votum solenne professionis religiosæ matrimonium contrahendum dirimit §. 100. Concil. Trid. Sess. XXIV. can. 9; de Sacr. Matr. Eundem effectum habent vota simplicia in Societate Jesu emissā post Novitiatum; ex Const. Gregorii XIII. quæ incipit: Ascendente Domino. an. 1584. Potuit sane Pontifex hoc decernere, cum voti solemnitas, quantum ad contrahendum matrimonium dirimendum, ex sola Constitutione Ecclesiæ sit inventa. cit. §. 100. Idem secundum antiquos Canones dicendum est de voto continentiae etiam simplici, quod facit uxor consentiens in sacros Ordines mariti; quodque irritat sequens matrimonium post mortem mariti contrahendum (f). Atque hæc sunt exceptiones de voto simplici superius memoratæ.* 3. *Potest Summus Pontifex dispensando ex Religioso facere non Religiosum, eumque a votis liberatum restituere habilem ad contrahendum matrimonium. Exemplum habetur in Casimiro Poloniæ Princi-*

Principe, antea professio & Diacono. Patet autem, hanc relaxationem juris communis & voti reservati soli Papæ competere.

(d) C. 6. h. t. *ibi*: Cum simplex votum apud Deum non minus obliget, quam solemne: pro eo, quod temere juravit, poenitentiam agat, & votum, quod Deo fecit, studeat observare. *Rationem voti simplicis de ingredienda religione olim habitus religionis sine professione susceptus habuit. c. 4. h. t.*

(e) Qui post emissum votum perpetuæ castitatis contrahit matrimonium, tenetur, nisi dispensationem aut commutationem voti impetret, servare in matrimonio castitatem, absque præjudicio tamen juris alteri conjugii competentis. Obligatio etiam voti de ingredienda religione per matrimonium sacrilege contractum suspensa quidem, at non extincta videtur, ut mortuo altero conjuge non iterum vim exerat, urgeatque.

(f) Can. Quia sunt. 10. cum binis seq. dist. 28. Can. Seriatim. 14. dist. 32. Sanchez de Matr. l. 7. disp. 40. Adde c. 9 & 10. de convers. conjugat.

§. 104. Casus IV. *Si sponsalia de futuro, aut præsentis præcedant, & sequatur votum.* Hoc loco distingui debet in primis inter sponsalia de præsentis, seu matrimonium ratum, & inter matrimonium copula carnali consummatum; deinde inter votum simplex castitatis, cælibatus, sacrorum Ordinum, & inter votum simplex ingrediendi religionem; quia sponsalibus de futuro, & matrimonio rato ex dispositione juris inest conditio: *nisi religionem ingrediar.* His prænotatis dico: 1. Post sponsalia de futuro non valet votum simplex castitatis, cælibatus, sacrorum Ordinum: imo vovens punitur ob fidem mentitam, & alteri parti dat justam causam resiliendi a sponsalibus, si velit, ob tacitam renuntiationem voventis, etsi ipsa pars vovens non fiat libera, nisi altera pars libertatem verbis aut factis concedat. c. 5. h. t. (g).

(g) Dici non potest, ejusmodi vota edita post sponsalia, ideo valere, quia status castitatis & cœlibatus perfectior est statu matrimonii. Concil. Trid. Sess. XXIV. can. 10. R. enim nullam esse obligationem sectandi perfectiora; quapropter potest se quivis obligare ad matrimonium. Ea indulta obligatione non jam perfectius est, ad statum cœlibatus aspirare, sed injustum & poena dignum. uti patet ex cit. c. 5. h. t. De jactata obligatione sectandi perfectiora. conf. Jus Nat. priv. §. 12.

§. 105. Dico 2. Post sponsalia de futuro, ac de præsentī, quamdiu per carnis copulam consummata non fuerunt, valet votum simplex ingrediendi religionem: concessus est ipse ingressus, seu valet ipsa professio: & pars altera in sæculo remanens post professionem alterius fit libera a vinculo prioris matrimonii, atque ad alias nuptias transire potest. Atque hoc est, quod vulgo statuitur: per professionem religiosam dissolvitur matrimonium ratum præcedens. c. 2. de convers. conjugat. ibi: *Sicut Sancti quidam de nuptiis vocati fuerunt.* Concil. Trid. l. cit. can. 6. Adde ad hanc decisionem: valet votum ingrediendi, ac valet ipse ingressus, seu professio, etsi alter conjux reluctetur. cit. c. 2. de convers. conjug. Imo etsi ingressus fiat post bimestre a contracto matrimonio, modo istue nondum consummatum fuerit. c. 7. de convers. conj. Sed quod ibidem deceditur, dissoluto sic matrimonio uterque conjux alteri restituit, quod ab altero accepit.

§. 106. Dico 3. Matrimonio per carnis copulam consummato non potest una pars, altera invita religionem ingredi, aut maritus *reluctante uxore* ad sacros Ordines promoveri, nisi pars, quæ profiteri aut promoveri vult, habeat jus instituendi divortium perpetuum ob adulterium alterius partis carnale, aut spirituale, seu lapsum in infidelitatem, propter quam ea a parte innocente judicio Ecclesiæ separata fuit.

c. 15. & c. 21. de convers. conj. Pars adultera detrudi solet in claustrum. c. 19. eod.

§. 107. Dico 4. In eadem hypothefi matrimonii jam consummati non potest pars alterutra religionem ingredi, aut maritus ad sacros Ordines promoveri, nisi consentiat pars altera, & simul religionem ingrediatur, vel si suspecta non sit, continentiam vovent perpetuum. c. 1. 4. 11. de convers. conjug. De præstando ab altera parte consensu ad decisionem adde: *Primo.* Non sufficit consensus *ad tempus* præstitus, aut sine ingressu religionis vel continentiae perpetuae voto. cit. c. 11. de convers. conj. *Secundo.* Non sufficit consensus vi injusta extortus. c. 17. eod. Dolus non obest consensui, si per moram temporis rati habetur. c. 16. eod. *Tertio.* Pars religionem professâ tenetur votis, etsi causa impulsiva profitendi fuerit falsa. c. 14. eod. *Quarto.* Curandum est, ut præstatio consensus fiat cum quadam solemnitate testium, utque in judicio probari possit c. 20. eod. *Quinto.* Si pars consentiens postea continentiam non servet, professâ non tenetur e religione redire. cit. c. 20. eod. At si una pars religionem profitetur altera invita, hac exigente redire debet: eadem postmodum defuncta ad monasterium reverti non tenetur: non potest tamen novas contrahere nuptias. c. 3. eod. Similis decisio extat c. 12. eod. Uxor putans virum mortuum, professâ est: eo reverso educâta est ex monasterio. Illo dein defuncto, de eadem uxore interrogatus Pontifex respondit: *Consultius dicimus, & ei congruentius ad salutem, ut ad monasterium redeat, ubi bona ductâ intentione professionem fecit, & habitum religionis accepit. Si vero ad hoc induci non poterit, ipsam invitam credimus non cogendam.*

TITULUS VII.

DE EO, QUI DUXIT IN MATRIMONIUM, QUAM
POLLUIT ADULTERIO.

ARGUMENTUM.

*I. Impedimentum criminis quadruplici casu incurritur.
§. 108. II. Non obstante ignorantia juris. §. 113.*

§. 108. *Criminis* impedimentum, de quo agitur h. t., contrahitur inter complices, vel ex adulterio, vel ex conjugicidio, utrinque duplici modo; unde quatuor existunt casus, quibus matrimonium crimine dirimitur. Casus I. est adulterium unius conjugis cum promissione futuri matrimonii facta complice adulterii. Casus II. est itidem adulterium unius conjugis cum matrimonio de presenti attentato cum complice adulterii. Casus III. est adulterium cum cæde alterius conjugis, patrata ab alterutro complice adulterii cum animo contrahendi matrimonium. Casus IV. secluso adulterio est conjugicidio patratum amborum consensu, & cum intentione contrahendi matrimonium.

§. 109. Animadvertite I. Uti adulterium, & conjugicidio tum a marito, tum ab uxore patrari; ita hoc impedimentum cadere potest in utrumque conjugem. Uxor adultera post mortem mariti nequit validum matrimonium contrahere cum complice adulterii, quocum vivente marito sponsalia de futuro, aut de presenti attentavit. can. *Relatum. q. XXXI. q. 1.* Similiter maritus adulter post mortem uxoris nequit validum matrimonium contrahere cum femina illa
com-

complice adulterii, quacum vivente uxore sponsalia de futuro aut præsentis attentavit. c. 7. h. t.

§. 110. Animadvertite 2. Ut ex crimine adulterii incurratur hoc impedimentum, necesse est, ut adulterium sit *formale*, id est, ut etiam complex adulterii sciat, alterum complicem esse in conjugio. c. 1. & 7. h. t.

§. 111. Animadvertite 3. Necesse præterea est ad subeundum hoc impedimentum, ut & adulterium & sponsalia de futuro aut de præsentis, vivente altero conjugē, concurrant, id est, ad unum accedat alterum. Sola enim promissio vel attentatio sine adulterio, aut solum adulterium sine promissione vel attentatione matrimonii inter complices adulterii, hoc impedimentum non producit. c. 6. & fin. h. t. De hoc infra agetur adcuratius §. 158. seq.

§. 112. Animadvertite 4. Si ad adulterium accedit conjugicidium, perinde est, uter complex adulterii cædem patret; nec opus est, ut alter complex pariter conscius sit & complex cædis. Secluso adulterio machinatio secuto effectu fieri debet ex conspiratione utriusque eorum, qui dein matrimonium contrahere volunt. c. 1. de convers. in fid. Utrouque autem casu necesse est, ut conjugicidium fiat cum intentione matrimonii contrahendi; quæ intentio facile præsumitur in foro externo, nisi contrariis argumentis elidatur (a).

(a) Sanchez de Matrim. l. 7. Disp. 78. n. 19.

§. 113. Opinio quorundam Doctorum, quæ hoc impedimentum ab iis, qui crimini id affixum ignorant, incurrere negant, nihil veræ probabilitatis habere semper visa mihi est. Nam 1. Alia impedimenta matrimonium dirimentia etiam ab ignorantibus

incurruntur; quæ est generalis proprietas legis irritantis (b). 2. In casu horum criminum matrimonia simpliciter censentur nulla. c. 1. & fin. h. t. Idque communis usus interpretatur de *inhabilitate* sic contrahentium. Omnia enim ejusmodi impedimenta per modum inhabilitatum sumuntur. 3. Hæc crimina matrimonium dirimunt, etsi patrentur ab infidelibus, & mulieribus, in quibus scientia istiusmodi impedimenti nullo modo præsumi potest cit. c. 1. de conv. infidelium. Demum 4. rationes, quibus utuntur ii Doctores, aut falsæ sunt, aut nullius plane roboris e. g. *Pænæ non incurruntur ab iis, qui pœnam delicto affixam ignorant: hoc impedimentum primario in pœnam est statutum: Leges irritantes per se pro foro interno non obligant.*

(b) Conf. L. I. Decr. §. 181. §. 184. n. VI. §. 185. n. II.

TITULUS VIII.

DE CONJUGIO LEPROSORUM.

TITULUS IX.

DE CONJUGIO SERVORUM.

TITULUS X.

DE NATIS EX LIBERO VENTRE.

ARGUMENTUM.

I. De lepra, aliove vitio superveniente alterutri sponso vel conjugi. §. 114. II. De servili conditione relate ad matrimonium. §. 116. III. De statu prolium ex conjugibus disparis conditionis. §. 117.

§. 114. **O**b lepram supervenientem sponsalia de futuro dissolvi possunt. c. 3. de conj. leprof. Hæc decisio per interpretationem exten-

extensivam valet de aliis morbis, aut defectibus spon-
 sorum tum iis, qui post sponsalia emergunt, tum
 iis, qui præcesserunt ignorante parte altera, etsi spon-
 salia fuerint jurata. c. 25. de Jurej.; si nempe tales
 sint, qui cogniti absterruissent a sponsalibus ineundis.
 Qui defectu partis alterius jam cognito, matrimonium
 promittit, ejus obtentu postea resilire non potest;
 quod per se liquet. Unde etiam leprosi, *si conti-
 nere nolunt, & aliquam, quæ sibi nubere velit, inve-
 nerint*, ad matrimonium convolare possunt. c. 2.

§. 115. Lepra superveniens matrimonio de
 præsentī illud non dissolvit, ac nequidem ab obliga-
 tione cohabitandi, ac reddendi debitum regulariter
 liberat. c. 1. & 2. eod. Idem extenditur ad alias gra-
 ves infirmitates alterutri conjugī supervenientes. cit.
 c. 2. ibi: *Sive mulier lepra fuerit percussa, seu alia
 gravi infirmitate detenta*. Difficultatem videtur fa-
 cere can. *quod proposuisti*. 18. XXXII. q. 7. ibi:
*Quod proposuisti, si mulier infirmitate correpta non
 valuerit debitum viro reddere, quid ejus faciat juga-
 lis? Bonum esset, si sic permaneret, ut abstinentiæ
 vacaret. Sed quia hoc magnorum est, ille, qui se
 non poterit continere, nubat magis: non tamen sub-
 sidii opem subtrahat ab illa*. Natalis Alexander Hist.
 Eccl. Sec. VII. Art. 3. hoc responsum Gregorii II.
 ad S. Bonifacium Germaniæ Apostolum explicat de
 infirmitate & impotentia antecedente matrimonium,
 at post matrimonium detecta, quæ matrimonium an-
 tea contractum irritum reddiderat (a).

(a) *Conf. Ballerīn. de Primatu RR. Pontif. t. XV. §.
 X. n. 41.*

§. 116. De conjugio Servorum ex Jure sacro
 dicitur I. Matrimonia inter servos & ancillas nulla-
 tentis

tenus prohibenda esse; quia in Christo Jesu neque liber, neque servus est a Sacramentis Ecclesiæ removendus (b). II. Ecclesia longo tempore toleravit vel approbavit leges Romanas, per quas matrimonium inter servos sine consensu Domini coire & consistere non potuit. c. fin. XXIX. q. 2. ibi: *Ubi legalis conjunctio fuit, & per voluntatem dominorum.* Postea tamen solo servorum Christianorum consensu etiam invitis Dominis fieri matrimonium, declaratum fuit. c. 1. h. t. III. Ob duram servorum conditionem, quando persona libera contrahit cum persona conditionis servilis, quam ignoravit, matrimonium est nullum, nisi cognita dein servitute facto aut verbo consensum renovet. c. 2. & fin. h. t. Et sic dispar conditio quoad statum liberum aut servilem ad impedimenta matrimonium dirimentia refertur. Est hic unus error qualitatis consensum reddens nullum. §. 4a. (c).

(b) *Jure Romano inter marem & feminam servilis conditionis non matrimonium, sed contubernium intercedebat.* l. 3. C. De incestis nuptiis. *Liberi ex tali contubernio suscepti naturales, non legitimi habebantur. Naturalia tamen cognationis, imo & affinitatis jura in servili etiam copulatione agnoscebantur a Romanis.* l. 14. §. 2. & 3. D. de Ritu nuptiar. ibi: *Quoniam in contrahendis matrimoniis naturale jus & pudor inspicitur.*

(c) *Henricus Wagnereck in Commentar. ad c. un. de natis ex lib. ventr. animadvertit; etiam hodie servos originarios, sive mancipia tam duris conditionibus vivere, præsertim in Westphalia, Polonia & Bohemia, ut dubitare liceat de valore matrimonii cum errore aut ignorantia ejusmodi conditionis inito. Etsi enim matrimonia invitis & contradicentibus dominis inita apud Catholicos habeantur pro validis, c. 1. h. t. tamen ibidem deciditur: Debita & consueta servitia non minus debent propriis dominis exhiberi. Alii autem passim censent, ob ignoratam istiusmodi conditionem improprie servilem*

non

non dirimi matrimonium. Conf. Joann. Kugler de Matr. p. 2. c. 2. §. 2. n. 1109.

§. 117. Si ex conjugibus unus sit liber, alter servus, partus sequitur ventrem. c. un. de natis ex lib. ventre, nisi contraria sit loci consuetudo. c. 3. de conjug. Serv. l. 24. D. de statu hominum. Ex cit. c. 3. deduci potest idea *de controversia status*; quæ ad quæstiones præjudiciales refertur. Pontifex ait: *Videtur nobis ratione temporis, & favore libertatis, pro parte viri securius judicandum.* Ob eundem favorem Jure etiam Romano liber censebatur nasci, qui ex matre aut conceptionis aut partus aut medio tempore libera nascitur. Princ. Inst. de Ingenuis, ibi: *Quia non debet calamitas matris ei nocere, qui in ventre est.*

TITULUS XI.

DE COGNATIONE SPIRITUALI.

TITULUS XII.

DE COGNATIONE LEGALI.

TITULUS XIII.

DE EO, QUI COGNOVIT CONSANGUINEAM
UXORIS SUÆ, VEL SPONSÆ.

TITULUS XIV.

DE CONSANGUINITATE ET AFFINITATE.

ARGUMENTUM.

- I. Cognationis naturalis idea, & schema §. 118. II. intra certos gradus impedit nuptias computatione canonica. §. 119. III. Expenditur singulatim linea recta. §. 123.

§. 123. *IV. Et obliqua* §. 129. *V. Affinitas seu impedimentum matrimonii secundum jus novum.* §. 136. *VI. etiam fornicatione contracta.* §. 140. *VII. Jus vetus affinitatis.* §. 141. *VIII. Regulae pro decidendis casibus dubiis.* *ibid.* *IX. quorum præcipui enumerantur.* §. 143. *X. Quasi affinitas, seu impedimentum publicæ honestatis.* §. 147. *XI. Cognatio spiritualis.* §. 148. *XII. Legalis.* §. 150.

§. 118. **C**OGNATIO est triplex, carnalis, spiritualis, legalis. Posterior utraque ad imitationem prioris adinventæ est. Cognatio *carnalis* aut *naturalis* est propinquitæ seu vinculum personarum a se vel a communi stipite descendentium, carnali propagatione contractum. Adnota: 1. Propinquitæ hæc sita est in communione sanguinis, diciturque consanguinitas quasi *sanguinis unitas*. 2. Singuli quidem ab utroque parente communem sanguinem hauriunt. Si autem plures fratres aut sorores spectantur, vel utrumque parentem habent communem, vel patrem tantum, vel solam matrem. Unde fratres & sorores appellantur *germani, consanguinei, uterini*. Sic etiam ii, qui remotiores sunt a communi stipite, quam frater & soror, per viros, aut feminas cognati esse possunt. 3. Hæc propinquitæ fundamentum est jurium diversorum circa prohibitionem nuptiarum, hæreditates & successiones in feudis & fideicommissis, circa delicta incestus, parricidii, circa testimonium ferendum in judiciis, circa tutelas, quæ proximioribus agnatis deferuntur, circa obligationem præstandi alimenta propinquis (a). 4. Propinquitæ hæc oritur casu duplici; *primo* siquæ personæ a sese immediate aut mediate descendunt. *Secundo* si non a se, sed a communi quodam stipite immediate vel mediate descendunt. Priore casu cognatio exhibetur per lineam rectam: posteriore,

riore, per duas obliquas, quæ in communi stipite concurrunt, seu angulum efficiunt. 5. Tum in recta, tum obliqua linea propinquitat propior aut remotior esse potest. Habet ergo cognatio lineam *rectam* ascendentium & descendentium: *obliquam* seu transversam latere junctorum: *stipitem*, a quo in linea recta ordo descendentium inchoatur: vel in quo juncti a latere conveniunt: habet *gradus* propinquo- rum. Atque hæc exhibentur per schema Tabula I. propositum, seu per *Arborem consanguinitatis* (b). 6. In hac arbore duo expendenda sunt, *primo* ordinata series graduum sine hiato: *secundo* appellationes, quæ propinquis in certa linea, certoque gradu competunt (c). Solent autem gradus in linea obliqua exhiberi *quatuor*, ad quos nimirum prohibitio nuptiarum pertinet. 7. Quia autem II. tota hæc propinquitat, eamque exhibens arbor consanguinitatis in communione sanguinis fundatur; sanguis autem æque in licito ac illicito communicatur coitu: sequitur, ut etiam ad propinquos ex illicito coitu ortos pertineat; ac nullum in consanguinitate ejusque gradibus sit discrimen inter liberos legitime aut illegitime natos. 8. Discrimen tamen fieri solet, utrum duæ personæ ratione sanguinis conjunctæ sint per viros, an per feminas, uti si in stipite vel gradibus intermediis femina contineatur. Priore casu dicuntur *agnati*; ejusdemque nominis & stemmatis sunt: posteriore *cognati* specificæ, ut adeo cognatio & genus sit & species. l. 10. §. 2. D. de Grad. §. 1. Inst. de leg. agnat. tut. Atque hæc uno videbantur loco congerenda, ne discentium distraheretur attentio.

(a) L. 10. pr. D. de gradib. & affin. ibi: Jurisconsultus cognatorum gradus, & Affinitum nosse debet; quia &c.

(b) Ar-

(b) *Arbor consanguinitatis reipsa est graduum descriptio, vel generalis vel applicata ad hypothesein certæ genealogiæ. Mentionem de illa facit Justinianus §. ult. J. de gradib. cognationum, ibi: Sed cum magis veritas oculata fide, quam per aures animis hominum insigatur; ideo necessarium duximus, post narrationem graduum, eos etiam præsentī libro inscribi; quatenus possint & auribus & oculorum inspectione adolescentes perfectissimam graduum doctrinam adipisci. Eadem arbor inserta est Decreto Gratiani caus. XXXIII. q. 5. Auctore Joanne Andrea JCo Bononiensi, addita explicatione ab eodem facta an. 1347. quia vero rami arboris utraque ex trunci parte iidem sunt, eisdemque continent gradus; hinc facta quodammodo sectione arbor dimidia instar vexilli exhibetur.*

(c) *Justinianus §. 7. Inst. de Grad. longe facilius esse ait, respondere, quoto quisque gradu sit, quam propria cognationis appellatione quemquam denotare.*

§. 119. In computatione graduum distingui oportet primo inter *Jus canonicum*, quod observatur in matrimoniis contrahendis, adeoque in delictis incestus: & *Jus civile*, quod spectatur in successioneibus, aliisque ad judicia secularia pertinentibus. Secundo inter *lineam rectam* ascendentium & descendentium, in qua computatio utroque Jure eadem est: & *lineam obliquam*, in qua gradus aliter computantur Jure canonico, aliter Jure civili. *Regula I. In linea recta Jure utroque tot sunt gradus, quot generationes, seu quod in idem recidit, tot gradus, quot personæ una demta.* Titia enim, ejusque filius efficiunt unam generationem, suntque personæ duæ in gradu primo. Nepos adjicit secundam generationem; suntque personæ tres, Titius, filius, nepos in gradu secundo &c. *Regula II. In linea collateralī Jure canonico fit distinctio inter æqualem & inæqualem. Jure ergo canonico personæ in linea æquali eo gra-*

gradu distant inter se, quo gradu alterutra distat a communi stipite: in linea inæquali eo gradu distant inter se, quo gradu remotior distat a communi stipite.

Regula III. In linea collateralī Jure civili nulla fit distinctio inter æqualem & inæqualem, sed generatim eo gradu personæ distant inter se, quot sunt generationes utraque ex parte numeratæ, sive eo gradu, quot utraque ex parte sunt personæ demto communi stipite; qui ideo in figuris aliquando omitti solet. Uti fig. 3. I & K Jure canonico distant gradu quinto: Jure civili gradu decimo. Fig. 1. B & D Jure canonico distant gradu secundo: civili autem tertio. Fig. 2. B & G Jure canonico distant gradu quinto: civili distant gradu sexto. Unde tritum est illud: *Per rectum filium concordant utraque jura, per transversalem superat legalia jura.*

§. 120. Prohibitio nuptiarum sive impedimentum consanguinitatis matrimonium dirimens in linea recta semper idem fuit, eritque in posterum; cum ex Jure naturali censeatur provenire, quocunque inter se gradu sint ascendentes & descendentes. In linea obliqua olim extendebatur ad gradum septimum inclusive, postea ad quartum inclusive reductum per Concilium Lateran. IV. c. 8. de consang. & affin. ibi: *Quoniam in ulterioribus gradibus jam non potest absque gravi dispendio hujusmodi prohibitio generaliter observari.* De impedimento igitur consanguinitatis matrimonium dirimente hæc est *Regula I.* In linea recta matrimonium dirimitur quovis gradu inter ascendentes & descendentes. *Regula II.* In linea obliqua consanguinitas Jure canonico computata matrimonium dirimit usque ad quartum gradum inclusive; nec fit discrimen, utrum personæ gradu quarto comprehensæ per viros, an feminas cognatæ,

gnatæ, aut ex licito vel illicito coitu procreatæ fuerint. §. 118. n. 2. & 7. *Regula III. In linea obliqua si unus contrahentium est extra gradum prohibitum e. g. in quinto; quocunque gradu relate ad communem stipitem sit alter, matrimonium valide contrahitur.* Sic de linea inæquali Gregorius IX. c. 9. de consang. decidit, quod vir, qui a stipite quarto gradu, & mulier, quæ ex alio latere distat quinto, licite possint matrimonialiter copulari. Addit Pontifex rationem decidendi: Secundum regulam approbatam, qua dicitur: Quoto gradu remotior differt a stipite, & a quolibet per aliam lineam descendantium ex eodem. Fig. 3. decisio pertinet ad matrimonium inter virum G, & mulierem K. Sensus regulæ est: Quo gradu (nempe quinto) remotior K distat a communi stipite; eodem gradu quinto K distat ab A, C, E, G, per aliam lineam ab eodem stipite descendantibus (d).

(d) Ex his resolvitur casus Fig. II. quem rarissimum vocat Gobat agens de cognatione naturali. Gabriel (A) homo Hispanus filium Gomefium (C) & filiam Gertrudem (B) genuit; qui filius propagavit genus usque ad quintam generationem (G), ita, ut vivente adhuc ejus sorore Gertrude non solum natus fuerit Gorgonius (G) abnepos Gomefii, (& Atnepos Gabrielis) sed ita adoleverit, ut pubes factus postulaverit in uxorem ipsam Gertrudem sororem sui avi Gomefii, & filiam sui Atavi Gabrielis; potuitne citra dispensationem concedi ipsi? R. fuisse reipsa concessam, testis est Michael Ferro Manrique Quæst. Vicarial. p. 2. q. 39. ex Regula approbata, uti Gregorius IX. ait cit. c. 9. Dicunt nonnulli, inter personas, quarum una immediate est infra communem stipitem, altera remotior, intercedere respectum paternum, sive parentelam, qua inslar parentum & liberorum loco haberi debeant. Sed iste respectus plus filionis, quam veritatis habet, nec tantus est, ut a generali regula per Concilium Lateranense statuta, & a Gregorio IX. cit. c. 9. ipsoque usu approbata recedi debeat. c. 8. de consang. & affini. ibi: Prohibitio copulæ conjug-

jugalis quartum consanguinitatis & affinitatis gradum de cetero non excedat, de qua re infra §. 135. Memorata Gregorii IX. regala narratur etiam in c. 3. eod. cum hac specie facti, quæ contigit sub Cœlestino III. antecessore Innocentii III, sub quo reductio graduum in Concilio Lateran. facta est. Cum ergo prohibitio nuptiarum usque ad septimum gradum inclusive adhuc vigeret, Legatus Apostolicæ Sedis loco quodam concessit matrimonia in gradu sexto vel septimo contrahi; quæ concessio erat inslar dispensationis, seu privilegii contra jus commune; poteratque sumi strictius, si pars utraque contrahentium esset in sexto aut septimo gradu, vel latius, si modo unus contrahentium esset in sexto aut septimo gradu, etsi alter esset in secundo vel tertio. Quia autem privilegia contra jus commune strictæ interpretationis sunt, Cœlestinus III. approbavit interpretationem, strictiorem, latiore reprobavit, ita, ut separari debuerint matrimonia contracta inter personas, quarum unus quidem sexto vel septimo gradu, altera secundo vel tertio essent conjunctæ.

§. 121. Cognita graduum computatione tam canonica, quam civili satis est, nosse, a multis jam sæculis canonicam computationem in contrahendis matrimoniis, atque in foro utroque receptam esse. Quando inducta sit hæc differentia utriusque Juris, nondum liquido exploratum est. S. Ambrosius in Epistola 48. ad Paternum usus est computatione civili, dum fratres patruales ponit in gradu quarto: avunculum & neptem ex sorore in gradu tertio. Prioris casus exemplum est Fig. 4. in D & E. posterioris Fig. 1. in B & D. Quorundam Patrum mentem dubiam reddit varia notio stipitis. Nam §. Isidorus can. Series 1. XXXV. q. 5. gradus collateralium ita computat, ut fratrem & sororem sumat pro stipite, seu trunco: nepotem & neptem (F. 3.) C & D collocet in primo gradu: pronepotem & proneptem E & F. in secundo: abnepotem & abneptem G & H. in tertio: atnepotem & atneptem I & K in quarto gradu.

Zallinger L. IV. Decretal. H du.

du. Ex his patet tamen, quod gradus ex uno tantum latere numerarit Isidorus, quemadmodum canonica regula etiam nunc observat. S. Gregorius M. in Epist. ad Augustinum Anglorum Episcopum data, duorum fratrum liberos in gradu secundo collocat, & a secunda generatione in nuptiis penitus abstinere vult Anglos, quantumvis neophytos. Unde Alexander II. in can. *ad Sedem*. 2. §. 5. XXXV. q. 5. infert, Gregorium canonica graduum computatione usum fuisse. Sed dicunt: Si Gregorius duos fratres, aut fratrem & sororem pro trunco & stipite accepit, uti Isidorus; tum eorum liberi secundum Jus civile, quo generationes seu personae numerantur ex utraque parte, erunt in gradu secundo. R. Isidorus duos fratres, aut fratrem & sororem sumens pro stipite, gradus numeravit ex una parte tantum: nec constat, quod ad eam stipitis significationem simul adhibita fuerit ratio civilis personas numerandi ex utraque parte. Certè in Jure civili fratres non pro stipite sumuntur, sed ponuntur in gradu secundo. §. 2. Inst. de gradib. cognationum. Ex regula Juris civilis *semper generata persona gradum adjicit*. §. 7. Inst. de Nuptiis. Et fratris sororisque nepos neptisque eodem Jure censentur in gradu quarto. §. 4. Inst. eod. Ergo fingi nequit, Gregorium M., qui Juris civilis haud sane imperitus erat, per secundum gradum fratris sororisque nepotem, neptemque intellexisse (e).

(e) *Anglis principio conversionis Gregorius interdictio gradu secundo mairimonia concessit in tertio & quarto gradu. Sed hanc indulgentiam noluit extendi ad alias provincias, neque ad ipsos Anglos pro sequentibus temporibus, postquam firma radice in fide fuerint solidati. Can. Quædam lex. 20. XXXV. q. 2. ubi fit mentio de Epistola Felicis Messanenſis Episcopi ad Gregorium; & responsio Gregorii ad Felicem. Id Responsum tanquam supposititum impugnant nonnulli; ac Berardus in*

in *Canones Gratiani*, agens de *Epistolis Gregorii* in illo spurias *Isidori* merces subodorari sibi videtur. At qui illud responsum recenset *Ecgbertus Eboracensis* in *Excerptis* c. 131. *Concil. Edit. Mansi Tom. XII. col. 425.* qui, ut habet auctor *Dictionarii Historici editi 1782.* obiit anno 765. id est, integro ante *Isidorum* seculo.

§. 122. Quo fundamento & jure nitatur prohibitio nuptiarum pro quovis gradu, difficilior est disputatio, quam utilior. Usus tamen habet binis maxime casibus. Nam primo dispensatio locum non habet in gradu, qui jure naturali, aut divino, quod etiam nunc, emortua veteri lege viget, prohibitus est. Secundo si infideles conjugati convertuntur ad fidem, separandi sunt pro casu, quo in gradibus jure naturali & divino vetitis contraxerant: non item, si contra Jus Ecclesiasticum inierant nuptias. Protestantes nonnulli, atque in his *Carpzovius* de usu arboris consanguinitatis §. XXIV. gradus *Levit. C. XVIII. & XX.* vetitos ad legem divinam moralem, quæ etiam nunc obligat, pertinere censent. De hac quæstione decidendum est: I. Ecclesia dispensare potest in nonnullis impedimentis in *Levitico* expressis *Concil. Trid. Sess. XXIV. can. 3. de Sacr. Matr. Insuper*: Non ergo omnia impedimenta, quæ in *Levitico* exprimuntur, sunt juris naturalis divini. II. Si infideles in secundo, tertio vel ulteriori gradu conjuncti convertuntur ad fidem, post conversionem liberè possunt & licite remanere conjuncti; cum per Sacramentum Baptismi non solvantur conjugia, sed crimina dimittantur. c. 8. de divort. Hæc sine dubio de secundo, tertio & ulteriore gradu collateralis intelligenda sunt. Neque enim facile reperiri poterant infideles, qui in linea recta matrimonia contrahere soliti sunt. De primo gradu collateralis, seu de ma-

trimonio inter fratrem & sororem, nihil decidit Pontifex; neque etiam ea de re interrogatus fuerat. Unde ex hac Decretali de eo gradu nihil concludi potest. Recte tamen concluditur, gradum secundum, tertium, & ulteriorem in linea collateralis nullo Jure divino interdictum esse. Hæ generales sunt decisiones: sequitur, ut gradus præcipui singulatim examinentur.

§. 123. Designatio in schemate consanguinitatis, & appellationes referuntur ad Titium vel Titiam, quem alii vocant *Protheum* vel *hominem hypotheticum*, quia in quavis hypothesis vel singulari casu ea persona, de cujus genealogia & cognatione quæritur, in loco Titii vel Titiae collocanda est, ac quivis, exempli causa, se ipsum collocare in Titii cellula, & cognatos suos tum in recta, tum obliqua linea inquirere potest. Computatio graduum in linea recta exhibetur unica relate ad Titium per numeros Romanos; quia in recta linea Jus utrumque consentit: in transversa linea collateralium gradus relate ad eundem Titium secundum Jus canonicum indicantur in superiore parte cellulae per notas Romanas; in inferiore secundum Jus civile per figuras arabicas.

§. 124. Ascendentes Titii in linea recta in schemate exhibentur ad Abavum: descendentes usque ad abnepotem Titii. Post abavum speciale nomen habent atavus & atavia: dein Tritavus & Tritavia. Similiter in descendantibus post abnepotem sequitur atnepos, dein Trinepos. Ulteriores ascendentes generatim vocantur *Majores*: inferiores descendentes vero *Posteriores*.

§. 125. In primo ascendentium gradu consistunt personæ duæ, pater & mater Titii. In secundo gradu personæ quatuor, avus paternus & avia paterna, dein avus maternus & avia materna. In tertio gradu personæ octo, quia singulæ personæ priores suum habuerunt & patrem & matrem. In quarto gradu personæ sexdecim; a quarum singulis ad Titium recta linea duci potest.

§. 126. Hæ omnes personæ relate ad Titium *Parentes* vocantur. l. 10. §. 7. D. de gradib. ibi: *Parentes usque ad Tritavum apud Romanos proprio vocabulo nominantur: Ulteriores, qui non habent speciale nomen, Majores.* l. 51. D. de V. S. ibi: *Appellatione Parentis non tantum pater, sed etiam avus & proavus, & deinceps omnes superiores continentur, sed & mater & avia, & proavia.* adde l. 5. §. 2. D. de agnoscendis & alend. liberis vel parent. Imo non solum parentis, sed etiam *Patris* vocabulo avus & proavus significantur. l. 201. D. de V. S. Porro si parentum nomine etiam remotiores in linea recta ascendentes intelliguntur; sequitur, ut nomine *Liberorum* pariter intelligi debeant non tantum proxime geniti, sed etiam inferiores. l. 220. D. eod. ibi: *Liberorum appellatione nepotes & pronepotes, ceterique, qui ex his descendunt, continentur.* Adde l. 148. ibi: *Non est sine liberis, cui vel unus filius, unave filia est.* Vicissim de appellatione filii deciditur primo l. 84. ib. *Filii appellatione omnes liberos intelligimus.* Secundo l. 201. ibi: *Iusta interpretatione recipiendum est, ut appellatione filii, sicuti filiamfamilias contineri sæpe respondimus; ita & nepos videatur comprehendi.*

§. 127. In linea recta si cujusdam Titii genealogia inquiritur, vel ab eo per continuos gradus ad Parentes & Majores ascendendi potest quasi analytice: vel a quodam noto stipite usque ad Titium Synthetice potest descendendi usque ad datum Titium. Priore methodo usus est S. Lucas c. III. a Christo per Joseph, cujus filius *putabatur*, ut Evangelista ait, ascendens usque ad Adamum, imo usque ad Deum, Condito rem Adami: alteram rationem tenuit S. Matthæus C. I. ab Abraham descendens usque ad Christum. *Stipitis* denominatio proprie pertinet ad eum, qui communis parens est junctorum ex latere, sive in quo duæ lineæ transversæ concurrunt. Pro stipite illustrium familiarum sumitur aliquando, qui primo celebritatem, nobilitatem, vel principatum est adeptus. Stipes communis omnium hominum est Adamus. *Deus enim fecit ex uno omne genus hominum inhabitare super universam faciem terræ.* Act. XVII. 26. Eva non genita ex Adamo, sed ex ejus costa formata fuit. Abstrahendo ab hypothese stipes est limes non actualis, sed *possibilis*, qui pro arbitrio in linea ascendentium assumi potest.

§. 128. Matrimonia in linea recta, quoad *primum* gradum jure naturali, quoad *alios gradus in infinitum* jure saltem positivo repugnare & irrita esse, censent omnes (f). Utrum Jus naturæ remotiores etiam gradus excludat, disputant. De qua re egi in Jnr. Nat. Sociali §. 179. pag. 367. ubi animadversionem addidi de libidine & stulta excusatione filiarum Lot. Genes. XIX. 31. Lex Mosaica primo generatim vetat, nequis ad proximam sanguinis sui accedat, Levit. XVIII. 6. Deinde in linea recta prohibet nuptias inter patrem & filiam, inter matrem & filium, ib. 7. Inter avum & neptem, proindeque inter

ter aviam & nepotem, v. 10. Hæc animadvertenda erant de linea recta: sequitur obliqua.


(f) *Verba Concilii Lat. c. 8. de consang. ut prohibitio nuptiarum quartum consanguinitatis gradum non excedat, minime ad rectam, sed transversam duntaxat lineam referri possunt; uti manifestum est ex subiecta ratione: Quoniam in ulterioribus jam non potest absque gravi dispendio hujusmodi prohibitio generaliter observari. In linea recta ea prohibitio ultra quartum gradum non tantum absque omni dispendio facillime potest, sed ob brevem hominum vitam debet fere semper observari.*

§. 129. In linea obliqua primi sunt fratres & sorores. Omnis cognatio collateralium in gradibus ulterioribus a fratribus, vel a sororibus, vel a fratre & sorore incipit. Ob quam fortassis causam quidam Veteres pro stipite sumserunt binos fratres, aut binas sorores, aut fratrem & sororem. Sed uti ipsi fratres, & sorores inter se cognationem non habent, nisi ratione communis parentis, a quo tanquam stipite uterque sanguinem haurit; sic neque descendentes e fratribus & sororibus inter se cognati sunt, nisi ratione ejusdem communis stipitis, ex quo tanquam provenientes rami communem hauriunt succum. Ex eadem ratione Jus Canonicum fratres, & sorores collocat in primo gradu. Neque enim inter se sanguine junguntur, neque inter se distant, nisi quatenus junguntur in stipite, vel distant a stipite. Relate autem ad stipitem sunt in gradu primo. Ergo eodem inter se gradu censendi sunt.

§. 130. Jure civili bini fratres, aut binæ sorores, sive frater & soror ponuntur in secundo gradu; quia hereditates aut pro numero personarum dividuntur, aut ab una ad aliam personam devol-

vantur. Inferes: 1. Jure civili non datur in linea obliqua gradus *primus*. 2. Nec in linea obliqua æquali gradus *impar*. Si enim bini fratres sunt in secundo gradu, liberi utriusque erunt in quarto: nepotes utriusque in sexto, & ita deinceps.

§. 131. Fratres & sorores, aut Germani sunt, aut consanguinei, aut uterini. §. 118. n. 2. Unde explicatum habet casus l. 10. §. 13. D. de gradib. ibi: *Evenire solet in his, qui diversis parentibus nati sunt, ut, qui meo fratri frater sit, meus cognatus non sit. Pone me fratrem habere ex eodem tantum patre: illum habere ex eadem matre: illi inter se fratres sunt. Mihi alter cognatus non est.* Schema est hujusmodi.



§. 132. De conjugio inter fratrem & sororem S. Augustinus docet can. unic. XXXV. q. 1. illud concessum fuisse, *quando, nisi fratres & sorores ex duobus illis primis (Adamo, & Eva), nulli homines erant.* Postmodum fuisse prohibitum. *Fieri ergo debuit, quando potuit, ut existente copia inde ducerentur uxores, quæ non erant jam sorores: & non solum istud ut fieret, nulla necessitas esset; verum etiam si fieret, nefas esset.* Hinc vetita ab ipso Deo matri-

monia

monia inter fratrem & sororem in lege Moyſis fuerunt Levit. XVIII. 1. etſi ſoror conſanguinea tantum, vel uterina eſſet. Ibid. & XX. 17. Deut. XXVII. 22. Jure humano tum eccleſiaſtico tum civili talia matrimonia graviffime prohibita eſſe atque irrita, dubium non eſt. De Jure naturali diſſerui in Inſtitutionibus ejusdem loco ſupra cit.

§. 133. Liberi proximi fratrum & ſorum Jure Canonico conſiſtunt in ſecundo, civili in quarto gradu, & nati quidem ex binis fratribus *patrueles*: ex binis ſororibus *Conſobrini*, quaſi Conſororini, ex fratre & ſore *Amitini* appellantur. §. 4. I. de Grad. Sed nomen Conſobrinorum ad quosvis fratrum & ſorum proximos liberos communiter adhibetur. Nuptias Conſobrinorum prohibuerat Theodoſius M. (g). Ejus filii, Honorius & Arcadius, eas conceſſerunt l. 19. C. de Nuptiis. Juſtinianus item aperte eas conceſſit. §. 4. Inſt. de Nuptiis. Sed conceſſio Juſtiniani iterum improbata eſt, uti teſtatur Vinnius in notis ad cit. §. 4. I. de Nuptiis; patetque ex eo, quod Gregorius M. eas ne Anglis quidem Neophytis conceſſerit. can. 2. §. 5. XXXV. q. 5. ibi: *Experimento didicimus, ex tali conjugio ſobolem non poſſe ſucceſcere.*

(g) *Conf. Jac. Gothofredus in Comment. ad l. 3. Tit. 10. Cod. Theod. Si nuptiæ ex Reſcripto petantur.*

§. 134. Poſt liberos fratrum & ſorores ſequuntur eorum nepotes ac pronepotes &c. Iſtorum ſchema exhibet Fig. 3. ubi comparatio fieri poteſt 1. inter A & B, duos fratres, vel duas ſorores, vel fratrem & ſororem; ab his enim omnis cognatio collateralium incipit. 2. Inter A, & ſcendentes ex fratre aut ſore B. 3. Inter ipſos ſcendentes ex A & B. Si A & B ponuntur bini fratres, eorumque ſcendentes

usque ad I & K pariter fratres; erunt I & K *agnati*: secus cognati, si in superioribus reperitur aliqua femina. Jura cognationis generatim sumtæ sunt *naturalia*: agnationis *civilia*, quoad familiam, nomen & stemma, feuda &c. Si A comparatur cum descendens ex B, & B cum descendens ex A, tunc A & B assumunt diversa nomina. A est frater relate ad B: patruus relate ad D: patruus magnus relate ad F: propatruus relate ad H: abpatruus relate ad I. Similiter differi potest de amita, avunculo, matertera, si hæc Fig. 3. comparatur cum arbore consanguinitatis.

§. 135. Hactenus de linea collateralis æquali dictum est: lineæ inæqualis schema exhibet Fig. 1. ubi B & D Jure canonico sunt in gradu secundo: civili in tertio. Est autem B relate ad D patruus, amita, avunculus aut matertera. Lex Mosaica prohibet ducere Amitam & materteram Levit. XVIII. 12. 13. S. Ambrosius in Epist. ad Paternum ex paritate rationis & gradus id extendit ad patruum & avunculum. Alii id prorogant ad amitam magnam, materteram magnam &c. Jus civile l. 53. D. de R. N. generatim statuit: *Nuptiæ consistere non possunt inter eas personas, quæ in numero parentum, liberorumve sunt, sive proximi sive ulterioris gradus sint, usque ad infinitum.* Secundum hanc regulam Juris civilis in linea collateralis non solus gradus, sed præterea respectus parentalis spectari deberet, idque Protestantes passim defendunt; & *Parentelam* censent, quando una persona stirpis proxima est, altera remotior, ceu in Fig. 1. B relate ad D. in Fig. 2. B relate ad G (h). At enim Jus canonicum cum Doëtoribus Catholicis in collateralibus solius gradus rationem habet. Erubescimus enim in hac re sine Canone loqui. Jus civile etiam matrimonium inter pupillam, & tutorem, curatoremque, qui ei-

dem

dem patris loco habetur, interdicat tot. tit. C. de interdictione matrim. inter pupillam. Id quod generali fere consuetudine Germaniæ abolitum est teste Carpzovio de usu arb. conf. §. XXVII. Respectus ille parentalium minuitur pro numero propaginum, & paulatim fictitius evadit. Dein necesse non est, ut de raro contingentibus exceptio & lex specialis fiat. Conf. §. 120. in not.

(h) In Jure canonico vox Parentela non ita stricte sumitur, sed latius pro quavis cognatione. can. 2. §. 3. XXXV. q. 5. & can. Parentelæ. 4. ead.

§. 136. Post consanguinitatem spectanda est *Affinitas*, seu propinquitas personarum ex carnali copula proveniens, carens omni parentela. Est ergo I. *Propinquitas personarum*, quæ se exerit per jura inter affines, nempe inter virum, & consanguineos mulieris, quam cognovit, & inter mulierem & consanguineos viri, a quo cognita est. Talis propinquitas caret omni parentela, id est, concipi potest, etsi affines in gradu prohibito cognati non sint (i). Non enim per affinitatem communicatur idem sanguis; sed quando vir & mulier una caro fiunt, alter ad fines alterius cognationis accedit, nempe vir ad cognationem mulieris, & mulier ad cognationem viri. II. *Affinitas oritur ex carnali copula*, nempe perfecta, per se apta ad generandam prolem; non ergo provenit ex sponsalibus de futuro, aut de præsentibus, quamdiu per carnis copulam consummata non sunt. At quemadmodum carnalis copula tum in legitimo matrimonio contingere potest, tum extra illud e. g. in fornicatione: sic affinitas tum ex copula licita, tum illicita oritur; nec discrimen est nisi in gradu, ad quem affinitas utrinque orta extenditur. Hinc de viro & muliere, non de marito & uxore affinitatis notio agit.

(i) Pa-

(i) *Parentela pro cognatione generatim, saltem intra gradum consanguinitatis prohibitum hic sumitur. Conf. notam §. præc. de quali affinitate agetur infra. Quod de perfecta carnis copula dixi, id ex communi Auctorum sententia addidi. Nam Jacobus Cujacius in c. 3. de Spons. Et c. 7. De eo, qui cognovit. Affinitatem oriri putat, si quoquo modo extra ordinem effusa vi libidinis puella attentetur.*

§. 137. Considerandæ jam sunt *personæ*, inter quas affinitas provenit ex conjunctione viri & mulieris: dein *linea*, & *gradus* affinitatis. I. Vir & mulier per carnalem copulam fiunt una caro, & ob id sunt *principium affinitatis*, non affines inter se. Hinc cum affinitas intra certos gradus matrimonia dirimat, potest sane vir solutus ducere mulierem solutam, quam ante matrimonium carnaliter cognovit. II. Hæc affinitas intercedit inter virum & consanguineos seu cognationem mulieris, & inter mulierem & cognationem viri. III. Ipsi consanguinei viri & mulieris non propterea fiunt affines; quia deest fundamentum, nempe illa carnis copula, ex qua inter priores affinitas oritur. §. 138. IV. Uti & vir & mulier habet, aut habere potest consanguineos in linea recta ascendente, & descendente e. g. ex priore quodam matrimonio, ac in linea collateralis: sic vir fit affinis consanguineis mulieris in linea recta ascendente vel descendente, & in linea collateralis; & mulier fit affinis consanguineis viri in linea recta ascendente vel descendente, & in linea collateralis. V. *Gradus* affinitatis proprii non sunt, sed sumuntur ex consanguinitate, ut eodem modo utrinque computentur: nempe vir fit affinis consanguineis mulieris in eo gradu, in quo sunt consanguinei mulieris; & mulier fit affinis consanguineis viri in eo gradu, in quo sunt consanguinei ipsius viri. Quapropter ad inveniendos præcise gradus opus non est arbore affinitatis; sed concipia-

tur

tur mulier eodem collocata loco, quo hæret vir: & vir eodem collocatus loco, quo hæret mulier; ac tum gradus consanguinitatis relate ad virum denotabunt gradum affinitatis relate ad mulierem: & gradus consanguinitatis relate ad mulierem denotabunt gradum affinitatis relate ad virum (k). Schema affinitatis tum propter varias appellationes ex ea ortas, tum ad figuras casuum variorum oculis subjiciendas speciatim exhiberi solet. Vid. Tab. II.

(k) *Hinc l. 4. §. 5. D. de gradib. & affin. dicitur: Gradus affinitati nulli sunt. & l. 10. pr. eod. Jurisconsultos cognatorum gradus & affinium nosse debet. Nulli sunt gradus; quia in affinitate nullæ sunt generationes: noscendi tamen sunt affinium gradus ex cognatione. Dum enim vir & mulier fiunt una caro, uterque propius accedit ad cognatos alterius propiores, quam ad remotiores. Est affinitas ergo propinquitas ejusdem ordinis seu lineæ, & ejusdem gradus, cujus est cognatio.*

§. 139. Affinitas orta ex matrimonio consummato extenditur Jure novo ad gradus quatuor, ita, ut maritus defunctæ uxore non possit ullam ducere feminam, quæ priori uxori in 1. 2. 3. vel 4. gradu consanguinitatis conjuncta est: & uxor defuncto marito non possit ulli viro nubere, qui priori marito in 1. 2. 3. vel 4. consanguinitatis conjunctus est. Ex copula fornicaria proveniens affinitas duos tantum complectitur gradus, uti mox dicam. Quocunque autem modo, licito vel illicito, impedimentum affinitatis matrimonium dirimens inducatur, ejus proprietatis sunt, I. ut sit statutum per modum inhabilitatis, consequenter etiam afficiat ignorantes: II. non admittat Epikiam: III. sit perpetuum, ac duret etiam defuncta altera parte, quacum copula carnalis intercessit: IV. denique ut sit reciprocum, quemadmodum ipsa affinitas reciproca est inter virum, & consanguineas uxoris, inter has & virum (l).

(l) *Et*

(1) *Est hæc prohibitio Juris positivi Ecclesiastici. Jure naturali, etsi valde indecoræ sint nuptiæ inter affines primi gradus in linea recta, seu inter novercam & privignum; non tamen videntur plane repugnare naturali legi; quia ejusmodi personæ rationem parentum ac liberorum reipsa non habent sine fictione quadam. S. Paulus 1. Cor. V. utique affirmat, incestum, quo privignus novercam sibi jungere tentavit, nec inter gentes reperiri: quia talis conjunctio ethnicis quoque Romanorum legibus damnabatur, uti ostendit Heinkecius ad Pandectas l. 32. Tit. 2. de Ritu Nupt. Sed non omne, quod ab Ethnicis hoc in genere observatum fuit, sibi ad leges naturales referri potest; cum iidem Decori quoque rationem habuerint. Conf. Jus Nat. Soc. §. 179. Lex Mosaiica prohibet commercium carnale privigni cum noverca Lev. XVIII. 8. item XX. 11. Deut. XXVII. 20. Vitrici cum privigna, item cum privigni vel privignæ filia. Lev. XVIII. 17. Generi cum socru Lev. XX. 14. Deut. XXVII. 23. Soceri cum nuru Lev. XVIII. 15. Leviri cum uxore fratris. ibid. 16. Exceptio hoc casu habetur. Deut. XXV. 5. seq. Matth. XXII. 24. Nepotis ex fratre cum uxore patrui. Levit. XVIII. 14. Uti autem carnale commercium inter novercam & privignum lege veteri prohibitum erat; sic maxime culpandus habebatur concubitus cum secundaria conjuge parentis. Exemplum de Ruben & Bala extat Genes. XXXV. 22. & XLIX. 4. Hæc propria erant hujus loci: evadent autem magis perspicua explicatis affinium appellationibus.*

§. 140. Ad affinitatem ex illicito concubitu ortam referri etiam debet Titulus 13. hujus libri: *De eo, qui cognovit consanguineam uxoris suæ vel sponsæ.* qui titulus ob paritatem rationis ex principiis de affinitate intelligi etiam debet *de ea, quæ cognovit consanguineum mariti sui, vel sponsi.* De hac affinitate ex illicito concubitu orta decidendum est: I. Ea extenditur ad duos primos gradus, non ultra. Concil. Trid. Sess. XXIV. c. 4. de ref. matr. Si Cajus & Berta fornicati sunt, inire inter se quidem matrimonium possunt; sed Cajus non potest ducere feminam, quæ in primo vel secundo gradu consanguinea est Bertæ:

nec

nec Berta alteri viro nubere potest, qui in primo vel secundo gradu consanguineus est Caji. II. Qui post sponsalia de futuro cognoscit consanguineam sponsæ in primo vel secundo gradu, contrahit affinitatem cum sponsa, quæ executioni priorum sponsalium, ac matrimonio valide contrahendo obstat. c. 8. & 9. cit. tit. Hinc affinitas dicitur *retro agere*. III. Si post contractum jam inter sponsoz matrimonium talis affinitas ex fornicatione præcedente proveniens objicitur, adcuratissima ejus probatio requiritur, ut matrimonium declararetur nullum. c. 3. & 5. eod. IV. Si maritus flagitium committit cum consanguinea uxoris in primo vel secundo gradu; vel uxor cum consanguineo mariti in gradu primo vel secundo: dici quidem potest, eos fieri affines ex incestuosa & adulterina copula; matrimonium tamen præcedens non rumpitur. c. 6. & 9. eod. Eum tamen effectum habet talis copula, ut pars incestuosa non possit petere debitum conjugale, reddere tamen innocenti teneatur. c. 1. eod. V. Si crimen innotesceret parti innocenti, ea sufficientem causam haberet abstinendi a consortio nocentis; quod SS. Canones suadent, non tamen sub obligatione præcipiunt. c. 10. & 11. eod. (m).

(m) Multi docent, a pena non petendi debitum excusare ignorantiam non solum facti, sed etiam juris. Canonem, qui huic sententiæ expresse faveret, non memini me legere. Animadvertite præterea, me nominasse primum & secundum gradum consanguineorum mariti vel uxoris, quibuscum incestus committitur. Sicut enim impedimentum non contrahendi cum affine ex copula illicita ortum non excedit primum & secundum gradum; ita etiam hæc pena non petendi debitum a conjugæ affine: incestum tamen præter adulterium committeret uxor vel maritus, qui alterius consanguineam in tertio vel quarto gradu carnaliter cognosceret.

§. 141. Actum est de jure novo affinitatis matrimonium dirimentis. Olim prohibitiones extabant *de conjugio in secundo & tertio affinitatis genere minime contrahendo, & de sobole suscepta ex secundis nuptiis cognationi viri non copulanda prioris*. Can. 1. seq. XXXV. q. 10. Hæc abolita sunt in Concilio Lat. IV. sub Innocentio III. uti patet ex c. 8. de conf. & affin. necessario tamen intelligi debent ad stabiliendas certas regulas de novo affinitatis jure, & decidendos casus dubios, qui emergunt magno numero. Secundum ac tertium affinitatis genus exhibetur in Schemate affinitatis Fig. 1. Sempronius A per nuptias filii sui B cum Caja C, hanc attingit primo affinitatis genere. Mortuo B, dum Caja vidua conjungitur cum Titio D, Sempronius eidem D fit affinis in secundo genere, ac post mortem Cajæ Titio D matrimonium ineunte ac consummante cum uxore E, huic affinis fit in tertio genere. Hinc vulgata erat apud Veteres regula: 1. Tot sunt affinitatis genera, quot matrimonia eundem affinem attingunt. Fig. 2. exhibet casum *de sobole ex secundis nuptiis suscepta cognationi viri (vel mulieris) non copulanda prioris*. Sit cognatio A, B, C. nempe A pater, B filius junior, C filius senior, qui conjungitur cum uxore D. Hanc mortuo marito C in matrimonium ducit vir E, & ex ea suscipit sobolem F. Jure veteri soboles F ex secundis suscepta nuptiis non poterat matrimonio jungi cum B fratre, adeoque cognato viri prioris: jure novo potest. Tres igitur regulæ Jure novo statui possunt, quæ olim generatim non obtinebant. I. Per carnalem copulam solus vir, & sola mulier accedunt alter ad alterius cognationem: non autem eorum consanguinei ad eandem una accedunt. Mulier D per copulam cum C accessit ad cognationem A & B.; ejus soboles F ad cognationem A & B non accessit. II. Quæ personæ copulata

pulam nunquam habuerunt, certe affines non sunt; deest enim fundamentum affinitatis. Sic in eodem exemplo concipi potest, nec virum B, nec sobolem ferrineam F unquam exercuisse carnis copulam. III. Affinitas, quæ concipi non potest, nisi plura ponantur matrimonia, nulla est hodierno jure. Soboles F affinis dici non potest, nisi ponatur primo matrimonium inter D & C, dein matrimonium inter D & E. In priore exemplo concipi non potest affinitas inter A & E, nisi primo ponatur matrimonium inter B & C, dein matrimonium inter C & D, demum matrimonium inter D & E. Unde per tria matrimonia tertium emergit affinitatis genus inter A & E.

§. 142. Ut *appellationes* ex affinitate provenientes recte arripiantur, sciendum: 1. Lineæ transversæ inter duas personas, e. g. Cajum & Cajam, aut curvæ alteram cum altera connectentes denotant earum conjunctionem carnalem. 2. Lineæ ab una ad aliam deorsum ductæ significant descensum carnalem unius ex alia, uti in arbore consanguinitatis. 3. Uti pro gradu affinitatis investigando mulier in loco viri, vir in loco mulieris collocari debet §. 138. n. V.: sic idem debet fieri pro appellationibus recte capiendis. His prænotatis, si Caja ponatur in eadem cellula, in qua est Cajus; & Cajus in eadem, in qua est Caja, proveniunt sequentes appellationes:

I. Pro linea recta ascendentium Cajo patrem & matrem Caji appellat *Socerum* & *Socrum*: Avum & Aviam Caji appellat *Profocerum* & *Profocrum*. Ipsa autem a patre & matre Caji appellatur *Nurus*: ab Avo & Avia Caji *Pronurus*. Similiter Cajus patrem & matrem Cajæ appellat *Socerum* & *Socrum*: Avum & Aviam Cajæ appellat *Profocerum* & *Profocrum*. Ipse

Zallinger L. IV. Decretal. I autem

autem a patre & matre Cajæ appellatur *Gener* : ab Avo & Avia Cajæ *Progener*. l. 4. §. 6. D. de gradib. & affin. (n).

II. *Pro linea recta descendantium*. Filius & filia Caji, ex priore matrimonio nati, respectu Cajæ sunt *Privignus* & *Privigna* : & Caji relate ad eos *Noverca*. Similiter filius & filia Cajæ, ex priore matrimonio nati, relate ad Cajum sunt *Privignus* & *Privigna* : & Cajas relate ad ipsos *Vitricus*. Sic idem dicendum est de *Proprivigno* & *Proprivigna*. l. 4. §. 4. D. de gradib.

III. *Pro linea obliqua collateralium*. Frater mariti appellatur *Levir* ; soror mariti *Glor*. Idem passim usurpatur de fratre & sorore uxoris. Quemadmodum vero Caji mariti frater & soror Cajum appellant fratrem ; sic uxorem fratris Caji vocant *Fratrîam* , utpote quæ cum Cajo una caro effecta est : & quemadmodum frater & soror Cajæ Cajam appellant sororem ; sic ejus maritum vocant *Sororium*. Duorum fratrum uxores *Janitricæ* dicuntur (cit. l. 4. §. 6.), & duarum sororum mariti *Congeneri*.

(n) *Hæ appellationes traducuntur etiam ad casum sponsalium*. l. 6. §. 1. D. de Gradib. ibi : Generi & nurus appellatione sponsus quoque & sponsa continetur : item soceri & socrus appellatione sponsorum parentes contineri videntur. Ceterum loco nominis *Prosocer* & *Prosocrus* simpliciter adhibetur vox *Socer* & *Socrus* , & loco *Pronurus* vox *Nurus*. l. 14. §. 4. D. de R. N. & l. 6. pr. D. de Grad.

§. 143. Resolutio casuum dubiorum, in quibus obstare matrimonio contrahendo videtur affinitas, etsi non obstet revera, pendet ex dictis, & maxime ex regulis §. 141. constitutis. Sint F. 3. ex familia A duo Fratres B & C. ; & ex familia D duæ sorores E & F. ; aut ponantur ex una cognatione frater & soror,

ex alia itidem frater & soror. Dico: Si nulla consanguinitas obstat, singuli fratres unius familiæ ducere possunt singulas sorores alterius, adeoque valet matrimonium inter B & E, inter C & F. Dum enim B jungitur cum E, B accedit ad cognationem D; sed consanguinei ipsius B non accedunt ad cognationem D: & cognatio D per matrimonium inter B & E accedit ad B; sed non accedit ad consanguineos ipsius B. §. 141. Reg. I. & II. Per has nuptias bini fratres evadunt *Congeneri*, & binæ sorores *Janitrices*. Inferes: Bini fratres unius familiæ ducere possunt duas consobrinas alterius, ceu F. 4. inter C & G, & inter B & H. Græci quidam aliter olim senserunt (o).

(o) *Conf. Cl. Zech. de Imped. diriment. §. 330. Positis enim nuptiis inter C & G, agebant Græci, alias nuptias inter B & H esse prohibitās; cum istæ personæ sint in gradu sexto, qui inter prohibitos olim fuerat. Nam secundum computum Juris civilis duæ consobrinæ G, & H sunt in gradu quarto: duo fratres B & C. In gradu quarto; unde ex utrisque constatur gradus sextus. Sed totum hoc abhorret a latina, receptaque apud nos regula, nec usum habet, nisi ad intelligendos veteres Scriptores.*

§. 144. Duo *Comprivigni* possunt inter se matrimonium contrahere. F. 5. sit pater viduus A, ejus filius C; & ex alia familia mater vidua B, ejus filia D. Erunt C & D *Comprivigni*, qui valide contrahent inter se. Decisio etiam sic exprimi potest: *Pater & filius ducere possunt matrem & filiam alterius cognationis*; item pater sponsi ducere potest matrem sponsæ. Id aperte decisum est c. quod super. 5. de cons. & affinit (p). Unde etiam fieri potest, ut F. 6. pater A ducat filiam D viduæ B; & patris filius C viduam B matrem filiæ D. Hoc casu per nuptias inter A & D, mulier D fit noverca filii C: qui si dein ducat viduam B, dicet, se ducere ma-

trem suæ novercæ. Si A & B ponantur duæ viduæ; earum filii C & D; dico: *Ex duabus viduis potest altera alterius filio ex priore matrimonio nubere.* Ac tum si B pariat filium ex C; A dicet: Hic filius, ex secundis nuptiis mulieris B susceptus, est filius, filii mei, & frater mariti mei. Nam ille filius, ex secundis nuptiis susceptus, est filius filii C, & frater mariti D; cum uterque habeat communem matrem B.

(p) *Non tantum fieri potest, ut pater & filius ducat matrem & filiam; sed etiam, ut pater & bini filii ducant matrem & duas filias singuli singulas diversarum cognationum. Casus exhibetur F. 3. & recensetur a Gobat de affinitate his verbis: „Quintio perhonestæ inter suos familiæ, facultatumque, extinguitur uxor; secundum cujus exequias adjecit animum ad honestam viduam, matrem duarum filiarum jam nubilium, parens ipse etiam duorum filiorum vix dum pubertatem egressorum. Ut vero omnes facultates illius viduæ non habentis filios transferret in domum suam, ita gnaviter rem egit, ut conciliaverit matrimonium inter suos filios, filiasque illius viduæ, quam & sibi desponsavit; adeoque uno eodemque die duxit ipse matrem, uterque filius ejus suamque utramque filiam.“*

§. 145. *Viduus, qui defuncti mariti cujusdam sororem in matrimonio habuit, potest ducere relictam hujus mariti.* F. 7. Sint ex cognatione seu patre A geniti filius C, qui in matrimonium ducit mulierem E; & filia B, quæ nubit viro D. Fratre & sorore C & B mortuis, potest viduus D, qui sororem defuncti mariti C in matrimonio habuit, ducere ejus relictam E. Nulla enim inter D & E est affinitas, nisi secundi generis, quæ concipi non potest orta, nisi ex duplici matrimonio inter C & E, & inter B & D.

§. 141. n. III. Hic casus his etiam verbis solet exprimi: *Maritus sororis ducere potest uxorem fratris.* Et: *Superstites conjuges fratris & sororis demortuorum possunt copulari matrimonio.*

§. 146.

§. 146. *Vitricus ducere potest in matrimonium eam, quæ sui privigni jam defuncti uxor erat.* F. 8. Sit B vidua, secundo nupta viro A, & ex priore matrimonio habens filium C, relate ad A privignum, qui ponitur matrimonium iniisse cum D. Defunctis B, ejusque filio C, valebit matrimonium inter A & D, si nulla alia obstat causa, nisi dictæ nuptiæ (q). Si B & C ponatur pater & filia, ex priore suscepta matrimonio & nupta viro D; defunctis B & C dico: *Noverca A nubere potest ei, qui suæ privignæ jam defunctæ maritus erat; sive viduus (D) ducere potest novercam suæ uxoris defunctæ (r).* Nam primo affinitas, quæ obijcitur, inter vitricum A, & privigni uxorem D est secundi generis; quia ea concipi non potest, nisi ex duplici orta matrimonio, inter A & B, & inter C & D. §. 147. n. III. *Secundo respectus paternus inter A & D, ob quem Vitricus A, sicut privignum C appellavit filium, sic ejus uxorem antea dixit filiam, sola nititur consuetudine loquendi, & magis in fictione, quam natura fundatur. Tertio Jus civile Romanum, quod tales nuptias aperte prohibet l. uxorem. 15. D. de R. N. cedit hac in materia Juri Canonico, quod ob Decretum Concilii Lat. c. 8. de cons. & affin. Secundum affinitatis genus pro abrogato habet.*

(q) *Concipi potest casus, quo matrimonio inter vitricum & relictam uxorem privigni, obstat consanguinitas. Sint enim vidua B & mulier D in quarto gradu consanguineæ; erit viduæ B filius C in quinto, adeoque valide ducet mulierem D. At quia Vitricus A per conjunctionem carnalem cum vidua B eodem gradu affinis sit cognationi viduæ B, quo hæc est consanguinea eidem cognationi, erit etiam in gradu quarto affinis mulieri D, eamque ducere non poterit.*

(r) *Hic casus propositus fuit S. Congregationi Concilii in una Bojanensi Matrimonii die 8. Jun 1720. Et iterum die 3. Augusti eod. an. ac decisus die 8. Martii 1721.*

*Thesaur. Resolutionum S. Congr. Concil. T. I. pag. 313
 & 338. Tom. II. p. 22. Conf. Bened. XIV. de Syn.
 l. 7. c. 39.*

§. 147. *Exposita cognatione naturali, & affinitate, quæ ipsa quoque in natura fundamentum habet, & in servili etiam contubernio spectabatur a Romanis l. 14. §. 3. D. de R. N. Addendæ sunt aliæ species ad earum similitudinem introductæ, nempe quasi affinitas, cognatio legalis, & spiritualis. Quæ ex Jure civili appellari solet quasi affinitas (§. 9. l. de Nupt. l. 12. §. 1. 2. 3. & l. 14. in fin. D. de R. N.) ea in Jure sacro appellatur *Iustitia publicæ honestatis*, quæ tanquam matrimonii impedimentum dirimens provenit I. ex *sponsalibus de futuro*, absolute & cum persona determinata contractis, sed validis tantum, & ad primum duntaxat gradum inter consanguineos sponsi & sponsæ, ita, ut, dissolutis morte, mutuo consensu aut quacunque ex causa sponsalibus, sponsus non possit in matrimonium ducere matrem, filiam vel sororem prioris sponsæ: nec sponsa nubere possit patri, filio, vel fratri prioris sponsi. Concil. Trid. Sess. XXIV. c. 3. de ref. matr. Jus antiquum etiam invalidis sponsalibus (dummodo non fuissent nulla ex defectu consensus) impedimentum publicæ honestatis alligaverat. c. un. in 6. de sponsal. II. Ex *sponsalibus de præsentī*, ante conjunctionem carnalem, etsi invalida fuerint (modo non fuerint nulla ex defectu consensus), & quidem ad quartum usque gradum; nulla enim in his a Concilio Trid. l. c. restrictio facta est: servatur igitur jus antiquum. can. 11. 12. 14. 15. XXVII. q. 2. c. 3. & 8. de Spons. c. un. cod. in 6. Hoc impedimentum non agit retro, uti vera affinitas §. 140. n. II.; id est, nihil operatur, si sponsalibus vel matrimonio jam contracto supervenit. cit. c. un. in 6. Introducta est publica honestas exemplo*

veræ

veræ affinitatis, & ex hac gradus quartus in sponsalibus de præsentī definitur. Indecens enim visum Con-
ditoribus utriusque Juris, ut quis coeat in matrimo-
nium cum illa, cum cujus proxima consanguinea con-
junctus fuit animo per sponsalia. Distingui tamen
debet publica honestas ab affinitate. Ex sponsalibus de
futuro, ac de præsentī sine conjunctione carnali pro-
venit publica honestas sine affinitate: ex conjunctione
carnis sine sponsalibus affinitas oritur sine publica
honestate: quando ad sponsalia carnalis conjunctio
accedit, concurrit utraque (s).

(s) *Jure Romano post divortium quasi affinitas relinque-
batur. Hoc non aliter intelligi potest, nisi ut dissolu-
to ob detectum impedimentum matrimonio tanquam in-
valido, tamen publica honestas censeatur remanere.*

§. 148. Personæ, per Baptismum tanquam rege-
nerationem, & per Confirmationem conjunctæ, specia-
li reverentiæ & nexus vinculo devinciuntur. Unde ad
similitudinem generationis naturalis introducta est *Co-
gnatio Spiritualis*, quæ est propinguitas personarum,
ex collatione & susceptione Sacramentorum Baptismi
& Confirmationis resultans: ac matrimonium contra-
hendum dirimens inter Baptizantem, Confirmantem
& Paternos ex una, ac inter Baptizatum, Confirma-
tum, ejusque patrem ac matrem naturalem ex altera
parte. Ultra has personas, quarum priores velut *acti-
ve* se habent, posteriores *passive*, jure novo Concilii
Tridentini non extenditur hoc impedimentum. Sess.
XXIV. c. 2. de ref. Neque afficit personas ex una
tantum parte consistentes, ceu Patrinum & matrinam.
Imo si ipse pater vel mater proprium filium de sacro
fonte susceperint, Pontifex c. 2. de cognat. spir. de-
cidit, eos ob hoc non esse separandos, & ad conti-
nentiam servandam adstringendos. Ibi: *Sive ex igno-*

rantia sive ex malitia id fecerint, non sunt ab invicem separandi, nec alter alteri debitum debet subtrahere, nisi ad continentiam servandam possint induci. Quia si ex ignorantia id factum est, eos ignorantia excusare videtur: si ex malitia, eis sua fraus non debet patrocinari vel dolus.

§. 149. De cognatione spiritali præterea animadvertite: I. SS. Canones discrimen non faciunt quoad cognationem contrahendam inter Baptismum solemnem, aut privatum, in casu etiam necessitatis collatum, modo patrinus infantem baptizandum teneat non mere materialiter, sed cum intentione obeundi munus patrini. Nam II. hæc intentio ad subeundam cognationem necessaria est, ita, ut, qui per procuratorem id munus sustinet, ipse contrahat cognationem, non procurator, & si procurator nomine infantis, qui eam intentionem habere non potest, ageret, nec ipse infans patrinus cognationem contrahat. III. Opus est, ut patrinus ex Baptismo suscipiens ipse sit baptizatus, & suscipiens ex Confirmatione sit confirmatus (t). IV. Patrini autem, vel matrinæ, quæ levant problem ex Baptismo, non debent assumi plures, sed unus vel una. Can. 101. dist. 4. de consecrat. vel ad summam unus & una, ut ait Concilium Trid. l. c. Unde communitas integra eligi in patrinum non debet, aut si id fiat, unus jussu communitatis, suo tamen nomine, non ut procurator, id munus sustineat, oportet.

(t) *Pignatelli T. I. Consult. 10. Ægydius Coninck de Sacr. Matr. disp. 32. n. 27. cum aliis decidit, Petrum invalide ducere Paulam, cujus adhuc infidelis prolem de Baptismo vel Confirmatione suscepit. Etsi enim inter eos non nascatur hæc cognatio, quando alter est infidelis; mox tamen oritur, quamprimum ad fidem convertitur.*

§. 150. *Cognatio Legalis ex Jure civili assumpta est ab Ecclesia ad honestatem matrimoniorum tuendam (u).* Provenit ea ex adoptione perfecta, seu *arrogatione*, quæ est actus legitimus, quo paterfamilias, seu homo sui juris auctoritate, vel rescripto Principis ita assumitur in filium vel nepotem, ut transeat in potestatem & familiam adoptantis, ejusque etiam in testamento heres necessarius efficiatur, non minus ac filius naturalis simul ac legitimus (x). Impedimentum cognationis legalis matrimonium dirimens provenit triplici modo: I. *In linea recta per modum Paternitatis*, quam adoptans contrahit cum filia adoptata, vel descendantibus ex filio adoptato, in istius potestate existentibus; consequenter non oritur cum descendantibus ex filia adoptata, utpote quæ descendentes suos in potestate non habet. Hæc Paternitas impedimentum est perpetuum, id est, durat etiam dissoluta adoptione. l. 55. pr. D. de R. N. II. Ex arrogatione provenit *affinitas legalis* inter adoptantem & uxorem adoptati, tanquam nurum, & inter adoptatum & uxorem adoptantis, tanquam novercam; estque hæc affinitas etiam perpetua, post emancipationem permanens. l. 14. pr. & §. 1. D. eod. III. *Quasi in linea transversa, & ad modum fraternitatis* adoptatus contrahit cognationem cum liberis naturalibus & legitimis adoptantis, in ejus patria potestate constitutis. Hæc fraternitas & impedimentum inde proveniens cessat adoptione soluta per emancipationem, qua adoptivus quasi extraneus efficitur.

(u) *Can. 1. XXX. q. 3. c. un. de cognat. leg. Unde S. Thomas in IV. dist. 42. q. 2. a. 2. ad 4. de hoc impedimento ait: Prohibitio legis humanæ non sufficeret ad impedimentum matrimonii, nisi interveniret Auctoritas Ecclesiæ, quæ idem etiam interdicat.*

(x) *Adoptio in genere est legitima alicujus in locum filii aut nepotis assumptio pr. §. de adopt. Ea dividitur in arrogationem, & adoptionem specificè vel strictius sumtam. Per illam homo sui juris, & auctoritate summi Principis: per hanc filiusfamilias confirmatione magistratus adsciscitur. Utraque differt ab Unione prolium, quæ est pactum, quo liberi diversi matrimonii, causa cognita, & consensu propinquorum ex parte prædefuncti conjugis, aut aliorum fide dignorum seu tutorum & curatorum ratione successionis sibi exaquantur, ita, ut liberi prioris matrimonii vitrico aut novercæ præmortuæ perinde succedant, ac liberi ex his geniti per secundas nuptias.*

TITULUS XV.

DE FRIGIDIS, ET MALEFICIATIS, ET IMPOTENTIA COEUNDI.

ARGUMENTUM.

I. Impotentia antecedens & perpetua matrimonium jure nat. dirimit. §. 151. II. Causa & judicium de impotentia magnis difficultatibus subjacet: quid præsumendum & agendum in dubio? §. 153.

§. 151. **D**e impotentia coeundi multiplex traditur differentia, ac divisio. Sunt autem duo præcipue attendenda. I. Ut impotentia ad actus conjugales generationi proliis inservientes, seu impotentia coeundi distinguatur ab impotentia generandi, sive a sterilitate. Illa sæpe obest valori matrimonii, hæc nunquam (a). II. Ut in primis quæ-
ratur, utrum impotentia coeundi sit antecedens matrimonii contractum. Nam quæ postea supervenit, non dirimit matrimonium valide contractum: dein utrum sit perpetua, quæ per naturalia aut spiritualia reme-

remedia absque miraculo, aut absque mortis periculo tolli non possit.

(a) *Dubium non est, quin veræ conjuges, non obstante longa sterilitate, fuerint Sara Gen. XI. 30. Rebecca ib. XXV. 21. Rachel ib. XXIX. 32. Uxor Manue Jud. XIII. 2. Anna uxor Elcanæ. 1. Reg. I. 2. Elisabeth. Luc. I.*

§. 152. Impotentia coeundi antecedens & perpetua jure naturali dirimit matrimonium contrahendum. Obest enim fini intrinseco matrimonii, nempe generationi prolis. Conf. §. 2. & §. 95. *Quamvis enim* (inquit S. Thomas in IV. Dist. 34. q. un. art. 2. ad 1.) *actus carnalis copulæ non sit de essentia matrimonii; potentia tamen ad hoc est de ejus essentia.* Hoc jus naturale, quo impotentia matrimonium dirimit, aperte supponitur, & declaratur tot. hoc tit. præsertim c. 2. 3. 5. 6. Nec interest primo, utrum hæc impotentia ex parte viri, an mulieris versetur. Secundo utrum sit naturalis ex vicio congenito, an accidentalis casu, morbo, hominum facto inducta. Sunt enim Eunuchi, qui de matris utero sic nati sunt: & sunt eunuchi, qui facti sunt ab hominibus. Matth. XIX. 12. (b). Tertio utrum hæc impotentia sit absoluta ex parte viri quoad omnes feminas: ex parte feminae, quoad omnes viros; an respectiva relate ad istos conjuges. Satis ergo est ad declarandam nullitatem matrimonii, si probatur impotentia antecedens & perpetua, cujuscunque generis sit.

(b) *Huc pertinent celebres Literæ Sixti V. an. 1587. die 27. Jun. datæ ad Episcopum Novariensem in regnis Hispaniarum S. Sedis Nuntium, quæ incipiunt: Cum frequenter, ibi: Fraternitati tuæ per præsentem committimus & mandamus, ut conjugia per dictos & alios quoscunque eunuchos & spadones utroque teste carentes cum quibusvis mulieribus defectum prædictum*

dictum five ignorantibus, five etiam scientibus, contrahi prohibeas, eosque ad matrimonia quomodocunque contrahenda inhabiles Auctoritate Nostra declares; & tam locorum Ordinariis, ne hujusmodi conjunctiones de cetero fieri quoquo modo permittant, interdicas: quam eos etiam, qui sic de facto matrimonia contraxerint, separari cures, & matrimonia ipsa sic de facto contracta, nulla, irrita & invalida esse decernas. *Ibid. generatim deciditur in hunc modum: Secundum Canonum sanctiones, & naturæ rationem, qui frigidæ naturæ sunt, & impotentes, iidem minime apti ad matrimonium contrahendum reperiuntur. Ceterum cur reges Orientis inter ministeria sua potissimum Spadones adsciscere amaverint, tradit Xenophon Cyropæd. l. 7. Alii varias addunt rationes, ut reges eo minore cum invidia in bona ipsorum succederent, cum liberis carerent: ut toti ex solo rege penderent; cum neque liberos, neque cognatos habeant, quibus eorum animi devincti esse possent: ut in regionibus iis, in quibus uxores plures una ducere erat concessum, factis magno numero eunuchis, aliis viris daretur copia plures ducendi; cum de cetero natura parem fere mulierum ac virorum numerum suppeditet. Alii jure belli eunuchos primum introductos autumant, ut Victor iis, quos occidere poterat, radicem propriorum affectuum ac necessitudinum adimeret, eoque securius custodiam rerum suarum illis committeret. Deut. XXIII. 1. præcipitur: Non intrabit eunuchus attritis vel amputatis testiculis & abscisso veretro Ecclesiam Domini. Philo testatur, istiusmodi homines locis Deo dicatis & atrii aditu fuisse exclusos: alii ad magistratus & dignitates non admittendos censent. Enimvero fuit hæc veterum opinio, eunuchos aliis longe crudeliores esse, & in India commune est dictum, bruta animalia castrata ferociam exuere, sed homines excisos plerumque longe deteriores, superbioresque, & magis intolerabiles fieri.*

§. 153. Causa & judicium de impotentia magnis difficultatibus subjacet; eo etiam ex capite, ut inquit Pontifex c. 6. in fin. *cum finale judicium pendeat ex futuro.* Ac primo, si de matrimonio contrahen-

trahendo agitur, dubitans, an sit potens, nec ne, illicite contrahit; quia decipit in re valde gravi alteram partem, ut inquit Gobat de impotentia n. 427. Si contracto jam matrimonio oritur quaestio, discuti inprimis ex allegatis debet, utrum impotentia praecesserit matrimonium, an supervenerit. Si ea naturalis sit & intrinseca, ex corporis & naturae vitio procedens, praesumitur praecessisse; quod enim a natura inest, semper adfuisse praesumitur. Si vero accidentalis sit & extrinseca, ac de ea alter conjux sat diu post contractum matrimonium conqueri incipit, praesumptio est, eam contracto jam matrimonio supervenisse. c. 1. h. t. ibi: *Si enim reclamare voluit, cur tamdiu tacuit? Cito enim & praevio tempore scire potuit, si secum coire potuisset.*

§. 154. Non sufficit ad declarandam matrimonii nullitatem, si impotentia sit antecedens, uti contingit in iis, qui cum pubertate legali naturalem necdum nati sunt, aut qui natura & lege impuberes contraxerunt ex dispensatione. §. 53. Verum opus est, ut judicetur perpetua; temporalis enim matrimonium non dirimit. c. 6. In dubio, perpetuae sit, an temporalis, locum habet celeberrima constitutio Caelestini III. c. laudabilem. 5. ibi: *Requisivisti, quantum temporis indulgendum sit naturaliter frigidis ad experientiam copulae conjugalis? Nos vero praesenti consultatione sentimus, ut a tempore celebrati conjugii, si frigiditas prius probari non possit, cohabitent per triennium (c).* Condicio interjecta: *Si frigiditas prius probari non possit*, ostendit triennio opus non esse, quando signa impotentiae non dubia & praesumptiva sunt, sed necessaria, aut verisimiliter evidentialia. Saltem Judicis est, tempus probationis moderari.

(c) Novell. Justiniani 22. de Nuptiis. c. 6.

§. 153.

dictum five ignorantibus, five etiam scientibus, contrahi prohibeas, eosque ad matrimonia quomodocunque contrahenda inhabiles Auctoritate Nostra declares; & tam locorum Ordinariis, ne hujusmodi conjunctiones de cetero fieri quoquo modo permittant, interdicas: quam eos etiam, qui sic de facto matrimonia contraxerint, separari cures, & matrimonia ipsa sic de facto contracta, nulla, irrita & invalida esse decernas. *Ibid. generatim deciditur in hunc modum: Secundum Canonum sanctiones, & naturæ rationem, qui frigidaë naturæ sunt, & impotentes, iidem minime apti ad matrimonium contrahendum reperiuntur. Ceterum cur reges Orientis inter ministeria sua potissimum Spadones adsciscere amaverint, tradit Xenophon Cyropæd. l. 7. Alii varias addunt rationes, ut reges eo minore cum invidia in bonis ipsorum succederent, cum liberis carerent: ut toti ex solo rege penderent; cum neque liberos, neque cognatos habeant, quibus eorum animi devincti esse possent: ut in regionibus iis, in quibus uxores plures una ducere erat concessum, factis magno numero eunuchis, aliis viris daretur copia plures ducendi; cum de cetero natura parem fere mulierum ac virorum numerum suppeditet. Alii jure belli eunuchos primum introductos autumant, ut Victor iis, quos occidere poterat, radicem propriorum affectuum ac necessitudinum adimeret, eoque securias custodiam rerum suarum illis committeret. Deut. XXIII. 1. præcipitur: Non intrabit eunuchus attritis vel amputatis testiculis & abscisso veretro Ecclesiam Domini. Philo testatur, istiusmodi homines locis Deo dicatis & atrii aditu fuisse exclusos: alii ad magistratus & dignitates non admittendos censent. Enumvero fuit hæc veterum opinio, eunuchos aliis longe crudeliores esse, & in India commune est dictum, bruta animalia castrata ferociam exuere, sed homines excisos plerumque longe deteriores, superbioresque, & magis intolerabiles fieri.*

§. 153. Causa & judicium de impotentia magnis difficultatibus subjacet, eo etiam ex capite, ut inquit Pontifex c. 6. in fin. cum finale judicium pendeat ex futuro. Ac primo, si de matrimonio contrahen-

trahendo agitur, dubitans, an sit potens, nec ne, illicite contrahit; quia decipit in re valde gravi alteram partem, ut inquit Gobat de impotentia n. 427. Si contracto jam matrimonio oritur quæstio, discuti inprimis ex allegatis debet, utrum impotentia præcesserit matrimonium, an supervenerit. Si ea naturalis sit & intrinseca, ex corporis & naturæ vitio proveniens, præsumitur præcessisse; quod enim a natura inest, semper adfuisse præsumitur. Si vero accidentalis sit & extrinseca, ac de ea alter conjux sat diu post contractum matrimonium conqueri incipit, præsumtio est, eam contracto jam matrimonio supervenisse. c. 1. h. t. ibi: *Si enim reclamare voluit, cur tamdiu tacuit? Cito enim & prævio tempore scire potuit, si secum coire potuisset.*

§. 154. Non sufficit ad declarandam matrimonii nullitatem, si impotentia sit antecedens, uti contingit in iis, qui cum pubertate legali naturalem necdum nacti sunt, aut qui natura & lege impuberes contraxerunt ex dispensatione. §. 53. Verum opus est, ut judicetur *perpetua*; temporalis enim matrimonium non dirimit. c. 6. In dubio, perpetuane sit, an temporalis, locum habet celeberrima constitutio Cælestini III. c. *laudabilem*. 5. ibi: *Requisivisti, quantum temporis indulgendum sit naturaliter frigidis ad experientiam copulæ conjugalis? Nos vero præsentis consultatione sentimus, ut a tempore celebrati conjugii, si frigiditas prius probari non possit, cohabitent per triennium (c).* Condicio interjecta: *Si frigiditas prius probari non possit*, ostendit triennio opus non esse, quando signa impotentiae non dubia & præsumtiva sunt, sed necessaria, aut verisimiliter evidentia. Saltem Judicis est, tempus probationis moderari.

(c) *Novell. Justiniani 22. de Nuptiis. c. 6.*

§. 155. Manente dubio SS. Canones præterea decerunt: 1. Si mulier affirmet impotentiam viri, vir neget, huic potius credendum est; eoquod *caput sit mulieris*. c. 1. 2. Si uterque conjux affirmet, vero tamen iudicio opus est, cit. c. 1. & peritorum arbitrio (d); dein uterque cum septima manu propinquorum, vel vicinorum bonæ famæ (si propinqui defuerint) tactis sacrosanctis Evangeliiis, jurare debent, quod nunquam per carnis copulam una caro effecti sint (e). 3. Facta dissolutione & separatione, parti alteri, quæ impotens non est, aut si respectiva impotentia sit probata, parti utrique conceditur transitus ad alias nuptias. c. 5. h. t. 4. Si pars pro impotenti habita postmodum reperiatur apta ad actus conjugales, matrimonium prius redintegratur. c. 1. c. 5. & 6. Neque enim sententia in causa impotentiae lata transit unquam in rem iudicatam. 5. Hæc causa tum demum cognoscitur, si altera pars in casu dubiæ vel etiam certæ impotentiae ad dissolutionem provocet, uti si mulier, virum habens pro impotente, alteri velit nubere, dicens: *Volo fieri mater: volo filios procreare*. c. 1. & fin. Si enim conjuges velint, cohabitare possunt instar fratris & sororis; idque etiam suadendum est. c. 2. in part. decis. & c. 4. Unde matrimonium bona fide contractum ex causa impotentiae nemo accusare potest, nisi ipsi conjuges.

(d) Vid. Paulus Zacchiás Quæst. Medico-legal. l. 3. tit. 1. l. 9. tit. 3. & tit. 10. q. 1. 2. 3. Item in subjunctis consiliis & decisionibus Rotæ Romanæ. Sanchez de Matr. l. 7. disp. 92. seq.

(e) Conjuges jurant de veritate: propinqui de credulitate.

TITULUS XVI.

DE MATRIMONIO CONTRACTO CONTRA
INTERDICTUM ECCLESIAE.

A R G U M E N T U M.

- I. *Impedimenta matrimonium impediencia jure antiquo.* §. 156. II. *Jure novo.* §. 162. III. *Praxis dispensationum matrimonialium: regulæ, cauſa, forma, & executio earum.* §. 163. IV. *Revalidatio matrimonii.* §. 170.

§. 156. **E**ſt hæc propria ſedes impedimento-
rum matrimonii, quæ dicuntur
impediencia tantum. Interpretes SS. Canonum hoc eo-
dem titulo agere ſolent de Praxi dispensationum ma-
rimonialium, ac de *revalidatione* matrimonii, ob
impedimentum dirimens nulliter contracti. Impedi-
menta *impediencia* dicuntur, per quæ matrimonii
contractus fit illicitus, non tamen irritus. Sponſa-
lia tamen, ſeu promiſſio matrimonii, contra inter-
dictum Eccleſiæ contrahendi, penitus irrita ſunt.
Ejuſmodi impedimenta impediencia, ſeu interdicta
alia ſunt *absoluta*: alia *reſtriſta* ad certum tempus,
modum, circumſtantias: alia item *generalia*: alia
ſpecialia, quæ ad caſus ſpectant particulares, uti ſi
ex conjectura latentis impedimenti, vel lite pendente
de valore prioris matrimonii, novum interdicitur.

§. 157. Interdicta absoluta olim proveniebant
ex certis delictis, quorum rei ſpe conjugii perpetuo
tarere debebant. Iſtiusmodi fuerunt I. *Inceſtus.* c.
1. & c. 4. de eo, qui cognovit. II. *Raptus alie-
næ ſponſæ.* can. *Statutum.* 34. XXVII. q. 2. III.
Interſectio proprii conjugis. can. *Interſectores.* 5.
XXXIII.

XXXIII. q. 2. IV. *Susceptio propriæ sobolis* de sacro fonte, facta mala fide. can. *de eo.* 5. & can. fin. XXX. q. 1. V. *Interfectio presbyteri.* c. 2. de pœnit. & remiss. VI. Ob delictum publicum suscepta *solemnis pœnitentia.* can. *De his.* 12. & can. fin. XXXIII. q. 2. VII. *Attentatio matrimonii cum moniali scienter suscepta.* can. *His ergo.* 13. XXVII. q. 1. (a).

(a) *Hæc impedimenta hoc ordine referuntur his versiculis:*
Incestus: raptus sponsata: mors mulieris:
Susceptus propriæ sobolis; mors presbyteralis:
Vel si pœniteat solemniter: aut Monialem
accipiat. Prohibent hæc conjugium sociandum.

§. 158. Quidam ad impedimenta matrimonii impediencia, aut omnino dirimentia referunt adulterium, ita, ut conjux adulter etiam post mortem alterius conjugis non potuerit matrimonio copulari cum complice adulterii; etsi ad adulterium nulla sponsalia, nulla machinatio accessisset. Hæc quaestio usum habebit pro titulo sequente, & tractatur maxime, relate ad disciplinam Ecclesiæ sub Alexandro III. nempe Sec. XII. Dico: Adulterium antiquis temporibus nec impediit, nec diremit matrimonium cum complice ineundum post mortem conjugis alterius. Prob. 1. can. *denique.* 2. XXXI. q. 1. ibi: *Denique mortuo viro, cum quo verum connubium fuit, fieri potest conjugium, cum quo præcessit adulterium* (b). Prob. 2. Gratianus, qui proxime abfuit ab ætate Alexandri III, & disciplinæ ecclesiasticæ suorum temporum certe peritus fuit, cum Canones discordantes Decreto suo concordare vellet, sic remegit, ut Canonem tertium cit. caus. & quaest., quo matrimonium inter complices adulterii prohibetur, exponat his verbis: *Hic subaudiendum est, nisi prius per-*

peracta pœnitentia: & si nihil in mortem viri machinatus fuerit, vel si vivente viro fidem adulteræ non dedit, se sumturum eam sibi in conjugem, si viro ejus superviveret. Prob. 3. Innocentius III. in c. significasti. 6. de eo, qui duxit, aperte decidit, matrimonium inter adulterum, & meretricem adulterii complicem initum post mortem uxoris pro legitimo habendum esse, nisi alter eorum in mortem uxoris defunctæ fuerit machinatus, vel ea vivente sibi fidem dederit de matrimonio contrahendo. Ergo tempore Innocentii III. solum adulterium non obstitit nuptiis inter complices contrahendis. Ac in eadem Decretali integra ait Innocentius III. Nos igitur inquisitioni vestræ secundum formam canonicam respondentes, Non ergo novam induxit Innocentius disciplinam ab ætate Alexandri III. discrepantem; cum ab hoc ille non multum distaret. Nam Alexander III. quidem ad Pontificatum promotus fuit an. 1159., Innocentius III. an. 1198. Prob. 4. Ex Decretali ipsius Alexandri III. (c), in qua sic rescribit: Ex præsentium latoris confessione percepimus, quod cum ipse quandam alterius uxorem in adulterio polluisset, pœnitentiam inde suscepit. Sed postea in eundem incidit, diabolo instigante, reatum; ac eandem mulierem viro defuncto sibi in matrimonium copulavit, eamque asserit in præsentī pro conjuge retinere. Est hæc prima rescripti pars, seu narratio. Sequitur decisio, non qua absolute nullum declaratur matrimonium inter adulterum & adulteram ex sola nempe adulterii causa, sed conditionate, si ad adulterium machinatio, aut promissio nuptiarum accessisset. Verum quoniam Nos de salute animarum ipsorum solliciti compellimur in domino cogitare, Fraternitati Tuæ &c. quatenus rem ipsam diligenter inquiras: & si tibi constiterit, quod ille vel illa in mortem prioris viri

Zallinger L. IV. Decretal. K sue-

fuerit machinatus, vel si eo vivente fidem ipsi mulieri dederit, se eam in conjugem recepturum, eos non differas penitus separare. Quodsi neutrum istorum confiterit, in causa ipsa juxta ecclesiasticam consuetudinem, & canonica statuta procedas. Hæc consuetudo ecclesiastica & canonica statuta certe diversum quid ab eo denotant, quod prius dixerat: *Non differas penitus separare*, nempe ob nullitatem matrimonii ortam ex adulterio conjuncto cum machinatione vel promissione nuptiarum. Solum igitur adulterium ex mente Alexandri III. matrimonio non obstat. Quæres, quid ergo Pontifex denotat per ecclesiasticam consuetudinem? Verosimiliter denotat modum procedendi contra relapsos post pœnitentiam; qui indicatur can. *de his. 12. XXXIII. q. 2.*

(b) Canon desumptus est ex S. Augustino l. 1. de Nuptiis & concupiscentia. c. 10. Atque hanc esse genuinam lectionem, contra, ac quidam putant, patet ex optimis editionibus, etiam Maurina; imo ex ipso contextu ejus loci omnino perspicuum est. Tempore ergo S. Augustini adulterium nondum obstabat nuptiis inter adulterum & adulteram post mortem alterius conjugis contrahendis. Ostendant ergo, qui aliter sentiunt, quando, quo loco, quo Pontifice severior disciplina postmodum fuerit introducta.

(c) Hæc Decretalis Alexandri III. non continetur in compilatione Gregorii IX. sed in Append. Concil. Lat. III. p. 45. c. 2. Concil. Edit. Mansi Tom. XXII. col. 409.

§. 159. Duo videntur obesse hætenus dictis de matrimonio inter adulteros post mortem alterius conjugis contrahendo. C. cum haberet. 5. de eo, qui duxit. nullum declaratur istiusmodi matrimonium, etsi non intervenerit machinatio, aut promissio futuri matrimonii. R. n. a. In cit. c. 5. non agitur de validitate aut nullitate matrimonii inter adulteros contra-

trahendi, sed de canonica pœnitentia adversus gravissimum & publicum delictum infligenda; quæ talis fuit, ut matrimonium non modo ipsis adulteris inter se, sed cum qualibet alia persona contrahere fuerit prohibitum; præsertim cum in dies suas ambo processerint, & jam diu publice in adulterio & perjurio, ex certa scientia perdurantes Ecclesiam in gravi scandalo perturbaverint, ut ibi dicitur (d).

(d) Species facti erat hæc: Quidam Joannes uxorem legitimam habebat, Allitiam nomine, ipsique simul adulterii consuetudo cum famula intercedebat. Cum vero iemel Superioris Ecclesiastici præcepto adactus adulteram dimisisset, postea in idem relabens scelus, ausus est, vivente adhuc prima uxore, reverti ad famulæ contubernium, in eoque quasi matrimonialiter per decennium perseverare. Unde & decem filios ex ea procreavit. Pontifex consultus, quid statuendum esset de hujusmodi adulteris, qui in eadem prava consuetudine adhuc perseverabant, tale dedit responsum: Ut separentur omnino, & eis competenti pœnitentia injuncta, perpetua continentia indicatur; habita maxime ratione pervicaciæ ipsorum, gravisque scandali, quo Ecclesiam perturbaverant.

§. 160. Alteram, quod objicitur, est c. propositum. 1. de eo, qui duxit. Quod est ipsius Alexandri III., ubi sic legitur: *Licet autem in canonibus habeatur, ut nullus copulet in matrimonio, quam prius polluerat adulterio, & illam maxime, cui fidem dederat, uxore sua vivente, vel quæ machinata est in mortem uxoris.* Ergo adulterium etiam sine machinatione & promissione futuri matrimonii obest matrimonio inter adulteros contrahendo. R. n. c. Vera mens rescribentis eruenda non est ex verbis, quæ eidem quodam exciderunt loco, dum aliam omnino & diversam ab ea, quam præ manibus habemus, quæstionem pertractabat; sed cum eandem

K 2

quæ-

quæstionem examinavit ex instituto; uti ostensum est §. 158. probatione 4. In objecto c. *Propositum*: Alexander III. respondet Abbati S. Albani, qui ab ipso quæsierat, quidnam statuendum esset de quodam homine, qui, vivente uxore sua, alteram sibi matrimonio copulaverat, insciam conjugii, quo is adstrictus erat, & filios ex altera illa procreaverat; uxore vero defuncta renuebat cum prædicta muliere permanere, sub obtentu, quod invalidum cum ipsa matrimonium contraxerat, legitima uxore adhuc superstiti. Pontifex ergo cum eam circumstantiam magni æstimaret, quod scilicet *præfata mulier erat inscia, quod ille aliam uxorem haberet viventem*, nec æquum censeret, prædictum virum, qui scienter contra canones venerat, lucrum de suo dolo reportare, statuit, ut, siquidem ipsa mulier postulare, divortium inter eos fieret: non vero, si volente muliere in hujusmodi connubio perseverare, vir petcret ab ea separari.

§. 161. Ad impedimenta impediencia olim referebatur *impedimentum catechismi*. c. 5. de cognat. spirit. c. 2. eod. in 6. Id penitus abrogatum censeatur per Concilium Trid. Sess. XXIV. c. 2. de ref. matr. Unde si infans jam privatim baptizatus pro suppleendis ceremoniis sacris deferatur ad templum, Parochus in libro baptizatorum annotare debet, eos, qui infantem levaverunt, fuisse tantum patrinos catechismi, non autem baptismi, ne oriatur erronea opinio de contracto impedimento (e).

(e) Sanchez de Matrim. l. 7. disp. 10. n. 11. seq.

§. 162. Impedimenta, quæ non absolute, sed relate ad tempus, aliamve circumstantiam matrimonium

nium impediunt, secundum præsentem Ecclesiæ disciplinam sunt: I. *Sacratum tempus* ab adventu Domini usque ad diem Epiphaniæ, & a feria quarta cinerum usque in octavam paschatis, utrinque inclusive. Hoc tempore non ipse contractus matrimonii, sed solemnitas & celebritas nuptialis, ac sollemnis nuptiarum benedictio prohibetur (f). II. *Interdictum speciale* Ecclesiæ, id est, Episcopi, & donec causa ad Episcopum referatur, etiam parochi, si nempe indicia impedimenti emergunt, aut de valore prioris matrimonii lis pendet. c. 3. de clandest. desp. Si, non obstante interdicto Ecclesiæ, matrimonium contrahatur, id valet; pœnitentia tamen inobedientibus imponitur. c. 1. h. t. Imo si causa de valore prioris matrimonii nondum discussa est, conjuges interea separantur c. 3. h. t. & c. 4. de sponsa duor. secus si sententia feratur de nullitate prioris matrimonii. c. 18. de sponsal. & matr. III. *Sponsalia* cum alia persona prius inita, nec legitime dissoluta. §. 76. IV. *Votum simplex*. §. 103. (g).

(f) Concil. Trid. Sess. XXIV. c. 10. de ref. matr. adde can. 11. ibid. Siquis dixerit, prohibitionem sollemnitatis nuptiarum certis anni temporibus superstitionem esse tyrannicam, ab Ethnicorum superstitione profectam, aut benedictiones, aut alias ceremonias, quibus Ecclesia in illis utitur, damnaverit: anathema sit. Olim aliis etiam nonnullis anni temporibus a nuptiis, & diebus orationi ac pœnitentiæ destinatis ab usu conjugii abstinendum erat. c. 4. de feriis. Gratian. caus. XXXIII. q. 4. & ibid. can. 8. & 10.

(g) Quaternarius horum impedimentorum numerus his versibus exprimitur:

*Sacratum tempus, Vetitum, Sponsalia, Votum,
impediunt fieri, permittunt facta teneri.*

§. 163. Interpretes ad hunc titulum agere solent de dispensationibus in impedimentis matrimonii, & de istius revalidatione, quæ fit detecto impedimento matrimonii jam initi. Quæstionem Juris Ecclesiastici publici de potestate dispensandi attigi tum, quando de jure statuendi impedimenta egi. Est enim potestas utraque & faciendi impedimenta, & eadem relaxandi per se connexa. Hoc igitur loco, quæ ad praxin pertinent, quoad summa capita indicari debent: distincta enim ejus explicatio limites harum institutionum longe excedit (*h*). Quoad usum & praxin dispensationum matrimonialium fit I. distinctio inter impedimenta matrimonii, in quibus dispensare *non potest* Summus Pontifex §. 28., & impedimenta, in quibus *potest, sed non solet*, nisi casu rarissimo & maxime urgenti: demum alia, in quibus *est potest, et solet* dispensare, ex justa nempe causa. II. Inter dispensationes super impedimentis pro matrimonio *contrahendo*, vel ad remanendum in matrimonio jam *contracto*. III. Inter dispensationes, quæ petendæ sunt ex *Dataria* pro impedimentis publicis, & pro utroque foro: aut ex *Pœnitentiaria* pro impedimentis ex delicto occulto, aut ex voto ortis, & pro foro conscientiæ tantum. IV. Denique inter impedimenta, in quibus ad alterutrum tribunal omnino recurrendum est, & alia, in quibus nullo opus est recursum Romano §. 36. Episcopis Germaniæ Summus Pontifex inter facultates quinquennales concedit potestatem pro foro etiam externo in civitate & diœcesi tantum, gratis dispensandi in tertio & quarto gradu simplici & mixto (*i*) tantum cum pauperibus in contrahendis; in contractis vero cum hæreticis conversis etiam in secundo simplici & mixto, dummodo nullo modo attingat primum gradum; & in his casibus prolem susceptam declarandi legitimam: item dispensandi

sandi super impedimento publicæ honestatis justitiæ ex sponsalibus proveniente: item super impedimento criminis, neutro tamen conjuge machinante; ac restituendi jus amissum petendi debitum: item dispensandi in impedimentis cognationis spiritualis præter levantem & levatum (k).

(h) *De praxi harum dispensationum vid. Pyrrhus Corradus in Praxi dispens. Apostol. l. 7. & 8. de praxi Pœnitentiariæ vid. Marcus Paulus Leo Prax. ad Litter. Maj. Pœnitentiar.*

(i) *Per mixtum intelligitur gradus quartus mixtus cum tertio, nequaquam gradus tertius mixto cum secundo. Unde quando dispensatio petitur, uterque gradus debet exprimi: & in gradibus mixtis concipitur formula dispensationis iis verbis, quibus dispensatur in proximioris, & declaratur non obflare remotiorem. Ex his illustrantur ea, quæ in nota §. 135. pro declarando c. 3. de conf. & affin. dicta sunt.*

(k) *Clausulæ his facultatibus annexæ sunt: I. Hæ dispensationes matrimoniales non concedantur, nisi cum clausula: Dummodo mulier rapta non fuerit, & si rapta fuerit, in potestate raptoris non existat. II. In dispensationibus hujusmodi declaretur expresse, illas concedi tanquam a Sedis Apostolicæ Delegato; ad quem effectum etiam tenor hujusmodi facultatum inseratur cum expressione temporis, ad quod fuerint concessæ; alias nullæ sint. III. In fine facultatum quinquennialium additur generalis facultas communicandi has facultates in toto, vel in parte, prout opus esse secundum ejus conscientiam judicaverit, sacerdotibus idoneis in conversione animarum laborantibus, & præsertim tempore sui obitus, ut Sede vacante sit, qui possit supplere, donec Sedes Apostolica certior facta alio modo provideat.*

§. 164. Dispensationes matrimoniales Concilium Trid. Sess. XXIV. c. 5. de ref. matr. hisce regulis constringit. I. „In contrahendis matrimoniis

vel nulla omnino detur dispensatio, vel raro, idque ex causa, & gratis concedatur. II. In secundo gradu nunquam dispensetur, nisi inter magnos Principes, & ob publicam causam. III. Siquis intra gradus prohibitos scienter matrimonium contrahere præsumserit, separetur, & spe dispensationis consequendæ careat; idque in eo multo magis locum habeat, qui non tantum matrimonium contrahere, sed etiam consummare ausus fuerit. IV. Quodsi ignoranter id fecerit, siquidem solemnitates requisitas in contrahendo matrimonio neglexerit, eisdem subiaceat pœnis. Non enim dignus est, qui Ecclesiæ benignitatem facile experiatur, cujus salubria præcepta temere contempsit. V. Si vero solemnitatibus adhibitis, impedimentum aliquod postea subesse cognoscatur, cujus ille probabilem ignorantiam habuit; tunc facilius cum eo, & gratis dispensari poterit.,

§. 165. Præmissis regulis explicanda est *causa, forma, executio* dispensationum matrimonialium. *Causa*, ex qua a Pœnitentiaria petitur & obtinetur dispensatio, plerumque est evitatio peccati, & scandali (*l*). Si matrimonium ob latens impedimentum est nullum, dispensatur ob ignorantiam, bonam fidem; & publicitatem matrimonii in facie Ecclesiæ contracti. *Causæ* pro relaxandis impedimentis maxime publicis ad contrahendum primo matrimonium sunt: I. Copula carnalis præcedens & propalata. II. Infamia mulieris ob suspectam conversationem cum Oratore agnato. III. Angustia loci. VI. Incompetentia vel defectus dotis. V. Extinctio litis, vel assistentia in lite super successionem bonorum. VI. Ætas Oratricis vigesimum quartum annum excedens. VII. Habitatio ad litus maris, vel inter Hæreticos. VIII. Compositio inimicitiarum. IX. Confirmatio pacis. X. Mul-

X. Multitudo filiorum Oratricis viduæ. XI. Spes conversionis ad religionem catholicam. XII. Conservatio familiæ, vel bonorum in familia. XIII. Excel-
lencia meritorum. XIV. Prærogativa dignitatis. XV.
Denique conceduntur in gradibus saltem remotiori-
bus, personis Nobilibus aut alias valde honestis di-
spensationes *ex certis rationabilibus causis*, nulla ex-
pressa in specie; quæ ob id vocantur dispensationes
sine causa, non quod nulla subsit, sed quod ea in
specie non exprimatur; ut adeo executor in eam in-
quirere non debeat, sed in alia narrata in literis, e. g.
utrum Oratores sint de familia nobili, vel honesta,
uti in literis exprimitur (m).

(l) Ob hanc causam Major Pœnitentiarius facultatem di-
spensandi committere solet in voto simplici castitatis, re-
ligionis, non nubendi &c. In affinitate ex copula illicita
etiam in primo gradu lineæ transversæ ad contra-
hendum, in primo autem lineæ rectæ ad remanendum
in contracto: in compaternitate: in impedimento crimi-
nis: in tertio vel quarto gradu consanguinitatis aut
affinitatis ad effectum remanendi in matrimonio vigore
invalidæ dispensationis nulliter contracto. In aliis Pœ-
nitentiarius M. eget auctoritate Apostolica expresse &
prævia consultatione concessa.

(m) Sunt sine dubio iustæ causæ in decentia naturali,
fecunditate matrimoniorum, & propagatione caritatis
(uti differit S. Augustinus can. un. XXXV. q. 1.) fun-
data, ut prohibitio nuptiarum ultra gradum Consobri-
norum, atque adeo ad quartum gradum extendatur;
incidunt etiam non raro iustæ causæ, ut intra gradum
quartum matrimonia contrahantur. Recte ergo sancta
Ecclesia & prohibitionem nuptiarum ad quatuor gradus
extendit, & ex incidente iusta causa ad dispensandum
benignam se præbet.

§. 166. Forma dispensationis tum ex Dataria, tum ex Pœnitentiaria obtinendæ est commissoria, quæ
facultas dispensandi alteri committitur Auctoritate

Apostolica sub certis conditionibus, quæ ab Executoribus literarum diligentissime impleri debent. *Ex Dataria* commissio fit Ordinario, quo nomine intelligitur etiam Vicarius Generalis, quem Romanæ literæ *Officialem* vocant, nunquam expresse nomine Episcopi aut Vicarii, ut dispensandi facultas commissæ censetur dignitati & officio, non autem personæ. Literæ Officiali inscriptæ, si Episcopus interea obiit, a Vicario Capituli executioni dari non possunt. Si autem Sede Episcopali vacante dispensatio petitur, hæc committitur non Vicario Capituli, sed vicino Episcopo, aut ejus Vicario seu Officiali. Si Oratores sint diversæ Diœceseos, literæ mittuntur ad Ordinarium Oratricis.

§. 167. *Ex Pœnitentaria* dispensatio pro foro conscientie committitur Confessario, Magistro in Theologia, vel Decretorum Doctore ex approbatis ab Ordinario, ab Oratore eligendo. Aperiendi has literas & exequendi facultatem ex privilegio habent Presbyteri S. J. per Superiores suos designati, & ab Ordinario loci approbati (per Breve Gregorii XIII. quod incipit: *Exponi nobis.*); etsi Magisterii in Theologia, vel Doctoratus in Jure Canonico gradu insigniti non sint.

§. 168. Ad formam dispensationum etiam pertinet, quod hanc facultatem dispensandi Pœnitentaria concedat *gratis*, nihil exigendo etiam *pro Scriptura*. In Dataria solvenda est *Taxa* Cancellariæ, & insuper *Compositio* major vel minor pro diversitate gradus, in quo dispensatur: aut opum, quibus pollet persona honestæ vel nobilis familiæ. Hæc compositio minuitur vel omnino remittitur, si Vicarius Generalis Episcopi attestetur de paupertate, præsertim si accedat periculum infamie, aut præcesserit copula carnalis.

carnalis. *Pauperes* censentur, qui stabiles redditus non habent, aut census ex bonis propriis; quales sunt omnes, qui labore manuum victum quaerunt, aut ex salario Principis vivunt.

§. 169. In Executione dispensationum id maxime inquirendum est, utrum verificentur causae in litteris Pontificiis expressae; cum Pontifex aliter nolit concedere facultatem dispensandi. Similiter verificandae sunt clausulae, quae adjici solent, & quibus stricte inhærere debent Executores (n). Si ex Pœnitentiaria commissa est facultas dispensandi, executio non tantum *gratis*, uti *gratis* conceditur, sed in ipso actu Sacramentalis Confessionis fieri debet, ita, ut literæ nequaquam prosint pro foro externo; & ideo facta dispensatione mox lacerandae sunt, vel saltem ad eum statum redigendae, ut nullam probationem pro foro externo facere possint.

(n) *Dispensationum matrimonialium causas veraciter exponendas, & ab Executoribus omnino verificandas esse, docuit singulari Constitutione: Ad Apostolicæ. Benedictus XIV. data 25. Febr. 1742. ibi §. 2. agit de clausula: Et Oratori vitæ periculum immineret; quæ addi solet, quando femina infamiam contraxisse dicitur ob suspectam familiaritatem cum consanguineo. Imminere periculum vitæ Oratori potest a parentibus aut fratribus feminae in vindictam, quod filiam aut sororem ipsorum familiaritate sua ab aliis honestis nuptiis impediverit. Hæc clausula raro verificatur in Germania; unde raro etiam executioni dari poterunt literæ dispensationum tali clausula munitæ.*

§. 170. *Revalidatio seu confirmatio matrimonii jam contracti fit, si, quod antea fuit nullum, ob tenta dispensatione super impedimento, quod illud diremerat, aliove legitimo modo fiat validum. Ac tum quaeritur, utrum hæc revalidatio, ac novus sponsus*

forum consensus iterum coram Parocho, ac duobus vel tribus testibus peragi debeat? R. 1. Si matrimonium antea publice initum fuit, coram Parocho nempe, & duobus vel tribus testibus; *Et impedimentum quoque publice innotuerit*: idem matrimonium rite revalidari & confirmari non potest, nisi consensus iterum coram Parocho & duobus vel tribus testibus præbeat. 2. Si matrimonium antea publice initum fuit, coram Parocho nempe & duobus vel tribus testibus; *Et impedimentum dirimens mansit occultum*: tunc novus quidem consensus requiritur, sed clam & inter contrahentes præstandus est; nec amplius Parocho, aut duo vel tres testes requiruntur. Cessat enim adæquate finis Decreti Tridentini de clandestinis matrimoniis. Atque ita declaravit Pœnitentiaria S. Pii V. auctoritate (o).

(o) Conf. Bened. XIV. Institut. 87. n. 62.

§. 171. Alia se offert non modica difficultas in revalidando matrimonio jam contracto, si occultum impedimentum intercessit, quod uni solum ex conjugibus cognitum est. Tunc enim si a Pœnitentiaria remedium dispensationis quæritur, literæ redduntur in hanc sententiam: *Unimodo impedimentum præsumptum occultum sit, Et separatio inter latorem Et dictam mulierem fieri non possit absque scandalo, aliudque non obstat, cum eodem latore, ut dicta muliere de nullitate prioris consensus certiorata, sed ita caute, ut latoris delictum nunquam detegatur, matrimonium cum eadem muliere, Et uterque inter se de novo secrete ad evitanda scandala, præmissis non obstantibus, contrahere, Et in eo postmodum remanere legitime valeat, misericorditer dispenses.* Difficultatem facessit clausula: *Dicta muliere de nullitate prioris consensus certiorata*; quid enim? si pars inscia impedimenti, nulli-

nullitate matrimonii cognita discedere velit, & ad libertatem aspiret? Est tamen hæc certioratio, conditio necessaria ad revalidationem, ne novus consensus præstetur *ex errore* de matrimonio valide jam inito: & consequenter pariter nullus sit (*p*). Putant nonnulli, hanc certiorationem non requiri, si primus contractus fuit nullus ex defectu consensus e. g. ob vim, quam altera pars in contrahendo passa est: ac tum, si hæc eadem pars de novo consentiat libere, matrimonium revalidari censent. Ita P. Pichler cum aliis ad h. t. At enim Clemens VIII. a quo super hac re consilium peritum fuit, expendens primum illum consensum pertinuisse ad materiam neque legitimam, neque idoneam, respondit, pro matrimonii confirmatione novum consensum ab utroque conjuge esse tribuendum, ab eo nempe, qui matrimonium per vim contraxit, & simul ab altero, qui vim ejusmodi ignorans, ultro ac libenter eodem se matrimonio illigavit. Insuper adjecta fuit ea conditio, ut maritus, qui jam libere consenserat, prius moneretur, irritum fuisse matrimonium; eoquod uxor ad assentiendum coacta fuerit, cum primo celebratæ sunt nuptiæ. *Admonito prius marito de matrimonii nullitate* (*q*). Quapropter ad verificandam clausulam aliud non videtur relinqui, quam ut pars impedimenti conscia alteri libere declararet, se haud rite matrimonio consensisse, cum primo initum fuit: ideoque oportere consilio confessarii, atque internæ tranquillitatis causa, ut ambo consensum renoveant, sequæ id libenter facturam ostendat. Quodsi alter conjux eandem voluntatem patefaciat, id satis erit, ut novus consensus secundum præscriptam normam elicitus intelligatur.

(*p*) *Sic aperte habet Glossa in c. 1. de eo, qui duxit.*
Pars enim consentiens in primo consensu, qui nullus fuit, intelligitur perdurare; sicuti probatur de servo,
qui

qui creditur liber, dum mulier libera cum eo contrahit; si post manumittitur uxore ignorante, non ob id coalescit matrimonium; quia post manumissionem factam uxor cum eo manendo, semper intelligitur approbare consensum primum, qui fuit erroneus, nec sufficiens ad perficiendum matrimonium. Secundum generalia principia id declarari potest ex l. 8. C. de J. & F. J. ubi hæc species proponitur: Titius fecit testamentum, in quo Eroti relicta libertas. Heres, qui ab intestato alias succedere poterat, putat testamentum esse validum; & profitetur, Erotem esse libertum orcinum ipsius defuncti. Quæritur, an hæc professio heredis noceat heredi? Quod hic negatur; nam ut approbatio actum aliquem confirmet, necesse est, ut approbans plenam habeat actus notitiam. Aliud exemplum extat l. 9. ib. Contraxi cum servo meo, seu cum homine libero. Quæritur, an non obstante hoc contractu, si per errorem feci, quæstionem status illi movere possim; & affirmatur.

(q) Conf. Bened. XIV. Instit. 87. n. 66. & seq.

TITULUS XVII.

QUI FILII SINT LEGITIMI.

ARGUMENTUM.

I. Diversitas prolium ratione natalium. §. 172. II. Naturaliales sensu juris canonici legitimantur per subsequens matrimonium. §. 175. III. Plene quidem, at sine præjudicio aliarum legitime natarum. §. 177. IV. Spuriæ non legitimantur, seu natæ ex adulterio. §. 180. V. Legitimatio per rescriptum Principis. §. 184. VI. Ex causa natalium oritur quæstio status, & præjudicialis. §. 187.

§. 172. **P**roles per adoptionem, non naturam suscepta, dicitur legitima tantum: quæ ex valido matrimonio, aut bona fide saltem unius in facie Ecclesiæ contracto nata est, appellatur legitima & naturalis: naturalis tantum opponitur

ponitur 1. legitimæ tantum, 2. legitimæ & naturali, 3. Jure civili proli spurizæ, & natæ ex damnato coitu, 4. Jure canonico opponitur spurizæ. Si de illegitimis agitur, qui per subsequens matrimonium legitimari possunt, aliumve ad actum dispensationem petunt, Jus canonicum duas eorum classes constituit, naturalium, & spuriorum. Lib. I. de Filiis presbyt. §. 446. & seq. Jus autem civile distinguit naturales, spurios, natos ex damnato coitu, uti ibidem exposui. Porro multi favores juris connexi sunt cum legitimis natalibus: ceu pro successione in bona parentum: participando statum, nobilitatem & familiam patris: habilitate consequendi officia honorata, ad recipiendos ordines clericales, beneficia & dignitates ecclesiasticas &c. His commodis privari solent illegitime nati tum ob inhærentem aliquam maculam ex delicto parentum: tum ob justum timorem, ne eorum incontinentiam imitentur (a).

(a) *Non solo natalium vitio, sed etiam inæqualitate matrimonii quantumvis valide initi, fit aliquando, ut liberi nobilitate ac statu patris carere debeant. §. 74.*

§. 173. Pro legitimis certo habendi sunt liberi I. nati ex justis nuptiis, id est, matrimonio secundum Canones valido, etsi parentes servilis conditionis sint c. 1. de conj. Serv. disparis status, levis notæ macula notati. II. Nati ex matrimonio occulto §. 73. imo etiam (ubi Decretum Tridentinum de clandestinis matrimoniis non obligat) ex matrimonio clandestino, & ab Ecclesia approbato. c. 2. de cland. despons. & c. 9. h. t. III. Nati ex infidelibus, qui secundo, tertio vel ulteriori gradu contraxerant, & postea ad fidem conversi sunt. c. fin. h. t. IV. Nati ex matrimonio publice & bona fide contracto, licet ob latens aliquod impedimentum postea deprehendatur nullum.

Hinc

Hinc c. *cum inter.* 2. h. t. liberi nati, aut etiam tantum concepti ante sententiam divortii (dissolutionis) a parentibus, qui ignorabant impedimentum, declarantur legitimi quoad jus hereditarium succedendi in bona parentum, & quoad alimenta de eorum facultatibus obtinenda. Hoc etiam procedit quoad liberos natos post litem contestatam, qua valor matrimonii impugnatur, uti colligitur ex cit. c. 2. & ex c. *laudabilem.* 2. Ut lite pendente; ubi carnale commercium permittitur in conjuges, quamdiu lis pendet super matrimonio bona fide contracto. Adde tamen c. 44. de Sentent. excomm. Statutum est autem, ut, si matrimonium ob latens impedimentum est nullum, non requiratur bona fides in utroque conjuge, sed sufficiat bona fides unius ex ipsis. c. fin. §. 1. de cland. despo. Si ergo conjugatus vivente sua uxore ducat aliam, & hæc sciat, illum esse conjugatum, illegitima est proles. cit. c. fin. de cland. despo. c. *causam.* 4. & c. *referente.* 10. h. t. At contra legitima erit proles, si secunda uxor ignorat impedimentum ligaminis, quo vir laborat. c. *Ex tenore.* 14. h. t. Unum his casibus necessarium est, ut matrimonio publicæ denuntiationes fuerint præmissæ; ne scilicet conjuges *affectores ignorantia* videantur. cit. c. fin. de cland. despons. Exceptio est, si denuntiationes omissæ, non potuissent ullo modo conferre ad detegendum impedimentum; uti si matrimonium fuit nullum ex defectu consensus interni in altero conjuge. Sanchez. de Matr. l. 3. disp. 42. n. 5. (b).

(b) Hic casus de matrimonio putativo extat in *Theaur. Ref. S. Congregationis in una Mechliniensi legitimitatis prolis.* Die 6. Jul. 1726. T. III. pag. 342. & 347. Tom. IV. pag. 170. & p. 222.

§. 174. Dubia fit legitimitas I. in prole præcoce, aut fera. l. 12. D. de Statu hom. l. 3. §. penult. & ult. D. de suis & legitim. II. In ea, quæ reperitur exposita. III. Si mater prolis durante conjugio cum aliis viris male versari consueverit; proles tamen, donec contrarium probetur, legitima præsumitur, etsi mater eam ex adulterio natam affirmet. Gabriel Palæotus de Nothis. c. 22. IV. Si proles concepta & nata est, postquam maritus ad sacros Ordines promotus est, & uxor continentiae votum emisit, ea quoad effectus canonicos, nempe susceptionem Ordinum, admissionem ad beneficia, censetur illegitima. c. *Litteras*. 14. de Filiis presb. Quoad effectus civiles, ceu successionem, passim auctores pro legitima habent talem prolem. Res tamen carere difficultate non videtur. Nam istiusmodi votum continentiae relate ad uxorem habet vim voti quasi solemnitis §. 103. quo edito leges civiles abominantur conjunctiones quasvis sacrilegas. l. 45. C. de Episc. & Clericis. V. Mulierem vi oppressam, si concipit & prolem edit, nonnulli comparant uxori in matrimonio nullo, bona fide versanti.

§. 175. Proles illegitimæ Jure canonico censentur *naturales* ex habilitate parentum ad nuptias tempore, quo proles concepta est, aut etiam (quæ est satis recepta opinio) tempore nativitatis, vel demum intermedio quodam tempore. l. 11. C. de naturalibus liberis. Ibi: *Generaliter definimus, ut semper in hujusmodi quæstionibus, in quibus de statu liberorum est dubitatio, non conceptionis, sed partus tempus inspicatur: & hoc favore facimus liberorum, ut editionis tempus statuamus esse inspiciendum: exceptis his tantummodo casibus, in quibus conceptionem magis approbari, infantium conditionis utilitas exposulat.*

Zallinger L. IV. Decretal. L lat.

lat. Quæ generaliter hic definiuntur de tempore conceptus & partus, sic intelligenda sunt, ut etiam tempus *intermedium* contineatur; vel enim tempus conceptionis involvit totum illud spatium, quo proles in utero est: aut quodvis tempus intermedium referri debet ad tempus partus l. 7. D. de Statu hominum. Ibi: *Qui in utero est, perinde ac si in rebus humanis esset, custoditur, quotiens de commodis ipsius partus quæritur.* Adde l. 26. ibid. & pr. Inst. de Ingeniis. Si vero inter parentes proles nec conceptionis, nec partus, nec intermedio tempore validum matrimonium consistere potuisset, proles edita dicitur *Spu-ria* in sensu Juris canonici.

§. 176. *Liberi naturales* (eo, quo dictum est, sensu) *legitimantur per subsequens matrimonium inter parentes eorum.* c. 1. h. t. Nec fit differentia, quo tempore, quantumvis longo, post editam prolem, contrahatur matrimonium: nec titrum immediatum, aut mediatum sit (c), modo validum sit matrimonium, cui is legitimationis effectus jure affixus est; quod enim nullum est, effectum juris operari non potest: nec sane sola ad id sponsalia de futuro sufficiunt. Satis est autem, si in matrimonio consensus de præsentis rite præstitus, etiam in articulo mortis intervenerit. Nuptias enim consensus, non concubitus facit.

(c) *Casus de matrimonio mediato exhiberi solet hac figura, ex qua dein alia de effectu istiusmodi legitimationis enascitur controversia. Joachimus illustrissimæ aliqujus familiæ filius ex illustri puella extra matrimonii statum filium Josephum suscipit illegitimum. Contrahit dein cum alia illustri matrimonio, ex quo legitimum filium generat Isidorum. Defuncta uxore primam Amasiam sibi matrimonio copulat, quo filius prior Josephus legitimatur. Defuncto Joachimo patre magna inter Isidorum legitime natum, & Josephum per subsequens matrimonium legitimatum oritur controversia de successione*

sione in feuda paterna & fideicommissa, quæ ex pacto & providentia Majorum primogenito debentur, reliquis fratribus certa pecuniæ quantitate in vim legitimæ designata. Habes casum de legitimatione per matrimonium mediatum, & speciem controversiæ de effectu ejusdem; utrum is tantus sit, ut legitimatus per subsequens matrimonium in primogenitura præferri debeat alteri fratri ex intermedio matrimonio legitime nato.

§. 177. Generalis decisio est: Legitimati per subsequens matrimonium parentum, quoad omnes juris effectus, excepta sola dignitate Cardinalitia (d) æquiparantur legitime natis: imo pro legitimis judicandi sunt. c. 1. & 6. h. t. ibi: *Tanta est vis matrimonii, ut, qui antea sunt geniti, post contractum matrimonium legitimi habeantur.*

(d) *Sixtus V. Const. Postquam verus. edita an. 1586.*

§. 178. Non obstante hoc generali favore legitimationis per subsequens matrimonium factæ, dicendum, eum tantum non esse, ut liberis legitime natis, eorumque juri jam quæsito derogare, aut præjudicare possit. Quare in casu §. 176. in nota proposito legitimatus per subsequens matrimonium in primogenitura præferri non potest alteri fratri ex intermedio matrimonio legitime nato, cui per legitimos natales jus primogenituræ absolute quæsitum & radicatum fuit concurrente & naturali & civili vinculo, antequam alter evaderet legitimus & successionis capax. Legitimatio nititur illa quidem *simplici* fitione, qua non legitime natus habetur pro legitime nato; at tanta fictio *retroactiva*, quæ contra omnem juris rationem juri alterius quæsito deroget, neque per leges, neque per sacros Canones statuta est. Imo Recentiores Interpretes Juris civilis ad tit. Inst. de Nuptiis, quo loco de legitimatione agitur, omnem in ea fitionem

nem retrotractivam a Justiniano sublatam fuisse contendunt. Sacri autem Canones, dum restitutionis in jus quoddam gratiam alicui faciunt, aperte decidunt, quod talis restitutio, *ubi aliud non exprimitur, intelligatur fieri sine juris præjudicio alieni. c. quamvis. 8. de Rescriptis. in 6.*

§. 179. Alia in hoc genere agitur controversia de nepote legitime nato ex patre illegitimo, seu naturali; utrum succedat avo, si hic defuncto filio, patre nepotis, matrimonium contrahat cum muliere, ex qua filium naturalem, nepotis patrem susceperat (e). Sciendum ex legibus, nepotem ex filio naturali aut spurio non succedere avo. l. fin. C. de nat. lib. At nepoti, ex justis præmortui naturalis filii nuptiis nato, prodesse avi matrimonium non videtur absurdum (f). Repræsentat enim patrem suum, ejusque jure in omnibus utitur. Per subsequens matrimonium liberi legitimantur. Quid causæ est, cur non hic, ut in toto jure, sub liberorum appellatione nepotes contineantur? l. 220. D. de V. S. Cum ducitur concubina, seu mulier, ex qua filium naturalem genuit avus, tunc omnes ex ea nati legitimantur; & vere dici potest, nepotes ejus progeniem esse. cit. l. 220. Quoties lex simpliciter *liberorum* nomine utitur, omnes descendantium gradus intelligit: & hoc ipso loco *liberorum* nomine utuntur leges, quos per matrimonium subsequens legitimari volunt. Patria potestas æque competit in nepotem ac filium; & legitimatio est causa patriæ potestatis; ergo æque operatur in nepotem.

(e) Casus figurari potest hoc modo: Desiderius filium naturalem in juventute sua ex persona soluta suscepit; qui filius subinde adultus contracto legitimo matrimonio, alium filium, adeoque respectu sui patris naturalis nepotem genuit; quo relicto brevi post vita functus est. Avus singulari in hunc suum ex filio naturali nepotem affectu

affectu commotus nihil magis optat, quam ut eundem legitimum familiæ suæ successorem & heredem habere possit. In quem finem cum prædicta muliere, ex qua filium, hujus nepotis patrem progenuerat, matrimonium contrahit, hoc modo filium jam defunctum tanquam per subsequens matrimonium legitimaturus, aut certe suum ex hoc nepotem.

(f) Sic differit Ulricus Huberus in *L. I. Digest. tit. 6. n. 10.* Similiter decidit Fachinæus *L. 3. contrav. 59.* Propositus casus distingui debet ab alio simili, sed paulum mutato, de quo fit mentio eodem cit. l. fin. C. de nat. lib. Sit avus, ejusque filius legitimus & naturalis, & ex hoc nepos naturalis tantum. Hic utique legitimari non poterit, nisi per matrimonium patris sui; eoque ante tale matrimonium defuncto non succedet avo.

§. 180. Spurii (in sensu juris canonici) ceu adulterini, incestuosi non legitimantur per subsequens matrimonium. c. 4. & 6. h. t. (g). Idem de Spuriis sensu juris civilis, & natis ex damnato coitu obtinuit; cum inter eorum parentes ne fingi quidem potuerint nuptiæ. Fictio enim personas habiles requirit. Nov. 89. c. 14. & Nov. 74. c. 6.

(g) *Fac, maritum vivente uxore adulterium commisisse cum ancilla soluta, quæ & concepit & edidit prolem vivente ea uxore. Si hac postmodum defuncta maritus ancillam valido sibi matrimonio copulet (solum enim adulterium sine machinatione aut promissione matrimonii ejus valori non obstat, nec impedimentum criminis inducit. §. 158.); non tamen prior soboles posteriore matrimonio evadet legitima. Ponitur ergo adulterium utrinque fuisse formale. Aliter enim fortassis loquendum est de casu, quo mulier ignorat, virum esse in conjugio; cujusmodi quidpiam proponitur c. 1. & 7. de eo, qui duxit.*

§. 181. Proposui de liberis naturalibus per subsequens matrimonium legitimandis, de spuriiis per idem non legitimandis regulam Canonici juris, quam

verissimam, & a nemine in dubium revocandam dicit Benedictus XIV. Tom. I. Bull. Constit. 113. in qua respondet Archiepiscopo S. Dominici in insula Hispaniola, qui Papam interrogaverat, an filii ex adulterio procreati legitimentur per subsequens matrimonium. Rationes pro tali legitimatione Archiepiscopus descripsit ex Bœhmiero Jur. Eccl. Protestantium h. t. a §. 21. tacito hujus auctoris nomine, & proposita hac specie facti: Vir nobilis uxoratus rem habuit, stante matrimonio, cum libera muliere, pari cum ipso natalium nobilitate, duosque filios ex ea procreavit. Defuncta vero uxore matrimonium contraxit cum prædicta muliere, quæ duos, ut præfertur, filios ei pepererat. Horum alter jam mortem obierat; atque ille procul dubio natus erat priore uxore in vivis agente. Alter superstes est; sed nondum satis est exploratum, an eadem prima uxore vivente conceptus aut natus fuerit. Dubitatur de utroque, an legitimi, sive spurii sint habendi; seu potius an per subsequens matrimonium cum ipsorum matre contractum, ambo censendi sunt legitimi.

§. 182. Huic quæstioni se respondere, ait Pontifex, *non tamen ex auctoritate Apostolicæ Sedis, - sed meram sustinentes personam Doctoris privati, cujus vitæ ætas fere omnis in sacrorum Canonum studiis - exacta est.* Decidit ergo I. filius præmortuus, qui & conceptus & natus est, prima uxore superstiti, legitimus non evasit per matrimonium cum ipsius matre postea contractum. II. Si alter filius prima uxore vivente conceptus quidem, at post ejus mortem natus sit, resolutio pendet ex controversia Doctorum, qua inter se disputant, utrum pro statuenda legitimatione tempus nativitatis, an præterea tempus conceptus inspiciei debeat; in qua re textus textibus, Doctores Doctores
ribus

ribus, & tribunalia tribunalibus adversari videntur. Si a Nobis, inquit, iudicium nostrum in casibus particularibus interponendum foret, non aliter id a Nobis fieret, quam secundum sententiam in tribunalibus & curia illius regionis receptam, in qua esset pronuntiandum. Quia vero de hoc altero filio, illud tantum certum habetur, quod inter ipsius parentes matrimonium postea contractum fuerit; incertum vero, utrum is prima uxore vivente, an jam defuncta & conceptus & natus sit, hinc Pontifex addit: Si nostrum de eo iudicium exquireretur, filium hunc legitimum censere-mus; cum Iudex in dubio debeat in bonum, & com-moda proles propensus esse.

§. 183. His præmissis decisionibus Pontifex re-spondet ad Argumenta contraria. Præcipuum erat hoc: Proles adultera non legitimatur per subsequens matrimonium eo tantum casu, quo illud nulliter con-trahitur; ut in casu c. 6, ob machinationem in mor-tem uxoris. Hinc cit. c. dicitur: Si autem vir viven-te uxore sua aliam cognoverit, & ex ea prolem susce-perit, licet post mortem uxoris eandem duxerit, ni-hilominus spurius erit filius, & ab hereditate repellen-dus; præsertim si in mortem uxoris alteruter eorum aliquid fuerit machinatus. R. n. Pontifex duos recen-set casus, in quibus per matrimonium non legitima-tur proles: 1. Si ea ex adulterio nata est. 2. Si ad ad-ulterium accessit machinatio in mortem conjugis. Di-ctio Præsertim idem indicat, ac multo magis; ut sen-sus sit: Si filii adulterini non legitimantur per subse-quens parentum matrimonium; multo magis id te-nendum est pro casu, quo subsequens matrimonium fuit nullum ob adulterium cum machinatione conjun-ctum. Etsi vero in proposita specie machinatio inter-cesserit, Pontifex tamen de solo adulterio etiam sine

machinatione mentem suam & sententiam profert, Nec si planus & apertus est sensus ejus Decretalis, prout in compilatione Gregorii IX. extat, ad fontes & Decretalem integram recurri potest pro eruendo sensu contrario. Compilatio enim auctoritatem legalem nacta est a Gregorio IX., non fontes, a quibus multa decisa, resecta & cum mutatione posita sunt (h).

(h) Putat Böhmerus, posito etiam solo adulterio sine machinatione prolem adulteram per subsequens matrimonium tempore Alexandri III. legitimari non potuisse, quia inter adulteros validum matrimonium ea ætate contrahi non potuit; cum autem ea disciplina ab Innocentio III. postmodum fuerit immutata, nihil obesse opinatur, quo minus proles ex adulterio nata vivente altero conjuge, post ejus mortem per subsequens matrimonium hac ætate legitimetur. At falsitatem hujus opinionis adcurate ostendi supra a § 158.

§. 184. Alia est legitimatio prolium quarumvis illegitimarum per *Rescriptum Principis*, quam Justinianus primus induxit Nov. 89. c. 9. & nostris temporibus ad preces oblatas frequenter expedit vel Princeps ipse, vel alius, qui jus legitimandi a Principe impetravit, *Comes Palatinus* hodie dictus. Hoc quidem modo juvantur illi, quorum parentes non contraxerunt inter se matrimonium, aut qui ex damnato coitu concepti & nati sunt. Befoldus part. 5. consil. 199. filium adulterium sic legitimari censet, quando parentes oblatis precibus manifestant Principi intentionem suam contrahendi matrimonium ad effectum legitimandi prolem adulterinam; Princeps dein permittendo matrimonium ad has preces, effectum legitimationis concedere censetur, quamvis in rescripto expressa ejus mentio non fiat.

§. 185. Princeps quidem laicus legitimat ad effectus civiles: Ecclesiasticus vero ad effectus ecclesiasticos;

sticos; quamquam conveniens videtur, ut qui a Papa ad spiritualia tractanda & obtinenda legitimatus est, æque ad temporalia, quæ longe inferioris conditionis sunt, censeatur habilis; uti exponitur c. 13. h. t. Est tamen legitimatio Pontificia a sola dispensatione ad Ordines vel quædam beneficia omnino distinguenda. Illa plenior est, hæc strictæ interpretationis. Lib. I. Decret. de filiis presbyt. §. 451.

§. 186. Tribuitur etiam Summo Pontifici potestas dispensandi *in radice matrimonii*; quo modo legitimi finguntur, & censentur illi, qui nati sunt ex matrimonio mala fide contracto cum impedimento; cujus dispensationem retrotrahit Pontifex ad initium matrimonii, ita, ut licet parentes nunc jam mortui sint, liberi tamen habeantur nati ex justis nuptiis, etiam in ordine ad effectus civiles. Sanchez. de Matr. l. 8. disp. 7. Boerius decisione 263. n. 26. Hujusmodi legitimatio, quæ etiam dispensatio *ex tunc* appellatur, *non sine urgentissima causa concedi consuevit*, & in iis tantum impedimentis, quæ sunt juris ecclesiastici, nec omnino manifesta extiterunt, uti inquit Benedictus XIV. Tom. I. Bullar. in cit. const. 113. §. 40. (i).

(i) *Alii modi juris civilis Romani, quæ proles illegitimæ natalibus restitui poterant, seu oblatio curiæ, nominatio filii, & arrogatio Nov. 89. penitus ab usu nunc recesserunt.*

§. 187. Ex iis, quæ dicta sunt hætenus, colligi potest, frequentes incidere *controversias status*, præsertim cum de jure successionis agitur. Appellantur eadem *quæstiones præjudiciales* l. II. Decret. §. 139. ac si petenti hereditatem coram Judice laico opponitur defectus natalium, hæc quæstio præ-

judicialis ad Judicem ecclesiasticum remittenda est, suspenso progressu judicii secularis c. 5. h. t. Ad ejusmodi quæstiones præterea referri debent capitula 3. 11. 12. h. t. Exempla & animadversiones de probanda filiatione exhibet cl. Zech de Judiciis Eccl. civilibus §. 290. seqq. de causis autem matrimonialibus generatim inscribitur sequens titulus.

TITULUS XVIII.

QUI MATRIMONIUM ACCUSARE POSSUNT,
VEL CONTRA ILLUD TESTARI.

ARGUMENTUM.

I. Causarum matrimonialium Judex. §. 188. II. Natura & qualitas. §. 190. III. Accusatores & testes. §. 191.

§. 188. **C**ausæ matrimoniales intelliguntur hoc loco quæstiones non Theoreticæ de sponsalibus & matrimonio, quæ ad scholas & Doctores pertinent, sed Juridicæ, & litigiosæ de natura & qualitate actus initi, utrum sponsalitus, vel matrimonialis sit: de valore aut nullitate sponsalium, vel matrimonii, consequenter de impedimentis, & dispensationibus: de effectibus eorum, nempe juribus & obligationibus sponsorum & conjugum e. g. circa reddendum debitum, de quo, cum actio deficiat, officium judicis ecclesiastici imploratur: de dissolutione sponsalium, aut matrimonii ob detectum impedimentum: de divortio ex causa adulterii, aut sævitiei: de benedictione nuptiali, & jure benedicendi: de malitiosa desertione, longa absentia sponsi, vel conjugis: de legitimitate prolium. Ejusmodi causæ aliquando sunt *meri facti*, an matrimo-

rimonium vel sponsalia fuerint contracta, aut *juris*, utrumne valide, an secus. Actio item aut *affirmativa est*, si mulier velit declarari pro legitima uxore: vel *negativa*, si maritus neget esse uxorem. Inter-venit etiam *possessio aut quasi possessio* status conjugalis, filiationis. Unde si altera pars ab altera di-vertit, *actio spoli* competit,

§. 189. Causæ enumeratæ, earumque similes omnium judicio, ipsoque tribunalium usu censentur *matrimoniales*. Judex autem causarum matrimonia- lium est *Ecclesiasticus*, non secularis; uti tota obser- vavit antiquitas & definivit Concilium Trid. Sess. XXIV. can. 12. de Sacr. matr. ibi: *Siquis dixerit, causas matrimoniales non spectare ad judices ecclesia- sticos, anathema sit.* Ad Ecclesiam enim spectat, rata habere matrimonia, impedimenta statuere, & in iis dispensare. Ergo eidem etiam competit juris- dictio circa has causas. Imo nec quivis jurisdictione pollens ecclesiastica ad eas cognoscendas causas suffi- cit. c. 1. in fin. de consang. & affin. ibi: *Non sunt causæ matrimonii tractandæ per quoslibet, sed per judices discretos, qui potestatem habent judicandi, & statuta canonum non ignorent.* Ordinarie ergo so- lus Episcopus est judex competens in his causis, non inferior aliquis. Concil. Trid. cit. Sess. c. 20. de ref. ibi: *Causæ matrimoniales & criminales, non Deca- ni, Archidiaconi, aut aliorum inferiorum judicio, etiam visitando, sed Episcopi tantum examini & ju- risdictioni relinquuntur.* Causæ profanæ de bonis conjugum, successione liberorum, alimentatione pro- lium haud ægre relinquuntur iudicibus laicis. c. *cau- sam*. 7. Qui filii sint legit. (a).

(a) Solerter adnotat P. Zech tit. de divort. §. 371. con- juges Principes Protestantes circa causam matrimonia- lem

lem discrepantes non inventuros competentem judicem, nisi aliorum exemplo Episcopum catholicum vel Pontificem adeunt; cum summa Imperii tribunalia, quæ alias causas Principum decidunt, non habeant jurisdictionem fundatam circa matrimonialia.

§. 190. Causæ matrimoniales suas habent proprias qualitates. I. Ex officio tractantur ab Episcopo, sed *summarie*, ut celeriter expediantur. c. 1. ut lite non contestata. Clem. 2. de judiciis. II. Eadem annumerantur causis *arduis*, & suo modo publicis. c. fin. de procurat. in 6. imo æquiparantur criminalibus. c. 9. in fin. de in integ. rest. Hinc etsi usus *accusationum* in criminibus tantum habeat locum; tamen etiam adhibetur ad allegationem & deductionem impedimentorum. Conjunctiones enim illegitimæ inter eos, qui impedimento laborant, tolerandæ non sunt; & ante quidem, quam matrimonium contrahatur, Canones suppeditant *denuntiationem* impedimenti: post contractum *accusationem*. c. 13. de despons. impub. III. In casu denuntiati impedimenti unus testis fide dignus, aut semiplena probatio sufficit, ut matrimonium impediatur, & prohibetur ad evitanda gravia scelera, & cohabitationem fornicariam. c. 12. de sponsal. c. 2. de consang. & affin. Contra ut matrimonium jam contractum declararetur irritum, & concedatur facultas aliud ineundi, plenissima requiritur probatio tum ob periculum, ne homo separet, quod Deus conjunxit; tum ob possessionem conjugum, & præsumptionem pro valore actus; pro quo in defectu plenæ probationis pronuntiari solet. arg. c. fin. de sent. & re jud. IV. Sententia tamen pro valore matrimonii lata nunquam transit in rem judicatam. c. 7. eod. Neque ulla quoad valorem aut nullitatem locum habet præscriptio, transactio, compromissum, juramentum, restitutio

stitutio in integrum. Unde accusatio etiam post longissimum tempus fieri potest, nisi conjuges jam essent mortui, & liberis moveatur quaestio status. Quo casu praescriptio locum habet, uti in aliis actionibus civilibus, vel criminalibus. V. Contra contumaciter absentem agi potest ad declarandam matrimonii nullitatem, & si testes & probationes suppetant, usque ad definitivam sententiam c. 1. h. t.; non tamen ad decernendum divortium ex causa adulterii. c. 1. ut lite non contestata.

§. 191. Ut intelligatur, quis accusare matrimonium, aut contra illud testari possit, distinctio fieri debet inter impedimenta, ob quæ accusatur, vel nullitatis arguitur matrimonium. Sunt enim I. quædam velut juris privati, quæ nolentes conjuges non afficiunt, neque invitos separant; ut si matrimonium impugnatur ex capite doli, metus, erroris; ac tum lædens in foro externo non auditur; læsus cessante errore vel metu novum consensum ponere potest, ac posuisse præsumitur, si cessante errore vel metu sponte cohabitaret. c. 4. h. t. c. 2. de conj. serv. Ob eandem causam matrimonium accusare ob impotentiam nemo potest, nisi ipsi conjuges. Etsi enim ea subsit, possunt, si velint, cohabitare instar fratris & sororis. c. 4. & 5. de frigid. & malef. can. *requisisti*. 2. XXXIII. q. 1. II. Sunt alia impedimenta, quæ absolutam nullitatem & separationem inducunt. In his regulariter ad accusandum omnes admittuntur, qui conscii sunt impedimenti, idque probare, aut sufficientia indicia ad inquirendum dare possunt. Suspecti censentur, qui diu ante tacuerunt, conjugibus quiete & sine quaestione cohabitantibus: c. 1. h. t. Repelluntur, qui ad accusandum, vel desistendum ab accusatione pecuniam acceperunt. c. 5. Qui im-

pedi-

pedimentum sciverunt ante nuptias, & tamen non denuntiarunt. Accusatio autem esse debet personalis. Solæ enim literæ præsumptionem quidem faciunt; non tamen sufficiunt ad ferendam sententiam, nisi alia accedant adminicula. c. 2. h. t.

§. 192. Testes pro vel contra matrimonium jam contractum esse possunt omnes, qui possunt accusare; si alias sint testes idonei secundum generalia principia de testibus & attestat. (b). Præ aliis ad denuntiandum & accusandum matrimonium admittuntur illi, qui majorem ejus notitiam habere præsumuntur, ceu parentes, consanguinei, affines, si de consanguinitate vel affinitate agitur. c. 3. Pro matrimonio autem suspectum est testimonium eorum, quorum præcipue interest, illud contrahi, & valere. c. 22. de testib.

(b) *Can. de parentela. 5. & seq. XXXV. q. 6. exhibetur formula juramenti, qua accusatores & testes uti deberent. Personis illustribus & nonnullis aliis hodie permittitur, ut testimonium in scriptis ferant.*

TITULUS XIX.

DE DIVORTIIS.

ARGUMENTUM.

I. *Notio Repudii, Divortii, Dissolutionis sponsalium & matrimonii secundum jus utrumque. §. 193. II. Dissolutio sponsalium. §. 205. III. Dissolutio matrimonii cum impedimento contracti. §. 199. IV. Divortium soluto vinculo. §. 201. V. Divortium manente vinculo, perpetuum & temporale. §. 202. VI. Indissolubilitas matrimonii consummati inter fideles. §. 207.*

§. 193.

§. 193. *Jure Romano divortium inter virum & uxorem fieri dicitur: Repudium vero sponsæ remitti videtur: quod & in uxoris personam non absurde cadit. l. 101. D. de V. S. Non recte autem sponsa divortisse dicitur: quod divortium ex eo dictum est, quod in diversas partes eunt, qui discedunt. l. 191. ib. Inter conjuges ergo secundum leges Romanas & divortium habebat locum, & repudium: inter sponfos solum repudium. Repudium sola voluntatis causa fiebat ab alterutra parte: Divortium etiam invitis poterat obtingere e. g. ex captivitate conjugis alterius. Erat etiam apud Romanos in usu judicium de moribus conjugis, de quo inscribitur Rubrica Codicis de repudiis, & judicio de moribus sublato. Ac si in eo judicio pronuntiatum fuerat, mulierem moribus suis causam divortio præbuisse, maritus sextam dotis partem lucrabatur, aut octavam, si mores fuissent leviores. Sed hoc judicium postea sublatum est. Verum in hac re nec leges Ethnicorum pro norma haberi possunt, nec Imperatorum Christianorum, iis tum temporibus latæ, quæ valde instabiles fuerunt, cum inveteratæ divortiorum & repudiorum consuetudini mederi per constitutiones suas etsi vellent, nec semper potuerunt, nec cum poterant, voluerunt. A multis jam ætatibus circa divortia solum spectatur, observaturque Jus canonicum.*

§. 194. *Jure canonico divortium ad quamvis conjugum separationem refertur. Proprie autem dicitur fieri dissolutio tum sponsalium de futuro iusta ex causa, tum matrimonii cum impedimento dirimente contracti, quo vinculum nullum inter contrahentes coaluit. Divortium autem proprie refertur*
tum

tum ad vinculi conjugalis solutionem, tum, eo manente vinculo, ad separationem conjugum a toro & mensa, eamque perpetuam, vel temporalem. De his jam receptæ juris decisiones ordine quodam recensendæ sunt, rejecta in finem quæstione de insolubilitate matrimonii consummati inter fideles quoad vinculum conjugale, nisi istuc solvatur per mortem naturalem conjugis.

§. 195. Dissolutio sponsalium de futuro per se est odiosa; nam & gravem obligationem justitiæ §. 14. & conjunctionem animorum continent, ob quam juste introductum fuit impedimentum publicæ honestatis. Hinc c. 2. de spons. generatim deciditur: *Hi, qui de matrimonio contrahendo pure & sine omni conditione fidem dederunt, commonendi sunt, & modis omnibus inducendi, ut præstitam fidem observent. Si autem ad invicem admittere noluerint, ne forte deterius inde contingat, ut talem scilicet ducat, quam odio habet: videtur, quod ad instar eorum, qui societatem interpositione fidei contrahunt, & postea eandem sibi remittunt, hoc possit in patientia tolerari.* C. 16. de spons. deciditur de eo, qui post jurata sponsalia religionem vult ingredi: *Tutius est ei, religione juramenti servata, prius contrahere, & postea si elegerit, ad religionem migrare (a).* In dissolutione sponsalium, quæ sit altera parte invita, auctoritas Judicis ecclesiastici intercedere debet, nisi causa sit publica.

(a) *Expertissimus Gobatus p. 2. Alphab. matr. n. 248. ait: Tractavi cum permultis desponsatis. Non memini ullius, qui non significaverit, timeri a se culpam, si absque causa rationabili recederet etiam cum consensu consortis.*

§. 196. Justæ dissolvendorum sponsalium causæ partim *communes* sunt omnium contractuum, ceu mutuus dissensus, lapsus temporis, conditio non impleta &c. partim *proprie* sponsalium. Atque hæ ipsæ maxime fundantur in generali discrimine actus *promissorii* & *executivi*. Priori enim, non posteriori inest conditio: *rebus sic stantibus, si potero*, morali nempe sensu. Fit etiam aliquando, ut actus sponsalitus sit *claudicans* vel principio, seu ut ajunt, *in fieri*, uti si impubes sponsalia contrahat cum pubere c. 9. & 11. de desp. impub. aut *postea* vel *in conservari*, emergente facto, ob quod alteri tantum parti jus resiliendi competit. Si jurata fuerint sponsalia, & adest justa causa dissolvendi, seu communis seu propria, non requiritur specialis absolutio vel dispensatio in juramento; quod sequitur naturam contractus.

§. 197. Sponsalia dissolvi *possunt* natura sua, contra ac matrimonium. Solvuntur ergo ob *causas communes* aliis contractibus, qui natura sua solvi possunt; ceu I. *mutuo dissensu* c. 2. §. 195. quo pertinet regula 1. juris: *Omnia res per quascunque causas nascitur, per easdem dissolvitur*; modo dissensus non obtineatur vi aut dolo. II. *Lapsu temporis* pro finienda obligatione definiti: c. 5. & 22. de spons. c. 6. de dolo. III. *Conditione non impleta*. Ad causas communes etiam pertinet rescissio judicis, dispensatio Superioris maxime ex causa publica.

§. 198. Causæ propriæ dissolvendi sponsalia sunt: I. *Mutatio notabilis* in corpore, animo, fortunis, quæ contingit ex parte unius, & matrimonium redderet multo molestius. II. *Factum* partis unius, quo ipsa impedimentum ponit matrimonio promisso,
Zallinger L. IV. Decretal. M aut

aut animum juri suo renuntiandi manifestat. Uti si quis post sponsalia edit votum religionis, Ordinum, cœlibatus, aut novitiatum ingreditur: si faciat alia sponsalia: si contrahat affinitatem cum sponsa: si discedit in terras remotas. c. 5. de sponsal. si incidat in hæresin. Univerſe omnis causa, quæ post matrimonium contractum sufficit ad divortium perpetuum vel temporale, censenda est a potiori sufficere ad dissolvenda sponsalia. Tria sunt adnotanda: I. His casibus fere uni tantum parti præbetur justa causa resiliendi, permanente alterius obligatione. Unde contractus *claudicare* incipit. II. Si talis mutatio aut factum præceſſerit sponsalia, sed ab altera parte fuerit ignoratum, valet principium: *Paria sunt, ignoranter præcedere, ac supervenire.* arg. c. 4. de except. & c. fin. qui matrim. accusare. arg. l. 77. D. de contrah. emtione III. Ejusmodi causa superveniens, aut ignoranter præcedens sufficit ad solvenda sponsalia, etsi hæc fuerint jurata c. 25. de Jurej. conf. §. 196. fin. (b).

(b) *Disputant de fornicatione tum antecedente, tum superveniente sponsi unius, vel utriusque: quærunt etiam, utrum delicta mutua compensatione tollantur; id quod de divortio ex causa adulterii statuitur. Dum autem aliqui generatim decidunt, ex fornicatione tum antecedente, tum consequente soli sponſo causam resiliendi præberi, non item sponsæ, id probare non possum; cur enim ad imparia judicentur?*

§. 199. Dissolutio non tantum ad sponsalia, sed etiam ad matrimonium refertur tunc, quando illud ratione impedimenti dirimentis declaratur nullum, separatis conjugibus. Si de valore matrimonii jam contracti oritur dubium aut quæstio, videntum, I. quæ sint jura conjugum: II. quæ jura & partes judicis ecclesiastici. Si inito matrimonio uni
vel

vel utrique conjugum dubium supervenit de impedimento *ex causa levi & temeraria*, tunc & reddi & peti potest debitum conjugale: *si ex causa probabili & discreta*, peti non potest, sed petenti reddi debet: cui certo innotuit impedimentum, is nec petere potest, nec reddere: imo potius sententiam excommunicationis sustinere debet. c. 44. de sentent. excomm. Si impedimentum utrique certo innotuit, tenentur mox separationem a toro instituere *privatim*. Si deinde dispensationem nolint petere, nec in casu impotentiae cohabitare instar fratris & sororis, separationem *publice* facere non possunt sine auctoritate Judicis ecclesiastici; multo minus una pars alteram invitam expellere, & novum etiam conjugem superinducere potest, etsi manifestum dicat impedimentum. Eo nihilominus attentato alteram partem agentem de spolio cogitur recipere. c. 3. de divortiis.

§. 200. Judex Ecclesiasticus, qui est Episcopus in his causis (c), si impedimentum est manifestum & publicum, sua auctoritate, nemine denuntiante vel accusante, inquit, & illegitimas conjunctiones dirimit. cit. c. 3. in fin. h. t. Si autem causa nullitatis matrimonii ad Judicem defertur, maxime cavendum, ne nimis facile dissolvantur matrimonia; id quod in quibusdam curiis Episcopalibus contigisse, queritur Benedictus XIV. in constit. *Dei miseratione*. T. I. Bullar. n. 33. variis ex causis, quas distincte enumerat Pontifex. Egregie deinde providet: I. Ut in singulis diocesis eligatur aliquis, si fieri potest, Ecclesiasticus, qui sit defensor matrimoniorum, data Episcopo facultate eum removendi, & alium substituendi. II. Ut lis de nullitate matrimonii nunquam finire possit per unam instantiam, sed si in ea de nullitate contra matrimonii valorem pronuntiatum fuit,

necessario appellatio a defensore matrimonii interponi debeat, donec saltem duæ conformes sententiæ de nullitate habeantur. Si in prima instantia pro valore pronuntiatum est, defensor appellare non debet. III. Conjugibus interdiciuntur aliæ nuptiæ sub pœnis polygamix, donec lis in utraque instantia finita sit (d).

(c) *Supra §. 189. conf. Bened. XIV. constit. Inter multa. T. 2. Bull. N. 33. §. Tertium. Ubi ejusmodi causas non ab Abbate Cryptæ Ferratæ loci Ordinario, sed ab Episcopo Tusculano cognosci voluit.*

(d) *Exscripsi summa capita hujus constitutionis; quæ occurrente casu, omnino legenda est, ut recte procedatur in re gravissimi momenti. Ejusdem mentionem facit ipse Pontifex in const. Si datam. 47. T. 2. Bullar.*

§. 201. *Divortium*, uti denotat solutionem vinculi conjugalis, quod antea coaluerat (§. 194.), in *matrimonio consummato fidelium* fit morte I. Cor. VII. 39. eaque sola, non alia ex causa. Concil. Trid. Sess. XXIV. pr. de Sacr. matr. & can. 5. & 7. de qua re afferam nonnulla in fin. hujus tituli. In *matrimonio consummato infidelium* non sola morte, sed etiam conversione alterius conjugis ad fidem, fit solutio vinculi conjugalis in casu §. 50. n. IV. *Matrimonium ratum* solvitur 1. utroque casu, quo consummatum. 2. Inter fideles professione religiosa unius conjugis. Concil. Trid. l. c. can. 6. §. 105. Demum 3. dispensatione Pontificis, quæ non datur, nisi causa diligenter cognita (e). Si enim Pontifex dispensare potest in professione religiosa; quod haud ægre concedunt omnes nostra præsertim ætate: cur non possit solvere vinculum matrimonii rati, quod minus forte est vinculo professionis, & per hanc solvitur. Dicit ergo potest: Si vinco vincentem te; multo magis vinco te. arg. l. de accessionibus. 14. §. 3. D.

D. de diversis temporal. præscript. Dein professio religiosa vim solvendi matrimonium ratum neque natura sua, neque ex jure divino, sed Ecclesiæ constitutione habet, atque in primis ex auctoritate supremi Pastoris. Quodsi vero hic tantam vim, ut solvatur matrimonium ratum, conferre potest religiosæ professioni; cur non poterit ipse immediate auctoritate sua matrimonium ratum dissolvere?

(e) *Conf. cit. constit. Bened. XIV. Dei miseratione. §. 15. Tom. I. Num. 33. Ubi declaratur, quomodo & quo ritu matrimonium ratum a Sede Apostolica dissolvatur.*

§. 202. Divortium, uti denotat separationem conjugum, manente vinculo est perpetuum, vel temporale. *Perpetuum* fit I. mutuo conjugum consensu maxime ex causa status perfectioris, nempe clericalit, aut religiosi. §. 102. & 106. (f). II. Ob adulterium partis unius, nisi exceptio obstet, de qua vid. §. seq. Adnota I. Jus divortii perpetui ex causa adulterii competit tam uxori innocenti adversus maritum adulterum; quam marito innocenti adversus uxorem adulteram (g). II. Fieri ab innocente potest divortium etiam altera parte invita, & reconciliationem petente; imo SS. Canones id præscribunt, nisi pars adultera pœnitentiam agat. can. 4. & 6. XXXII. q. 1. Sed post pœnitentiam recipi eandem volunt. can. 7. ib. Si tamen vir adulteram recipere nolit, ea dicitur in claustrum collocanda, ut perpetuam pœnitentiam ibi agat. c. 19. de convers. conjug. III. Ipsa pars rea, si toleretur, divertere non potest; & post divortium semper parata esse debet ad redeundum, si repetitur. Hinc innocens potest religionem ingredi, non autem pars rea sine consensu alterius. IV. Si innocens publice velit divertere, aut nocentem domo expellere, necesse est, ut adulterium

fit publicum, aut coram iudice ecclesiastico satis probatum. c. 9. de sponsal. c. 4. h. t. De lucro dotis, aut donationis propter nuptias, quod facit pars innocens, agitur tit. seq. V. Quia autem delicta carnis sunt difficilis probationis; hinc ad divortium sufficiet etiam adulterium gravibus & violentis indiciis præsumtum; qualia recensentur c. 12. de præsumt. c. 27. de testib. can. *Nec aliqua.* 4. XXVII. q. 1. In jure civili l. 8. §. 2. 3. C. de repudiis.

(f) *Tale divortium fit animo nunquam redintegrandi conjunctionem, animique deliberationem poscit. Unde l. 3. D. de divortiis animadvertitur: Quidquid in calore iracundiæ vel fit, vel dicitur, non prius ratum est, quam si perseverantia apparuit, iudicium animi fuisse.*

(g) *Secundum leges civiles conjugatus cognoscens solutam iudicio adulterii non tenetur. l. 6. §. 1. D. de adult. Et l. 2. C. eod. Aliud statutum est jure canonico, ac civiles leges improbatæ sunt, ab antiquissimis Patribus, ab Ambrosio can. Nemo. 4. XXXII. q. 4. ab Hieronymo can. Apud nos. 20. ead. q. 5. Et can. Præcepit. 19. ibid. Ab Innocentio P. I. can. fin. XXXII. q. 5. Admitti igitur nec potest, quod Besoldus p. 2. consil. 55. n. 50. scripserat, per subsequens matrimonium legitimari liberos ex conjugato Et soluta natos; quia conjunctio mariti cum soluta secundum leges civiles adulterium non est. Nam Et de legitimo liberorum statu, Et de ratione adulterii non civiles leges, sed Ecclesiæ Canones normam judicandi præbent.*

§. 203. Expectiones a jure divortii ex causa adulterii sunt cessatio vel diminutio culpæ ex parte nocentis, aut factum quoddam innocentis. I. Si mulier vi oppressa fuit. can. *ita*, ne. 3. XXXII. q. 5. & alii canones ibid. Vis autem distingui debet a metu gravi c. 5. de his, quæ vi. II. Si vir deceptus aliam mulierem habuerit pro uxore sua. can. in le-
tum.

Num. 6. XXXIV. q. 1. & ibi Glossa. Idem est, si uxor probabiliter credens virum mortuum alteri nupsit. III. Ex facto innocentis jus divortii cessat, si ea parti nocenti culpam remiserit tacite vel expresse, cum delictum sciverit. can. *Siquis uxorem.* 4. XXXII. q. 1. (h). IV. Si pars innocens fuit causa vel auctor adulterii. c. 6. de eo, qui cognovit. V. Si pars innocens æque dein fiat nocens. Paria enim crimina mutua compensatione tolluntur. c. 4. h. t. in fin. c. 6. & 7. de adulteriis. Imo si mulier ob adulterium separata jam est a viro, & hic postea in idem labatur flagitium, matrimonium redintegrat. c. 5. h. t.

(h) *Rectius id infertur ex principiis generalibus de remissione injuriæ, & auctoritate Doctorum. Conf. Schmalzgruber v. 108. h. t.*

§. 204. De Divortio temporali generatim deciditur per Canones: I. Illud auctoritate ecclesiastica decerni juxta de causa potest. Concil. Trid. Sess. XXIV. de Sacr. matr. can. 8. ibi: *Siquis dixerit, Ecclesiam errare, cum ob multas causas separationem inter conjuges, quoad torum, seu quoad habitationem, ad certum, incertumve tempus fieri posse, decernit: anathema sit.* Æquitas hujus decisionis mox patebit ex enumeratione causarum. II. Divortium etiam temporale non quovis de crimine aut molestia cohabitationis decerni debet. c. 2. h. t. can. *Præceptum.* 21. seq. XXXII. q. 5. Id manifestum est ex natura societatis conjugalis, inter homines, nempe fragiles initæ. Hinc S. Hieronymus in Matth. XIX. sic ait: *Grave pondus uxorū est, si excepta causa fornicationis eas dimittere non licet. Quid enim si temulenta fuerit, si iracunda, si malis moribus, si luxuriosa, si vaga, si jurgatrix, si maledica:*

ledica: tenenda erit istiusmodi? Volumus, nolumus, sustinenda est. Cum enim essemus liberi, voluntarie nos subjecimus servituti. Conf. c. 1. de conjug. leproforum.

§. 205. Justæ causæ divortii temporalis sunt:
 I. Lapsus in hæresin vel idololatriam. c. 6. 7. h. t.
 II. Periculum animæ, & salutis æternæ, aut fidei. c. 2. h. t. can. *Idololatria*. 5. XXVIII. q. 1. ubi S. Augustinus cum docuisset, idololatriam, quamlibet noxiam superstitionem, & avaritiam instar fornicationis esse, subjungit: *Ex quo intelligitur, quod propter illicitas concupiscentias non tantum, quæ in stupris cum alienis viris aut feminis committuntur, sed omnino quaslibet, quæ animam corpore male utentem a lege Dei aberrare faciunt, & perniciose turpiterque corrumpunt, possit sine crimine & vir uxorem dimittere, & uxor virum: quia exceptam facit Dominus causam fornicationis; quam fornicationem, sicut supra commemoratum est, generalem & universalem intelligere cogimur.*

§. 206. III. Periculum vitæ & corporis ex morbo contagioso, aut insidiis partis alterius; quo referri potest sævitia & furor præsertim mariti. can. *Siqua mulier*. 6. XXXI. q. 1. addito c. 1. h. t. c. 8. & 13. de restit. spoliat. Si maritus caveat de non vexanda uxore; neque sit tanta ejus sævities, ut satis caveri non posse videatur, præstita cautione divortium non conceditur.

§. 207. Expōsitis decisionibus juris huc pertinentibus attingenda est quæstio de insolubilitate matrimonii consummati inter fideles: quæ etsi Theologorum propria sit; tamen sæpe occurrit in collectionibus

nibus Canonum, & ipsis decidendis causis. Adversarii etiam doctrinæ & praxeos catholicæ, sæpe male abutuntur in hac re jure nostro. Ipsa dein controversiæ expositio revocandis in memoriam principiis & fontibus Canonicis perquam idonea est; per omnes enim Jurisprudentiæ locos vagantur adversarii, patrocini erroris frustra inquirentes. Ut autem hæc quaestio illustretur, facti species videtur ponenda ob oculos.

§. 208. Georgius d'Ascoli, græcus & catholicus, matrimonium contraxit cum muliere Lutherana coram duobus testibus, & Prædicante Lutherano in civitate *di Viburgo*, quæ est sita in Finnonia, quæ olim regnum fuit, & nunc est pars regni Suecici. Cumque Georgius militem agens captivus factus fuerit ab hostibus, & post reditum a captivitate tres filios se absente a sua uxore progenitos invenérít, eam in judicium vocavit; cumque ipsa triplicatum confessa fuerit adulterium, prolata est in Synodo sententia super dissolutione matrimonii quoad vinculum, & libertatem Georgii ad alias nuptias transeundi, juxta Græcorum praxin, & sic intellectam a Græcis S. Basilii doctrinam, in qua potissimum Synodus suæ sententiæ reposuit fundamentum. Cumque in prædictæ sententiæ executionem Georgius velit matrimonium contrahere cum alia femina, cui dicitur suam fidem dedisse; & P. Apollinaris Capucinus Missionarius in Moscovia, & degens in civitate Petersburgo inducias a Georgio obtinuerit, ut Sanctæ Sedis judicium exquireret, re delata ad S. Congregationem de propaganda fit, & facta ejus remissione ad S. Congregationem Concilii; quaeritur in præsentí, quid sit statuendum (i).

(i) *Hæc causa propofita fuit S. Congregationi Concilii die 15. Jan. 1724 ac continetur in Thefauro Refolutionum ejus Congregationis Tom. III. pag. 6.*

§. 209. Decifum fuit ab eadem Congregatione eodem die: *Scribatur, Oratorem non poffe aliud matrimonium contrahere.* De Valore matrimonii inter Græcum Catholicum & mulierem Lutheranam animadvertente I. illud fuiſſe illicitum, at certo validum. §. 51. II. Nec valori obſtabat, quod clandestinum fuerit; quippe contractum coram duobus teſtibus & Prædicante Lutheranis; qui utique pro Parocho proprio a Sancta Eccleſia haberi nequit. At conſtabat ex Epiftoſa Miſſionarii, Decretum Tridentinum de clandestinis matrimoniis eo in loco non fuiſſe promulgatum; & ſolum in civitate Petersburgo, quæ centum diſtat miliariis a prædicto loco, ſacerdotes adfuiſſe catholicos; quorum unus advocari poterat, ut matrimonium coram ipſo contraheretur.

§. 210. Matrimonium hoc validum nec per adulterium mulieris, nec per ſententiam Synodi ſolutum fuit. Atque hæc jam eſt præcipua hujus loci quæſtio, decidenda in primis auctoritate divina & divinitus inſtituta, nempe eccleſiaſtica. S. Concilium Trid. Seſſ. XXIV. De Sacr. Matrim. can. 5. ſic definit: *Siquis dixerit, propter hæreſim, aut moleſtam cohabitationem, aut affectatam abſentiam a conjuge, diſſolvi poſſe matrimonii vinculum: anathema ſit.* Can. 7. *Siquis dixerit, Eccleſiam errare, cum docuit, & docet, juxta Evangelicam & Apoſtolicam doctrinam, propter adulterium alterius conjugum matrimonii vinculum non poſſe diſſolvi; & utrumque, vel etiam innocentem, qui cauſam adulterio non dedit, non poſſe, altero conjuge vivente aliud matrimonium contrahere; mæcharique eum, qui dimiſſa adultera,*
aliam

aliam duxerit, & eam, quæ dimisso adultero, alii nupserit: anathema sit. Ante Concilium Trid. Eugenius IV. Decreto pro Armenis sic docuerat: *Quamvis autem ex causa fornicationis liceat tori separationem facere; non tamen aliud matrimonium contrahere fas est; cum matrimonii vinculum legitime contracti perpetuum sit.*

§. 211. Concilium definitionis fundamentum ponit 1. in Evangelica & Apostolica doctrina: 2. in Traditione; cum dicat, Ecclesiam ex ea doctrina sic docuisse, & docere. Verba Evangelii aperta sunt Marci X. 10. *Et in domo iterum discipuli ejus de eodem (de libello repudii, & matrimonio, de quo Christus antea publice docuisset: Quod Deus conjunxit, homo non separet) interrogaverunt eum. Et ait illis: Quicumque dimiserit uxorem suam, & aliam duxerit, adulterium committit super eam: & si uxor dimiserit virum suum, & alii nupserit, mæchatur.* Æque perspicua, & generalia sunt verba Christi. Luc. XVI. 18. *Omnis, qui dimittit uxorem suam, & alteram ducit, mæchatur: & qui dimissam a viro ducit, mæchatur.* Apostolica doctrina extat I. Cor. VII. 10. 11. *Iis, qui matrimonio juncti sunt, præcipio: non ego, sed Dominus, uxorem a viro suo non discedere; quod si discesserit, manere innuptam, aut viro suo reconciliari. Et vir uxorem non dimittat.*

§. 212. Ex hac Evangelicæ & Apostolicæ doctrinæ luce illustrari deberet, si quis est alius obscurior hac de re Scripturarum locus. Est enim hæc certa interpretandi regula, ut, si quæ obscura videntur, ea clarioribus, si suppetunt, explicentur sententiis, non ut interpretatione obscuriorum ad privatas detorta opiniones, obscurentur ea, quæ clara sunt. Id faciunt

ciunt adversarii, cum verba Christi Matth. XIX. 9. tractant: *Dico autem vobis, quia quicumque dimiserit uxorem suam, nisi ob fornicationem, & aliam duxerit, mæchatur: & qui dimissam duxerit, mæchatur.* Locum hunc reddunt ambiguum interposita verba: *Nisi ob fornicationem*; quæri enim potest, utrum ea tantum referenda sint ad licentiam dimittendi adulteram, an etiam ad licentiam ducendi aliam. Difficultatem sensit S. Augustinus (k); senserunt Patres celeberrimi Concilii Forojulienensis a Paulino Aquilejensi congregati an. 791. (l).

(k) *L. de fide & Oper. c. 19. ibi*: Et in ipsis divinis sententiis ita obscurum est, utrum & iste, cui quidem sine dubio adulteram licet dimittere, adulter tamen habeatur, si alteram duxerit; ut, quantum existimo, venialiter ibi quisque fallatur.

(l) *Concil. edit. Mansi Tom. XIII, col. 829. ibi can. X. (col 849.)*: Sed quoniam in medio ambiguus interponitur sermo, id est, *nisi ob fornicationem*, quæri nimirum potest, utrum ad solam licentiam dimittendi uxorem: *Qui dimiserit uxorem, nisi ob fornicationem*; an etiam ad utrumque dictum refertur, hoc est, ad aliam vivente illo accipiendam, quasi dixerit: *Qui dimiserit uxorem suam, & aliam, nisi ob fornicationem, duxerit, mæchatur.*

§. 213. Sed verba interjecta: *Nisi ob fornicationem*, referenda sunt, ad solam licentiam dimittendi uxorem, non autem ad licentiam, ea vivente, ducendi aliam. Prob. 1. ex ipsa verborum positione; nam exceptio: *Nisi ob fornicationem*, adjecta est soli prohibitioni dimittendi uxorem; verba autem: *Qui dimissam duxerit, mæchatur*, sunt generalia, & nullam habent exceptionem, vel limitationem. 2. Idem manifestum est ex verbis SS. Marci, Lucæ, & Pauli. §. 211. 3. Sic interpretatur locum Matthæi, & sic definit Ecclesia §. 210. secundum Evangelicam & Aposto-

Apostolicam doctrinam : sic eadem & docuit & docet. 4. S. Augustinus etsi locum dicat obscurum, tamen illum *falli* asserit, qui, dimissa uxore, aliam duci posse opinatur. *Venialiter* eum falli ait, nempe dubio nondum deciso per Ecclesiæ auctoritatem, apertamque definitionem; qua jam proposita veniam erranti certe non concederet S. Doctor. 5. Patres Concilii Forojulienensis exposito eo dubio sic ajunt : *Et idcirco peritissimi viri beati Hieronymi libellum commentariorum recenseri nobis studiose mandavimus, anxie utique cognoscere festinantes, qualiter idem famosissimus Doctor hæc sacrata Dominica verba, juxta capacioris ingenii sui subtilitatem, sensisse monstraretur. Cujus nimirum sensum sagaciter explorantes, in promptu nihilominus patuit, ad solam dimittendi uxorem licentiam pertinere. Nam cum more suo vir sanctus hujus capituli summatim seriem exponendam transcurreret, inter cetera & post pauca sic ait: Et quis poterat (inquit) accidere, ut aliquis calumniam facere innocenti, & ob secundam copulam nuptiarum veteri crimen impingeret, sic priorem dimittere jubetur uxorem, ut secundam, prima vivente, non habeat. Non enim debet imitari malum adulteræ uxoris, ut si illa duo, imo unam carnem, per scissuras fornicationum divisit in tres, dividat in quatuor (m). Unde patenter datur intelligi: quamdiu vivit adultera, non licet viro, nec potest impune, secundas contrahere nuptias.*

(m) *Vis hujus sententiæ est hæc: Si injuste agit uxor, quando ex duobus, nempe ex se & viro, qui sunt una caro, per adulterium cum alio viro, facit quasi partes aut scissuras tres; æque injuste aget maritus, si dimissa prima uxore postea per matrimonium cum alia faciat partes seu scissuras quatuor. Ceterum hæc expositio S. Hieronymi ex Commentario in Matth. XIX. exhibetur a Gratiano in can. dixit. 2. XXXII. q. 1.*

§. 214. Traditionem ex sententiis venerabilium Patrum & Synodorum particularium collectam passim exhibent Theologi, & qui de hac controversia ex instituto agunt Interpretes Juris sacri. Unde in Resolutione causæ §. 108. propositæ dicitur: „Quoad ma-
 „trimonii dissolutionem quoad vinculum ratione ad-
 „ulterii ab uxore commissi, tres tantum ex Theolo-
 „gis enumerantur, qui dictam dissolutionem appro-
 „barunt, Erasmus videlicet art. 6. C. 1. ad Corinth.
 „Cajetanus in Commentar. ad cap. 19. Matth. & Am-
 „brosius Catharinus lib. Adnotat. in Cajetani Com-
 „mentaria (n). Ceteri autem omnes sentiunt, ma-
 „trimonium quoad vinculum non dissolvi propter ad-
 „ulterium, & neutri conjugii licere, altero superstite,
 „ad alias nuptias transire, uti Conciliorum & Patrum
 „auctoritatibus fuscæ cumulatis, late prosequuntur
 „Cardinalis Bellarminus in suis controversiis lib. 1.
 „de Matr. c. 15. & duob. seq. Valent. lib. unico de
 „indissolubilitate matrimonii c. 3. & duplici seq. San-
 „chez de matr. l. 10. disp. 2. per totam. Pontius eod.
 „Tract. de Matr. l. 9. c. 16. Perez de Matr. disp.
 „35. sect. 3. per totam. Novissime Juvenin. in suo
 „tractatu de Sacram. dissert. 10. quæst. 4. §. 2. (o). “

(n) Hos quidem aptius non excusabis, quam si dicas, eos solemnem definitionem Concilii Tridentini non percepisse, ac ne vivendo quidem attigisse. Nam Sessio XXIV. qua illa definitio prolata est, habita fuit die 11. Nov. 1563. At Erasmus obiit an. 1536. Cajetanus an. 1534. Ambrosius Catharinus, qui ipse interfuit antea Concilio, an. 1553. Erasmus quidem, ut inquirunt critici, damnatus est in plerisque, suspectus in multis, caute legendus in omnibus. Ejusdem de matrimonio quatuor propositiones an. 1527. a facultate Parisiensi hac perstringuntur censura: Hæ quatuor propositiones, quatenus per eas prætendi videtur, matrimonium per adulterium dissolvi quoad vincula, hæreticæ sunt: est enim vinculum matrimonii jure divino indissolubile, ut ad Corinthios scribens Apostolus demonstrat, cum inquit:

inquit : *Iis autem, qui matrimonio juncti sunt, præcipio : non ego, sed Dominus, uxorem a viro non discedere : quodsi discesserit, manere innuptam, aut viro suo reconciliari; & rursus : Mulier alligata est legi, quanto tempore vir ejus vivit; & eadem omnino est ratio de viro, sicut de muliere; quia in ejusdem B. Pauli sententia, sicut mulier sui corporis potestatem non habet, sed vir; ita vir sui corporis potestatem non habet, sed mulier. Tanta præterea indissolubilitas est matrimonii, ut nec per hæresim, quæ est fornicatio spiritualis, dissolvatur. Continuat. Fleurii l. 131. §. 74.*

- (o) *Erudite solerterque auctoritates contrarias, totamque controversiam examinavit Scriptor cogitationum suarum de indissolubilitate matrimonii valide initi, consummatione edito Germanico opusculo Icti nomine an. 1789.*

§. 215. Eandem de insolubilitate matrimonii doctrinam in praxin deduxere RR. Pontifices per Decretales suas. Ac Innocentii I. Decretalis data an. 405. ad Exsuperium Tolosanum, quam Dionysius Exiguus in Collectione Canonum inter constituta Sedis Apostolicæ exhibuit, n. 9. & 10. sic habet: *De His etiam requisivit dilectio tua, qui interveniente repudio alii se matrimonio copularunt. Quos in utraque parte adulteros esse manifestum est. Qui vero vel uxore vivente, quamvis dissociatum videatur esse conjugium, ad aliam copulam festinarunt, neque possunt adulteri non videri, in tantum, ut etiam hæ personæ, quibus tales conjunctiones sunt, etiam ipsæ adulterium commississe videantur, secundum illud, quod legimus in Evangelio: Qui dimiserit uxorem suam, & duxerit aliam, mœchatur. Similiter, & qui dimissam duxerit, mœchatur; & ideo omnes a fidelium communione abstinendos. Manifeste agitur hoc loco non tantum de quocunque repudio, sed etiam de divortio ex causa adulterii. Hinc ait: Etiam tales personæ, quæ alterum conjugem adulterii causa dimiserunt, si ad alias nuptias convo-*

convolant, sunt adulteræ. Eadem forma decidit Alexander III. c. 9. de spons. Clemens III. c. 4. de eo, qui duxit. Innocentius III. c. 8. h. t. Similiter decidit de infidelibus. Ibi : *Qui secundum ritum suum legitimam repudiavit uxorem, cum tale repudium veritas in Evangelio reprobauerit, nunquam ea vivente licite poterit aliam, etiam ad fidem Christi conversus, habere, nisi in casu expresso supra §. 201. & §. 50. n. IV. (p).*

(p) Gratiani nullam esse auctoritatem, nisi quæ ex fontibus derivatur, constat. Ipse autem methodo scholastica de proposita quæstione utramque in partem disputandi usus sæpe sibi contradicere videtur, uti in iis, quæ adnotat post Can. 16. XXXII. q. 7. & post Can. 18. ib. Can. 17. ead. Non ex Ambrosio, sed Ambrosiastro docet, mulierem ob adulterium dimissam manere debere innuptam, non item virum; quia viro licet ducere aliam. Sed post Can. 18. ibid. subdit: Illud Ambrosii a falsatoribus dicitur insertum; quod idem animadvertit Petrus Lombardus Lib. IV. Sent. dist. 35. Certe Ambrosius nullum inter virum & feminam discrimen agnoscit. Can. 4. XXXII. q. 4. sic ait: Nemo blandiatur sibi de legibus hominum. - - Nec viro licet, quod mulieri non licet.

§. 216. De Græcis, qui ob adulterium matrimonia aliquando dividunt, nota I. ex decisione S. Congregationis loc. cit. ubi sic habetur: In eo, quod attinet ad Græcos, Arcudius in suo tractatu de Concordia Ecclesiæ Orientalis & Occidentalis L. 7. per totum, petitis undique argumentis impugnat Græcorum praxim solvendi matrimonia quoad vinculum propter adulterium, & C. 13. fuse examinat oppositam S. Basilii auctoritatem, ut sensus ejus sit, verum haberi matrimonium viri ab uxore dimissi cum altera juxta præjudicatam hominum opinionem, sed rem aliter habere secundum sententiam Salvatoris nostri. Quocirca idem

idem Sanctus peccatum in dicto viro agnoscit, sed non ita grave *propter inolitam consuetudinem*. II. Eugenius Papa IV. in Synodo Florent. Sess. 25. sic Græcos allocutus est: Primo dico, *omnes conqueri de separatione matrimonii; idque correptione indiget*. Quid post pacificum Græcorum discessum statuerit in Decreto pro instructione Armenorum, dictum est supra §. 210. III. In Concilio Tridentino paratus erat canon edendus, in quo anathema proferebatur adversus asserentes, matrimonium solvi quoad vinculum ex causa adulterii; sed exponentibus Venetis Oratoribus, satis constare, in more positum apud Græcos, ut uxorem adulteram deserant, & aliam ducant: plures etiam ex eis degere in insulis Reipublicæ subjectis, Cretæ videlicet, Cypri, Corcyræ, Hyacinthi, Cephaleniæ; & Canonem prædictum, esse dictos Græcos provocaturum ad tumultum, & ad integram a Sede Apostolica secessionem; sic res accommodata fuit, ut anathema non respiceret contendentes, matrimonium dissolvi quoad vinculum, sed asserentes, Ecclesiam errare, cum docet, matrimonium quoad vinculum non solvi ex causa adulterii (q).

(q) *Conf. Pallavicin. Hist. Concil. Trid. l. 22. c. 4. n. 27. seq. Summi Pontifices diligentissimam semper dedere operam, ut Græcos a pravo usu avocarent, uti patet ex Instructione Clementis VIII. super ritibus Græcorum edita 31 Augusti 1595. Ex constit. Et si pastoralis. §. 8. Tom. I. Bull. Benedicti XIV. N. 57. Adde collectionem Scriptorum, quæ postremis temporibus super gravissimis argumentis pro defensione veritatis prodierunt Tom. XXIII. contra Neupauerum Professorem Græcensem. Ceterum Evangelicæ Doctrinæ & Apostolicæ Traditioni, Ecclesiæque definitioni officere non potest pravus quorundam Græculorum usus, cui a quibusdam Episcopis indulgeri, jam Origenes questus est in Matth. Tom. 4. n. 23. Jam vero contra Scripturam mulieri, vivente viro, nubere quidam Ecclesiæ Rectores permiserunt, agentes contra id, quod scriptum est, Zallinger L. IV. Decretal. N in*

in quo sic habetur: *Mulier alligata est, quanto tempore vir ejus vivit. Et contra illud: Igitur vivente viro vocabitur adultera, si fuerit cum alio viro. Multo etiam minus ex hac quorundam Græcorum difformitate cum Launojo inferri potest, rem totam pertinere ad disciplinam. Concilia enim & Patres ad Evangelicam & Apostolicam doctrinam provocant. Paulus ait: Præcipio, non ego, sed Dominus. Facultas Parisiensis opinionem de solubilitate matrimonii ex causa adulterii hæreticam vocat. §. 214. in nota. Si Anathema Tridentini non cadit in Græcos, qui matrimonia ex causa adulterii quoad vinculum solvi posse opinantur: at certe cadit in Protestantes, qui Ecclesiam contrarium docentem erroris arguunt.*

§. 217. Novatores nostræ ætatis, ut matrimonii vincula pro lubricitate ac concupiscentia carnis dirumpant, ad Jus Philosophicum, seu potius opinionum suarum deliramenta pro more recurrunt. *Secundum jus naturæ privatum*, inquiunt, omnes contractus ex conventionem accipiunt legem. Conveniri ergo potest, ut pro certo eventu matrimonii contractus resolvatur. *Secundum jus naturæ sociale* societas mutuo consensu coalescit: ergo etiam mutuo dissensu cessat. Imo societas conjugalis, quæ pro liberis procreandis, tanquam primario fine, iniri solet, detecta sterilitate, aut fracta fide, animisque ob adulterium divisus per se cessat. Demum secundum *jus naturæ publicum* Principis est, leges præscribere contractibus, societates initas dirimere, aut læsos restituere in integrum. Recensent etiam varias causas divortii per leges civiles approbatas soluto vinculo matrimonii, datoque jure transeundi ad alias nuptias R. I. Secundum hæc principia nihil jam differet matrimonium a concubinato, imo a vaga scortatione; quia totum pender a voluntate contrahentium; sicque iniri poterit matrimonium diurnum, menstruum, annuum; quia ipsa etiam educatio prolis a parentibus

bus poterit aliis committi. Societas conjugalī non ab hominibus inventa, sed a natura, seu potius ab Auctore naturæ instituta est, certisque informata honestatis legibus. De hac societate, non de alia quavis dici debet: *Quod Deus conjunxit, homo non separet.* Quantopere perpetuitas status conjugalī rationi conveniat, vel ex eo patet, quod apud ipsos Romanos per annos fere sexcentos nullum repudiū exemplum extiterit; uti Tertullianus in Apologetico c. 6. testatur. De Legibus civilibus respondeo cum S. Hieronymo in Epist. ad Oceanum, de morte Fabiolæ: *Aliæ sunt leges Cæsarum, aliæ Christi. Aliud Papinianus, aliud Paulus noster præcipit* (r).

(r) *Cohs. dicta in Jure nat. Sociali §. 174. p. 356.*

TITULUS XX.

DE DONATIONIBUS INTER VIRUM ET
UXOREM, ET DE DOTE POST
DIVORTIUM RESTITUENDA.

ARGUMENTUM.

- I. *Diversitas bonorum inter sponſos & conjuges.* §. 218.
- II. *Donationes inter virum & uxorem.* §. 224.
- III. *Jura & privilegia dotis & donationis propter nuptias.* §. 225.
- IV. *Controversia de hypotheca privilegiata dotis illustratur ex jure canonico.* §. 228.
- V. *Amiſſio dotis propter adulterium.* §. 230.
- VI. *Auſtoritas Eccleſiæ in protegendis viduis, earumque dotibus.* §. 231.

§. 218. **N**oscendæ sunt variz appellationes bonorum inter sponſos, & conjuges. I. *Arrha ſponſalitia* mutuo datur inter sponſos in probationem & ſecuritatem futuri matrimonii,

quod sibi promiserunt (a). Hæc secuto matrimonio redit ad dantem more pignoris, seclusa contraria consuetudine: amittitur a dante, vel in duplum restituitur ab accipiente, si absque legitima causa resilierit. l. 3. & 5. C. de sponsal. Ex conventionem fieri potest, ut quadruplum restitui debeat, cui tamen inest simplum e. g. ut 200 restituat, qui accepit 50. cit. l. 3. & 5.

(a) Est hæc arrha, cautio liberæ voluntatis, non necessitatis, ac sine piaculo istiusmodi solemnitates omitti possunt, contra ac Græci opinabantur. Can. Nostrates. 3. §. 1. XXX. q. 5.

§. 219. II. *Sponsalitia largitas* est donatio inter sponso in signum amoris, non in pignus matrimonii. Hæc manet accipienti irrevocabiliter secuto matrimonio: eo non secuto redit ad dantem, nisi ex hujus culpa matrimonium non sequatur. l. 15. C. de donat. ante nuptias.

§. 220. III. *Donationes, sponso matrimonium contrahentibus factæ* ab aliis, præsertim consanguineis, censentur fieri communes utrique sponso; earumque pars dimidia accensetur postea paraphernis uxoris.

§. 221. IV. *Bona uxoris speciatim distinguuntur* in *Dotalia*, *Paraphernalia* & *Receptitia*. *Dotalia* sunt, quæ ab uxore, vel alio ejus nomine, dantur ad ferenda matrimonii onera. l. 7. pr. l. 56. §. 1. l. 76. in fin. D. de jure dotium. Bona, quæ extra dotem habet uxor, vocantur *Paraphernalia*, si ea marito administranda cum usufructu in familiæ utilitatem tradidit: *Receptitia*, si eorum administrationem & usumfructum sibi reservavit. l. 8. & l. fin. C. de pactis conventis.

§. 222.

§. 222. Ex parte viri spectatur 1. *Donatio propter nuptias*, seu contrados, nempe id, quod maritus vel alius ejus nomine promittit vel constituit uxori tanquam in securitatem dotis. De jure communi id debet exæquare dotem. Auth. *æqualitas*. C. de pactis conv. 2. *Morgengaba* est id, quod maritus altero nuptiarum die uxori dat propter creditam sibi pudicitiam. De hoc genere sæpe convenitur pacto ante matrimonium inito. 3. *Dotalitium* est usufructus, quem maritus in eventum mortis suæ constituit in bonis suis uxori in compensationem dotis, vel ad meliorem sustentationem (b).

(b) *Sæpe in his vocabula confunduntur, nec servatur proprietas verborum, quæ deberet servari c. 6. in fin. h. t. Sic c. 15. de foro competente confunditur dotalitium, & donatio propter nuptias.*

§. 223. *Bona communia* appellantur, quæ stante matrimonio utrique conjugi junctim obveniunt. Antiquis Germaniæ legibus introducta fuit communio omnium bonorum inter conjuges; quæ postea multis in locis abrogata est ex principiis juris Romani, alicubi retenta. *Acquæstus* sunt lucra, constante matrimonio acquisita unius vel utriusque conjugis opera & industria.

§. 224. Denique huc pertinent *Donationes inter conjuges* factæ constante matrimonio, de quibus inscribitur etiam Rubrica hujus tituli, & agitur tot. tit. D. & C. *de donat. inter virum & uxor.* Ubi generatim decernitur, eas firmitatem non habere, ac revocari posse expresse vel tacite, & morte donatarii, superstite donante, per se cessare. c. fin. h. t. Restrigitur hæc donationum irritatio ad eas, quæ fiunt ex donantis patrimonio l. 5. §. 13. D. *de donat. int. vir. & ux.* simulque donantem pauperiorem, ac-

N 3

cipien-

ipientem faciunt locupletiozem. *l. 5. §. 8. l. 32. §. 9. ibid.* Quæ fiunt extra ordinem & præter morem consuetum. *l. 31. §. 8. ib.* ac inter vivos. *l. 9. & 10. ib.* Exceptio fit de donationibus, quæ fiunt inter Imperatorem & Augustam. *l. 26. C. eod.* Inter alios factæ confirmantur morte donantis. *l. 3. C. eod.* ac probabiliter etiam juramento. arg. c. *28. de jurej. (c).*

(c) *Causa istarum legum indicatur Nov. 74. c. 4. ne concupiscentiæ magnitudine victi, latenter paulatim conjuges semetipsos privarent sua substantia, indeque ditatus ab altero exspoliato diverteret, quod sæpe eveniebat apud Romanos.*

§. 225. Circa conjugum bona, ac præsertim circa dotem & donationem propter nuptias, tum quando constituenda primum, tum quando alteri conjugi restituenda est, respici primo debet ad *pacta dotalia*, seu nuptialia, quæ in contrahendo matrimonio conjuges stipulari solent, ac omnino observanda sunt, nisi alterutri conjugi nimis nociva sint. c. fin. h. t. *Secundo* respiciendæ sunt consuetudines & statuta locorum. cit. c. fin. *Tertio* demum ad jus commune in subsidium recurritur.

§. 226. Dos *profecititia* dicitur, vel *adventitia*; *neccessaria*, aut *voluntaria*: *æstimata*, solius taxationis, aut etiam venditionis causa: aut *non æstimata*. Dominium *naturale* dotis, quamdiu in rerum natura existit, est penes uxorem: *civile* penes maritum cum omnibus juribus, actionibus, & usufructu. Regulariter ab uxore non repetitur stante matrimonio. Excipe *1.* si maritus sua culpa ad inopiam vergit. *l. 24. pr. soluto matr. (d).* *2.* Si bona mariti propter crimen fisco inferuntur. *l. 31. pr. ib. c. 14. de Hæret. in 6.* Demum *3.* si matrimonium solvitur quoad vinculum; aut quoad torum & cohabitationem tantum absque uxoris culpa & delicto. c.

1. 2. & fin. h. t. ibi: *Soluto matrimonio, sicut dos ad mulierem, sic & donatio propter nuptias redit ad virum; nisi pacta dotalia iusta, aut consuetudines obstant.* ib. aut delictum adulterii, de quo infra (e).

(d) *Aliud est, si inopia viri præcedat promissionem aut constitutionem dotis; tunc enim vir de restituenda dote cavet, quantum potest; aliterve providetur securitati dotis.* c. 7. h. t.

(e) *Instar principii sumitur in utroque jure: Sine matrimonio nec dos, nec donatio propter nuptias intelligitur.* c. 5. h. t.

§. 227. Privilegia circa restituendam dotem hæc sunt. I. Marito & liberis competit privilegium competentiae, ob quod non tenentur in plus, quam ut congrua sustentatio ipsis reservetur, etiam non obstante pacto contrario, saltem regulariter. l. 12. & 14. D. soluto matr. II. Uxor in rebus dotalibus vindicandis, si extant, omnem habet prærogativam. l. 30. C. de jure dotium. Si autem non amplius extant, privilegiatam hypothecam habet in omnibus bonis mariti l. 12. C. qui potiores in pign. (f). III. In bonis paraphernalibus & receptitiis uxor hypotheca tacita, non tamen singulari privilegio prælationis gaudet. l. ult. C. de pactis conventis. IV. Hypotheca tacita etiam datur ob donationem propter nuptias, a die nuptiarum. l. 29. C. de jure dotium.

(f) *Privilegium hypothecæ uxore mortua omnibus ejus heredibus competit, non item singulare privilegium prælationis.*

§. 228. De privilegiata hypotheca dotis celebris agitur controversia, an uxor pro dote sua præferenda sit creditoribus anteriorem hypothecam non tantum tacitam, sed etiam expressam habentibus. Sunt, qui affirmant, quia l. assiduis. 12. C. qui potio-

potiores in pign. mulieri pro dote jus prælationis præ omnibus creditoribus conceditur generatim, sine distinctione: addunt Nov. 97. c. 2. & Nov. 109. c. 1. Alii contra negant; quia privilegium dotis lege concessum non debet obesse provisioni hominis, nec juri conventionem quæsito detrahere. arg. l. 2. §. 16. D. nequid in flumine publico. l. 4. C. de emancip. conf. Gail lib. 2. obs. 15. n. 10. Sit hæc species. Acquirō primum hypothecam *tacitam* in bonis Sempronii ob pecunias creditas ad refectiōem ædium. Progressu temporis Sempronius bona sua *expresse* obligat Titio creditori. Demum matrimonium contrahit cum Caja; & Sempronii bona subjiciuntur hæstæ. Porro jure communi inter hypothecas ejusdem generis, qui prior est tempore, prior est jure, nec fit discrimen inter hypothecam tacitam & expressam. Quodsi jam uxor præfertur hypothecario tacito, non item expresse (quæ videtur æquior sententia, & statuti Bavaricæ Cod. Judiciar. p. 2. c. 20. §. 6. recepta est), manifestus oritur circulus adhibito principio: *Si vinco vincentem te, vinco te.* arg. l. 14. D. de diversis temporal. præscript. Nam in specie facti dicere potero ad Cajam: Si vinco vincentem te (Titium, ob prioritatem temporis & juris), etiam vinco te. Vicissim Titius mihi regeret: Si vinco vincentem te (Cajam, ob expressam hypothecam), etiam vinco te.

§. 229. Ejusmodi circulum inter tres habentes jus ad vacaturam præbendam in eadem Ecclesia feliciter solvit Pontifex c. 7. de concess. præb. in 6. Ubi hæc species proponitur. Tres expectarunt præbendam in Ecclesia Parmensi primo vacaturam; primus Auctoritate Martini P. IV. secundus Auctoritate Bonifacii VIII. Tertius Auctoritate ejusdem *cum prærogativa gratiæ, quod omnibus Prædecessorum nostrorum Auctoritate, non autem Nostra receptis* (ut inquit Bonifacius

facius VIII.) in affectuione præbendæ debeat anteferri. Atque hi præbendas consequentur hoc ordine : ut primam secundus, secundam tertius, & tertiam primus debeat obtinere. cit. c. 7. de concess. præb. in 6. Secundus igitur consequitur per tertium, ut præferatur primo; nam jure communi tales admittebantur secundum datam gratiæ. Sic fortassis in priore exemplo, si hypotheca uxoris præcedit tacitas aliorum, non item expressas hypothecas, Titius consequitur per Cajam, ut mihi præferatur, etsi jure communi mihi præferri non debeat (g).

(g) *De alia circuli specie mentionem feci l. I. Decret. de Rescriptis §. 214.*

§. 230. Leges civiles antiquiores, quæ matrimonia quoad vinculum solvi variis ex causis permittebant, illi conjugi, qui causam discidii dederat, præter alias pœnas dictant, mulieri quidem amissionem dotis, viro autem amissionem donationis propter nuptias. l. 8. D. de Captiv. & postlim. l. 8. §. 4. & 5. C. de repudiis. Jus canonicum, etsi vinculum matrimonii ob adulterium solvi non permittat; tamen uxori adulteræ amissionem dotis, marito adultero amissionem donationis propter nuptias, legibus civilibus dictatam confirmat. c. 4. h. t. Amittit præterea pars adultera partem bonorum communium inter conjuges. c. 10. de consuetud. Ad alia bona, ceu ad paraphernalia & receptitia uxoris pœna extendi non potest. Si igitur uxor adultera judicio Ecclesiæ, aut etiam propria voluntate & conscientia criminis a marito recesserit, nec ei postea reconciliata sit; eidem dotem vel dotalitium petenti post mariti mortem, istius heredes exceptionem adulterii opponunt, etiam mere præsumti ex indiciis violentis (§. 202.), imo etiam *fide* probati, scilicet per contumaciam uxoris de adulterio accusatæ, citatæ & non comparentis (h).

Zallinger L. IV. Decretal.

O

Cessat

Cessat autem amissio dotis aut donationis propter nuptias: 1. Si hæ non uxori aut marito, sed tertio, a quo constitutæ fuerant, restitui deberent. 2. In casibus, in quibus jus divortii cessat, §. 203. Denique 3. ob privatam mariti vindictam, si adulteram in adulterio deprehensam occidit. l. 10. §. 1. D. solut. matr. Sed conf. Propos. 19. inter damnatas ab Alexandro VII.

(h) *Bahmer. Jur. Eccles. Protest. h. t. §. 31.*

§. 231. Jure canonico *communis* Judex Ecclesiasticus, etiam delegatus tantum, qui pronuntiat de divortio, etiam de dote vel donatione propter nuptias pronuntiare debet c. 3. h. t. nempe ob continentiam causarum; de qua tamen conf. L. II. Decret. §. 48. Ceterum Ecclesia & viduas & earum dotes protegere solet tum miserationis intuitu post mortem maritorum, tum etiam his viventibus, ne occasione dotis (ab alio) *detentæ uxor a viro dimissa, aut vir, qui dimisit uxorem, adulterii reatum incurrat.* c. 7. in fin. h. t. Ex quo tamen haud inferas, viro licitum esse, uxorem expellere ob dotem non solutam; sed Ecclesia periculo providet, ne id, etiam contra jus fiat. Memorabilis autem est doctrina SS. Canonum de favore, quem dotibus, ac viduis impendunt. *Licet Ecclesia* (inquit Pontifex c. 6. h. t.) *in causis viduarum se favorabilem debeat exhibere; contra justitiam tamen non est eis favor ecclesiasticus concedendus (i).* Hinc si vir uxori in dotalitium vel donationem propter nuptias, quam post ejus mortem lucretur, concessit usumfructum, quem ipse habuit ad vitam (nam morte extinguitur), aut feudum, aliamve rem post mortem, revocabilem; uxor ista viro defuncto retinere non potest; quia vir plus juris in eam transferre non potuit, quam ipse habuit. cit. c. 6.

(i) *Similis decisio extat c. II. de for. competente. Ibi: Sic sumus viduis in justitia debitores, quod aliis injustitiam facere non debemus.*

TITU-

TITULUS XXI.

DE SECUNDIS NUPTIIS.

ARGUMENTUM.

I. *Moralitas secundarum nuptiarum.* §. 232. II. *Licitæ sunt eæ quidem, sed minus favorabiles in utroque jure.* §. 237. III. *De morte prioris conjugis constare debet.* §. 239.

§. 232. **S**ecundæ nuptiæ intelliguntur hoc loco, quæ non sunt primæ valide contractæ, etsi forte tertiæ, quartæ, vel posteriores sint. Fieri potest, ut sint primæ nuptiæ relate ad unum conjugem, secundæ relate ad alterum. Prima est quæstio de *moralitate* secundarum nuptiarum ex ratione naturali, causis politicis, principiis Christianæ Religionis.

§. 233. Spectata ratione naturali fieri aliquando potest, ut necessitas quædam aut justa causa impellat ad secundas nuptias; neque considerata *corporum* conjunctione adest ratio, cur secundæ potius, quam primæ sint evitandæ. Feminis tamen viduis cavendum, ne ad immaturum properent conjugium intra annum luctus tum ratione honestatis, tum ad evitandam sanguinis perturbationem. Hæc ratio ad sponfas, aut maritos viduos non pertinet. Nam *uxores viri lugere non compelluntur: sponsi nullus luctus est.* l. 9. D. de his, qui notantur infamia. Si, quod præcipuum est in conjugio, *animorum* inter conjuges spectatur conjunctio, secundæ nuptiæ mutationem affectus, & genus quoddam infidelitatis continent; ob quod illæ ab antiquis Scriptoribus quibusdam *decorum adulterium*, & *honestæ fornicatio* dictæ sunt. Primæva matrimonii institutio non tantum simultaneam, sed etiam

successivam polygamiam videtur excludere. *Prima hominis creatura nos doceat plures nuptias refutare. Unus Adam, & una Eva, imo una ex eo costa separatur in feminam; rursumque quod divisum fuerat, nuptiis copulatur, dicente Scriptura: Erunt duo in carnem unam, non in duas, nec in tres. Propter quod relinquet homo patrem & matrem, & adhærebit uxori suæ, certe non uxoribus; ut inquit S. Hieron. de Monogamia Epist. 11. ad Ageruchiam.*

§. 234. Ex causis politicis variæ gentes aversabantur secundas nuptias, præsertim quod illæ liberis prioris matrimonii essent infestæ, quibus a noverca aut vitrico bonorum aut sæpe etiam vitæ periculum imminebat. Leges Romanæ feminas intra annum luctus nubentes notant infamia, aliisque afficiunt pœnis. l. 1. C. de secund. nupt. (a). Sed pœna infamiæ abrogata est jure canonico, quod etiam in foro obtinet civili. c. 4. & 5. h. t. Paulus enim inquit de muliere: *Si dormierit vir ejus, liberata est; cui vult, nubat.* I. Cor. VII. 39. Hanc correctionem usus utriusque fori extendit ad alias pœnas, quatenus pœnæ sunt. Nam illud naturale est secundis nuptiis viduæ, ut amissis juribus prioris mariti transeat in domum, potestatem, forum & conditionem posterioris mariti. L. 22. §. 1. D. ad Municipal. Nov. 22. c. 36.

(a) *De anno luctus conf. Merill. observat. l. 5. c. 30.*

§. 235. Sunt alia ex causis politicis in favorem liberorum prioris matrimonii constituta, quæ abrogatis etiam pœnis secundarum nuptiarum vigent: I. Mater ad secundas nuptias transiens amittit tutelam liberorum. l. 2. Auth. *Matri & Avia.* & Auth. *Sacramentum.* C. quando mulier tutel. offic. fungi potest. II. Nec potest donata liberis primi matrimonii ob ingratitudinem revocare. l. 7. C. de revocandis donat. *Exceptis*

septis tribus casibus expressis in Auth. *quod mater.* ib. ex Nov. 22. c. 35. III. Conjux ad secundas nuptias transiens amittit tum proprietatem lucrorum a priore conjugē ei relictorum, tum usumfructum a prædefuncto relictum. Utrumque accrescit liberis prioris matrimonii. l. 6. §. 1. & 3. l. 8. §. 1. C. de secund. nupt. Nov. 98. c. 1. l. un. C. si secundo nupserit. IV. Non potest superstes conjux in alterum conjugem plus conferre, quam uni ex liberis, cui minimum dedit, obvenit. l. 6. pr. l. 10. pr. C. de secund. nupt.

§. 236. Secundum principia Christianæ Religionis maximo in honore erat virginitas: altero censebantur gradu, qui primas contraxissent nuptias, quibus morte solutis maximopere commendabatur status viduitatis, orationi, sanctorumque operum studiis addictus. I. Cor. VII. 8. & I. Timoth. V. 3. seq. Tertio demum aut infra tertium gradum habebantur, qui ex miserabiliore infirmitate secundas aut ulteriores contraxissent nuptias. In secundis ergo nuptiis incontinentiæ præsumptio inesse videbatur sanctis Ecclesiæ Patribus. Viduitatem enim ex doctrina Apostoli suadentes præsertim feminis, solo incontinentiæ periculo secundas nuptias admittebant (b). Agnoscebant præterea SS. Patres, in secundis nuptiis perfectam mysterii significationem non inesse. Primo enim matrimonio junctus uxori maritus Christum Ecclesiæ junctum repræsentat; quod quidem fœdus indissolubile est. At secundæ nuptiæ, etsi idem mysterium significare quoquo modo possint, tamen quia prioris conjugii dissolutionem indicant, minus perfecte id faciunt. Unde S. Hieronymus post verba §. 233. recitata illico subjungit: *Quod testimonium (Gen. II. 24. Matth. XIX. 5.) Paulus edisserens ad Christum refert, & ad Ecclesiam; ut primus Adam in carne, secundus in spiritu monogamus sit. Sit una Eva mater cunctorum viventium; & una Ecclesia, parens omnium*

Christianorum. Sicut illam maledictus Lamech in duas divisit uxores: sic hanc hæretici in plures Ecclesias lacerant; quæ juxta Apocalypsen Joannis synagogæ magis diaboli appellandæ sunt, quam Christi conciliabula.

(b) *I. Timoth. V. 14. ibi: Volo juniores (viduas) nubere, filios procreare, matresfamilias esse: nullam occasionem dare adversario maledicti gratia. In quæ verba sic commentatur S. Hieronymus loc. cit. Volo, inquit, adolescentulas nubere. Cur, quæso? Quia nolo adolescentulas fornicari. Procreare filios; quam ob causam? Ne metu partus ex adulterio filios necare cogantur. Matresfamilias esse; quare obsecro? Quia multo tolerabilius est, digamam esse, quam scortum; & secundum habere virum, quam plures adulteros.*

§. 237. His præmissis decidendum: I. Secundæ nuptiæ ipsæ malæ non sunt, nec damnandæ. I. Cor. VII. 39. Montanistæ & Novatiani, qui illas damnabant, ita, ut cum binubis nec communicare vellent, damnati sunt in Concilio Nicæno can. 8. Idem Ecclesia declaravit contra Græcos, & Concilium Florentinum in Decreto pro Jacobinis (c). II. Sunt tamen secundæ nuptiæ minus favorabiles, quam primæ, in utroque jure, ex rationibus supra indicatis.

(c) *Concilium Neocæsariense, quod refertur a Gratiano can. de his. 8. XXXI. q. 1. tempus quoddam pœnitentiæ & temporalem separationem a communione præscripsit iis, qui frequenter uxores ducunt, & illis, quæ sæpius nubunt: hoc addito: Sed conversatio & fides eorum tempus abbreviat. Can. hac ratione. q. ib. ubi honesta fornicatio appellatur secundum matrimonium, non est S. Chrysostomi, sed alterius auctoris, qui sæpius cespitavit. S. Hieronymus loco supra cit. scribit. Rem dicturus sum incredibilem, sed multorum testimoniis approbatam. Ante annos plurimos, cum in Chartis ecclesiasticis juvarem Damasum, Romanæ urbis Episcopum, & Orientis atque Occidentis Synodicis consultationibus responderem, vidi duo inter se paria, vilissimorum e plebe hominum comparata, unum, qui viginti sepelisset uxores; alteram, quæ vicesimum secundum habuisset maritum, extremo sibi, ut ipsi putabant, matrimonio copulatos.*

§. 238.

§. 238. Jus utrumque parum favere secundis nuptiis, ex his patet decisionibus: I. Bigami sunt irregulares, nec admittuntur ad Ordines clericales. L. I. Decr. tot. tit. *de Bigamis non ordinandis*. Olim etiam diaconissa non fiebat, nisi unius viri uxor (d). II. In secundis nuptiis non adhibetur solemnis benedictio c. 1. & 3. de secund. Nupt. quia benedictiones rerum & personarum iterandæ non sunt. Cum vero totum hoc ad disciplinam pertineat, quæ varia est variis locis & temporibus, quivis statuta & Ritualia suæ Diœceseos sequi debet (e). III. Olim presbyteri interesse prohibebantur convivio secundarum nuptiarum; ne ipso facto eas approbare viderentur. cit. can. 8. XXXI. q. 1. IV. Si heredi aut legatario, qui in matrimonio nondum fuerat, adjicitur conditio: *Si matrimonium non contraxerit*; ea habetur pro non adjecta, ita, ut hereditas vel legatum non obstante matrimonio possit exigi (f). Id ad casum secundarum nuptiarum extendi non potest. Nov. 22. c. 43. seq. ubi corrigitur l. 2. C. de indicta viduit. Nec vero per sacros Canones huic dispositioni juris civilis derogatum est.

(d) I. Tim. V. 9. ibi: Vidua eligatur non minus sexaginta annorum, quæ fuerit unius viri uxor, in operibus bonis testimonium habens.

(e) In Rituali Augustano Tit. 38. n. 17. sic præscribitur: „Caveat etiam Parochus, ne, quando conjuges in primis nuptiis benedictionem acceperunt, eos in secundis benedicat; nisi consuetudo vigeat, quæ non improbanda, Et in nostram Diœcesin utiliter introducenda, ut, si mulier nemini unquam nupserit, etiamsi vir aliam uxorem habuerit, nuptiæ benedicantur: sed viduæ nuptias non benedicat, etiamsi vir ejus nunquam uxorem duxerit.“

(f) L. 22. §. 1. 72. §. 5. D. de condit. Et dem.

§. 239. Nuptiæ secundæ nec viduo, nec viduæ concedi debent, nisi tales re ipsa esse constiterit, h. e. nisi de morte prioris conjugis habeatur certitudo moralis c. 19. de spons. & c. 2. h. t. (g). De hac certitudine
regula

regula generalis dari nequit ob varia adjuncta remotæ regionis, diuturnæ absentiæ, ætatis, belli aut pestis grassantis &c.: ex quibus iudex arbitrari debet, utrum transitus ad secundas permitti, an prohiberi vel attentatus puniri debeat. Fieri potest, ut testimonium unius, aut fama, si alia concurrant adminicula, sufficiant. Arg. l. 5. §. 6. D. de re militari. & c. 24. de accusat. Si contractis secundis nuptiis dubium aut certitudo de vita prioris conjugis supervenit, decisio facienda ex c. 2. h. t. & ex principiis alibi datis §. 190. 199.

(g) *Verbum constat, eam indicat notitiam, quæ formidinem de opposito excludit. Ex his autem locis supplendus & explicandus est can. 1. § 1. XXXIV. q. 1 & c. 5. §. 4. ut lite non contestata. Conf. Emanuel Gonzalez ad c. 19. de sponsal. Ceterum tum adductis supra locis, tum in Novella Justiniani 117. c. 11. corrigitur l. 6. D. de divortis, quæ dubitanti de morte conjugis absentis, licentiam concedit nubendi post quinquennium expectatum, vel post quadriennium, ut habet l. 7. C. de repudiis.*

O. A. M. D. GL.

ERRATA:

Pag. 45.	Lin. 20.	pacifica.	Lege:	pacifice.
114.	- penult.	responsio.	-	responso.
122.	- - 9.	relate ad l.	-	relate ad K.
124.	- - 22.	§. 138. principio lineæ, facta sectione positus concipi debet.		
129.	- - 27.	Caio.	- Lege:	Caia.
131.	- - 20.	in gradu quarto.		in gradu secundo.
142.	- - 2.	decerunt.	-	decernunt.
159.	- - 25.	Serv. disparis.		Serv. aut disparis.
165.	- - 11.	eodem.	-	eadem.
172.	- - 22.	prohibetur.	-	prohibeatur.
182.	- - 30.	expcetiones.	-	exceptiones.
186.	- - 21.	atque hæc.	-	atque hæc.
189.	- - 19.	calumniam facere.		calumniam faceret.

100

[illegible]





